



الشيء السيوفى

رواية

رَأَيْتُ مَوْضِعِي بِجَهَنَّمَ


دارك

الشيء السيوفى

رأيت موضعي بجهنم

رواية


دارك
النشر والتوزيع

إهداء

إلى الذي إن سُئِلْتُ عنه.....رمزت رمزاً و لم أَسْمِي

.. بل إنهما ظهرتا هناك بالفعل، لكهما ظلتا تقتربان، أو تتضخمان
بسرعة، حتى احتلتا المساحة البصرية الكاملة لكل من المرأتين المدعورتين،
لتختفيا بعدها فجأة، هما وهبّة الهواء الباردة التي اختفت كما ظهرت
بالتزامن معهما. وكل هذا لا يعني إلا شيئاً واحداً ..

أنه، بسم الله الرحمن الرحيم، كان هناك شيء بالفعل يقف عند النخلة
المائلة .. وأن ذلك الشيء، والعياذ بالله، قد مر من بينهما.

يا موضع الناظر من ناظري ويا مكان السرّ من خاطري
يا جملة الكلّ التي كلّهما أحبّ من بعضي ومن سائري

(1)

عشقتك عيني فابتليت بصحوتي ... حاشا لعين شاهدتك تنام

القاهرة (2014)

لعتن (دنيا) في سرها حرارة الجو وهي تسير بخطوات سريعة نحو شؤون الطلاب في الحرم الجامعي، رأسها مغطى بحجاب أسود أنيق، يتناقض في شدة مع بياض وجهها ليجعله أكثر إشراقاً، لكنه في نفس الوقت يمتص حرارة أعلى تركت كل وجهها على بياضه فيما عدا خديها اللذين أضاف لهما الحر والعصبية، حمرة طبيعية زائدة، فوق الحمرة التي وضعها هي فوقهما قبيل تركها للمنزل.

وصلت لشؤون الطلاب لتصطدم بالازدحام، وتلعن نفسها هي كذلك لتأخرها. قطبت جبينها وهي تدرك أنه لا خيار أمامها سوى الصبر، فالיום هو آخر فرصة لها كي تدفع المصروفات، ولا يوجد لديها أي فراغ آخر في أي يوم يليه، حتى تنتهي مهلة الدفع. اقتربت لتقف في ذيل طابور الطالبات الطويل أمام منفذ كلية الآداب، وبحث بعينها عن أي واحدة من صديقاتها أو أي شخص تعرفه فلم تجد. فتحت حقيبها لتعد نقودها للمرة الثالثة منذ خروجها من المنزل، حيث أخذت مبلغاً محترماً من المال، مازالت تخشى أن يكون المطلوب أكثر منه، لذلك رفعت رأسها وتنحنحت قليلاً قبل أن تقول:

هي المصاريف كام السنة دي؟

لم يكن سؤالها موجهاً لشخص بعينه، بل لأي متطوع بالإجابة.

-يقولوا زادت حوالي 100 جنيه عن السنة اللي فاتت

التفتت لمصدر الإجابة التي أتت من طابور الطلاب الملاصق لطابورها، من شاب طويل عريض الكتفين، يبدو أنه الوحيد الذي سمعها من بين الموجودين، أو الوحيد الذي اهتم أن يجيبها ربما.

- وده لكل الكليات بكل أقسامها؟

- مش متأكد بصراحة، بس أظن أه

هزت رأسها شاكرة فجاوبها بابتسامة مهذبة ليعود كلاهما وينظر أمامه، كل إلى طابوره الطويل. مضى الوقت ببطء و(دنيا) تشعر أن طابورها لا يحرز تقدماً يُذكر، خاصة بالمقارنة مع المجاورين له. شبت على أطراف أصابعها عليها ترى أو تستنبط سبباً للتأخير فلم تفهم شيئاً. بدأت تشعر بشيء أشبه بالدوار جعل جسدها خفيفاً ورأسها معدوم الوزن. نظرت للطابور المجاور لتجد الشاب الذي رد على سؤالها، وكان بمحاذاتها وقتها، وقد صار على بعد طالبين أو ثلاثة فحسب من المنفذ.

ازداد إحساس الدوار بشدة وصاحبه غثيان عنيف، دارت برأسها قليلاً إلى الخلف لتصطدم عينها بعدد يلها من الطالبات يفوق بكثير من يسبقها، لو خرجت الآن منه فقد ضاعت كل وقتها، حتى لو عاودت أخذ دور بعد أن تتحسن، وبحسبة بسيطة أدركت أنها ستجد نفسها وصلت أخيراً إلى المنفذ في الوقت الذي تهم فيه موظفته العابسة بركوب الميكروباس المتجه إلى منزلها.

تسببت بالحاجز المعدني القصير بين الطابورين، وهي تشعر أن العالم الخارجي يتبعد في ضوضاء استاتيكية غريبة. ولسبب ما، ربما لأنها تراه أمامها، أو لأن عقلها احتفظ بذكرى قصيرة مسجلة له، وجدت نفسها تعود

وتنتبه للشاب الذي أجابها. لم تستطع طلب المساعدة ليجل أو ضعف، وتساءلت إن كان هناك من سيساعدها أصلاً، وكل من حولها أغراب لا تعرفهم، ولكن بدأ وأن عقلها المشوش قد خلط عليها الأمر ليعطيها إشارات زائفة أن ذلك الشاب ليس بغريب، وأن النجدة آتية، أو يجب طلبها، من عنده.

نظرت له بصعوبة وقد بدأ بصرها يتضبيب، يحدث شخصاً بجواره مضاحكاً إياه على ما يبدو، ومشيئاً بيده إلى شيء ما خلفهما. حانت منه التفاتة قصيرة عابرة إلى الخلف جعلته يعيدها مرة أخرى بقوة بعد أن اصطدمت عيناه بوجهها الشاحب وعينها الزائغتين. رأت عينيه تتسعان قليلاً وفمه ينفرج ليقول عبارة لم تسمعها إلا بعد أن أعادها عليها للمرة الثانية:

- إني كويسة؟

لم تجيب، بل لم تستوعب في البداية سبب اتساع عينيه ثم ما لبثت أن التقطت أذنها رنة القلق الخفيفة في سؤاله والتي تحولت سريعاً إلى الحزم وهو يمد يده نحوها قائلاً:

- هاتي إذن الدفع وروحي اقعدى

بدا لها العرض مغرباً بقدر ما هو غريب، لتفكر قليلاً أتقبله أم لا، وتتردد وهي ترفع يدها بالإذن قليلاً. فغضض الشاب عينيه إليها بتردد قبل أن يمد يده هو ببطء وحذر ليلتقط الورقة الصغيرة من بين أصابعها بخفة، ودون أن تلمس أصابعه أي جزء من يدها.

- روجي اقعدى

قالها بعزم هادئ يحمل شعرة حنان لم تعرف من أين التقطتها بالضبط، فملامحه وعيناه ظلت تحمل تعبيراً هادئاً آميل للبرود، ولا يشي عن أي شيء، لكنها لم تفكر في الأمر كثيراً وهي تشعر أن ذلك الإذن كان حملاً ثقيلًا ألقته عن كاهلها، لتصب تفكيرها في البحث عن أقرب مكان يصلح للجلوس، ومن حسن الحظ وجدت مقعدًا خشبيًا أوصلتها له خطواتها القصيرة المرتعشة أخيرًا في الوقت المناسب، لتلقي نفسها عليه وهي تحمد الله في سرها.

احتارت قليلاً وهي لا تدري ما يجب عمله، ولا إن كان من الأفضل أن ترتاح قليلاً ثم تبض بنفسها للبحث عن الشاب، أم تثبتت في مكان واحد كي يعثر عليها هو. ولكن كيف؟ هل يعرف شكلها جيدًا؟ والأدهى، هل تعرف هي شكله أصلاً؟ هي لا تذكر من ملامحه سوى أنه أبيض البشرة أسود الشعر، طويل القامة عريض الكتفين، عظيم، عليها فقط أن تبحث عنه بين كل شاب طويل أبيض ذو شعر أسود يمر من أمامها، يعني نصف الشعب المصري مثلاً، أو ثلاثة أرباع الجامعة!

ضغطت على دماغها المضغوط عليه أصلاً، وهي تحاول تذكر أي تفصيلة أخرى في شكل الشاب أو هيئته، ملامحه، أي شيء، لون عينيه لم يسجل في ذاكرتها في المرة الأولى التي نظرت فيها إليه، أما في المرة الثانية، فقد كانت عاجزة عن رؤية ملامحه بوضوح أصلاً، فضلاً عن تخزين أي منها في مخها.

هي تذكر اللون الأبيض، لم يكن منبعثاً من وجهه فقط، بل كانت هناك حالة بياض مشوش في مكان ما، ملامحه ربما، والتي تذكر أنها كانت مهنمة أنيقة وتبدو غالية الثمن. اتسعت عيناهما عند ذكر المال، لتتذكر أيضاً أنها لم تعطي الشاب أي نقود، فلا ريب أنها تبدو قليلة الذوق أو بلهاء جداً في نظره الآن، خاصة وهي لا تعرف فعلاً إن كان يحمل في جيبه ما يغطي

مصاريفهما معاً، حتى وإن بدا ثرياً أو ميسور الحال كما يظهر على ملبسه وهيئته.

اندمجت في أفكارها حتى شردت عينها رغماً عنها وسط محاولاتها البائسة للتدقيق في كل ما ز تنطبق الأوصاف عليه. مرت برهة قصيرة من الوقت بدت لها طويلة بشكل مقلق، لكن قلقها ذاك لم يفلح، على شدته، في انتزاعها من شرودها، حتى أنها لم تلاحظ ظهور الشاب من خلف ركن المبنى القريب، وهو يضع يده اليمنى فوق عينيه وكأن يتقي الشمس أو يدقق بصره الذي راح يجيله ببطء بين الجالسين على المقاعد حتى توقف عندها، ليقرب منها يهدوء حتى يدخل مجال بصرها، ويأتيها صوته يقول:

- عاملة إيه دلوقت؟

أجفلت قليلاً وفتحت فمها لكنه لم يمهلها لتجيب، أو بدا وكأنه لا ينتظر أن تفعل، وهو يجلس على مسافة متوسطة منها على نفس المقعد، ويضع في يدها شيئاً، بنفس الغفة التي التقط بها إذن الدفع منها، قائلاً:

- إشريني ده

تبيتت ما بيدها لتجدها عليه عصير صغيرة، ولتلتفت إلى الشاب وهي تم بقول شيء ما هذه المرة، عبارة شكر أو اعتذار، أو حتى إجابة عن سؤاله على الأقل، إلا أنه عاجلها ثانية وهو يضع بالقرب منها زجاجة مياه صغيرة ويعود ليقول:

- خلي دي كمان معاكي، بس اشربي شوية عصير الأول

أنهى عبارته ليبدو عينيه عنها مرة أخرى وبولي اهتمامه لجيب قميصه يبحث فيه عن شيء ما. أما هي فقد كان وعيها يعود تدريجياً وعقلها يستعيد

بصرها المضرب لا يكاد يفك طلاسم خط موظف المنفذ، فلم تتمكن من قراءة شيء. وعبث الحرج بكلماتها لتخرج منها بلا تنسيق وهي تجذب حقيبتها وتهم بفتحها في حين يقول هو:

- يا فندم ما تشغيلش بالك بالموضوع من فضلك. الحكاية مش مستاهلة

فتحت الحقيبة وراحت تعبت بداخلها بحثاً عن محافظتها وعينها على الإصبال تحاول فك شفرته في نفس الوقت، أما شفتها فقد ظل سيل الكلمات الغير مترابطة ينهمر من بينهما:

- لأ ده أنت جيت حاجات كمان لا .. أنا هشوف، أنا .. أصل ما ينفعش خالص يعني، ما ينفعش..

فوجئت بيده تهبط على حقيبتها مثبتة إياها بعزم خفيف جعلها ترفع عينها إليه لترى فيهما بسمة عتاب خفيفة وهو يقول:

- اللي أنتي بتعمليه هو اللي ما ينفعش على فكرة، وما يصحش، دي حاجة بسيطة أصلاً

- لأ مش بسيطة! وإنك لازم تاخد فلوسك

- وأنا والله ما هاخذ منك حاجة. خلاص بقى أنا حلفت

- لا مش هي ...

- بالله عليك ما تصوميني ثلاث أيام في الحر ده

إدراكه الذي أدهشته مفاجآت هذا الشاب، الواحدة تلو الأخرى. استخرج من جيبه أخيراً ورقة صغيرة مد يده بها إليها وهو يقول:

- الوصل

مدت يدها لتلتقط الإصبال وهي تراقبه في صمت ذاهل يتأهب للهبوض والرحيل، فاستجمعت قوتها فجأة كي تهتف به:

- ثانية واحدة من فضلك!

التفت لها بتساؤل خفيف على وجهه الهادئ الذي بدأت تتبين ملامحه الوسيمة أخيراً، والتي تأملتها وهي تقول:

- حضرتك .. حضرتك دفعت إيه؟

خرج السؤال منها بحدة لم تردها، بدا وكأن مبعها غضب منه في حين كان مبعها الحقيقي هو حرجها هي من نفسها، أما هو فلم يبد عليه أنه تأثر بحدتها تلك على الإطلاق وهي يجيب ببساطة:

- المصاريف

خفضت عينها وحده صوتها في خجل وهي تعود لتسأل:

- أيوه يعني كام؟

- مش فاكر

- مش فاكر؟ لأ، مش .. إزاي يعني؟ لأ .. لأ ما ينفع..

بترت عبارتها حين فطنت إلى غباء سؤالها وهي تنتبه فجأة أنها تحمل في يدها إصبال الدفع الذي يحمل قيمة المبلغ المدفوع أو أن كل ما عليها فعله هو أن تلقي نظرة صغيرة عليه فحسب. لكنها حين حاولت ذلك وجدت أن

لم تتمالك نفسها من الطريقة التي نطق بها عبارته ومن العبارة نفسها، لتفلت منها ضحكة خفيفة جاوبها هو بضحكة مماثلة، كفت بعدها عن محاولة إخراج المحفظة، وغمغمت باستسلام وهي ما تزال مبتسمة:

- أيوه بس..

سحب يده بجواره وهو يسترخي في جلسته قائلاً:

- ما بسش، إحنا زمايل وده عادي جدًا، واشربي العصير بقى قبل ما يبقى مري

ضحكت ثانية وهي تفتح علبة العصير بالفعل، قائلة:

- يعني لو الوضع معكوس، وأنا اللي دفعت، كنت هتسيبني عادي؟

- لأ طبعا

- ليه بقى؟

- لأنني ما كنتش هسيبك تقفى على الشباك أصلاً وأقعد أنا

- إشمعني؟

- عشان ما فيش راجل يعمل مع بنت كده

- حتى لو تعبان؟

- تحت أي ظروف

ورغم بساطة عباراته، وبساطة قوله لها، إلا أنها جعلت عيني (دنيا) تتركزان عليه بشيء من الإعجاب وهي تتأمله بالكامل في نظرة سريعة، مختلصة، خجلى. طوله الفارع وكتفيه العريضتين، شعره الناعم شديد

السواد، وبشرته شديدة البياض، والتي لم ينقص بياض قميصه من بياضها شيئاً، أنهف المستقيم وحاجبيه العريضين فوق عينيه الواسعتين الحادتين التي انتهت إليهما أخيراً، وإن لم تحدد لهما لوناً بعد، ربما لأن إدراكهما وبصرهما لم يعودا لطبيعتهما بالكامل بعد، وإن كانت تستطيع القول أن لونهما بني تقريباً، بني فاتح ممتزج بلون آخر، لم تتمكن من تمييزه بعد.

- معلش أنا مضطر أستأذن منك عشان ورايا محاضرة

- إنت معانا في تالنتة؟ أنا مش فاكرة إني شوفتك قبل كده، أنت

انتساب؟

انددهشت من كم ما قالتة وشعرت بخجل خفيف من فضولها الذي أظهرها كالمطفلة، في حين قال هو ببساطة:

- أنا مش في آداب

نظرت له بعجب وهي تشير إلى المبنى القريب قائلة:

- بس ده مبني آداب، شباك آداب .. اللي كنا عنده

ابتسم الشاب وهو يقول:

- عارف

- طب كنت بتدفع مصاريف آداب ليه لما أنت مش في آداب؟!

- كنت بدفع لواحد صاحبي مش ليا، عيان ومش قادر بييجي يدفع هو

أومأت برأسها علامة الفهم وهي تشعر أن إعجابها به يزداد، ووجدت نفسها رغماً عنها تعود لتمطره بالأسئلة دون أن تشعر:

- أمال أنت في كلية إيه؟

- حقوق

- سنة كام؟

- رابعة

- واسمك إيه؟

- صالح

أجفلت حين وصلت معه إلى هذه النقطة وهي تشعر أنها قد تعدت حدودها قليلاً، كأنها متطفلة أو جريئة، أو تتعمد تأخيره كلما همّ بالرحيل كي تستبقيه بجوارها، وهي طبعاً لا تفعل ذلك، طبعاً! هي فقط .. تبدو وكأنها تفعل. ورغم البساطة التي بدت في صوته وهو يجيبها، فقد اعتراها خجل حاولت أن تداريه بصوت تحشرج وهي تقول متصنعة المزاح:

- أنا قلت يعني بما إن إنت بقى عرفت اسمي وكده، قمش معقول ما أبقاش أنا كمان عارفة إسمك، عشان اشمعني يعني!

ابتسم بقليل من الخجل وهو يقول:

- بس أنا معرفش إسمك

وجمت قليلاً قبل أن تتمعن في وجهه لثوانٍ لتتبين ما إن كان يمزح، فلما لم تجد في وجهه ما يدل على ذلك، أسرع لتقول:

- ماتعرفوش إزاي؟ أنا إذن الدفع يتاعي كان معاك، وإنت اللي جايب لي الوصل بنفسك، وطبيعي إسمي على الإنتين، إسمي الثلاثي كمان!

ازداد اتساع ابتسامته مع ازدياد الخجل فها وهو يبعد عينيه عنها قليلاً ويقول:

- ما أنا ما بصيتش فيهم

- ولا الموظف نده الإسم اللي على الوصل عشان صاحبه يستلمه؟؟

- ما ركزتش والله، أنا كنت منتبه قوي بس لحد ما أخذت الوصل، وبعدين ما فكرتس أحفظ أو أفتكر

ابتسمت في تلك اللحظة وهي تراقب خجله الخفيف الذي لمحت فيه لمسة طفولية جعلت ابتسامتها تتسع وهو يتابع كلامه قائلاً:

- هو كان حاجة بحرف الدال تقريباً، صح؟ .. (دنيا)؟

تبادلا الأدوار لحظتها ليرتبك هو بشيء من الخجل ويعك رأسه بحيرة، وابتسامته تتسع حتى تتبدى أسنانه البيضاء.

(دنيا)

زفر نفساً لم ينتبه أنه حبسه في صدره وهو ينظر لها قائلاً:

- كويس، ما بعدتس قوي يعني

تبدت أسنانهها هي الأخرى ووجهها يشرق بابتسامة انقلبت إلى ضحكة خفيفة جاوبها هو بضحكة ماثلة قبل أن ينظر في ساعته قائلاً:

- أنا أسف، بس مضطر أقوم دلوقت، يادوب ألحق المحاضرة

أعادتها عبارته إلى أرض الواقع لتقول بسرعة:

- آه أه طبعاً، إتفضل

تابعته ببصرها بقليل من الأسف وهو ينهض ويعدل ملابسه بسرعة قبل أن يلتفت لها قائلاً:

نسمات هواء الليل المنعش حملت رائحة العشب المقصوص حديثاً إلى الأنوف، وخلقت جوّاً من الراحة الهادئة والسلام النفسي الذي عم السائرين المتناثرين في أنحاء المكان، المتجهين إلى نفس النقطة. أصوات صرصور الحقل الرتيبة وصوت الخريشة الخفيفة من احتكاك أقدامهم بالرمال الرطبة، صنعت ما يشبه موسيقى تصويرية هادئة لحدث كبير مرتقب.

غايتهم جميعاً هي ذلك المبني الأبيض البسيط في مظهره. العظيم في قلوبهم. مهرولون نحوه ليتركوا نعالهم كيفما اتفق وسط فوضى من مثيلاتها تتأثر حول المداخل، بعد أن فاضت بها الخزائن المخصصة لها، ويدخلون لينضموا إلى الجمع الجالس على الأرض المفروشة بالسجاد، في صالة مستطيلة واسعة تآثرت فيها الأعمدة، نصفها الأمامي للرجال والخلفي للنساء، بمدخل لكل منهما، وحاجز قصير يسمح بعبور الأطفال بحرية بين القسمين، كفصل معنوي أكثر منه مادي، لأن كل من في المكان بمثابة أهل لبعضهم البعض، كأسرة كبيرة متحابّة بقدر ما هي محافظة.

تجمع مهماتهم ملاً المكان كضوضاء خافتة تملو عشوائياً كل حين، أحاديث جانبية أو ذكر هامس على المساح الملتفة حول معاصم وأصابع الكثيرين، مختلفة في ألوانها وأشكالها، وجميعها بمثابة حبة وعدادين. علت المهمة فجأة وبقوة لتتحول إلى صلاة وتسلم على النبي خرجت جماعية موحدة من الكل حين ظهر مولانا، الشيخ (مصطفى)، في جلباب كحلي بسيط وأنيق في الوقت ذاته، يعلوه عباءة بنية لا تقل أناقة، بقامته المتوسطة المائلة للطول، ووجهه الوسيم المريح ذي البشرة القمحية.

ورغم اتساع الصالة، إلا أن كل من فيها تمكن من رؤيته بوضوح، البعيد والقريب، فهناك تلك الشاشات التليفزيونية الصغيرة المعلقة على

- شكراً

- وعاملة إيه دلوقت؟ أحسن؟

- آه الحمد لله، أحسن كثير

- أكيد مش محتاجة أي حاجة؟

- آه والله ما تقلقش، أنا تمام

ابتسم وهو يتراجع بظهره قليلاً قائلاً:

- طيب، فرصة سعيدة جداً يا أنسة (دنيا)

- أنا أسعد يا (صالح) .. آآ هنتقابل ثاني أكيد

شعرت أنها تسرعت في إضافة تلك العبارة الأخيرة، ولم يخرجها من تأنيبها لنفسها إلا بصوته الهادئ وابتسامته المهذبة وهو يقول:

- أكيد طبعاً، وأنا تحت أمرك لو احتجتي أي حاجة

تبع عبارته بأن هز رأسه مستأذناً بأدب وهو يستدير ليسيير بخطوات مسرعة مبتعداً و(دنيا) تتابعه ببصرها مبتسمة بإعجاب، ومتمتمة في سرها:

- صالح

القاهرة (1977)

منطقة (الحسين)

ربما لم يكن في الدرس الأسبوعي الذي يلقيه الشيخ (آدم) على مردييه، الكثير مما يميزه عن غيره من دروس الطرق الصوفية الأخرى على اختلافها، وأما ما لم يختلف عليه اثنان من قريب أو بعيد، فهو الشيخ (آدم عبد الحى) نفسه، فالرجل بالقطع يختلف عن أقرانه من مشايخ تلك الطرق، اختلاف في شيء أبعد من المظهر والملبس، وإن كان يشملهما بطريقة ما، فجلابيه وعباءته، والعمامة التي التف قماشها متقاطعا على جبينه، المجتمعون في سواد تام غير مألوف، والمتناقضون بشدة مع بياض بشرته، يعطونه هيبة وجلال فريدين من نوعهما، خاصة مع قامته الفارعة وبنيتة العريضة. أما وجهه، فقد أجمع الكل على أنه يحمل صفة ما، تجعل الناظر إليه مأخوذاً به، مأسورا بحركاته، وكلماته، وسكنته، صفة لم يفهم أحد من أين تأتي بالضبط، من عينيه الواسعتين الحادثتين أم الحاجبين العريضين فوقهما؟ من أنفه الكبير المستقيم أم شاربه المنمق أسفله، الموصول بلحية كثيفة ناعمة مهذبة؟

من على مجلسه المعتاد فوق شلثة بسيطة وُضعت مباشرة على الأرض، نهض الشيخ (آدم) ممسكا بمسبحة الطويلة كبيرة الخرزات، التي لا تفارق أصابعه، السوداء كزبه، والتي تضيف عليه كذلك المزيد من الرهبة والقليل من الغموض. وقبل أن تنفرد قامته الشيخ بالكامل، كانت قامات المريردين تنشد معتدلة بسرعة، احتراما لهوضه، ولكي لا يظل أحدهم جالسا بعد أن يتم هو وقوفه.

كان هموم الشيخ بالتهوض هو العلامة الأولى لانتهاه درس الليلة، أما العلامة الثانية، فقد كانت أصوات المؤذنين العذبة المتداخلة، التي اتسلت

بضعة أعمدة كي تنقل صورته، عدا عن عيني الشيخ المشرقتين الحادثتين، واللتين تُمكنان الناظر إليهما من رؤية لمعتهما وإن كان على بعد أمتار، وابتسامته الواسعة الطيبة تظهر أسنانه النضيدة التي تلمع كعينيه.

لكن أهم ما في الأمر هو روح الشيخ نفسها، حضوره الأسر الذي يفرض نفسه على الجميع، ويجعله يظهر في صورة الأب الحنون الحازم، خاصة مع تلك الشعيرات الفضية التي تناثرت بين سواد شعره القصير، وشاربه المنمق، وتلك اللحية الصغيرة المحيطة بفمه، والتي تضي عن حكمة وعمر متقدم.

اتخذ طريقه من مدخله الخاص إلى مجلسه المعتاد على المقعد الخشبي الكبير في رأس القاعة، التي هدأت بعد انتهاء تبادل التحية بينه وبين مردييه، ليجلس في تواضع على المقعد المزخرف، ويبدأ حديثه في بساطته المعهودة، ملقيا درس الليلة على أذان السامعين، ونزل الخشوع كما نزلت السكينة، على قلوب المجتمعين.

ادْخُلُوهَا بِسَلَامٍ آمِينَ

خلاء - تاريخ غير معروف

أنا الأفضل وهو من يلقي القبول والمعاملة الحسنة، أنا الأكبر وهو من يستأثر بنصيب الأسد في كل شيء! اظلم يجعلني غاضب بشكل لم أعهده في نفسي من قبل، وأنا أسير في ظلام الليل شارداً أفكر، وأحدها، لا أعرف إن كانت تقنعتني بالمضي قدما أم بالتقهقر للوراء، وأتعجب أنهم أرسلوني أنا بالذات خلفه لأرى ما أخره، مع كل ما حدث، وكل ما بيننا.

مع نساءم الليل اللطيفة من نوافذ دار الطريقة، حاملة أذان العشاء الذي ينتهي معه الدرس، كما يبدأ عقب صلاة المغرب، ككل خميس.

شق طريقه نحو المدخل بخطوات سريعة تُجبر على التمهّل أحياناً، بسبب تدفق حشود المريدين الصغير نحوه بشوق لا يخلو من الاحترام، منهم من يرغب في تقبيل يده رغم رفضه، أو حتى في السلام عليه فقط كي ينال البركة. وصل أخيراً إلى مدخل الدار وقد تراجع سيل المتدفقين مفسحاً الطريق أمامه كي يتمكن من التقاط حدائه، الأسود كملابسه، من بين بقية الأحذية المتراصة على الأرفف الخشبية القصيرة قرب المدخل.

سار نحو السلم المؤدي لأسفل وهبط عليه، يتبعه الأسف في أعين بعض مودعيه حتى الخميس التالي، وقليل ممن تمكنوا من ارتداء أحذيتهم بسرعة كي يلحقوا به حتى يهبط من الطابق الأول، الذي تقع به قاعة الدار الصغيرة، إلى أسفل البناية القصيرة القديمة، مقر الدار، والتي تقع في أحد شوارع حي (الحسين) الصغيرة. وقد علقت عليها من الخارج لافتة عريضة، كُتبت عليها بخط زخرفي جميل:

(الطريقة الشاذلية الأحمديّة)

أهم ما يميز دار (الشاذلية الأحمديّة) هو قربها من مسجد ومقام الإمام (الحسين) - رضي الله عنه - حيث لا تبعد عنه إلا مسافة سير لا تتعدى الدقائق الخمس، يقطعها الشيخ (أدم) بعد درس كل خميس كي يلحق بصلاة العشاء هناك. مسافة ربما قطعها بعضهم من قصرها في أقل من ذلك، وطريق قطعه الشيخ مراراً فحفظه حتى صار شبه قادر على السير معصوب العينين فيه، ورغم ذلك يحرص على الإبطاء من خطواته الواسعة القوية قليلاً، لا انهياراً وتأملاً لما حوله كالسياح، وإنما تنفساً لروحانية

المكان التي لا تنضب، و تمتعاً بالراحة النفسية المشعة من كل ركن فيه، وكل عطفة.

اقترب من حرم المسجد الواسع كي تقع عينه أول ما تقع كالعادة على منذنته المدببة المميزة التي تقتحم بصره وتشق السماء في مشهد لا يكف قلبه عن الخفقان له كل مرة. بدأ يهرول قليلاً كأنه متحمس أو مشتاق، وبدأت دقات قلبه تختلط بذكره، حتى يكاد المار بجواره أن يسمع صوت أزره.

(2)

يا نعم ما طلع الجمال من العمى نعم الظهور وجل من يغشاها

القاهرة (2014)

- هممم .. وعمل إيه كمان؟

- ما عملش

- طب ما عملش إيه كمان؟

- إنتي بتستهيلي يا (مي)؟

جمال من النوع الذي تشعر أنه إبهار أكثر منه جمال حقيقي، دلال أنثوي مصطنع مع كثير من مساحيق التجميل المرسومة بعناية، تلك هي (مي)، نقيض نوع آخر من الجمال هو جمال (دنيا) صديقتها، حقيقي وطبيعي رغم هدونه، لا يحتاج للكثير من الزينة، ويضج بالأنوثة رغمًا عن أنف صاحبته. أما طولها فقد تعدى ما هو مقبول قليلاً بالنسبة لفتاة، لكنه أتاح لها ولو بطريقة كوميدية، أن تشعر أنها أعلى قليلاً ممن تحدثن من صديقاتها، وكأنها تنظر لهن جميعًا من عل، خاصة (دنيا) التي تميل للقصير، والتي ردت عليها (مي) قائلة:

- والله إنتي اللي بتستهيلي وأنا ولا فاهمة منك حاجة أصلاً

- أنا ما قلتش حاجة من الأساس عشان تفهمي ولا ما تفهميش، وبعدين

أنا مش بتستهيل

- لأ بتستهيلي

- بتسهيل إزاي بقى إن شاء الله؟!

- إنتي عارفة بتستهيلي إزاي

- لأ والله ياريت تنورييني!

ابتسمت (مي) بغيث خفيف وهي تطالع وجه (دنيا) الوردى الذي كان أبيضًا منذ عدة ثوانٍ فحسب، قبل أن تزفر بضيق ونفاذ صبر مصطنعين وهي تقول بلبل:

- عمالة من الصبح تقولي كلام أهبل وملخبط، وعكس بعضه! جدع، وسيم، لأ مش وسيم يعني بس شكله حلو، لأ ده لبسه، لبسه هو اللي حلو ومجليه، لأ بس الفكرة مش في شكله يعني ما الحلون كثير، هو يعني تحسياه راجل كده، بس مش راجل رخم، مش عايش دور الرجولة يعني، هو الصراحة حلو، بس مش حلو قوي يعني، وشه تحسياه فيه قبول كده .. ما تقولي إنه عاجبك وتخلصي!

اتسعت عينا (دنيا) وتحول وجهها للأحمر وهي تجيل بصرها حولها بشيء من التوتر، مبعدة إياه عن عيني (مي) الثاقبتين الساخرتين، وبطريقة أرادتها عفوية لكنها جاءت مرتبكة وكأنها تخشى أن يراها أو يسمعها أحد، أما صوتها فقد تحشرج قليلاً وهي تقول بابتسامة أرادتها ساخرة فجاءت بلهاء:

- عاجبيني مين يا هبله إنتي أنا مش مهتمة بيه ولا كنت فاكراه أصلاً، أنا بس الموقف جه على بالي فقلت أحكيه ليكي عادي يعني

- موقف إيه؟

- إني دخت وأنا بدفع المصاريف وكده، ما تركزي

- صح، عشان كده وصف الدوخة أخذ له بتاع ثلاث ثواني، قعدت لك بعديا بتاع خمس ست ساعات كده توصفي في الراجل

- أوصف إيه وأنا معرفوش أصلاً!!

اتسعت ابتسامه (مي) الخبيثة الساخرة وهي تربت على كتفها كأنها تهدئها قائلة:

- صادقة يا أخي والله! طيب تسمحي تقولي لي إحنا بنعمل إيه عند باب حقوق؟

حاولت (دنيا) رسم البرود على وجهها وفي صوتها وهي تقول:

- ينخرج من الجامعة؟

- إنتي تقربيناً عمرك ما خرجتي من هنا، ولا بتحبي تيجي الناحية دي أصلاً

- عادي تغيير

- وبتلكمي ومغلياني أتلحك معاك ليه؟

- مانا طول عمري بتمشي بالراحة يا (مي)

- إنتي مش بتمشي بالراحة إنتي بترحفي

- لو متضايقه قوي كده من بطلي إتفضلي مدي أنتت وسيبيني أزحف لوحدتي!

- أسيبك إيه يا حمارة أنا بهزر معاك، نزحف لنا شوية وماله، كله في سبيل الـ.

بترت (مي) عبارتها فجأة وهي تتطلع إلى نقطة خلف (دنيا) وخارج مجال بصرها قبل أن تعود لتقول:

- يخرب بيتك! لو هو ده يبقى ذوقك حلو يا بت، طلعتي بتقهمي

- هو بجد؟؟ بيعمل إيه؟ يعني واقف ولا قاعد ولا ما..!

- لسه خارج من المبنى، وواقف يتكلم مع واحد تاني

- عرفتي إزاي إنه هو؟

- إنتي كنت قربي تطلعي ورقة وقلم وترسميه ليا .. وبعدين إيه اللهفة دي كلها؟؟ هو مش (أنا مش مهتمة بيه ولا أعرفه أصلاً)؟!

- (مي) من فضلك مش وقت استهبال خالص!

- إنتي اللي بتستهيلي من الصبح، عشان كده قصدتي تخرجينا من باب حقوق، عشان تشوفيه، صح؟

- لأ مش صح طبعا! دي صدفة

- الظاهر إنه هو فعلاً، والظاهر كمان إنه شافك على فكرة، لأنه سلم على اللي كان معاه وشكله جاي ناحيتنا

كادت (دنيا) تقفز من مكانها ودرجة احمرار وجهها تزداد وهي تقول:

- بجد؟! طب .. أنا شكلي إيه؟ طرحتي مضبوطة؟؟

تمعنت (مي) في وجهها قليلاً وكأنها ستجيب قبل أن تتراقص ابتسامه عابثة على ملامحها وهي تقول:

- ..معرفش

- ماشي يا (مي)!

قالتها (دنيا) بغضب، فعادت (مي) تقول:

- مش شايفة كويس

- ماشي!!

امتزج الغضب بالتوتر في صوت (دنيا) وهي تقول كلمتها السابقة وراح قلها يدق بعنف داخل صدرها، في حين قالت (مي):

- يمكن أعرف لو اعترفتي إنك كنتي قاصدة وبتسهبلي عشان تشوفيه

- أنا واثقة في نفسي ومش محتاجة أريك أصلاً

- ويمكن أفضحك وأقول قدامه إنك كنتي لسه قاعدة تنغزلي فيه من شوية، إنتي عارفاني أعملها عادي

-أنا ما كنتش بتافء... والمصحف يا (مي) لو عملتي كده لا هتبقني صاحبتي ولا معرفك تاني!

- إخلصي عشان هو خلاص فاضل له كام متر ويبقى هنا

- أه يا (مي) كنت بسهبيل، ارتحتي؟!؟

- شكلك زي القمر، يلا بقى لني وابتسمي عشان ما تقابلهموش وإنتي

مبوزة كده جتلك القرف

إِنَّا أَخْلَصْنَاكُمْ بِغَالِصَةِ ذِكْرِ الدَّارِ. وَإِنَّهُمْ عِنْدَنَا لَمِنَ الْمُصْطَفَيْنِ الْأَخْيَارِ

عدن (2014)

بعد انتهاء الدرس، وببساطته المعتادة وخطواته الهادئة الوقورة، ترجل الشيخ (مصطفى) عن مقعده متجهاً نحو باب الخروج المخصص له، والمفضي إلى الجراج الخاص حيث سيارته السوداء الكبيرة التي يحب قيادتها بنفسه. كان حاضروا الدرس قد نهضوا مع نهوضه، احتراماً، دون أن يتجهوا نحو أبواب الخروج، أو يلفتوا رؤوسهم حتى، قبل التأكد من خروجه هو أولاً، كي لا تفوتهم ولو لمحة من عينه، التي يشعر كل واحد منهم وكأنها توجه حديثها إليه هو وحده، تربت عليه بعطف هو فقط، دوناً عن يحيطون به.

البعض اندفع خارجاً من الدار وهو يرتدي حذاءه على عجل، كي يقف على مقربة من مدخل الجراج الخاص، مملئاً عينيه بخطف نظرة أخيرة من الشيخ وهو يغادر المكان في سيارته، دون أن يجرواً أحدهم على الاقتراب أكثر مما ينبغي، طاعة للشيخ وحباً له، فهو قد منع التجمهر والتدافع أمام مداخل الدار حفاظاً على النظام ومظهر الطريقة وأبنائها، خاصة عند وجود زوار لمزرعة الفواكه التي يمتلكها، والتي تقع الدار داخلها، وتحتل مع الكثير من المباني الأخرى، جزء ليس بالكبير من مساحة المزرعة الهائلة، والتي هي أقرب لقرية أو بلدة صغيرة، خاصة مع كل التجهيزات والمرافق التي يحرص الشيخ، - وهو رجل أعمال ناجح كذلك - على توفيرها لقاطني المكان والعاملين به من أبناء الطريقة، وحتى من خارجها.

لهذا السبب تمكن الشيخ من الخروج من الدار والتوجه لسيارته بهدوء، يتبعه شاب حليق في أوائل العشرينيات، يشبه كثيراً لكن لا يحمل نفس وسامته أو حضوره ربما، يتبعه بأدب واحترام بالغين، دون أن يسبقه أو يسير بمحاذاته حتى، ودون أن يتفوه بكلمة إلا عندما فتح الشيخ باب السيارة وهم بالصعود إليها:

- هتروح معنا حضرتك يا بابا؟

- لا خد إنت والدتك وأختك وروحوا يا (محمد)، أنا هروح مع عمك
(عثمان) تقرا الفاتحة وبعدين نطلع على المكتب عشان عايزه في كام حاجة
كده

- بخصوص الشغل؟ تحب حضرتك أوصل ماما و(بتول) وأجي لك
المكتب؟

وقبل أن يجيب الشيخ، وكانما ليؤكد كلامه، أو كأنه استجاب أو تعجل
فور سماع اسمه، ظهر عند مدخل الجراج رجل وقور مائل للقصر، ابيضت
أغلب خصلات شعره، له عينان عسلتان ضيقتان، أسفلهما تجاعيد
إرهاق أو حزن، وفوقهما نظارة طبية أنيقة.

- لا خليك إنت مرتاح الليلة

قالها الشيخ في حين أشرق وجه (محمد) فور ظهور (عثمان عبد الملك)،
نائب الشيخ (مصطفى)، وإن شاب هذا الإشراق حمرة خفيفة في خديه كأنه
خجل، وهو يبتسم في وجهه مصافحًا إياه، قائلًا بحماس اختلط بشيء من
الارتباك:

- إزي حضرتك يا عم الشيخ؟

شد (عثمان) بكلي يديه على كفه في حنان أبوي قبل أن يقول:

-إزيك أنت يا (محمد)؟

-أنا تمام الحمد لله.. وازي (هشام)؟

-الله! أنت ما شوفتوش جوه في الدرس ولا إيه؟

ازداد ارتباك (محمد) وهو يقول:

- لا ما أنا كنت قاعد في الصفوف الأولانية فما أخدمتس بالي، شكله كان
قاعد ورا شوية يمكن

-لا وانت الصادق شكله مجاش أصلاً

- ليه خير؟ هو تعبان ولا إيه؟

- آه يا حبيبي، بس تعبان بعقله وتاعبنا معاه! نفسي الواد ده ربنا يهديه
بقي

- إبنك زي الفل يا (عثمان)!

جاءت العبارة الأخيرة من الشيخ (مصطفى) الذي كان قد اتخذ مقعده
خلف مقود سيارته، بلهجة حملت عتابًا مازحًا، فعاد (عثمان) يقول:

-يعني عاجبك كده يا مولانا! لا بيحضر دروس ولا بيعمل أورا، أنا
وأمه غلبنا معاه والله. سبحان الله شتان ما بينه وبين بقية إخواته، بالذات
(أمجد)، بقى يبقى الكبير مجنون والصغير عاقل يا ربي!!

لوح الشيخ بيده مازحًا وهو يقول ضاحكًا:

- ولادك كلهم كورسين يا (عثمان). بطل إنت بس قلق عليهم، وهم
هيبقوا زي الفل. و(هشام) ده بالذات بقى حبيبي، ما لكش إنت دعوة بيه،
إنتوا لو تعرفوا (هشام) ده عندي إيه، لنتمنوا كلكوا تبقوا مكانه!

ورغم خروج الكثير من عبارته المماثلة بشكل مازح، إلا أن عيني الشيخ
وصوته دائمًا ما يحملون ثقة وطمأننة تهدئ مرديه بشكل ما، فيشعرون
وكان كل مشاكلهم قد انحلت فجأة، ولو كانوا منقوعين وسطها، لمجرد أنهم

حكوها له، وكأنها خرجت منهم إليه، ولو على هيئة كلمات، وبأخذون الأمور بنفس البساطة التي يأخذها بها هو، فيصعب من الصعب عليهم أن يقلقوا بعد أن طمأنهم مولانا.

- ولبلا بقى ولا عايزن تباتوا هنا

ضحك كلٌّ من (عثمان) و(محمد) على عبارة الشيخ، والأول يدور حول مقدمة السيارة ليركب بجواره، في حين يتراجع الثاني بظهره بأدب منتظرًا مغادرتهم للمكان.

خرجت سيارة الشيخ من الجراج فارضة هيبتها على الراجل والراكب، وقد تضاءلت إلى جوار تلك الهيبة جميع السيارات الأخرى حول الدار، حتى تلك التي تكبرها حجماً، كحافلات النقل الجماعي بأحجامها المختلفة، والتي يوقرها الشيخ لنقل من يرغب، ولا يملك سيارته الخاصة، من وإلى المزرعة، وتحمل جميعها شعارها الأثيق.

انطلقت سيارة الشيخ في الطريق الطويل الكبير، الشبه ممهد، والمؤدي إلى عمق المزرعة. أما باقي السيارات الأخرى، فقد تناثرت متفرقة في أنحاء المكان، كل حسب رغبة راكبيها. فمن قرر المبيت في المكان اتجه إلى مسكنه الخاص، سواء أكان شالهاً صغيراً، أو فيللاً كبيراً، أو حتى شقة أنيقة في إحدى البنايات الصغيرة المؤسسة على طرز حديثة. وأما من قرر الرحيل، فقد انضمت سيارته إلى خط الحافلات الطويل التي اصطفت كالطابور على الطريق الرئيسي الضخم، بأعمدة الإنارة العالية على جانبيه، والمؤدي إلى خارج المزرعة، حيث بوابتها الكبيرة التي تحمل لافتة عليها نفس الشعار الموجود على جوانب ومقدمات الحافلات، اسم المزرعة الجميل، وقد كتب بخط زاده جمالاً..

وَنَزَعْنَا مَا فِي صُدُورِهِمْ مِّنْ غَيْلٍ إِخْوَانًا عَلَىٰ سُرُرٍ مُّتَقَابِلِينَ

خلاء - تاريخ غير معروف

سكونه وانتظام أنفاسه أخبراني من بعيد بفقوته، التي تاكدت منها حين اقتربت لأقف عند رأسه، أطلع وجهه المستريح الهادئ، وأعود أحدث نفسي لأسألها عن تلك الراحة، إن كانت شعوراً بقوة وفخر أم طيبة قلب ونقاء ضمير؟ أسألها .. أمن الطيبة أن يكون هادئاً خالي البال مستريح الضمير هكذا بعد ما حدث؟ بعد أن هزمتي؟ وحتى إن كنت أنا من ظلمه في البداية، أمن العدل ألا يهتم أحد بما أشعر أنا به الآن على الإطلاق بعد أن دحرت وخذلت هكذا؟ أهو أمر عادي لا يفترض به أن يؤرق حتى منام أحد؟ أم أنني أسوأ من أن أستحق عدلاً أو رحمة، فلم يعد ينفع معي إلا مواجهة ظلمي بظلم مثله؟

وَمَا أَبْرَأُ نَفْسِي إِنَّ النَّفْسَ لَأَكْثَرُ لَلْإِسْوَاءِ

طنطا (1979)

- يا زفت .. إنت يا ض يا زفت!

انتفض الصبي واقفاً فور سماعه للصوت الأجنح المشروخ، لم يكن اسمه في النداء لكنه يعرف أنه الزفت المقصود، ورغم سرعة خطواته المرتعشة فقد عاد النداء يتكرر بصوت أعلى، يستحثه على الإسراع أكثر:

- مديا ابن الكلب أنت همتلك كمان!!

تمنى وهو يهرول في الممر الصغير المؤدي إلى الصالة الضيقة، ورغم معرفته التامة لما ينتظره، ألا يكون ما في ياله، معرفة شبه يقينية تكاد تجعل عشم إبليس في الجنة أكثر واقعية. خرج للصالة ليطلعه نفس المشهد المؤلم الذي لا يكاد يتغير فيه شيء، حتى مؤثراته الخارجية كالصوت والرائحة، رائحة غريبة مكتومة عفنة، تغلب بطنه لأصباب نفسية أكثر منها فسيولوجية، فحتى لو لم تكن منفرة في حد ذاتها، ولو كانت رائحة قل، لظل ينفر منها ويهاها، ويكرها، أكثر حتى من الموت الذي أخذ أمه وجعله لا يراها ثانية، ولدرجة تجعله أحياناً يتمنى أشياء غريبة كأن يصيبه زكام دائم، أو مضحكة لدرجة البكاء، كأن يخفني أنفه فجأة أو يقطع أحدهم كما انقطع أنف جارهم في إحدى مشاجراته العنيفة.

انحنى في صمت وسرعة ليحمل القفص الثقيل بحمله العفن وهيكه المتفكك، بكل ما فيه من أجزاء نافرة خشنة تمنع خدوش كفيه من الالتئام. صمت خارجي تناقض مع ارتفاع دقات قلبه في خوف لا يفارقه أبداً، مهما تكررت مرات حمله لذلك القفص الكئيب، من أن يشترك ثقله مع تفككه ليهتالك بكل ما فيه، لأنه سيكون الملام الوحيد وقتها، وإن لم يكن مذنباً حقاً، وحتى إن كان حمل مثل هذا الشيء بثبات صعب حتى على البالغين، لكنه تعود أن كل ما يحدث في محيطه، وإن لم يكن طرفاً فعلياً فيه، هو خطؤه في النهاية، ولو حاول، مجرد المحاولة، أن يشرح، أو أن يبدي أنه لم يخطئ فعلاً، فلن يجد إلا ما هو أسوأ من مهمته السيئة أساساً.

- عازيك بقى ترجع في بطماطماية كده .. هه!؟ أو كام كوساية تخبيهم في همدومك زي النوبة اللي فاتت، ورحمة أمك .. لا تاكل علقه ما كهاش حمار في مطلع!

كانت تلك هي مهمته البغيضة، أن يجول في آخر النهار بذلك القفص المهترئ محاولاً بيع ما فيه من بواق الخضروات التي عَفَّ الناس عن شرائها في أوله، وغني عن الذكر أنها كانت في حال يرثى لها، بل إن بعضها يكون العفن قد دب فيه فعلاً، لكنه كان مجبراً ككل يوم، على إطاعة الأمر المستحيل، فحتى وإن استطاع بيع أغلب ما في القفص بسعر أقل للمتسكعين ومفترشي الطرق، ومن لا يقدر على ثمن الخضروات وهي طازجة، فمن الصعب جداً أن يبيعهما كلها، لا بد من بعض الخسائر، من الصعب على صبي في سنه أن يتقي شر شقي يخطف حفنة عشوائية من الثمار ويهرب، ومن الصعب على أي أحد أن يقنع شخصاً يدفع مال في ثمرة عفنة، يستطيع أن يحصل على مثله وربما أفضل منها، في صفيحة قمامة، مجاناً.

عدن (2014)

منذ دخل (عبد الله) إلى المقام الصغير تلك الليلة، وذلك الرجل الأخر يقف صامتاً ثابتاً مستنداً برأسه إلى المقصورة الداخلية، بطريقة جعلت رؤية ملامحه أو تعبيراته صعبة للغاية، خاصة مع إضاءة المكان الخافتة. قدر أنه مريد آخر ربما لا يعرفه، خاصة وهو يكاد لا يراه، ولا يسمع منه سوى مهممات خفيفة اختلطت بأهات خافتة كأنه مكروب، وخيل إليه أنه رأى لمعة ما تأتي من اتجاهه، كأنها دموع، فأثر الصمت، ولم يشأ إزعاجه بكلام.

لم يمض وقت طويل حتى بدأ (عبد الله) يشعر أنه يسمع شيئاً آخر، كأنه .. أنين أجش مكتوم، أو زئير ضعيف متألم .. كأنه شيء يزوم! خيل له

فروا إلى الله تعالى، ولا تفروا منه، فإنه مدرّكم ولن تعجزوه

- أبو الحسن الشاذلي

كان الشيخ (آدم) عالماً. لم يكن كثير الكلام، لكنه كان حين يُسأل عن أمر ما، يجيب باستفاضة ودقة وكأنه كتاب انفتح ليلقي ما فيه من علم. غامض كذلك، فهناك أمور لا يكثر الكلام فيها، أو يتكلم عنها بطريقة مواربة، تشعر معها أنه قال الكثير، ولم يقل أي شيء في الوقت ذاته. كل من عرفه أجزم أن الرجل معجزة غريبة تمشي على الأرض، وأنه يبطن معرفة أكثر بكثير مما يبدي، رغم سخاء ما يبديه.

لم يكن اجتماعياً، فعلاقته بمريديه تكاد تقتصر على درسه الأسبوعي، لكنه في الوقت نفسه لا يتأخر عن إجابة رجاء أو مسألة لأي شخص مهما كانت علاقته به، ومهما كان شأنه، داخل الطريقة أو خارجها، كبر ذلك الشأن أو صغر، وببساطة تتناقض مع هيئته، ويتعجب لها الجميع.

دائم الارتحال إلى مقامات آل البيت وأولياء الله التي يفضل زيارتها وحده، وإن اصطحب معه آخرين أحياناً، في زيارات لم تقتصر على المقامات الكبيرة كمقام السيدة (زينب) والسيد (البدوي) فحسب، بل تعدتها إلى مقامات صغيرة شبه مجهولة كذلك، لا أحد يعرف كيف يصل إليها أو يسمع عنها، حتى أن البعض أقسم أنه ما من مقام في بر مصر إلا وزاره الشيخ (آدم)، عدة مرات.

أما كراماته، فقد رآها الكثيرون، لكن الكلام في تلك الأمور دائماً، قليل هامس، ربما برغبة من الشيخ نفسه. أحياناً ما يغيب لمدة يعود بعدها وقد ازداد جلالاً وهيبة، وكان شيء ما قد تغير فيه، رغم أنه، ظاهرياً، لم يتغير

في البداية أنه يأتي من الخارج، كسيارة عابرة أو ما شابه، لكن الأمر تكرر ثانية بصوت أعلى، ومع الثالثة، بدا من الواضح جداً أنه يأتي من الداخل.

ورغم صمتهما التام من البداية، إلا أن (عبد الله) رغب في تلك اللحظة أن يسأل الرجل إن كان هو أيضاً يسمع ما يسمعه، كأنه يريد أن يطمئن نفسه به، أن يخبره أنه يتخيل وما من صوت ولا أي شيء، أو حتى أنه يسمعه هو كذلك، فلا يكون وحده في مواجهة ما .. يمكن أن يحدث، أيًا كان.

قدسية المكان جعلت مشاعره تتأرجح بين الخوف والرهبة والروحانية والحيرة. الصوت يزداد علواً، والرجل الصامت ثابت في مكانه كأنه لا يسمع ولا يتأثر، و(عبد الله) يزجر نفسه داخلياً بشدة كلما انتابه الخوف، فكيف يخاف وهو في مقام مولانا؟ بل كيف يخاف من .. مولانا؟!

هل الصوت يأتي من أسفل المقام نفسه؟ من القبر؟؟ وما بال هذا الرجل رابط الجأش الذي لا يحركه أمر كهذا قيد أنملة؟!

أليكون له هو علاقة بالصوت؟ هو من يزوم هكذا؟؟!

شعر (عبد الله) أنه على وشك الجنون، وهو ينقل بصره بين الرجل الصامت، والمقام الذي يشعر الآن أنه أبعد من اللازم، وأظلم كذلك. شعر أنه لا يعرف ما يجب فعله. هل يتحدث بطريقة عادية فيلقي السلام ويرحل؟ هل ينسحب ليسير مبتعداً بهدوء وصمت كأن شيئاً لم يكن؟ أم يطلق ساقيه للريح وبهريب؟؟ وحتى لو ركض، فالمنطقة المحيطة بالمقام عبارة عن مقابر متراصة يبتلعها الظلام، سيحتاج إلى بضعة دقائق حتى يصل إلى أي منطقة فيها عمار وناس وأضواء.

كان ذلك حين وصل إلى أذنيه صوت أعلى من كل ما سبقه.

ضحك ثلاثتهم و(دنيا) تتابع ضحكة (صالح) بعينها، كما تتابع حركاته وسكناته، وتكاد تحفظها وتسجلها في رأسها، كأنها ترغب في عمل ملف كامل عنه في عقلها دون أن تدري لذلك سببًا. أعجبها ضحكته التي رأتها عفوية طبيعية، يشرق معها وجهه الذي تشعر من تعبيراته وخطوطه أنه لا يضحك، ولا حتى يبتسم، كثيرًا. الأمر الذي جذبها إليه أكثر، وأيضًا دون أن تدري لذلك سببًا.

لكنه قطع عليها تأملاتها وتحليلاتها وهو يقول معتذرًا بشيء من العجل والأسف:

- معلى أنا مضطر أستأذن عشان ألحق الظهر لأن العصر خلاص
قريب يأذن

أخفت (دنيا) أسقها هي الأخرى وإن بدا القليل منه في عينها وهي ترد بسرعة قاطلة:

- آه آه طبعًا إتفضل، معلى أنا أسفة .. أسفين يعني إن إحنا عطلناك
- أبدًا والله ده أنا كان نفسي أستنى أكثر من كده، بس للأسف مش
هقدر

- تقبل الله مقدمًا

قالها (مي) فرد (صالح):

- منا ومنكم يا أستاذة (مي)، سعيد إنى إتعرفت بحضرتك

- خلي بالك من نفسك يا (صالح)

فيه شيء، حتى رداؤه الأسود يظل كما هو. تلك كانت خلوات الشيخ، التي لا يعرف أحدًا عنها شيئًا، اللهم إلا قلة قليلة من المقربين جدًا إليه، وأولئك لم يجرؤوا على البوح بالكثير مما رأوه، من شدة جلال ما يروه.

وفي إحدى تلك الخلوات، عاد الشيخ إلى مريديه في درسه الأسبوعي ذات خميس، وقد تغير فيه شيء، جعلهم يتساءلون عما كان في تلك الخلوة الغربية، حتى الخميس الذي تلاه.

القاهرة (2014)

- أنا مبسوط قوي بالصدفة اللي خلقتنا نتقابل تاني

- وانا كمان!

- صدفة جميلة فعلاً!!

كانت تلك من (مي) التي قالت عبارتها بنبرة بدت عادية على عكس عينها التي لم تكن طبيعية على الإطلاق وقد حملت خبث الدنيا الذي لم يره (صالح) بسبب زاوية وقوفها منه، ولأنه كان حريصًا على عدم التدقيق ناحيتها أو النظر إليها مباشرة، وإن رأته (دنيا) التي تمننت لكمها في تلك اللحظة وقد احمر وجهها بطريقة جعلت ابتسامه (صالح) تتسع في حين عادت هي تقول:

- أصل الجامعة مش كبيرة قوي كده .. طبيعي إن إحنا ممكن نتقابل
صدفة، ده أنا حتى قابلت (مي) الهاردة الصبح صدفة على السلام قبل
المحاضرة بالضبط من غير ما تتفق، عارف لو اتفقنا؟؟ كان لازم واحدة فينا
هنتأخر!

شعرت (دنيا) أنها ترغب في لكم نفسها هذه المرة وقد ملت من عباراتها
البلهاء التي تفضح إعجابها بـ (صالح) الذي أزال حرجها للمرة الثانية وهو
يقول مؤكداً ومبتسماً:

- أكيد!

تبع كلمته بأن ألقى السلام عليهما وهو يتراجع بظهره هازئاً رأسه بأدب
قبل أن يولجها ظهره ويسير مبتعداً بخطوات واسعة سريعة.

صعقت (دنيا) لقولها تلك العبارة وكأنها تحادث صديقاً قديماً بطريقة
جعلت كل احمرار وجهها يختفي فجأة ليحل الشحوب محله، أما (صالح)
فقد احمرت وجنتيه هو قليلاً في خجل، ورغم ذلك فقد ابتسم بطريقة
عادية وهو يقول بلهجة ودودة:

- وإنتم كمان، خلوا بالكم من نفسكم في البحر ده، أنا بسمع عن نام
كثير بييجليها ضربة شمس، ربنا يستر، مش عارف موجة البحر دي متخلص
إمتى بقى!

أنهت لباقته توتر الموقف وحرجه وإن تبقت آثارهما بداخل قلب (دنيا)
الذي ظل يقرع طيووله في أذنها، ورغم ذلك، فقد أجبرت نفسها على الظهور
بمظهر طبيعي وابتسمت هي الأخرى قائلة:

- آه والله عندك حق، البحر صعيب قوي، ما هو السبب في اللي حصل
يوم المصاريف، مش عارفة من غيرك كنت هعمل إيه الصراحة

أنهت جملتها بضحكة قصيرة جاوبها (صالح) بابتسامة خجلى احمرت
معها وجنتيه وتقطب جبينه في شيء من القلق وهو يقول:

- أنا ما عملتش أي حاجة، بس الحمد لله ربنا سلم، وزى ما قلت لك،
أنا تحت أمرك في أي وقت، وفي أي حاجة تحتاجها

صمت قليلاً وكأنه لا يجد ما يقوله و بدأ أنه ما يزال خجلاً ليلتنحج وهو
يعود ليقول:

- أستأذن أنا بقى، بس عايزين الفرصة السعيدة دي تتكرر ثاني عشان
نشوقكم

- هتتكرر ثاني أكيد

ماذا تقول وأنت أنت ومن هو أنى تراه وقد علاه لثامٌ

الخلوة (1978)

في حضرة المتولي

صالة صغيرة في شقة متواضعة، قديمة ونظيفة جدًا في الوقت نفسه، يجلس الشيخ (أدم) على سلطة صغيرة وضعت مباشرة فوق سجاد أرضيتها البسيط، ومسبحة السوداء الكبيرة بين يديه. شقة صغيرة يمتلكها ويقيم فيها خلواته، ولا يكاد يعلم عنها أحد، حتى أنه البشري الوحيد فيها الآن، لكنه ليس وحده رغم ذلك.

هناك أيضًا أصوات ذكر عذبة بشكل غريب، إنشاد بصوت غير آدمي، لكن كلماته غير واضحة، تدخل الأذن وكأنها فحيح، ما عدا لفظ الجلالة الذي يتكرر بطريقة تجعل القلب يدق في الصدر بقوة يغير ألم. تخرج جميعًا من أجسام كأنها يؤر من الضوء، تراصت بنسق معين في أنحاء المكان، لكن المؤلم حقًا هو أن تحاول التحديق في أجسام النور تلك، التي تخرج الأصوات منها.

عينا الشيخ (أدم) مغلقة، ربما لهذا السبب، وشفتيه كذلك منطبقتان، لكنك لو اقتربت منه جدًا، ستشعر أنك تسمع مع دقائق قلبه وتنفسه، صوتًا، كهدير خافت جدًا، وكأن قلبه هو الذي يذكر عوضًا عن لسانه.

ورغم علمه أنه في حضرة ذكر يقيمها الجان، وليس فيها من البشر سواه، إلا أن الشيخ فتح عينيه فجأة حين شعر بشيء له حضور ونور، أقوى من كل في الحضرة مجتمعين، ورغم ذلك، فهو حضور آدمي.

خلاء - تاريخ غير معروف

أخيرًا فتح عينيه. ألقيت عليه سلامًا جافًا فجابوني بلهجة هادئة يفترض بها أن تلين قلبي، لكنها قسته أكثر! شعرت في هدوئه بشيء من اللامبالاة، من الفخر بنفسه أو الشفقة عليّ، ليعود رأسي ويشتعل بالحدق والغيرة والحسد.

اعتذر عن غفوته الغير مقصودة لتعبه الشديد، ونهض ليحلب حاجياته التي خباها عند بعض الأحجار القريبة لحمايتها. فردت طولي ببطء وأنا أطلعه يجمع حاجياته بهدوء وقد أولى ظهره لي. قارنت بين جسدي وجسده الذي بدا لي أقوى وأكبر حجمًا. شعرت أن قشعريرة ما تتكون على ظهري وتسرح إلى قلبي كأنها صقيع، فتجعله باردًا قاسيًا كقطعة من الثلج، على عكس رأسي المشتعل.

تجرت فجأة واختصرت جُل ما يجول بقلبي وعقلي في كلمة واحدة قلتها له، رأيته يوقف حركته دون أن يستدير ليواجهني. وحين نطق أخيرًا وأجاب، وجدت نفسي أركض نحوه كالبرق، أرفع ذلك الحجر الكبير.. وأهوي به على رأسه.

شعر (عبد الله) أنه على وشك الانفجار صراخًا والصوت يتعالى. لم يتمكن من تحديد مصدره هذه المرة وقد فقد عقله كل هدونه، ونصفه السفلي يكاد يفقد سيطرته عليه، لا ينتظر إلا نكة صغيرة فقط كي يهار كليًا أو ينطلق راكضًا كالريح. تلاحقت أنفاسه وتقافزت عيناه في كل ما حوله، خاصة ذلك الرجل الذي ما يزال نائبًا صامتًا تمامًا حتى هذه اللحظة! كان ذلك حين ظهرت أضواء من بعيد راحت تقترب تدريجيًا حتى غمرت المكان ..

أضواء تأتي من بعيد وصوت عال؟!

لم يصدق الرجل نفسه وكاد يبكي فرحًا وهو يستدير ليرى سيارة سوداء كبيرة يعرفها جيدًا ويستبشر لاقترابها دومًا. بل إن صوت محركها، الذي يميزه بقوته عن معظم السيارات الأخرى، دائمًا ما يميل قلبه بسعادة غامرة. لكن كل سعادته السابقة لا تقارن مطلقًا بسعادته الآن، سعادة غطت حتى على لومه لنفسه، وإحساسه بالغباء لعدم تمييزه لذلك الصوت المحبب على الفور.

دمعت عيناه قليلاً بالفعل وهو يرتدي نعليه ويخرج مهزولًا من المقام، ليحظى بالسلام على الشيخ (مصطفى) الذي أوقف سيارته أمام المدخل، وليخلي له المكان، الذي لا بد وأنه قادم لزيارته، احترامًا. فلا شيء في هذا الموقع، والذي يقع في أحد أطراف (عدن) البعيدة، إلا المقابر والمقام.

اقترب في استحياء من نافذة السيارة المجاورة للشيخ الذي لم يهبط منها بعد، لتطالعه ابتسامته الواسعة المريحة وهي تزين وجهه الوقور الطيب.

- جاي تزور مولانا في أنصاص الليالي كده ليه يا (عبد)! لحقت تيجي بعد الدرس؟! ولا تلاقيك ما حضرتش!

قالها الشيخ مداعبًا وهو يمد يده للسلام على (عبد الله) الذي تلقاها في لهفة طالبًا تقبلها، والذي لم يسمح به الشيخ وهو يسحبها منه بهدوء.

- حضرت والله يا عم الشيخ! أنا بس جيت بعدما على طول

- ومالك يا ابني؟ خير إيه اللي فيك؟ إنت كويس؟؟

طفرت عينا (عبد الله) بدموع احتجزتها طويلًا وتساقطت على خديه حين لمس شعور الشيخ به وبخوفه وهو يقول بتأثر:

- شيء لله يا عم الشيخ، أنا بقيت كويس عشان شوفتك!

ضحك الشيخ وهو يقول:

- طب يا سيدي ربنا يخليك، أنا اللي مبسوط إنني شوفتك

ابتسم (عبد الله) من بين دموعه وهو يتراجع بظهره احترامًا، دون أن ينسى إلقاء السلام على الشيخ (عثمان). ودون أن ينسى أمرًا آخر ظل في مؤخرة عقله، جعله يلتفت رغماً عنه نحو المقام، وهو يسير مبتعدًا ببطء، دائرًا بعينيه حول نوافذه، متطلعًا إليه من كل الجوانب من على بعد.

لأنه، طوال مدة وقوفه وحديثه مع الشيخ، لم ير الرجل الآخر الذي كان معه في الداخل، يخرج من المقام، المقام الذي دخله الشيخ (مصطفى) والشيخ (عثمان) الآن، وبمعن هو النظر إليه من كل النواحي، ومن كل ناحية ينظر منها، لا يرى في الداخل إلا رجلين فحسب.

عَالِمُ الْغَيْبِ فَلَا يُظْهِرُ عَلَيَّ غَيْبِهِ أَحَدًا

ترنح الصبي بحمله الكريه وأشعة شمس العصر الساخنة تكوي رأسه
ككل يوم. تعب من السير فاتخذ موضعاً عشوائياً ليفترشه كهادته، حرص
فقط على ازدحامه بالمارة وخلوه من بانعي الخضروات. رنَّع ساقيه وهو يخلع
طاقيته ليهوي رأسه ويهرش فيها قليلاً، يرتجف ويتصلب كلما مس إحدى بقع
الجلد العارية من الشعر، المنتشرة على جمجمته.

شرد يتطلع إلى مآذن وقياب مسجد (البدوي) القريب الضخمة المحببة
إليه، ليتذكر أمه. هرش رأسه ثانية في ضيق حزين ونظر إلى أصابع قدميه
التي تطل من خفيه ليتذكر ذهابه إلى الطبيب، والكلام العجيب الذي قاله،
وكان أكثر من قدرته على الاستيعاب، عن الشعر الذي يختفي من بضعة بقع
على رأسه، ويقع أخرى بيضاء صغيرة، تظهر على جمجمته وأصابع قدمه. لا
يفهم لم كل هذا ولا يذكر متى بدأ بالضبط، لكنه متأكد أن شيئاً منه لم
يحدث في حياة أمه. كل ذكرى له عن الأمر تخلو منها، وهو يذكر كلاماً قاله
الطبيب عن وفاة الأم وتأثيره رغم أنه لم يفهم كيف تكون لأمه أي علاقة
بالموضوع.

تساقطت بضع شعيرات دون قصد من رأسه أثناء هرشه، وكلما سقط
شعره شعر بضيق وخوف، بدونية أو ضالّة معينة، لا يفهمها لكنه يشعر بها
تلسع كهود الثقاب. القط الرمادي الأعور في حازتهم، يطعمه أحياناً ويشفق
عليه لفقده إحدى عينيه، لكن لا يرغب أبداً في تربيته أو اللعب معه، فهل
يراه الناس هكذا هو أيضاً؟؟

وعلى كمية الألم التي جالت بغاطره، تذكر جسده ألم الضرب اليومي
الذي ينتظره عند عودته بلا شك، خاصة مع هذا القفص اللعين الذي ما
يزال ممثلاً لأكثر من نصفه، ويفترض به أن يخلو بعد ساعات قليلة. وعلى

ذكره للضرب جاءته ضربة شرسة مفاجئة في كتفه الأيسر، أعقها صوت
صباح حاد...

القاهرة (2014)

- يخرب بيت فقرك فضحتينا! خفي شوية

قالت (مي) عبارتها في لوم ضاحك لـ (دنيا) التي شحب وجهها كالأموات
وكادت تبكي وهي تقول:

- هو أنا بجد عكيت قوي كده؟

قالت (مي) وسط ضحكها:

- لا عكيتي ولا حاجة، أنا بس عايزاكي ما تندلقيش

- يعني أنا باينة مدلوقة!!

- يا بت إهدي بقى مش باينة ولا حاجة! أنا بس اللي عارفاكي ففاهمة،
أي حد هيشوفك عادية جداً بس مرتبكة شوية يمكن، وده لأنك ما
تعرفهوش كويس، فده العادي يعني

زفرت (دنيا) قليلاً في محاولة لهدئة نفسها وترددت قليلاً قبل أن تبتمسم
ابتسامة خفيفة وهي تتساءل بشيء من الخجل والفضول:

- بس إيه رأيك؟؟

- رأيي في إيه؟

- في فيلم الناصر صلاح الدين. هيكون في إيه يعني يا (مي)؟؟

- آه في العريس!؟

- أنا الغلطانة إني سألتك

- أنا لحتت أعرف عنه حاجة؟ هقول رأيي بناء على إيه؟؟ الكام دقيقة اللي وقفناهم مع بعض دول!؟

- أنا الغلطانة والله

تحولت ابتسامه (دنيا) إلى تقطبية ابتسمت لها (مي) قبل أن تتصنع الجدية وهي تقول:

- هو إحنا مش فعلاً وقفنا مع بعض كام دقيقة يتعدوا على الصوابيح؟ أنا قلت حاجة غلط!؟

ازدادت تقطبية (دنيا) وزمت شفيتها كالأطفال في صمت وهي تشيخ بوجهها بعيداً عن (مي) التي ضحكت قائلة:

- دا إني واقعة بقي!

ظلت على صمتها فحنت عليها (مي) أخيراً وداعبتها متظاهرة بعدم الاهتمام:

- بصي يعني هو لو حكمنا عليه بسرعة كده هنقول إن هو شاب وسيم، شيك كده ومهندم، وشكله محترم

تظاهرت (دنيا) بعدم الاهتمام هي الأخرى محافظة على صمتها فعادت (مي) تقول:

- إيه؟ مش حلو التحليل؟ ده أنا كنت لسه هكمل! خلاص بقي مادام مش عاجبك

- لا أكمل!

تراقصت في عيني (مي) ابتسامه عابثة استفتزت (دنيا) التي ظلت صامتة رغم ذلك كي تكمل (مي):

نظراته مش بجعة، ولا بيتنح زي اللي بيتنحوا، وواضح إنه جدع، ومتدين .. بس كلاسيكي شوية، تحسبه طالع من فيلم قديم كده، وده يمكن لأنه محترم بزيادة، والصنف ده شاحح اليومين دول

- طب ومن ناحيتي؟ يعني تحسبه حاسس إيه من ناحيتي؟

- يا بت هو لحق يعرفك، ولا إنتي أصلاً لحقتي تعرفيه؟ عايزاه يحبك وكمان بيان عليه من ثاني مرة يشوفك فيها! مش معنى إنك حبيبتيه من أول نظرة عشان عبيطة، إن هو كمان لازم يكون عبيط زيك

انفعلت (دنيا) بشدة وشعرت بحرارة تسري في جسدها كله احمر معها وجهها بالكامل وهي تقول:

- أنا مش عبيطة وما حبيبتوش من أول نظرة! أنا بس .. ارتحت له، مش عارفة ليه، أعجبت بيه عشان جدعته معايا يمكن .. بس!

- عامة هو بيتعامل معاكي باحترام وتحفظ مش مبينين حاجة من ناحيته. إصبري بقي وشوفي قدام هيبقي عامل إزاي....

خلاء - تاريخ غير معروف

انسعت عيناوي والحجر يسقط من يدي وكأني أدركت ثقله فجأة، وأن كل ذلك الثقل شج رأسه الذي دار به نحوي، لأرى عينيه المستسلمتين. ربما

لو أنه قاتلني .. قاومتي! لما أكملت عليه بيدي اللتين أحطت بهما عنقه بقوة. لكن ثباته هذا أغازني أكثر. هدوءه نفع في ناري! لماذا يقاوم دوران رأسه فلا يسقط على الفور رغم ارتعاش جفنيه وساقيه؟ لماذا يقاوم غريزة الحياة فلا يدفع يدي عنه؟؟

ضفقت على أسناني وأنا أضغط بنفس القوة على رقبتك بكلتي يدي. ازرق وجهه. انهرنا أرضًا سويًا وبدي ما زالتنا تضغطان. لم أشعر بسقوطي وسط بركة دمانه ولا أظنه هو الآخر فعل. وجاءت سكرة الموت أخيرًا ليسكن صدره، ولأستفيق أنا، وأستوعب ما حدث.

عدن (2014)

- ليه هي بنتك لسه منشفة دماغها؟؟

- مش حكاية تلييف دماغ يا (ميادة)

تعكس المرأة وجه (ميادة) البيضاوي المريح، الذي لا تشي ملامحه الطفولية بسنها على الإطلاق، ولا يكاد يمت بصلة لوجه (نجوى) أمها، التي تجلس خلفها على فراش صغير، وجه مرهق فيه لمحة لا تخطها العين من جمال سابق أثر فيه الزمن. قلب كل خط حسن إلى تجعيدة شائخة.

- أمال حكاية إيه إن شاء الله؟

- بتقول لك مخضوضة يا ستي، خايفة ما تقدرش تنسجم مع أسلوب حياتهم .. إنه بيت عيلة وكده، لكن هي لا رافضة ولا موافقة

مطت (ميادة) شفيتها وهي تقول:

- ممممم ... وإنتي داخل عليك جو خايفة ما تنسجمش مع أسلوب حياتهم ده برضو يا ماما؟

- والله يا بنتي ده كلامها

- إيه أسلوب حياتهم يعني؟ ما أنا عايشة مع أسلوب حياتهم ده بقالي سنين، كان جرى لي إيه؟ ومالها بتتكلم عنهم كأنهم غرب كده، أو كأنهم ناس عادية! دا حتى .. يا بنتي بطلي فرك جنبي بقى خليفي أعرف أضبط الطرحة هنتأخر كدة!!

قالت (ميادة) عبارتها موجهة الجزء الأخير منها لابنتها الصغيرة التي أجملت للهجة أمها الحادة وابتعدت عنها قليلًا بالفعل لتلهو مع أخيها.

زفرت (نجوى) وهي تضحك بيدها ضيقًا قائلة:

- أنا كلمتها كتير يا (ميادة)، وما باخدش منها عقاد نافع. كلمة تجيبها وكلمة تودعها ما إنتي عارفة أختك. لو مش عايزاه تقول لا وتخلصنا بدل الغلب ده

- إنتوا عارفين كام واحدة نفسها تبقى مكانها؟ كام واحدة هتموت وتقول شرف زي ده؟ قوم تيجي بنتك كدة بكل بساطة وتقول لأ؟ ده إنتوا عايزين نتقطنوني باين!

- والله أنا اللي باين علي هنتنقط منكموا إنتوا الجوز! واحدة مش عارفة هي عايزة إيه والتانية مشيلاني غلط الأولانية! إنتوا عايزيني أعمل إيه مش فاهمة؟

- يا أمي، يا أمي أنتوا فاهمين إنتوا بتقولوا لأ مين؟؟

جزء من جسده، ليس لثقل أو علة، وإنما لعدم شعوره بذلك الجسد أصلاً. وكان روحه انفصلت عنه، والغريب أن ذلك لم يزعجه أو يضايقه على الإطلاق، بل على العكس، هو لا يذكر أنه شعر بهذا القدر من الراحة والسكينة قبلاً في حياته، وكأن حمول الدنيا كلها قد انزاحت عن كاهله.

- إيق كما أنت ولا تحمل همًا

كلمات الرجل جعلت الشيخ (آدم) يتساءل عنمن يكون، وهو الذي اعتاد على حضرات الجان وما يكون فيها، على ما يسمع منهم ويرى، أما هذا الشخص الغريب، فهو إنسي بلا شك، لكنه أغرب من كل ما سمع ورأى.

راح صوت الخطوات يتعالى مقتربًا، والعباءة البيضاء تحف بالأرض فلا تنسخ، ومن وسط الضوء القوي، رأى الشيخ جسدًا له حدود إنسان، يقف أمامه مباشرة.

وظَنَّ أَهْلَهَا أَنَّهُمْ قَادِرُونَ عَلَيْهَا

لم يدر من أين جاء الصوت هذه المرة، من محدثه الغامض المهيب أم من الحضرة أم من لا مكان على الإطلاق. وخيل إليه أنه يرى عينين وأسمعتين تحقدان فيه بقوة يعجز معها عن النظر بعيدًا، وتلمعان رغم كل ما يحيط بصاحبهما من نور، والصوت الرخيم يزداد قوة وهو يصرخ في روحه:

- هل أنت قادر عليها يا ابن (قابن)؟!

بخشوع رد الشيخ:

- ما من قادر على كل شيء سواه

ألح الصوت:

- إنتي كنتي شوقتي حد قال حاجة أصلاً؟ ولا حتى أختك نفسها؟ ما قلناش لا قالت أه ولا قالت لا! ثم إيه إنتوا إنتوا إنتوا! ما إنتي عارفة إنني عايذة الموضوع ده يتم أكثر منك إنتي وأبوكي كمان! بس إحنا منهمل لها إيه يعني؟ هنجوزها لها غصب يا (ميادة)؟ أختك اللي محدش فاهم لها حاجة

- بس أنا بقى فاهمة

الخلوة (1978)

-السلام عليك يا ابن (قابن)

رغم عينيه المفتوحتين، لم يتمكن الشيخ (آدم) من رؤية مصدر ذلك الصوت الرخيم، الذي شعر وكأنه انسكب في أذنيه مباشرة، أو روحه ربما. لا يدري إن كان السبب في ذلك هو أنوار الحضرة التي تعجزه عادة عن فتح عينيه بالكامل، أم شيء في صاحب الصوت نفسه، يعجز الناظر إليه عن رؤيته واضحًا. ورغم ذلك فقد رد السلام بأدب قائلاً:

- وعليكم السلام والرحمة

خيل إليه أنه يرى طرفًا من عباءة بيضاء وجلاباب تحتها بنفس اللون، وهو يحرك عينيه نصف المفتوحتين، في محاولة لرؤية محدثه وتحديد موضعه، وتعجب حين وجد أنه لا يقف على مسافة قريبة منه كما اعتقد حين وصله الصوت، الذي بدا وكأنه يأتي من أمامه مباشرة.

زاد إحساسه بالهيبه وهو يسمع صوت خطوات تزامنت مع شعوره باقتراب هالة اقشعر لها جلده كله. ألحت عليه رغبة في النهوض احتياماً لم يدر لها سببًا، وهاله عدم قدرته على ذلك، لم يستطع تحريك أطرافه أو أي

- هل أنت قادر عليها؟!

ازدادت رهبة الشيخ وخشوعه، وحيرته كذلك، وهو يقول هذه المرة:

- وما هي يا مولانا؟

- حمولك

طنطا (1979)

نظر الصبي مندهشاً باتجاه الضربة والصبح مستبيناً مصدرهما ليجهدا تقف مغبرة بتراب لا يبين لون بشرتها الذي حمصته الشمس. ترتدي جلباب قصير مهترئ. تحمل فوق رأسها الصغير شعر أكرت منتقش لا لون له. وتقف بجوار فرشاة عليها أكياس مناديل صغيرة رصت بعشوائية. بدت وكأنها في الثانية أو الثالثة عشر من عمرها لا أكثر. يعني تكبره بيضعة أعوام فحسب، وربما كانت أكبر من ذلك لكن قصرها وضآلة حجمها يزفان عمرها قليلاً. ورغم ضآلتها وقصرها هذان فقد بدت في عينيه ضخمة عملاقة، لجلوسه ووقوفها ربما، وربما لشراسة ضربتها التي لم يدر كيف لمثلها أن تأت بها. لكن الأهم من الكيف هو لماذا، لماذا ضربته؟

- قوم يا ضي يا جربان إنت من جني يلا!

نظر لها بصمت وكأنه مصدوم، أو لا يعرف كيف يرد. واكتفى بأن ارتدى طاقيته ببضعه وكأنه يحاول معالجة الموقف، وكان اتهامها له بالجرب سوف يتلاشى فور تغطيته لرأسه الذي تسبب انكشافه في هذا الاتهام. إلا أن الفتاة عاودت صراخها بالطبع وهي تترك أصابع قدمه البيضاء:

- قوم بقول لك! يا جربان! يا معفن!!

ألمت الضربة كرامته أكثر مما ألمت جسده، فحتى وإن كانت أكبر منه فهي ما تزال فتاة!

- أنا مش جربان!

دعمت عيناه وهو يقولها رغماً عنه لكن الفتاة لم تر دموعه تلك، أو لم تهتما على الأرجح، وهي تنزع طاقيته عن رأسه وتلقها أرضاً بسرعة ثم تركها بعيداً بقرف هاتفة:

- كداب! آمال ده إيه ده؟!

- مش جرب والله، ومش بيعدي

ألمته طريقة نطقه المستعطفة لعبارته أكثر مما ألمته العبارة نفسها. وأكثر مما ألمته الفتاة بكل ما قالت وفعلت. فكر في ضربها انتقاماً لكرامته. نظر حوله فلم يعرف إن كان تجاهل الناس له أفضل أم أسوأ. لا يعرف أصلاً إن كان صاحب الحق أم لا. قرر أخيراً في صمت تجنب المزيد من المواجهة التي لا تأتي إلا بمزيد من الضرب والصراخ والفضيحة والألم. نهض بحزن ليلتقط طاقيته استعداداً للرحيل، لكن الفتاة، التي بدت وكأن شراسمها غلبت عقلها، أمسكت بقصم الخضروات وراحت تهزه بغل مزيدة من تفككه.

اتسعت عيناه بذعر واندفع نحو الفصص محاولاً تثبيته وهو يدفعها بكل قوته صارخاً:

- سبي! سبي! بقى حرام عليك!!

خاف أن يفترش موضعاً آخر خشية تكرار ما حدث، وقرر أن السير أفضل كذلك لسرعة التخلص من الثمار التي لا تريد أن تنتهي. تمكن من بيع القليل وصار القفص أخف لكنه لم يفرغ بعد. انتبه إلى قرب مغيب الشمس وموعده عودته فتعرق كفاه التي أنشها كالمخالب في القفص كي لا يزلق، ولكن بدا وأن شراسة تلك الفتاة قد أتت على ما بقي فيه من تماسك ليمسي عاجزاً عن حمله باتزان فوق رأسه، وينزله مذعوراً ليحتضنه بين ذراعيه بخوف.

جف حلقة حين سقطت منه ثمرتان أو ثلاث إلا أنه لم يفكر في التقاط شيء كي لا يترك القفص. كان ذلك حين دوى في أذنيه صوت أذان صلاة المغرب قادماً من مسجد السيد (البدوي) الذي صار قريباً جداً منه. وعادت دموعه للظهور مرة أخرى وهو يشعر أن الدنيا كلها قد أطبقت عليه فجأة ليسقط منهازاً هو وقفصه، عند سلالم المسجد الكبير قرب أحد الأعمدة.

مذ كنت طفلاً صغيراً نلت منزلة وهيمتي قد علت على سائر الهمم

القاهرة (2014)

لم تدر (دنيا) إن كانت قد كذبت على (مي) أو على نفسها حين نفت أنها أحبت (صالح) من أول نظرة أم لا. فقد انتابها شعور غريب بالفعل حين رآته للمرة الأولى، شعور غريب لكنه ليس الحب ذاته بالطبع، فهي ليست بالطفلة وليست على أعتاب المراهقة كي تظنه حب الروايات والأفلام، لكنها تدرك جيداً في قلبها أنه شعور غامض مؤدٍ إليه بطريقة لا تفهمها، لكنها تعرف أنها حتمية.

ورغم ارتفاع أصواتهما ونشوب العراك بينهما، إلا أن أحداً من المارين لم يلتفت لهما كثيراً. مجرد طفلان يتشاجران .. يلهوان بشيء من العنف. أما الفتاة فقد ازدادت شراسة وكان لعبة إثبات القوة هذه أعجبها لتجد فيها ما يفرغ طاقتها. وربما لم تكن مهمة من الأساس بعدوى جرب أو غيره فهي معجونة وسط القذارة، وإنما هي رغبت في فرض سيطرتها وحسب.

طمرت الدموع غزيرة من عيني الصبي رغماً عنه وسط صراخه وكزه على أسنانه وهو يبعد الفتاة عن القفص حتى تعبت هي، أو ملت، من اللعبة، لتعتدل واقفة لاهثة بيضاء كأنها فاتح منتصر، واضعة يديها في وسطها وهي تنظر إليه وقد تهالك فوق القفص ينظر إليها بخوف كأنه يحميه بجسده، ورغم قرار الرحيل الذي أضمره سابقاً، إلا أن حركة القفص هذه بدت له كضربة تحت الحزام بلا أي داء على الإطلاق، جعلته يكره تلك الفتاة من قلبه رغم أنه لا يعرفها، ويقول في عناد وسط دموعه ولهائه:

- لو قرفانة قوي كده ما تقومي إنتي من جنبي، حد حايشك!

لوت وسطها بطريقة سوقية فجأة لا تناسب مع سنها وهي تقول باستفزاز:

- لا يا حبيبي، ده مكاني! ويقعد فيه كل يوم، يبقى إنت اللي تغور إنت وخضارك المعفن زيك اللي لأمم علينا الدبان ده!!

كانت تلك آخر نفخة في صدره ليذبل بعدها بالون طاقته الضعيف. لم يعد يتحمل أو يرغب في أي شيء سوى أن ينتهي هذا الموقف بأي شكل. ولم تمض دقائق معدودة حتى كان قفصه على رأسه وهمه على قلبه وهو يسير مبتعداً. أما دموعه فقد جفت وقد نسي أن يبكي غيرها منشغلاً بالقفص الذي صار أيلًا للسقوط في أية لحظة، داعياً الله ألا يحدث ذلك على الأقل حتى يعود إلى البيت.

ورغم أنها ما تزال لا تعرف إحساسه ناحيتها بالضبط، إلا أنها استسلمت لذلك الشعور وتلك الحالة، لأنها تشعر أن قوة ما تحسه لا يمكن إلا أن يكون متبادلاً، وربما هي تتمنى ذلك فحسب، فهي حقاً منجذبة إلى (صالح)، مبهورة به، وراضية أن تبقى فقط بجواره، حتى لو لم تنل منه حقاً، راضية به حتى لو انكسر قلبها، وواثقة فيه لدرجة تشعر معها أنه حتماً لن يكسره.

- سرحتي في إيه؟

قطع عليها (صالح) شرودها وتأملاتها فيه بسؤاله لتجفل قليلاً وتساله

هي:

- إنت .. إنت عرفت إزاي؟

- إحساس

قالها بابتسامة فلم يبد عليها أنها اقتنعت وأحمر وجهها وهي تضحك بخجل وتكرر:

- لا بجد عرفت إزاي؟ دول كانوا ثابيتين يعني اللي سرحت فيهم

- ما هو الثابيتين دول عينيكي شردت فيهم كده وكنتي بتري بنص دماغ

ألهدا الحد يعرفها؟ لهذا الحد يلاحظها؟ لدرجة أن يلاحظ شرود عينها لثابيتين فقط؟ هل ينظر في عينها طويلاً؟ هل يسير أغوارها من خلالهما؟

- ما تتخضيش كده أنا بهزر. مش لازم تقولي أكيد

شعرت أنها أخرجت أكثر وكان عبارته هنه كشفت أنه يعرف ما كانت شاردة فيه. وكأنها تحاول دفع تهمة عن نفسها، قالت بسرعة:

- لا لا عادي، أنا سرحت في شخصية البنت اللي في الرواية واحنا بنتكلم عنها، أصلها فكرتني وأنا بقراها بواحدة كنت أعرفها

- والرواية كلها .. إيه رأيك فيها؟

- جميلة جداً، أنا بحب (إحسان عبد القدوس) قوي

- أنا كمان، بس مش هو أحسن كاتب عندي

- أمال مين؟

شرد ببصره قليلاً كأنه يفكر قبل أن يقول:

- مش عارف، فيه كذا حد كويس قوي .. (يحيى حقي) و(الأسواني). بس ممكن نقول إن أقرب واحد لقلبي هو (يوسف إدريس)

بلهفة متحمسة قالت:

- إيه ده! أنا كمان بحبه قوي

- بصرة

- بس ما قريتلوش كتير للأسف

- قريت (العيب) أو (النداهة)؟

- لا بس قريت (قاع المدينة)، وعجبتني قوي

بدا وكأنه لم يسمعها وهو يلتقط حقيقته الأنيقة ويبحث بداخلها قليلاً قبل أن يخرج بكتابين مد يده إليها بهما. كانا رواية (العيب) ومجموعة (النداهة)، واللتين نظرت (دنيا) إلى أغلفتهما المصقولة ورزمتي أوراقهما المذغوظة بطريقة تشي بأنهما جديدان لم يمسا بعد، قائلة:

- إيه ده إنت بتحبه قوي بقى على كده، معاك كتايين له في شنتطتك
بالصدفة

- لسه شاربيهم النهاردة، خدي بقى وقولي لي رأيك أما تخلصي
صمت قليلاً قبل أن يضيف ضاحكاً كطفل:

- بس من غير ما تحرقى حاجة
بدهشة قالت:

- أحرق إيه؟؟ هو أنا هقراهم قبلك!؟

- أمال أنا باديهم لك ليه؟

- بس إنت لسه جايبهم النهاردة

- ما أنا عارف

- وإنت نفسك لسه ما قريتهمش

- طب وإيه المشكلة؟

- إنك أكيد هتموت وتقراهم، وأنت أصلاً بتحب (يوسف إدريس)

- طب ما إنتي كمان بتحبيه

- أيوه بس دي كتبك إنت

شعرت في عينيه المثبتتين على عينها بشيء من العتاب وهو يقول لائماً:

- إيه كتبك إنت دي؟ إحنا فيه بيننا كده برضه؟؟

ندمت على تسرعها ولعنت في سرها لسانها الذي يتصرف أحياناً، بل
كثيراً، قبل أن يفكر عقلها، لذا قالت بشيء من الحرج:

- أنا مش قصدي والله، أنا بس حسيت إنه كتير قوي يعني، تبقى لسه
جايب القصص، وما قريتهمش إنت نفسك، وتدهملي أنا أقراهم الأول، دا
أنا حتى لسه مارجعتلكش اللي عندي

- ولو ما رجعتيش حاجة خالص، ما يغلوش عليك، أنا وإنتي واحد يا
(دنيا)

ابتسمت رغماً عنها من كلماته الرقيقة وهي تتناول منه الكتاين بامتنان
لترى معالم الارتياح تغزو وجهه وعينيه تبسман لها .. بحب!

لو أحببت كما أحبينا، لفهمت كما فهمنا

و غاب عني شهود ذاتي.... بالقرب حتى نسيت اسمي

خلاء - تاريخ غير معروف

يا إلهي .. ماذا فعلت!

هل أبكي أم أصرخ؟ أندم أم أفرح؟ أهرب أم أعود؟ إن هربت فأين أذهب؟ وإن عدت فهل أعود به أم بدونه؟ وماذا لو اكتشف أحدهم .. جثته؟

تضاربت الأفكار والمشاعر بداخلي بطريقة شلتني تمامًا، أنظر إلى دمه الذي ما يزال يلوث يدي، وروحي، وكل شيء حولي. أريد لهذا السائل الأحمر المخيف أن يختفي، وحتى لو اختفى، ماذا أفعل بجسده؟ كيف أخفيه هو أيضًا؟ حاولت السيطرة على نفسي وأنفاسي وأنا أنهض ببطء محاولاً جمع شتات أفكارني ومشاعري.

وماذا سأفعل؟

في صمت انحنيت على جسده الساكن لأرفعه ببطء متحاشياً النظر إلى وجهه. حملته على ظهري كي لا أنظر له، دون أن أدري غاية أو وجهة، دون أن أدرك أي خطوة تالية، مضيت سائراً بحملي الثقيل.

-فاهمة إيه؟

ورغم صراخها في ابنتها منذ دقائق كي لا تعطلها، فقد تشاغلت (ميادة) عن ضبط حجابها وهي تنظر لأمها في المرأة وتبتسم بزواية فمها بخيث، وبطريقة العالم بأمور كل شيء، قالت:

- يعني مانتيش عارفة؟!

زفرت (نجوى) بشيء من الضيق ونفاذ الصبر وهي تقول:

- يا بنتي قولي وخلصيني

- هيكون إيه يعني يا ماما! أكيد فيه حد ثاني

- حد ثاني يعني إيه؟

- بنتك شكلها كده مرتبطة وللا تعرف حد بتحبه

بدا على (نجوى) فرح أكبر من اللازم وبطريقة غير مبررة وهي تقول:

- حد مين؟؟؟

- أنا إيش عرفني؟؟

- (ميادة)! هي حاكية لك حاجة وإنني مخيبة عليكيا؟!

- حاكية لي إيه بلا خيبة هو أنا بشوقها؟!

- ما كانت لسه هنا من يومين وشفتكوا بتتودودوا في المطبخ، ما

حكتلكيش حاجة معقول؟!

- ما إحناش سر بعض قوي كده يا ماما وإنتي عارفة

- أنا حاسة إنك عارفة حاجة ومخبياها

- مخي ليه مثلاً؟!

- أختك بقى وبتداري عليها، ممكن تكون محلفاك ما تقوليش

- إنتي عارفة إني كنت هاجي أقول لك برضه

ورغم أنها عطلت نفسها بنفسها منذ دقائق بإرادتها، وكانت هادئة بل وتبتسم بسخرية منذ قليل، إلا أن (ميادة) عادت لتصرخ في ابنتها التي لم ترتد حذاءها بعد واستعظلم، لترتبك الصغيرة ولا تستطع ربط الحذاء كما يجب، فتصرخ (ميادة) للمرة الثالثة بنفاد صبر كأن أحدهم يضغط على أعصابها بشدة، وهي تمسك بذراع ابنتها وتدفعها نحو أمها قائلة:

- خدي يا ماما والنبي البت اللي مش عارفة تربط حته جزمة دي إحنا مش هنلحق حاجة كدة

لم يبذُ على (نجوى) أنها انزعجت كثيرًا من عصبية ابنتها وهي تساعد حفيدتها بذهن شارد عنها ومنتشغل بالحوار وهي تقول:

- يعني إنتي بتغلي الشك يلعب في دماغى وخلاص؟! مانتيش عارفة حاجة وبتفتي؟!!

- أنا ما بفتيش أنا بستنتج، وهو الاستنتاج المنطقي الوحيد أصلاً، معرفش إنتي وبابا ما أخذتوش بالكوا إزاي الصراحة!

اكسح القلق ملامح (نجوى) حتى أن لونها شحب وسفتها جفتا وهي تقول كأنها تندب حظها على ما وقع فعلاً:

- وده من جوه الطريقة وللا براها بقى إن شاء الله؟؟ أختك هتجيب لنا واحد غريب وتفضله على ابن الشيخ؟! هتصغرنا وتقصر رقبنا قدام الراجل؟ لا حول ولا قوة إلا بالله!

- على الله بس مايطلعش وهابي زي (أسامة) الله يرحمه

الخلوة (1978)

صمت الشيخ (آدم) وطال صمته، ربما لأنه لم يفهم السؤال الموجه إليه، وربما لأنه ما يزال يفكر في الإجابة.

- ارفع عنك غطاء رأسك

عاجله ذلك الطلب، أو الأمر، وهو بعد لم يفهم ما سبقه، الأمر الذي قد يبدو مريبًا أو محيرًا. لم تكن لهجة الصوت الرخيم حادة أو عنيفة هذه المرة، لكنها كانت أمرة، وفيها شيء من اللين رغم ذلك، ربما لذلك امتثل الشيخ (آدم) للأمر بهدوء، لكنه شعر في قرارة نفسه أنه كان سيمتثل له رغم كل شيء، ومهما كانت لهجته. اضطر لترك مسبحة في حجره كي يحل عمامته من فوق رأسه، وهو بعد لم يفهم أي شيء تقريبًا، سوى أن عليه الصدوع بأي أمر يوجه له الصوت الرخيم، مهما كان.

لَقَدْ كُنْتُ فِي غُفْلَةٍ مِّنْ هَذَا فَكَشَفْنَا عَنْكَ غِطَاءَكَ فَبَصَرُكَ الْيَوْمَ حَدِيدٌ

شعر بشيء يلامس أعلى رأسه فأغلق عينيه تلقائيًا وهو يشعر بشيء أقرب لكهرباء استاكتكية تحيط بجمجمته وتضغط على رأسه وأذنيه بطريقة غريبة لكنها غير مؤلمة مع ذلك. ازداد ضغطه على جفنيه وهو يكرمشمها كأنه يريد إغلاق عينيه أكثر وهو يشعر بشيء ينساب بنعومة ليحيط برأسه،

كانه عمامة لكنها أخف وزناً بكثير، مصنوعة من غلالة رقيقة للغاية، كأن ما أحاط برأسه هو هالة من نوع ما، على شكل عمامة.

إِنَّمَا أَمْرُهُ إِذَا أَرَادَ شَيْئًا أَنْ يَقُولَ لَهُ كُنْ فَيَكُونُ

أناه الصوت مرة أخرى فور اكتمال التفاف العمامة على رأسه، أو التحامها به، نعم التحامها، فقد شعر الشيخ (آدم) وكان تلك العمامة جزء من رأسه أو هالته، كأنها تكمله ولا تنقله، وأن رأسه أخف وزناً وأكثر راحة بكثير. فتح عينيه ببطء الترقب لا الخوف. لم يكن يعرف ولا يتوقع حتى ما يمكن أن يراه أو يسمعه، أو يشعر به عندما يفعل، لكنه يشعر أنه سيختلف عما كان قبل إغلاقتها. وقد كان، وتأكد له شعوره حين اكتمل تفتح عينيه، وراح جفناهما ينفرجان أكثر وأكثر، حتى وصلا لأخر مدى يمكن أن يصلإ إليه، وهو يرى ما يراه الآن، وما لم يتوقعه على الإطلاق.

عدن (2014)

في الطرف البعيد جداً عن مدخل (عدن) الرئيسي، والقريب إلى حياً ما من مدخلها الجاني، يقع ذلك المبنى متوسط الارتفاع، الذي يجمع بين البساطة والأناقة. في الطابق العلوي منه يقع مكتب الشيخ (مصطفى الشاذلي)، شيخ الطريقة. وعند ذلك المبنى، توقفت سيارة الشيخ السوداء التي يقودها بنفسه، ويجاوره فيها نائبه، الشيخ (عثمان عبد الملك).

هبطا من السيارة وصعدا سوياً إلى الغرفة الواسعة الأنيقة، والتي يتوسطها مكتب كبير فخم جلس الشيخ (مصطفى) خلفه وأخرج عليه فضية سحب منها سيجارين من الحجم الصغير، وضع أحدهما بين شفطيه، وقدم الآخر لـ (عثمان) الذي أخذه شاكرًا وأسرع بإخراج قداحته ليشعل

سيجار الشيخ أولاً ثم سيجاره. لم يكن يحب السيجار كثيرًا، ولا يدخنه إلا فيما ندر، ربما في حضرة الشيخ (مصطفى) فقط، وحين يعزم عليه بواحد، حيث يفضل عليه السجائر العادية الخفيفة، لكنه رغم ذلك لا يرفض شيئاً يقدمه له الشيخ، أو يمد له يده به.

جلس صامتاً باحترام في أحد المقعدين أمام المكتب الذي استرخى خلفه الشيخ في مقعده الوثير، وهو يسحب نفساً طويلاً من سيجاره قبل أن يقول:

- لسه قلقان على (هشام) يا (عثمان)؟

- ربنا يهديه

قالها مغموماً فعاد الشيخ ليقول ليهدهو:

- معلنش طيش شباب وهيعدى

- شباب إيه بس ده داخل على الثلاثين! وحالته من سيء لأسوأ

- لو المشكلة في الأوراد والدروس وكده بس فدي بسيطة ومقدور عليها

- لا طبعاً مش أوراد ودروس بس..

قالها بضيق فصمت الشيخ وكأنه يستحته دون كلام على إكمال حديثه شارحاً، مكتفياً بالنظر إليه وهو ينفخ دخان سيجاره الذي كونه هالة ضبابية خفيفة حول رأسه، ففهم (عثمان)، الذي لم يكن بحاجة لمن يستحته على أي شيء، وعاد يسترسل في كلامه ناسياً، أو متناسياً السيجار في يده:

- سقط تاني! لأنه ما يبروحش الجامعة وساعات كمان ما يبروحش الامتحانات! يرجع كل يوم وش الفجر ولو حد اتكلم معاه يزعق ويقلب

- وزي ما قلت لك قبل كده، (هشام) قلبه أبيض ونيته صافية، كل اللي بيعمله ده حركات كده من بره، مقبش خوف منه ولا عليه

أراد أن يسأل إن كان هناك من يجب الخوف منه أو عليه، أو إن كان يقصد بذلك أحد أبنائه الآخرين، لكنه أثار الصمت احتراماً، وربما خشية من الإجابة. وبدت في عين الشيخ نظرة كاشفة كأنه يقرأ ما في قرارة نفسه قبل أن يقول:

- عملت إيه في الموضوع إياه؟

ارتبك قليلاً كأنما باغته السؤال وهو يقول:

- لسه والله..

- لسه ما فتحتوش وللا لسه ما جالكش رد؟

أسرع يرد:

- لا فتحتة طبعاً..

صمت كلاهما وكان الشيخ ينتظر أن يكمل كلامه موضحاً إلا أنه لم يزد على أن قال:

- ده شرف كبير لنا طبعاً، كلهم في البيت طابرين من الفرح

ابتسم الشيخ ابتسامة هادئة وقورة وظل على صمته الذي زاد من توتره، وظهرت نظرة غريبة في عينيه، ويضع حبات صغيرة من العرق على جبهته. أما الشيخ فقد اتسعت ابتسامته وهو يتأمله بنظراته الثاقبة قائلاً:

- الحاجات دي محتاجة وقت وتفكير، أنا فاهم، ومقدر

البيت حريقة كأن إحنا الغلطانيين! وفي الآخر يخش أوضته ويرزع الباب وراه وينام لحد الظهر عشان يصحى يعيد نفس السيناريو تاني، نفس السيناريو بيكرر كل يوم وتقريباً ما بقيناش نشوفه. أنا مش عارف حتى أريبه لأنني أصلاً مش بشوفه!

- له حق، إنتوا فعلاً غلطانيين

لم يعلق لكن الدهشة فزقت من كل ركن من ملامحه وهو يتطلع للشيخ الذي عاد يقول بنفس الهدوء:

- تربية إيه اللي عايز تربها لواحد داخل على الثلاثين زي ما انت بتقول؟ السن دي عايزة حوار، (هشام) محتاج حد يقعد معاه ويكلمه بهدوء مش يصرخ فيه كأنه مجرم، الزعيق هيخليه يعند أكثر، والتربية أوانها فات خلاص، وده برضه غلطكم أنتم

لم يدر ما يقول فتشاغل بسيجاره والشيخ يضيف:

- ماته وأنا أقعد معاه وأكلمه

- هو بيرضى يعبي أصلاً؟!

- يا سيدي في أقرب فرصة، مش لازم بكرة يعني. وماتضغطش عليه، سلب الأمور تمشي سلسه هتلاقه جه من نفسه

للمرة الثانية لم يجد ما يقوله فابتسم الشيخ وقال:

قُولُوا لَهُ قَوْلًا لَيِّنًا لَعَلَّهُ يَتَذَكَّرُ أَوْ يَخْشَى

هز رأسه وهو ينقت الدخان من فمه فعاد الشيخ يقول:

طنطا (1979)

أسند الصبي رأسه إلى رخام أعمدة مدخل مسجد السيد (البديوي) الباردة، ودموعه الحارة تنهمر على وجهه دون تحكم. لم يعرف لمن يشكو أو بأي حضن يرتمي وقد ذهبت من كان يشكو لها ويرتمي بحضنها، من كانت تذود بجسدها عنه وتتحمل نصف ما يتحملة من ضرب. يتعلق بليائها وسط زحام اللاجئين لرحاب السيد (البديوي)، الباكين عند مقامه مثلها ومثله، حين تشتد عليهم الحياة وتكشر عن أنيابها بما يفوق احتمالهم. وها هو الآن عند باب ذلك الرحاب، وعاجز في الوقت نفسه عن الدخول إليه، فكيف يدخل ويترك حملة هذا هنا؟ وكيف يدخل بهيئته المترية المفجرة هذه؟

علا نشيجه وارتجف جسده رغماً عنه وهو يشعر أنه ضائع تماماً، لكن خجله جعله ينهه بصوت خفيض جداً، مسموع فقط لمن يمر بجواره، وقد مر الكثيرون دون أن يلتفت إليه أحد. شخص واحد فقط انتهى إليه واقترب، رجل طويل مهيب، أبيض يرتدي السواد، بدأ للصبي بقامته المديدة كعملاق غامض، حتى أنه شعر بالقليل من الرهبة حين انحنى عليه مرتباً على كتفه، سائلاً عما يبكيه بهذه الطريقة.

لكن الصبي لم يجبه، فقط زاد بكأوه أكثر، ربما لخوفه من هذا الغريب، أو لأن اهتمام أحدهم به قد هيج مشاعره بعد كل المدة التي لم يلق فيها سوى قسوة ومهانة. وأمام هذه النبوة من البكاء، لم يتمالك الرجل نفسه من الدهشة، ولم يدر إن كان الأصح أن يترك الصبي وشأنه، لكن قلبه لم يطاوعه حين تمنع في وجهه وعينيه، ورأى حزناً غائراً في وجهه البريء الذي غطاه الانكسار والألم.

اعتدل وابتعد ليغيب عن ناظري الصبي الذي لم يعرف أين ذهب، وهل سيعود أم لا، وجد نفسه رغماً عنه يتمنى عودته رغم كل شيء، وكأنما وجد

أطلق نفساً قصبياً كان قد حبسه في صدره على شكل تهيدة خافتة خففت قليلاً من توتره. وكأنما أراد الشيخ تغيير دفة الحديث عن عمد، قال:

- و(أمجد)؟

- ربنا يحميه، ياربت أخوه يتعلم منه والله، ما إنت عارفه طيب وهادي، ومش متعذب زي الكبير

أطفاً الشيخ سيجاره في منفضة كريستالية كبيرة أمامه وهو يقول:

- لقي شغل؟

- لسه بيدور، مش لاتي حاجة مناسبة

- قل له ما يشيلش هم شغله عندي، ولو حب يبجي يستلمه في أي وقت

انتبه في تلك اللحظة أن الشيخ قد أطفاً السيجار فأسرع هو الآخر يطفى سيجاره وهو يقول:

- ربنا يخليك، أنا مش عارف أقول لك إيه والله

ليرد الشيخ (مصطفى) بطيبة:

- ما تقولش حاجة دول ولادي، كلهم ولادي، وأنا اللي مربيهم، دا أنا ليا فهم أكثر منك يا راجل!

أنهى جملمته بضحكة عالية صافية جاوبها (عثمان) بضحكة مماثلة، وإن حملت عينيه نظرة غربية، وغير واضحة.

فيه نوع من الأُنس الذي خفف القليل من جزعه، كأنه يريد أن يكون بجواره مخلوق بشري وحسب، حتى إن لم يدر كيف سيساعده ذلك في أي شيء.

لا يذكر آخر مرة طلب فيها شيء وحصل عليه، أو تمنى حتى أمنية وتحققت، لذلك، فحين رأى الرجل الطويل يعود إليه مرة أخرى حاملاً في يده زجاجة مياه صغيرة، لم يتمالك هو نفسه من الدهشة هذه المرة، اتسعت عيناه وانفجرت فمه وقد خفت تحببه قليلاً وكأنما أنسته الدهشة أن يبكي بنفس القوة. كان وجه الرجل يحمل ابتسامة طيبة، بدا مريحاً له هذه المرة، كأنه يعرفه من قبل، أو كأن تلك اللحظات الفائتة كونت بينهما معرفة سابقة، وتاريخاً من نوع ما.

اقترب حتى وقف بحواره، ودون أي كلمة، فتح الرجل زجاجة المياه وسكب القليل منها على يده، ومسح بها وجه الصبي الصامت الذاهل، الذي لم يفته أن يلاحظ، رغم ذوله، تلك الرائحة العطرية الخفيفة التي انسابت إلى أنفه حين مست كف الرجل وجهه، رائحة يحبا ويعرفها لكنه لا يعرف اسمها، أو لا يذكره؟ ماذا كانت تدعى؟ م... مسك؟

وعندما عاود الرجل سؤاله هذه المرة، وجد الصبي نفسه يحكي له كل شيء.

لَا نَعَا فَا ۞ إِنِّي مَعَكُمَا أَسْمَعُ وَأَرَى

عدن (2015)

بعد يوم طويل شاق من مساعدة زوجها (عبد الله)، الذي يعمل بالتناوب مع عامل آخر في محل البقالة الصغير، لم تكن (عائشة) تجد راحة أو متعة أكبر من السير ليلاً في طرقات (عدن) الواسعة، متنشقة هواءها الليلي الرطب المنعش، المشبع برائحة الزرع، مستمتعة بالسكينة الغربية التي تغلف هذا المكان المربع، وتلمس كل من فيه بعضاً سحرية حانية، تجعله ينسى كل همومه دفعة واحدة.

تخلع نعلها أحياناً كي تسير حافية فوق الرمال الناعمة الباردة، التي تخفف من حرارة داء السكري الذي ألهم قدمها، والغريب أنها كانت تشعر براحتين حين تفعل ذلك، راحة حسية فورية، وراحة أخرى على المدى البعيد، يندهش لها طبيها أكثر مما تندهش هي، فهو يقسم أن حالة قدمها تتحسن مع الوقت!

ورغم لسعة البرد الخفيفة، وذلك الوقت المتأخر من الليل، فلم تشعر (عائشة) أنها وحيدة في خلاء، إذ كان هناك آخرون أيضاً يسرون مثلها، الأمر الذي يشعر المرديين جميعاً دوماً بتوع من الأُنس، في أي وقت ومهما تأخر الوقت، ورغم ذلك وعلى كثرتهم، فإنك لا تجد ازدحاماً أو اختناقاً في المكان، فإتساعه يتنوع أعداد المشاهدين، المتفرقين كأفراد أو جماعات صغيرة.

لكن تلك الليلة اختلفت قليلاً.

سارت (عائشة) في البداية بمفردها، متلفحة بشال خفيف، وقد لفت حول معصمها مسبحتها التي تؤدي عليها أورادها، ككثير من أولئك المتمشيين مثلها، الأساس اليومي بعد صلاتي الصبح والعصر، والذكر

الممتد الذي يصل لسبعين ألف أو مائة، ويكون استغفارًا أو تهليلًا وما إلى ذلك، ويستخدم فيه ذلك العدد الإضافي.

وبما أن أغلبية المریدین في الطريقة يعرفون بعضهم البعض، لإنتماهم جميعًا إلى نسيجها الموحد، فقد كان من الطبيعي أن يقابل المرء شخصين أو ثلاثة على الأقل، يلقي عليهم السلام ويمضي كل في طريقه، أو ينضموا إلى بعضهم البعض ويكملوا المسير سورًا، إن كانت المعرفة وطيدة نوعًا.

في تلك الليلة تقابلت (عائشة) مع (ضحى)، التي تسكن مع والدتها في الشاليه المجاور لمسكن (عبد الله) و(عائشة) الصغير، وتتميز بوجهها القمحي الجذاب شديد الجمال، وابتسامها المعديّة. ورغم اختلاف المستوى المادي والاجتماعي للمرأتين الشابتين، إلا أن أشياء كنتك لم تكن عائناً بين أبناء الطريقة في طريق إقامة العلاقات بينهما. وقد ساعد تقارب سنهما في تكوين نوع من الصداقة بينهما. وبعد تبادل السلامات والقبلات، مضيتا تسيران جنبًا إلى جنب، تتجاذبان أطراف الحديث.

- أنا معطلاك عن الاستغفار يا (عائشة)؟

قالتها (ضحى) بمرح يشوبه بعض الحرج لطبيعتها الخجولة فأسرعت (عائشة) تقول:

- لا طبعًا ما تقوليش كدة، ده إنتي كنتي وحشاني والله، وأنا كده كده كنت قريت أخلص

- حضرتت الدرس النهاردة؟

- آه الحمد لله، كان جميل قوي

- عم الشيخ دايمًا كلامه جميل، بيتزل على قلب الواحد كده يفسله وتهديه

- آه والله

- على الله بس مايكونش الواد (حمزة) قعد يعيط ويعمل غاغة ويزعل عم الشيخ مننا

قالتها (ضحى) ضاحكة فقالت (عائشة) بجديّة:

- لا وأنا أقدرنا ستر ربنا إنه فضل نايم طول الوقت، بس الواد جه على آخر خمس دقائق يا (ضحى) وقام صاحي، لسه هيفتح جاعورته، قمت بيه جري على بره!

- خسارة يعني فاتك الدعاء. دا عم الشيخ دعا النهاردة شوية دعاء يا (عائشة)!

- لا ما أنا سمعته من الشيبايك وأنا واقفة على الباب بره، والحمد لله صوت الميكروفون عالي وبيوصل، وأمنت معاه وأنا بقول في سري منك لله يا (حمزة)!

عادت الإثنتان تضحكان قبل أن تقول (ضحى):

- أمال هو فين الواد الشقي ده؟ عايزة أشوفه

تهمدت ولوحت بيدها بملل وبشيء من نفاذ الصبر وهي تقول:

- مع أبوه، قاعدين مع الرجالة، خليه يشيل شوية بقى أنا تعبت

ضحكت (ضحى) مرة أخرى وهي تربت على كتفها برقة مشيرة بعينها لقدميها الحافيتين وقائلة بإشفاق:

- ورجليكي عاملة إيه؟

- الحمد لله أحسن. وإنتي؟ مفيش شعر جديد؟

ضحكت بخجل وتوردت وجنتاها وهي تقول:

- لأ أصل أ ...

لكنها بترت عبارتها فجأة لتلتفت إليها (عائشة) متسائلة فتجدهما تحدد أمامها بوجه جامد وعينين متسعيتين.

بها بها بها. بهيا بهيا بهيا. بهيات بهيات بهيات. القديم الأثري. يخضع لي جميع من يراني

القاهرة (2015)

حلقت مشاعر (دنيا) بها في السماء وهي شبه متأكدة أن (صالح) يبادلها نفس الشعور. لم يتكلم، لم يقل شيئاً عن حب أو مشاعر، لكن الكلام العادي بشكل عام بينهما لا يكاد يتوقف، وهي لم تشعر في حياتها بمثل هذا التجاذب والتفاهم مع أي شخص في الدنيا سواه، لم تشعر بشيء كهذا في حياتها من قبل قط، وقد صرح كل منهما بهذا للآخر على استحياء، دون التطرق لموضوع الحب نفسه.

لم تعد اللقاءات بينهما تقتصر على الجامعة فقط، وتطورت تدريجياً حتى خرجت عن أسوارها، فصارا يتقابلان في أحد المقاهي أو المطاعم القريبة. لقاءات ليست يومية، ولا حتى كثيرة متكررة، بل ومتباعدة أحياناً.

لكنها كانت تحس بعد كل لقاء بسعادة تكفيها عمراً بحاله. ترى في عينيه سعادة ماثلة، وتشعر أنها ترى فيهما حباً صامئاً، قتلت نفسها تفكيراً وبحثاً عن سبب صمته.

ومع ذلك، ترتطم أحياناً بأرض الواقع، وتتساءل في حيرة، إن كان يحيا حقاً، فلماذا لم يقل شيئاً حتى الآن؟ تكتشف أنها يتحدثان في كل شيء تقريباً، وأنه يقول الكثير، ويفصح لها عن طريقة تفكيره وما بداخل عقله، لكنه نادراً ما يفصح عما بقلبه أو حياته الشخصية، فلا تكاد تعرف شيئاً مثلاً عن أسرته، رغم طول الأحاديث بينهما.

ورغم فضولها، ورغبتها في معرفة الكثير عنه هو بالذات، بغض النظر عن فضولها العام الذي يثيره غموضه بشدة، فهي لم نشأ أن تظهر أمامه بمظهر المتطفلة السخيفة، لذا كانت تحاول أن تجتذب منه الحديث في تلك الأمور بطريقة هادئة لا تزعجه أو تضغط عليه، فهي لا تدري بعد إن كان كنوماً هكذا لأنها طبيعته، أم لأنه يخفي شيئاً ما.

- ضايقيك لو دخنت؟

- إيه ده إنت بتدخن؟

قالتها (دنيا) بدهشة أكبر مما أرادت إظهاره فأطلق (صالح) ضحكة قصيرة خجلى واحمر وجهه قليلاً وهو يقول:

- أكيد مادام بسأل

ظلت على دهشتها محدقة في وجهه بصمت فاحمر وجهه وهو أكثر وهو يقول محرراً:

- آسف لو كان السؤال ضايقيك

شعرت بالندم لإحراجها فأسرعت تقول:

- لا لا أنا ما إتضايقتش خالص .. أنا بس مستغربة، ما كنتش أعرف
يعني إنك بتدخن

- أنا ممكن ما أَدْخِنش على فكرة لو ده هيضايقتك .. أنا عشان كده
بَسال

لم تكن من مشجعي التدخين، لا ترفضه قطعياً لكنها لا تحبده، ولكنها
أيضاً لم تشأ أن تضايقه بأي وسيلة كانت، لذا وجدت نفسها تقول:

- لا أنا مش هتضايق! براحتك عادي

- أكيد؟؟

قالها مبتسماً بتردد فهزت رأسها بقوة مبتسمة هي الأخرى، وراقبته وهو
يخرج علبة سيجاره وقداحت من جيبه ويخرج سيجارة من العلبة ليضعها
بين شفتيه ثم يشعلها ويسحب نفساً طويلاً عميقاً.

- كنت محتاجها قوي

ابتسمت لتعبير الارتياح والاسترخاء الذي بدا على وجهه وهي تقول:

- وكنت هتعمل إيه لو كنت قلت لك إني هتضايق؟

شعرت بسخافة سؤالها وندمت عليه، إلا أنه هز كتفيه وهو يتعمد
نفت الدخان بعيداً عنها قائلاً:

- عادي ما كنتش هشرها

ضحكت قائلة:

- إنت بتعمل كده مع أي حد يقول لك إنه متضايق من الدخان؟

- لا مش أي حد

ورغم بساطة قوله للعبارة وكأنها أمر مفروغ منه، إلا أن وجنتها
اشتعلتا خجلاً، فتنحمت لتسلك حلقها الذي انحسر الكلام فيه قبل أن
تقول:

- آمال كنت هتعمل إيه؟ مع حد ثاني يعني

- كنت همتأذن شوية وأروح أشرها بعيد أو في مكان مفتوح

- إشمعي؟ إيه الفرق؟ قصدي..

ارتبكت وهي تشعر باستحالة إلقاء ذلك السؤال بشكل غير محرج فقال

هو:

- الفرق إن فيه ناس ما أقدرش أقوم واسيمهم عشان سيجارة، لو واحد
صاحبي ممكن أقوم وأسويه شوية عشان أدخن عادي، لكن لو إنتي، لا تولع
السيجارة

- لو أنا .. لو أنا بس؟!

انفلت السؤال منها رغماً عنها وشعرت أنها أوقفت نفسها على خط في
دقة الشعرة، كأنه الصراط المستقيم، لا تراجع الآن، فإما أن تهوي في
أعماق جهنم وإما ..

- أه إنتي بس

هل تبتلع خجلها ولسانها أم تمشي وراء قلمها الذي أوجع صدرها دقاً
وتهمس سائلة:

- ليه؟

ثبت عينيه في عينها.

- يعني إنتي مش عارفة؟

اتسعت عيناها قليلاً دون أن تشعر وهي تتطلع إليه ذاهلة، لا تدرك درجة الاحمرار التي وصل إليها وجهها، في حين أخرج هو نفساً طويلاً من الدخان كان محبوساً في صدره، ببطاء، وهو يقول:

- عشان أنا بحبك يا (دنيا)

(5)

سكوتٌ ثم صمتٌ ثم حَزِينٌ و عِلْمٌ ثم وَجْدٌ ثم زَمْس

و طِينٌ ثم نَارٌ ثم نَوْرٌ و بردٌ ثم ظَلٌ ثم شمس

خلاء - تاريخ غير معروف

تعبت ولم أعرف كم مشيت. لفحات الهواء البارد التي كنت أحيا صارت الآن تؤلمني، كأنها تضربني. الرمال التي تنفخس في قدمي بدت وكأنها تود تقييدي بها أو سحبي إليها لمنعي من الهرب. حتى الطيور، بدت وكأنها جميعاً تهاجمني، وهي تحوم حولي. نعيق اليوم لا يتوقف، وصيحات الغربان تصم أذني، أما الصقور فلا أعرف كيف تفاديت أذاها حتى الآن، ولا أعرف إن كنت قادراً على المزيد من كل ذلك.

تهافت مقاومتي عند مجموعة من الصخور، قريبة من بركة مياه تجمعت حولها غربان لا تتوقف لحظة واحدة عن الصياح بذلك الصوت المزعج. مددته بجواربي وجلست ألهمت في ذلك المكان الكئيب. شردت ببصري في مجموعة من الغربان بدت وكأنها تتعارك وأنا أفكر، يارب، هل لي أن أناديك أو أناجيك الآن؟ أتراه يحق لي أن أطلب منك عقواً مما فعلت أو مخرجاً مما أنا فيه؟ هل تسعي رحمتك التي وسعت كل شيء؟ أم أنه لم يبق لي الآن سوى عدلك فقط؟

و خَزْنٌ ثم سهل ثم قَفْرٌ ونهر ثم بَحْرٌ ثم يَبْس

الخلوة (1978)

ورغم أنه البشري الوحيد وسط كل من كل يحيطون به، إلا أن عيني الشيخ (آدم) أول ما طالعت، طالعته هو، وعندما تعلقت، تعلقت به هو، بعيني على وجه التحديد، عينيه الواسعتين العميقتين، واللتين تجبرانك على النظر إليهما رغماً عنك.

- من أنت؟؟

قالها الشيخ (آدم) هيبيةً وصوتٌ خفيض، سمعه هو نفسه بصعوبة، ورغم ذلك فقد أتاه الصوت الرخيم، الذي رآه الآن يخرج من فم الرجل الواقف أمامه قائلاً:

- أنا من يتولى الأولياء .. ألتقى حملهم وأمددهم بما يعينهم على حمل المزيد منها

بدا هيبياً رغم بساطة مظهره، قوي في حضوره رغم وداعة ملامحه، له بنية ضئيلة وقامة تميل إلى القصر، وجه وسيم حليق وشعر ناعم، صاحب الصوت الذي كان يحدثه طوال ذلك الوقت وسط نور لم يمكنه من النظر إلى وجهه مباشرة، إلا بعد ارتداء تلك العمامة. تأمله وهو يعود ليقول بنفس الصوت الرخيم:

- أنا (المتولي)

- شيال الحمول

قالها الشيخ (آدم) بأنفاس مهورة كأنه يسأله، وكأنه يعرفه منذ زمن في ذات الوقت. ابتسم (المتولي) ابتسامة خفيفة أضفت على نور وجهه نوراً زائداً، وهو يرفع أمام وجهه المسبحة السوداء الطويلة التي انتبه إليها الشيخ (آدم) الآن فقط، والتي لم يعرف متى ولا كيف انتقلت من حجره إلى يد (المتولي) الذي قال:

- أما وقد حملت عنك حملك، فأنت الآن مؤتمن على عمامة (البدوي)، والتي تمنحك من المدد ما لا تمنحه لغيرك، وتمنحك مما لا يتمكن منه سواك. أوله رؤيتك لي، فلا يراني إلا كل ذي عظيم من مدد، وآخره في علمه سبحانه، وما يحصيه من عد ولا عدد

جال الشيخ (آدم) ببصره حوله ليرى كل شيء بهيئته الطبيعية، كل من في الحضرة، قاماتهم القصيرة وتكوينهم الجسدي الشبيه بالبشر، والمختلف عنه في النسب كذلك، إذ كانت السيقان أقصر قليلاً، والأذرع أطول بكثير، وجوههم بيضاء ممسوحة وكأنها بلا ملامح، ويرتدون جميعاً ثياباً بيضاء. عيني الشيخ مفتوحتان قويتان، قادرتان على رؤية كل هذا بأدق تفاصيله، تفاصيل لم يكن قادراً على رؤيتها من قبل، بل إنه شعر أن حدة نظره قد ازدادت قوة ليرى الدنيا كلها وكأنها أكثر وضوحاً في كل شيء، وليس في الأشياء الظاهرة فقط.

- عمامة (البدوي) تمنحك من القدرات ما لا يخطر على بالك، أكثر مما تظن أنها تمنحك الآن، لكنها أمانة، أمانتك أنت، فحتى وإن ارتداها غيرك، وإن منحته بعض المميزات، لن تكون بذات القدر الذي تكونه معك، فمدد الأولياء لا يتحملة إلا ولي

- وهل لي أن أترك غيري يرتديها وهي أمانة؟

- لك أن تفعل بها ما شئت، شرط أن تردها إليّ لأحملها عنك مرة أخرى
قبل أن توافقك المنية، وإلا..

شعر الشيخ (آدم) أن عيني (المتولي) الواسعتين أصلاً قد ازدادت
اتساعاً بشكلٍ مخيف، أما صوته، فلم يعلو على الإطلاق، ورغم ذلك فقد
صارت له نبرة وعيد رنت في أذنيه كالرعد وهو يقول:

- ستقلب كل ذرة من مدد منحتها لك العمامة إلى جمره من لهب تتقلب
عليها في قبرك إلى يوم الدين

كد.كد.كرد.كرد.كرد.كرد.ده.ده.ده.ده

عدن (2015)

نظرت (عائشة) لحيث تنظر (ضحى) ثم عادت تنظر لوجهها المتجمد
بحيرة قبل أن تقول:

- فيه إيه يا (ضحى) مالك؟

ظلت (ضحى) على صمها لثوانٍ قبل أن ترفع إصبعها مرتجفاً مشيرة إلى
شيء ما أمامهما، وتتساءل بصوتٍ خفيض كأنما تخشى أن يسمعها أحد:

- ده ديب ده وللا إيه؟؟

- ديب؟! هي المزرعة عاد فيها ديابة؟؟ مش كان زمان الكلام ده وهي
صحراء قبل ما يبقى فيه سور وعمار؟

- طب كلب يمكن؟

- فين ده؟!

بدت وكأنها لم تسمعها وقد غزا صوتها شيء من الخوف وهي تقول كأنما
ترد على نفسها:

- بس كلب إيه اللي بالطول ده؟!

للمرة الثالثة تنظر (عائشة) للأفق المظلم مجيلة عينها فيه فلا ترى
شيئاً، وتحديثها نفسها أن (ضحى) تختلق كل هذا لتداعها، لكنها تشعر أنها
دعابة ثقيلة نوعاً لأن الخوف في وجهها وصوتها يبدو طبيعياً إلى درجة تكاد
تنقله إليها. راحت تنقل بصرها بين وجهها وما تنظر إليه منتظرة أن تراها
تنفجر ضاحكة فجأة وقد دفعها حيرتها إلى السؤال بعصبية:

- يا بنتي إنتي شوقتي إيه بالضبط؟؟

..عينين

- عينين؟؟ عينين مين؟!

- عينين كبار وبيلمعوا جامد .. كأنهم بينوروا .. ظهروا بسرعة واختفوا
تاني

- فين؟؟

- هناك .. عند النخلة المائلة دي

- طب ما يمكن كلب زي ما بتقول

- لأ ده مش طول كلب .. ده طول بني آدم

شعرت (عائشة) ببرودة خفيفة تغزو أطرافها وقد بدأ خوف (ضحى) ينتقل إليها فعليًا لكنها حاولت فضحه عن نفسها بإطلاق ضحكة عصبية قصيرة وهي تقول:

- يا شيخة! عينين إيه وبتاع إيه؟ أكيد بيهيالك. قال يعني نظرك ستة على ستة قوي. إعدلي بس الشوافة دي كده وإنتي تلاتي إن مفيش عينين ولا حاجة

أنهت عبارتها بأن داعبت طرف نظارة (ضحى) التي ضحكت بدورها بعصبية وهي ترفع النظارة التي انزلت قليلاً على قصبه أنفها قبل أن تقول فجأة كأنها اكتشفت أمرًا:

- يكونش حد لابس نظارة والإضاءة انعكست عليها؟!

- هو كده أكيد! شوقتي بقي خوفيتي وخوفتي روحك على الفاضي إزاي؟! كله من القصص العجيبة اللي بتقريها دي، ماله الشعرا! ماهو حلو

قالها ضاحكة بقليل من الارتياح هذه المرة فجوابتها (ضحى) بضحكة قصيرة هي الأخرى وهي تقول:

- والروايات دي حلوة برض، والله، لو قريتها هتعرفني

- لا ياختي شكرًا مش عايزة أعرف. أنا ناقصة! ده أنا بخاف من خيالي

عادت تضحك لكن عينها انزلت رغبًا عنها ثانية إلى موضع التخلّة المائلة كأنها ترغب في التأكد أنه ما من شيء هناك فعلاً، لتلكمها (عائشة) التي لاحظت ذلك مداعبة وضاحكة وهي تقول:

- يا بت بطلي بقى خايفة من إيه؟! شيء لله يا عم الشيخ! هو المكان ده تستجري حاجة وحشة تقرب له؟!

أطاحت ذكرى الشيخ (مصطفى) بمعظم الخوف بداخل (ضحى). إن لم يكن كله. عجيب أمر هذا الرجل، الحديث عنه فقط يطمنها بشكلٍ غريب، كأن ذكرها له يستحضر روحه التي تربت عليها بثقة وإن لم يكن موجودًا بجسده معها. شعرت فعلاً أنها حمقاء كي تخاف وهي في رحاب أرض يمتلكها ولي من أولياء الله، سمعت الكثير عن كراماته وعجائبه.

لكن أفكارها تلك تجمدت فجأة مع كامل جسدها بطريقة جعلت كل شيء فيها يتوقف بغتة. عينها توقفت عن الرمش، أطرافها توقفت عن الحركة، حتى قلبها شعرت أنه توقف عن الدق. وجدت نفسها تبذل مجهودًا نفسيًا عنيماً فقط لتدير رأسها نحو (عائشة)، التي لن تصدقها حتمًا كما في المرة السابقة، كأنها ترغب في الاستنجاد بها. لكنها حين استدارت لها فعلاً، وحين التقت أعينها أخيرًا، وجدتها (ضحى) تحدق فيها بعينين متسعيتين بشدة، وفيهما من الرعب ما يكاد يفوق رعبها هي.

أعوذ بكلمات الله التامة، من غضبه وعقابه، ومن شر عباده، ومن همزات الشياطين، وأن يحضرون.

القاهرة (2015)

تمر على الكثيرين لحظات يشعرون فيها بسعادة لم يحلموا بها، وأخرى لم يتخيلوا وجودها في الدنيا أصلًا. هذا بالضبط كان إحساس (دنيا)، في كل لحظة من لحظات حياتها التي تلت اعتراف (صالح) بحبه لها.

لم تحسب نفسها يوماً من الملاحظات في هذه الدنيا، بل كثيراً ما شعرت أن حظها قليل جداً، أقل على الأقل من أغلبية أقرانها، لكنها الآن تشعر وأنها فهمت لما كان كل ذلك، لأن الحظ كان مختزناً لها مع (صالح)، معه حصلت على نصيبها الكامل منه، وربما أكثر قليلاً.

لم تفهم كيف هو شبه كامل في عينها هكذا، وكلما ألقت عليه عبارات الإطراء الخجلى متفنية به، تجده هو يحمر خجلاً أكثر منها، ويشيح بوجهه وهو ينفي الأمر عن نفسه بشدة كأنه تهمة، لتجد نفسها مجبرة على الانهيار أكثر بتواضعه.

- يا (دنيا) ما من كامل سواه سبحانه

قالها مشيحاً بوجهه كعادته وهو ينفث دخان سيجارته فقالت هي بعناد طفولي:

- وأنا ما قلتش كامل، أنا قلت شبه كامل

ضحك رغماً عنه رغم ظهور القليل من الضيق في وجهه قبل أن ينظر لها مبتسماً ويقول:

- تسلم لي على المجاملة الرقيقة دي

- بس دي مش مجاملة خالص على فكرة

قالها بجدية لم يملك معها إلا أن يضحك ثانية وهو يقول:

- خلاص بقى!!

- أنا بقول اللي أنا شايفاه

أرخی عينيه وهو يطفئ سيجارته في المنفضة الصغيرة أمامه على طاولة المقهى الذي يجلسان فيه، واكتسى وجهه هو بالجدية هذه المرة وهو يقول:

- واللي إنتي مش شايفاه؟

- يعني إيه؟

- يعني فيه حاجات كتير إنتي ما تعرفهاش عني

- مش هتأثر في رأيي فيك، لأن كل شيء نسبي، وبما إن مفيش حاجة أو حد كامل فعلاً زي ما إنت بتقول، يعني مفيش شيء مطلق، فلو أخذنا الحاجات اللي أعرفها عنك كعينة، وحسبنا نسبة الحاجات الحلوة اللي فيها هي بس، هنلاقي النسبة دي عالية جداً، وتقرب فعلاً من الكمال

لم يتمالك نفسه من إعجابه بذكائها في الرد فانطلقت منه ضحكة خافتة وهو يقول:

- إنتي متعبة قوي يا (دنيا)

زمت شفيتها في عنادها الطفولي الذي تحول رغماً عنها كعادتها لابتسامة انتصار مرحة، حاولت إخفاءها مشيحة بوجهها عنه كي لا يراها، فهي تعرف أن جملته تعني أنها انتصرت، لكنها لا تعرف كيف يملك تلك القدرة الغربية على تحويل أي شيء يقوله لها إلى إطراء يسعدها وإن بدا ذمًا في ظاهره. أما هو، فقد ثبت عينيه في عينها وهو يقول بخفوت مبتسماً:

- لكن حلوة .. حتى وأنتي متعبة حلوة

خفق قلبها بشدة ليضخ الدم في وجنتها ويزيدهما احمرارًا، كأنها نعدت أن تزداد جمالاً حين أثنى على جمالها. أما هو فقد عاد يقول:

- بس أرجوكي، بلاش إنت كامل أو حتى شبه كامل دي، عشان بجد بتضايقي

لمست ضيقًا حقيقًا في صوته ووجهه حيرما وكاد يمزق قلبها خاصة وهي المسبب فيه، ووجدت نفسها تتساءل بأسف:

- ليه طيب؟

خيل لها أن عينيها التمتعنا وهو يشيح بوجهه المتصلب بعيدًا. نبض عرق في جانب وجهه وكأنه يضغط على فكه بقوة. قبضته المضمومة على الطاولة أمامه ارتجفت، وجعلتها ترغب في مد يدها كي تربت على يده. مرت ثوانٍ كالساعات. بدا خلالها وكأنه يحاول السيطرة على نفسه، وإن لم يتغير في وجهه الكثير. لكنها كانت تحفظه أكثر مما يظن، تعرف كل حركاته وسكانته، وتعرف أنه عانى حتى استعاد هدوءه وهو يقول:

- عشان كلامك عن كمالى بيفكرني دايمًا بنقصي

اتسعت عيناها باستنكار وهي تهتف قائلة دون تفكير:

- إنت! إنت مفيش فيك أي نف ...

ابتلعت لسانها وباقى عبارتها وهي تتمنى أن تنشق الأرض وتبتلعها هي كلها لأنها تركت ذلك اللسان كعادتها على حريته، دون أن تفكر فيما سينطق به أولًا. ملأ الجزع ووجهها وهي تراه يلتقط عليه سجانته بهدوء ليخرج منها واحدة دون أن ينبس ببنت شفة، ودون حتى أن يرفع لها عينيه التي تقطب حاجبيه قليلاً فوقهما. فهتفت وهي تكاد تبكي:

- أنا أسفة، مش هقول لك كده تاني والله، بس والنبي .. والنبي يا (صالح) ما تزعل مني...

مر صمت بدا فيه وكأنه لم يسمعها أصلاً، دس السيجارة بين شفطيه وأشعلها ليسحب نفسًا عميقًا حبسه في صدره طويلاً ثم نفثه في زفرة حارة، غير ناسي أن يوجهه بعيدًا عنها. أخيرًا قال وهو يعد لم يرفع عينيه لها:

- ما تعتذرنيش عن حاجة إنتي ما غلظتنيش. المشكلة مش فيكي إنتي خالص .. المشكلة فيا أنا

برقق كأنما تهدم طفلًا قالت:

- كلنا فينا مشاكل

التوى فمه بابتسامة حملت سخريه مريرة وهو يقول:

- بس أنا مشاكلي كبيرة شوية .. وكثير

- أنا عندي مصايب مش مشاكل، طب والمصحف لو عرفتها لترميي من هنا!

قالتها وهي تشير للشرفة الملحقة بالمقهى فنظر لحيث أشارت بطرف عينه ولم يبذ على وجهه أي تغيير لثوانٍ قبل أن يبدأ في الانفراج بالتدرج في ابتسامة خفيفة أعادت الحياة لقلبها وهي ترى ابتسامته تتسع لتصبح ضحكة رقص معها قلبها، خاصة حين نظر لها أخيرًا وهو يقول:

- لأ ما تقوليش على نفسك كده إنتي زي الفل. فيكي بس مشكلة واحدة .. لا إثنين

بفضول حقيقي سألت:

- إيه هما؟؟

- إنك بتحلقي بغير الله كثير، ومن حلف بغير الله فقد أشرك

- لآ ما هو مسـ.

قآطعآ مآبمسآ وهو بقول ببسآطآ:

- آنا عارف إن نآتك سلآمة وإنه مش قصبك؁ بس معلش بلاش آحسن

بآآ وكآنها سآقول شآئنا ما لكآ عقلها سبآ لسآنها تلك المرآة لآسن
العظ فآآرت الآبآعاد عما يمكن أن يعكس صفو اللحظة التي صفت بصعوبة
أصبآ منذ قآل؁ وقضلت أن تسأل مآبمسآ:

- والآنآة؟

- إنك فآكرة إن فآه مشآكل؁ أو مصآآب؁ أو آآ آآة فآ الءنآا؁ ممكن

آعآرآآ فآ نآآآك

آنت بآن الشغاف والقلب آعآآ مآل آعآآ الءممع فآ آعآآآ

آعآآ -- آآرآآ عآر مآروف

آهلت الآراب عآره وآنا آراه آعآلط بالءماء العآآة عآل وآعه الشآآب
الءآ آآعآآ آءرآعآآ؁ وآنا آبآآ. سوبآ سآط القآر وآعآآ عآ صعآرة
كبآرة آرشقها عآآ موضع الرآس. آآهآآ لآجلس ذآهآآ والءممع تسآل عآل
آعآآ فلا أشعر بها. رفعت عآآآ للسمآ وآنا أفكآ. آآ رب؁ كآف لم آءرك
آنك آرآقآآآ طوال الوقت؟ كآف آآسآآآ آآآ ذآآ عآك وإن آفنآه آعآ
الآراب؟ أو نآسآ وإن آفنآها مآه؟

و آآ آرض آعآلوا مآك آآآ آعآالوا آعآلآك فآ السمآ

عآآ (2015)

لم آءر آآآ فآ (ضآآ) و(عآآشة) كم مر عآآها فآ الوقت وهما
صآمآآآ؁ مآعآمآآ فآ مآآهما. مآعآمآآ فآعآآ لا مآعآوآ فآقآ. نآظآ
كل وآآة مآهما للآآرآ مآظآرة أن آآكلم هآ؁ فكلآهما لم آعآرف مآآآقول؁
وكآف سآقوله؁ وهل إن قآآته تكون قآ آآبآت وقوعه فآعآ. لكآ ما الءآ
وقع. وما الءآ آءآ؟ كآف آعآر آآ مآهما للآآرآ شآئنا هآ نآسها لا
آعآهما؟

- إنآآ شآ..شوفآآ؟ .. آآسآآآ؟

قآآها (عآآشة) آآرآآ وقد كآآآ أول فآ آوتآت القءرة عآل الكلام؁
تسأل وكآن السؤال سآعآف فآ وطآة مآ آءآ بشكآل مآ. كآآها لا آعآرف إن
كآآآ قءرآت مآ رآته فآعآ. وآرآآ فآ (ضآآ) أن آعآفه هآ لها. لآرآ الآآرآة:

- إنآآ .. آنت شوفآآ آه؟

ظل التسؤال المآعآ فآعآآ آآرآع بآهما. آرآآ (عآآشة) أن آسآمآ
آآ قوآة فآ آآ كآآآ هآ وإن كآآ فآ تشاركها فزعها. ولا آزآ عآها قوآة فآ
شآء؁ لآمآ آءها وتلآقآ كف (ضآآ). وتساءل إن كآآ مآعآآ هكذا بفعل
الآوف آم ..

- هبة هوا .. بارء قوآ و ...

حمل الرجل القفص عنه ليزحه عن مدخل المسجد ويتركه على جانب الطريق، أخذ يده وقاده برفق إلى دورة مياه عمومية قريبة ليفتسل هو من أثر العراك، ويتوضأ كلاهما توطئة لأداء صلاة المغرب، التي عادا من أجلها إلى المسجد مرة أخرى.

لم يصدق الصبي نفسه وهو يخلع نعليه ويدخل أخيراً إلى المكان الذي بكى على بابه منذ قليل، وليسبب ما لم يعد يذكر ما كان يبكيه ويمنعه من الدخول أصلاً، أو ربما لم يعد يهتم. القفص ملقى على جانب الطريق يعبث به من يشاء إن وجد، وهو لا يجد نفسه مهتماً أو حزناً أو حتى خائفاً، لا يجد في نفسه ذرة تعب واحدة رغم إنهاكه الذي جعله ينهار حرفياً منذ قليل.

لم يكن في تلك السن يعلم من هو (البدوي)، ولا حتى أن هذا ليس اسمه الحقيقي، بل لقب منح له لتلثمه الدائم لأهل الهادية، أنه من نسب (الحسين) - رضي الله عنه، وأنه أحد أقطاب الولاية الأربعة، وربما ما كان ليهتم كثيراً لو عرف وهو يعد صغير هكذا، لذلك لم يكن انبهاره وارتياحه بالمكان نابغاً من أي شيء سوى شعوره القلبي فقط.

انتهت الجماعة ليقوم الرجل مؤدياً بعدها ركعتين إضافيتين قدر الصبي أنهما سنة، ابتسم له بعد التسليم في صمت وشفتيه تتمتان بشيء ما، وشعر الصبي أن وجهه يكاد يضيء بشكل ما مع ابتسامته تلك، وهو ينهض ببطء مشيراً له أن يحذو حذوه، ويتبعه إلى المقام.

تضاعف شعور السكينة داخل الصبي مع كل خطوة نحو هيكل الضريح المذهب بأنواره الخضراء المريحة، شعر أن قدميه لا تكادان تمسان الأرض، بل يحملهما نسيم هادئ لا يدرك له مصدرًا محددًا، معبق برائحة حلوة ازدادت قوة مع اقترابه، حتى وصلت لذروتها حين التصق بالضريح ومد يديه ليلمس معدنه البارد المصقول، يحمل على سطحه طبقة زنتية رقيقة

لم تستطع أن تكمل ولا أن تقول أكثر من هذا وهي تشعر أنها تكاد تبكي وتفقد وعيها. نظرت إلى (ضجى) في توسل كي تكمل هي، كي تؤكد أو تنفي لها ما رآته وتخشى مواجهة نفسها به.

- شفتي .. شففتيه؟؟؟

هربت الدماء من وجهها حين سمعت السؤال الذي أكد لها كل مخاوفها، أن ما رآته لم يكن من تخيلها، وأنها فعلاً شعرت بمرور شخص، أو شيء، من بينهما، مصحوبًا بهبة ربح غريبة، مثلجة بطريقة لم تشعرها بها في حياتهما من قبل. ربح مفاجئة اختفت كما هبت فجأة، كأنما نفضها شيء عملاق في مواجهتهما تمامًا، كأن من مر من بينهما قد جلسها معه أثناء مروره فقط، أو كأنه هو تلك الريح نفسها.

لكن كل هذا، على غرابته وإفزاعه، لم يكن أسوأ ما في الأمر.

وَأَنَا بَسْمُنَا السَّمَاءَ فَوَجَدْنَاهَا مُلْتَمِتَةً حَرَسًا شَدِيدًا وَشَهْبًا

طنطا (1979)

حكى الصبي للرجل عن كل شيء تقريبًا. أفرغ ما بداخله على هيئة كلام حين جفت دموعه تمامًا. لا يدري لم انحلت عقدة لسانه معه هكذا، أهو الضغط الهائل الذي تعرض له وفاق قدرته الصغيرة على الاحتمال؟ أم شيء في الرجل نفسه، في عينيه، وطريقة إنصاته؟ لا يعرف لم وثق به، لكنه قرر اتباعه لسبب ما.

يا ويحّ روحي من روحي قوا أسفى عليّ مّيّ قايّني أصل بلواني

جبل قاسيون - تاريخ غير معروف

لم يتغير المشهد عما كان منذ وقت طويل مضى، كذا فكر وهو يدخل المغارة، لا يبدد ظلامها إلا قليل من أشعة الشمس الغاربة، ولا يكسر سكوتها إلا صوت تقطر المياه الرتيب. مر على الجدران بيديه متذكراً، فشعر أنها تتذكره كذلك، وأن تحسسه لها يؤلمها أكثر مما يؤلمه، آثار ما حدث قديماً ما تزال علما وعلى كل شيء حوله، وكل ما حوله بدا له وكأنه يصرخ متألماً غاضباً في صمت. مضى نحو الماء المتقطر من السقف كعين تبكي، اغتسل من مانها البارد العذب فشعر أن له طعم الدموع في جوفه. أنهى اغتساله ثم هبط يهدوء على ركبتيه على الأرض، ورفع يديه يناجي الله.

وإنّ من شيء إلا يسبح بحمده ولكن لا تفقهون تسبيحهم

رؤيا - فيما يرى النائم

((في مقام البتول طير يغني وغناء الطيور يشجي الشمال))

قدر أنها مصدر الرائحة، شديدة الشبه بتلك التي فاحت من يد الرجل حين مست وجهه.

تذكر ما كانت تقوله له أمه في زيارتهما في السابق، أن يقرأ الفاتحة ويدعو الله بما شاء. ألصق رأسه بالمعدن البارد منقداً الوصية، مالاً صدره بعبق الرائحة الحلوة، لكنه حين انتهى من التمتمة بالفاتحة، تلجلج واحترار قليلاً وهو لا يعرف ماذا يقول أو يفعل بعدها. حانت منه التفاتة للرجل الطويل بجواره، كأنه يبحث عنده عما يزيل حيرته ليقلده براءة طفولية فيما يفعل، أو يردد معه ما يقول وإن لم يفهم معظمه، كما كان مع أمه.

لدهشته وجده صامتاً تماماً، وشفيته اللتين كانتا تتحركان بلا صوت بعد الصلاة قد انطبقتا على بعضهما البعض. زادت دهشته وهو يتساءل بداخله ان كان يشعر بنفس حيرته ولا يدري هو الآخر ما يقول، على عكس أمه التي كانت تبكي وتدعو بصوتٍ مسموع. لكن وجه الرجل لم يعكس أي نوع من الحيرة، بل بدت على وجهه نظرة غريبة كأنها نوع من الشرود، أو كأنه يتطلع إلى شيء أو شخص ما داخل المقام، يحدثه بلا صوت.

خرجاً أخيراً من المقام إلى هواء الليل الذي شعر الصبي أنه لم يرتطم بوجهه وجسده الخفيف أي شيء أفضل منه. دسّ الرجل يده في جيبيه وهو يسأله عن ثمن تقديري أو تقريبي لكل ما كان في القفص منذ خرج به، نظر له الصبي في البداية بدهشة ثم ما لبث أن أجاب بخجل وتردد، وشيء من التساؤل، لتخرج يد الرجل حاملة مبلغاً كبيراً من المال، يفوق ما قدره بكثير ..

- قل لوالدك أنك بعث القفص بما فيه، وقابلني هنا وقتما تحب

((وسمعت النداء من سبط طه فطلبت الوصال والقرب حالاً))

تتعلق عينك فجأة بنقطة تجد نفسك تدقق فيها رغمًا عنك. واحد من
الذاكرين وسط الحضرة، يرتدي سوادًا يظهره بشدة وسط بياضها، كهينة
عامة لم تتبين ملامحها بعد، لكنها على الأقل، على عكس كل من يحيطون
به، هيئة آدمية.

((وشريت المدام من كف شيخي أسكرتني المدام سكرًا حلالاً))

يزداد تدقيقك في الرجل فتشعر كأنك تعرفه لكنك نسيتَه، كأن اسمه
يتلذذ من على طرف لسانك كلما حاولت تذكره، لكن هذا الرجل ليس!..
فجأة يرفع كل من في الحضرة وجوههم نحوك فتشبهق بلا صوت، تشعر أنك
تختنق، تسمر في مكانك وأنت تنظر لوجوههم المسوحة الخالية من أي
ملامح، بلا أي قدرة على الحركة أو التنفس.

((من له في الرجال شيخ كشيخي منحة الله قد حاز الكمال))

صوت التصفيق يزداد سرعة وحدة، وكلمة (الله) يكاد ينخلع لها قلبك
من قوة دقها فيه، عينا الرجل تحدقان فيك من على بعد لكنك تراهما
بوضوح غريب كأنه يقف أمامك، وجهه يبدو هادئًا طبيعيًا وهو يسير
متقدمًا نحوك ببطء، ليس في عينيه أي تخويف أو تهديد، ورغم ذلك، فهو
آخر من ترغب في أن يقترب منك.

من له في الرجال شيخ كشيخي سهمه في العزول ينفذ حالاً

الليلة الكبيرة، المولد، الساحة الداخلية للمسجد خارج حجرة المقام،
شدة الازدحام لا تكاد تترك موضعًا لقدم تمشي وقد اكتظ المكان عن آخره
بالزائرين والمصلين والمريدين، والكثير ممن لا يمكننا ولا يهيننا كثيرًا
إحصاءهم، فيؤرة اهتمامك الآن هي الحضرة التي بدأت لتو أسفل المنبر و..

((قال لي شيخنا قطب الوقت قولًا لئذ بروض الحسين ترتاح بالاً))

تزامن إنشاد القصيدة مع تصفيق منغم، مصحوب بكلمة (الله)، قوية
كأنما تخرج من الأرواح لا الأفواه، تختلج بها الأصوات فيختلج بها قلبك زغمًا
عنك وهي تختلط بدقاته، ولا تدري إن كان جسدك يتمايل هكذا بإرادتك،
أم يهتز طربًا بالذكر رغمًا عنك.

((وتذلل ولازم الذكر حتى تسمع الرد يا متيم تعال))

تشعر أنك تدريجيًا تدخل إلى عالم آخر غريب، وتتركه يسحبك معه.
جسدك كله الآن يذكر الله، لا لسانك فقط، يتفكك لذرات كالنمل فتشعر
أنك خفيف بلا وزن، وكأن روحك انفصلت عنه لترتفع بك إلى أعلى.

((وادخل الروض خاشعًا في وقارٍ واجل الروح والفؤاد امتثالاً))

لكنك لا تعرف لِمَ تشعر أن شيء ما خطأ، كأن صحن المسجد الكبير
يبدو أضييق، والمريدين في الحضرة، كأن هالة من النور أحاطت بهم لتخفي
ملامحهم، وتكسو ملابسهم جميعًا بلون أبيض.

((قدخلت المقام طوعًا لشيخي وارث المصطفى حقًا لا جدالاً))

وما بين اللحجات التي تلتقطها وسط تزايد سطوع الضوء الذي كاد
يعميك، تشعر وكأنك لا ترى لهم وجوهًا أصلًا، وترى أجسادهم غريبة وكان
في تكوينها أو نسيجها خطأ ما.

- هو أنا يتفع أسأل سؤال رخم؟

ضحك (صالح) كعادته من أسئلة (دنيا) المضحكة التي تلقها بطريقة تضحكه أكثر من الأسئلة نفسها أحياناً، وتجعلها هي تحمر خجلاً بشدة، ولا تكف أو تحجم في نفس الوقت عن الإجابة.

- يعني أنا لو قلت ما يتفعلش هتعملي إيه؟

- عادي مش هسأل

حاولت تمثيل عدم الاكترات كعادتها وهي تعلم مسبقاً أن كل محاولاتها للممثل عليه تبوء دائماً بالفشل، في حين قال هو بجديّة:

- عادي فعلاً، وشك بس هيفضل يحمر كدة لحد ما يبقى بنفسجي وتطلعي دخان من ودانك زي الكارتون

نظرت له بدهشة لثوان وكانها لم تفهمه قبل أن تضحك فجأة كالأطفال ليجاب هو ضحكها بأخرى ماثلة وهو يقول:

- إسألني إسألني

هدأت من ضحكها قليلاً وارتسمت جدية حقيقية على وجهها وهي تقول:

- من غير زعل؟

أجاب مبتسماً بدبلوماسية:

- لا ما أقدرش أوعدك بيها دي، لكن أوعدك إني محاول

فتتحنحت قائلة:

- هو والدك مش متضايق إنك بتدخن؟

في سرها لعنت (دنيا) سؤالها الذي جعل وجهه يتحجم قليلاً لكنها عادت وحمدت الله أنه عاد لطبيعته بعدها بثوان وإن لم يتسم وهو يجيب بجديّة:

- معرفش

- ما تعرفش إزاي؟! هو إنت ما قتلوش؟؟

- لا

- ولا هو شافك قبل كده؟

- برضو لا

- إنت مخي عليه عشان عارف إنه هيتضايق يعني؟

- لا أنا مش مخي حاجة

- طب ووالدتك؟

- نفس الكلام

- إزاي وانت عايش معاهم في نفس البيت؟!

- أنا مش عايش معاهم، أنا عايش لوحدي

- لوحديك خالص؟! إيه؟؟

- لأن أهلي كلهم ماتوا من زمان

زادني سادتي وقوفي لديكمانكسارًا وذلة وانعزالا

كنت أعلم أن عقابي على ذنبي لا بد وأن يكون عظيمًا بقدره، وأعلم أنني أستحقه وإن كنت لا أتحمّله. لم أفرق بين عرقي ودموعي وهما يختلطان ليسيلا بغزارة على وجهي، والشمس تتبعني لتحرقني أشعتها أينما أدرت.

و عاقبوه على ما كان من زلّلو أبدلوه مكان الأتس ايحاشا

طنطا (1979)

لولا أنه خشي أن يخرجها من جيبه كي لا يسرقها منه أحدهم، لأخرج الصبي النقود التي أعطاهم له الرجل ليعدها ويتطلع لها بذهول طوال رحلة عودته إلى البيت. سرح في عبارته الأخيرة الغربية، التي بدا وكأنه اختفى بعدها. كيف سيعرف الوقت الذي سيختاره هو لمقابلته عند المقام؟ هل يقيم عنده أو بداخله مثلًا؟ هل هو أحد خدامه أو مجازيبيه؟ لكن لا يبدو من هيئته أنه هذا أو ذاك، فما هو سر ذلك الرجل الغريب؟

من أراد لنا سوءًا أهلكه الله. همسًا همسًا، لمسًا لمسًا، لموسًا لموسًا، مأمونًا مأمونًا

عدن (2015)

أسوأ ما في الأمر كان ما تأكدنا منه الآن وقد رأته الإثنان بأم أعينهما، (عائشة) للمرة الأولى، و(ضحى) للمرة الثانية. هل كان خوف (عائشة) أكبر من خوف (ضحى) بحكم أنها رأت تلكما العينين للمرة الأولى دون أي تأهب نفسي لذلك سوى ما سمعته فحسب، ولم ترغب في تصديقه؟ أم أن ما حدث في المرة الثانية ما كان لييجدي معه أي تأهب كالذي حدث مع (ضحى)؟

ذلك لأن العينين لم تظهرًا وتختفيا هذه المرة على بعد عند النخلة المائلة كالمرّة السابقة، بل إنهما ظهرتتا هناك بالفعل، لكنها ظلّتا تقتربان، أو تتضخمان بسرعة، حتى احتلّتا المساحة البصرية الكاملة لكل من المرأتين المذعورتين، لتختفيا بعدها فجأة، هما وهبة الهواء الباردة التي اختفت كما ظهرت بالتزامن معهما. وكل هذا لا يعني إلا شيئًا واحدًا ..

أنه، بسم الله الرحمن الرحيم، كان هناك شيء بالفعل يقف عند النخلة المائلة .. وأن ذلك الشيء، والعياذ بالله، قد مر من بينهما.

ودوننا اتفاق، راح لسانا المرأتين يتلجلجان بما جاد به عقلهما في ذلك الوقت من أدعية وآيات، لا يعرفان أيرفعان صوتيهما بها لإخافة وإبعاد أي شيء عنهما، أم يخفضانه كي لا ينتبه شيء قد يكون غير منتبه لهما من الأساس.

لكهما، وسط تمتماتهما تلك، فكرتا في نفس الشيء أيضًا دون اتفاق، وكان الخوف وحد أفكارهما وأفعالهما بشكل ما، وإن كانت إحداهما أسرع قليلًا في التفكير في ذلك الاحتمال المخيف، فإن الفارق لم يكن كبيرًا جدًّا على كل حال، ليطرق عقلهما نفس التساؤل في نفس الوقت تقريبًا.

لو أن الشيء الذي كان واقفًا أمامهما، قد مر من بينهما .. فأين هو الآن؟!

طَهُورٌ يَدْعُوْهُ مَخْتَبَةٌ صُوْرَةٌ مَخْتَبَةٌ سَفَاطِيْمٌ سَقَاطِيْمٌ أَحُوْنٌ قِ اَدُمٌ حَمٌ هَاءٌ
آمِيْن

القاهرة (2015)

من شدة وقع الصدمة عليها، لم تتمكن (دنيا) من الكلام ولا حتى البكاء، قهرًا من غيابها على سؤالها الذي أوصلها للمعلومة كهذه بطريقة كنتك، وغيظًا من جهلها التام بالمعلومة نفسها أصلًا، والأهم من هذا كله، البكاء شفقة على محور الموضوع نفسه، (صالح)، الذي فقد أهله جميعًا و.. من زمان!

ظلت على صمتها وصدمتها مشلولة التفكير لبرهة تنطلق إليه وهو شارد ببصره نحو نافذة المقهى الكبيرة وقد تقطب جبينه قليلاً كأنه حزين أو غاضب، أو يبعد عينيه عنها عمدًا، إلى أن قال:

- أنا عايز أقوم من هنا

وصلت دموعها إلى عينها أخيرًا وهي تقول:

- ..أنا أسفة

بدا على وجهه شيء من التعجب الداهل وهو ينظر لها كأنه لا يفهم ما الذي تفعله بالضبط وهو يقول:

- أسفة على إيه؟

- إني فكرتك بالموضوع و.. خلتك عايز تقوم

- إنتي بتعيطي ليه؟! وموضوع إيه؟ أنا عايز أقوم أغير مكاني عشان الشمس جاية في وشي مضايقتني وجايبه لي صداع

كان دورها هي هذه المرة كي تتعجب وتتساءل بحيرة وهي تراقبه يغير موضعه:

- أنا افتكرتك هتقوم تمشي خالص عشان .. عشان أنا جيبت سيرة الموضوع يعني و..

- أمشي خالص إيه يا شيخة دا إحنا لسه قاعدين!

قالها مداعبًا وهو يستقر في جلسته لتضحك هي قليلاً رغماً عنها وسط دموعها التي لم تتوقف بالكامل بعد، ثم أضاف:

- وإيه يعني لو جيبتي سيرته؟ وإنتي كنت تعرفي أي حاجة عنه يعني؟ وحتى لو تعرفي، ده أمر واقع إنتي مالتيش أي ذنب فيه، وحصل من زمان جدًا

تبع عبارته بأن أخرج عدة مناديل شديدة الترتيب والتطبيق من جيبه، تناولها إياها وهو يعود ليقول بركة:

- إمسحي دموعك بقى ويطي عياط

تناولتها شاكرة لتمسح وجهها وهي تقول:

- أيوة بس .. كان لازم آخذ بالي إنك ما بتجيبش سيرتهم خالص تقريباً، وأنا بغباني بقعد أحكي لك طول الوقت عن أهلي، وراحوا وجم وعملوا وسووا! من غير أي مراعاة لـ..

قاطعها قائلًا:

- (دنيا)، كفاية تأنيب في نفسك بقى إنتي ما غلطتيش. وبعدين من قال لك إن اللي بتحكيه عن أهلك بيضايقني؟ بالعكس، أنا أحب أعرف عنهم كل حاجة .. مش هما أهلي برضه؟

قال الجزء الأخير من عبارته بطريقة جعلت قلبها يختلج بعنف وهي تتمنى أن تهض فجأة وتندفع نحوه محتضنة إياه بعنف ومقسمة له أن:

- طبعًا!

ارتسمت ابتسامة واسعة على شفثيه وفي عينيه التي سرحت فهما قبل أن تنتشل نفسها منهما خجلًا لتقول ضاحكة:

- هو إنت خلاص عرفت عنهم وعني كل حاجة تقريباً، تاريخنا كله .. الحاجات المهمة يعني

ضحك دون رد فعادت هي وتحننت قبل أن تستدرك:

- ما عدا حاجة واحدة، أو .. كام حاجة كده صغيرين، بس مهمين .. بالنسبة لي على الأقل

ضيق عينيه قليلاً وهو ينظر لها بتساؤل مبتمس فأضافت:

- هي حاجات .. خاصة، لأ يعني .. مش أي حد يفهمها .. أنا قصدي إنه..

ارتبكت وهي تشعر أنها لا تضف شيئاً بإضافتها، وربما تثير تساؤلاته أكثر، أو تهينه، ليقاطعها هو مبتسمًا مهدوء وهو يقول بتفهم:

- كل عيلة فيها حاجات خاصة ما ينفعش أي حد يعرفها مهما كان قريب. ومادام الموضوع ما يخصنيش يبقى ده عادي وحقك

- لأ هو مش سر، بالعكس، دي حاجة كويسة، وهقولها لك أكيد، عايزة أقولها لك يعني بس..

-..مش دلوقت؟

هزت رأسها إيجابًا بامتنان لأنه فهمها، وبتردد قلق من ردة فعله التي لم تتوقعها:

- حقك برضو. قولي اللي إنتي عايزاه في الوقت اللي إنتي عايزاه. أنا مفيش عندي أي مشكلة

في تلك الليلة، وبعد أن عادت (دنيا) إلى منزلها لتختلي بنفسها في غرفها وعلى فراشها، وجدت يدها تمتد نحو مكتبها القريب لتسحب من فوقه حقيبة يدها التي فتحها وأخرجت منها شيئاً صغيراً أمسكته بحرص واشتمته بعمق قبل أن تقبله برقة وخجل ثم تدسه في درج المكتب مبتسمة كطفلة صغيرة تخفي كثرًا عن الآخرين.

ولم يكن ذلك الكثر سوى أحد المناديل شديدة الترتيب والتطبيق، التي أعطاها لها (صالح) في المقهى صباح ذلك اليوم.

أحيك حبين حب الهوىوحباً لأنك أهلاً لذلك

داعياً إياه أن تكون على قدر إكرامه رغم أنك لك، وبألا تنقطع محبة شيخك عنك أبداً.

ورغم المحبة التي يتمتع بها البعض عنده، إلا أنه شديد العدل مع مريديه كما مع أبنائه وأكثر، بل بلغ من حبه لأبناء طريقته أن اعتبرهم جميعاً أبناءه هو، حتى أنهم صاروا ينادونه كما ينادون آباءهم بالفعل، ومن منهم بلا أب أو يجد من أبيه ما لا يرضيه من قول أو فعل، يعتبره أباه الحقيقي. الغريب أنك تشعر أن الرجل أبوك حقاً، يمت لك بصلة قرى فعلأ، وبأن لك ظهراً قوياً، لن تضام بوجوده في حياتك أبداً. وإذا بك تحبه مرتين، مرة لأنه شيخك، ومرة لأنه أبوك.

لا تَحْفَ إِنَّكَ أَنْتَ الْأَعْلَى

جيل قاسيون - تاريخ غير معروف

ربما لم يمر الكثيرون على ذلك الموضوع، لكن من مروا رأوا، فأكدوا ما رأوه، في الليالي المقمرة حين يتبدى الطريق وبعض تضاريس الجبل، تظهر المغارة كأنها كوة يشع منها نور شديد الإبهار، كأنما تضيئها ألف ألف شمعة. ظن من ظن أن الأمر من فعل الجان، أو له علاقة بهم، ولم يعرفوا أنه منذ صعوده للمغارة ذلك اليوم، وهو يأتيها كل يوم، كي يناجي الله، حتى اتخذها محرأباً.

هل اختار لمحرابه موضعاً يستجاب فيه الدعاء، أم أن الدعاء صار مستجاباً في الموضوع الذي اختاره محرأباً؟ منذ ذلك اليوم وهو لا يقطع

لو أنك واحد من مريدي الشيخ (مصطفى)، وأبناء طريقته، فسترى أنه ليس رجلاً عادياً بأي حال من الأحوال، رغم أنك عند مقابلته أو الحديث معه، أو حتى التطلع إليه من بعيد، تشعر أنه عادي جداً، بل وربما كان هذا أحد جوانب لا عاديته العديدة، أن نفسك لا تكاد تصدقك حين يتبسط رجل عظيم، دنيا ودين، معك أنت! لكن نفسك حين تهدأ قليلاً من فورة لطمها لغدبها انتهازاً، تجدها تسألك مندهشة، هل يتبسط معك هكذا من فرط تواضعه هو، أم لعظمة، لا سمح الله، في شخصك أنت؟

لكنك لست مبيء الأدب لتستخدم كلمة عظمة، فتستخدم أخرى بدلاً منها، كتمييز. فهل يعني هذا أنك مميز عند ولي من أولياء الله و..والقطب الغوٲ نفسه؟! لأتلك تعرف أن شيخك هو غوٲ هذا الزمان، لكن أشياء كهذه ليست مثار حديث أو تفاخر، فأى مريد في أي طريقة قد يحسب شيخه هو ذلك الغوٲ، لما يرى فيه من كرامات، وقد يكون بعضهم من أولياء الله الصالحين حقاً، وأشرف أهل الأرض وأنبلهم بالفعل، لكنك تفهم جيداً أن شيخك هذا رجل لا يوجد الزمان باثنين من عينته أبداً، وشيء كهذا يجعلك تحمد الله ليل نهار على نعمه المغدقة عليك ولكن في صمت، فليس كل نعمة يتحدث بها.

فأما لو نالك حظ من تميز عند شيخك، فلن يهملك أن تكون الميزة فيك أنت، بل يكفي جداً أن تكون محبة زائدة لك في قلبه فقط، وإن لم تفهم أنت نفسك سبباً واضحاً لها، فلا أنت تصلي ولا تذكر الله في وردك اليومي أكثر من غيرك، لكنك تفهم ضمناً أنه يرى فيك ما لا يراه غيره من البشر، ولا حتى أنت نفسك. سترفع عينيك لأعلى باكياً خجلاً من كرم الله الزائد عليك،

- كل سنة وإنّي طيبة يا حبيبتي

انفجرت شفتاها قليلاً في ذموم وهي تنظر له غير مصدقة في صمب
لثوان. أرادت أن تصرخ وتقفز سعادة لتتعلق بعنقه مقبلة إياه في حب، لكن
كل ما تمكنت من قوله وهي ما تزال مندهشة:

- بس .. بس أنا عيد ميلادي بكره!

- ما عشان كده كان لازم أشوفك النهاردة، عشان أشوف تأثير المفاجأة
الجميل ده عليكي

صمب لحظة وهو يقترب منها أكثر حتى تغلغلت رائحة عطره المخدرة في
أنفها، ونظر في عينها ملياً قبل أن يقول بخفوت:

- وعشان أبقى أول واحد هناكي بيه

شعرت كأنها ستغرق في بحر عينيه الواسعتين العميقتين وقد التمعت
تلك اللمعة الزمردية الداكنة وسط لونهما البني الدافئ. انتهت في تلك
اللحظة أنها لم تتناول الهدية من يده الممدودة بها بعد لتتناولها بلهفة وهي
تبسم وتفتحها بتأهب، فتشهي قليلاً بانهار وهي ترمش بعينها كأنها لا
تصدق ما تراه، السوار الثمين ذي الفصوص الياقوتية، الذي شاهدها في
واجهة أحد المتاجر أثناء سيرهما معاً منذ مدة طويلة، وعلقت له هي عن
إعجابها الشديد به، وعلو ثمنه الذي يجعلها تردد كثيراً قبل أن تفكر حتى في
شراء مثله لنفسها.

ابتسم وهو يراقب وجهها يحمر وهي تحاول شكره بكلمات متعثرة تكسر
أغلبها. قادها نحو سيارته السوداء الصغيرة التي يعيها دائماً مزيج من عطره
الأخاذ الذي تحبه كثيراً، وعبير المسك الذي يفوح من المعطر المعلق على
فتحة جهاز التكييف. الأمان الذي تشعر به وهي معه وبقربه لا يكاد يعدله

عادته، يحضر كل يوم قبيل غروب الشمس فلا يغادر إلا مع شروق أول
شعاع لها، لا يأخذ معه زاد ولا ماء، ولا حتى مشعل أو شمعاً أو أي مصدر
للضوء، لتتساءل أنت عنم يضيء المكان له كل ليلة. لا يريد من الدنيا شيئاً
سوى أن يقفر الله ذنبيه قبل أن يقبض روحه. ومهما أهدقت عليه الدنيا
وأعطته من نعيمها علمًا وجافًا، فلن يكون فيها سوى عبداً صالحًا،
ويتساها.

و سكر ثم صبغُو ثم شوقٌ و قرب ثم وفر ثم أنس

القاهرة (2015)

-إيه ده أنت مش أجازة النهاردة؟!

لكن وجود (صالح) أمامها قرب مدخل الجامعة يوم عطلته، لم يكن هو
مبعث دهشة (دنيا) الوحيد ذلك اليوم، بل مظهره كذلك. لا تعرف كيف
استطاع أن يضيف إلى وسامته الأصلية وسامة إضافية. ملابسه؟ تصفيفة
شعره؟ هو أصلاً دائم الانتباه والاهتمام لكل ذلك بشدة، حتى أنها لا تذكر
يوماً رأته فيه بملابس غير مهندمة أو شعر غير مصفف بعناية. لكنه بدا
ذلك اليوم مختلفًا بشكلٍ ما، مبهراً إن صح التعبير، كصفحة مصقولة في
إحدى المجلات، خاصة مع العلبة الأنيقة التي يحملها بعناية، ولونها الأحمر
القاني يتناقض بشدة مع خلفية ملابسه داكنة السواد.

لم يجب عن تساؤلها ولا علق حتى، فقط اقترب مبتسماً وهو يقدم لها
العلبة الحمراء قائلاً:

أي أمان آخر في الدنيا، أمان يحمينا من أي شيء وأي شخص في هذه الدنيا،
منه هو نفسه حتى. شعرت بعاطفة قوية لم تتخيل أنها لديها وهي تقول
فجأة:

- أنا بحبك قوي!

احمر وجهه قليلاً وارتسم ما يشبه دهشة خفيفة على ملامحه. لم يزع
عينيه عن الطريق، لكنه ابتسم. وخيل لها أنها رأته عينه تنحرف سريعاً
نحوها في نظرة خاطفة قبل أن يقول:

- أنا بحبك أكثر

ضحكت بخجل وقالت:

- ماشي بس أنا حبيتك الأول

: لا أنا برضو اللي حبيتك الأول

- أنا حبيتك من ساعة ما شوفتك!

- وأنا شوفتك من قبل ما تشوفيني، وأعجبت بيكي، من ساعتها وأنا
نفسي في أي فرصة أو طريقة أقدر أكلّمك أو أقرب منك بها

- يعني موضوع صاحبك العيان اللي بتدفع له ده كان علشان تكلمي؟

- لا والله كان عيان بجد وكنت بدفعه فعلاً، بس ما صدقتش نفسي لما

لقيتك في الطابور اللي جنني

- إنت جدع قوي، مفيش حد بيوقف لحد كل ده في عز الحر عشان يعمل

له حاجة، حتى لو صاحبه، وحتى لو عيان

- لا فيه عادي

- أنا ما شفتش غيرك بيعمل كده

- ده مش معناه إن مفيش

- أيوه بس الـ..

بترت عبارتها بغتة وهي تنظر لوجهه الذي تقلص فجأة في ألم لم يستطع
إخفاءه بالكامل رغم محاولاته لهفتفت بقلبي:

- فيه إيه يا (صالح) مالك؟؟

لم يكن تأخره في الرد ملحوظاً لكنها انتبهت له وهو يقول بصوت مرهق:

..مفيش

- مفيش إزاي؟! إنت شكك تعبان قوي!

- مش تعبان ولا حاجة. ده صداع بس عشان الشمس جاية في عيني.

ممكن .. ممكن تناولييني النظارة اللي قدامك هنا دي من فضلك؟

أسرعت تفتح صندوق السيارة الصغير أمامها وتخرج نظارته الشمسية
الأنيقة من جرابها لتعطيها له. أخضت بحجمها الكبير الكثير من معالم الألم
على وجهه لما ارتداها، لكن ليس عن (دنيا) التي تحفظ كل شبر فيه، وتعرف
جيداً أن فمه لا يبدو طبيعياً هكذا بل متشنج في ألم.

- طب وهي الشمس تعمل فيك كل ده؟؟

- عندي حساسية منها، ما تلقيش قوي كده مفيش حاجة

- طب .. نروح لدكتور طيب؟

أطلق ضحكة قصيرة وهو يقول:

- دكتور إيه بس على إيه كل ده؟! أنا خلاص بقيت كويس أهه

وكانما بمس من عصا سحرية. عادت ملامحه كلها إلى هدونها وهو
يبتمس، كأنه لا يريدنا أن نقلق، لكن محاولته لم تفلح وهي تعلم جيدًا أنه ما
زال يتألم، جدًّا على الأرجح، ويتعمد التظاهر بعكس ذلك من أجلها، لكنها
صارت تعرفه أكثر مما يتخيل، فحركته تلك فقط جعلها تقلق أكثر.

و قَبْضُ ثم بسط ثم مَخَوْ.....و فرق ثم جمع ثم ضَمَس

(7)

نَبِيءُ عِبَادِي أَنِّي أَنَا الْعَفْوَورُ الرَّحِيمُ

رؤيا - فيما يرى النائم

باب المقام مفتوح، والشمس على وشك المغيب. بوابة المقصورة
الداخلية القصيرة ذات الضلفتين مفتوحة هي الأخرى، مواربة لسبب ما.
لكنه لم يستغرب ذلك، بل مد يده يزيد من اتساع الفرجة ليعبر منها إلى
الداخل. برودة غريبة ارتطمت به أول ما دخل. وحين هبطت عيناه لأسفل
عند موطن قدميه، وجد نفسه يرتدي حذاءه، ويتعجب كيف لم يخلعه في
الخارج على الباب، ويدنس المقام هكذا، بل وكيف سمح له خادم المكان
بذلك.

خادم؟ متى وضعوا خادمًا للمقام ولم يكن هناك واحد من قبل؟ التفت
للخلف ينظر. بصره ضبابي وعقله حائر. دقق نظره ما بين الزخرفة المعدنية
المحيطة بزجاج المقصورة التي يقف بداخلها، وتساءل إن كان بصره
يغدهه، أم أنه بالفعل يرى شخصًا يقف هناك في سكون كأنه تمثال.

ضيق عينيه لينظر مرة أخرى لنفس الموضع فلم يجد أحدًا، وتساءل
بخوف وحيرة إن كان يتخيل، لكنه انتبه فجأة أن الرجل لم يعد عند باب
المقام لأنه الآن بداخله، يقف قريبًا من المقصورة، عيناه لا ترمشان ووجهه
جامد ملتصق بزجاجها من الخارج، يتطلع إليه في صمت وثبات.

وَأَنْ عَذَابِي هُوَ الْعَذَابُ الْأَلِيمُ

خلاء - تاريخ غير معروف

ما زال عقابي مستمراً. الشمس ما تزال على وجهي تحرقني. وساقى
المعلقة إلى فخذي تؤلني بشدة. صرخت حتى بُعِ صوتي فتوقفت. كززت على
أسناني وبكيت حتى جفت دموعي. صمت تماماً وأنا أدعو الله بقلي أن يعفو
عني أو يقبض روحي، فأنا لا أستطيع تحمل ما أنا فيه، وإن كنت أستحقه.

إلهي شهدت أن لا إله إلا أنت فاجعل عليها مماتي ومحياي.

إلهي توبُّ جسمي دتسنته دُتوبَّ حملها أبداً تُقيل.

شهدت أن لا إله إلا أنت فاجعلها من قروح الدُّنوب دواي.

وجُد بعفوك لي فأني على الأبواب مُنكسرٌ ذليل.

عدن (2015)

- (أمجد) خد نفحة بعد الدرس وللا لأ؟

قالتها (نجوى) وهي تخرج من المطبخ حاملة بعض أدوات الطعام، وابنها
الشاب يجلس في الصالة على الأريكة الوثيرة منشغلاً بجهاز التليفزيون
الكبير على الحائط المواجه، يقلب بين قنواته عشوائياً بالريموت في يده،

ليبدو وكأنه لم يسمعها. مصمصت شفيتها بغضب خفيف واستنكار
(وميادة) تضحك وهي تجلس بتعب على مقعد قريب وتناولها علية
بلاستيكية صغيرة قائلة:

- مناب العيال أمه

أخذت العلية وفتحتها لتبدأ بإطعام طفلي (ميادة) الصغيرين، وتدور
خلفهما محايلة وهي تعود لتقول:

- عايزة أعرّف عشان لو ما كانش أشيل له مناب هو كمان .. يا (هشام)!

أدار وجهه عن التليفزيون في دهشة كأنه انتبه تلك اللحظة لها وهي
تضيف:

- ما ترد عليا يا ابني أنا مش بكلمك!

- فيه إيه؟

- أخوك خد نفحة وللا لأ؟

- معرفش

- هو فين طيب؟؟ ما بيردش على موبايله ليه؟!

- أنا إيش عرفتي!

- أنتوا مش كنتوا مع بعض في الدرس؟

- لا أنا ما روحتش الدرس

- سيبته يروح لوحده ليه؟؟!

اتسعت عينا (ميادة) من خلف ظهر أخيها في لوم وتأنيب لأمها التي بدت وكأنها لا تعرف علام كل هذا بالضبط. أما هو فقد حدق في عينيها قليلاً بذهول غاضب وبدا وكأنه سيقول شيئاً لكنه هب واقفاً بعصبية ليُلقي الريموت على الأريكة بجواره ويندفع نحو باب الخروج ليفتحه ويخرج وهو يصفقه خلفه بعنف.

عدن (2015)

أين هو الآن؟

رغم أنهم لا تريدانه أن يكون خلفهما، ولا أن تراه إن كان كذلك، إلا أن (ضحى) و(عائشة) أداراتا رأسهما بيضاء للخلف طلباً لوقوع بلاء ربما كان أخف وطأة من انتظاره. وربما كانت رؤيته، على صدمتها، أفضل من عدمها وهما تعرفان بوجوده. لم تعرف أيهما إن كان لسانها ينطق بالأدعية والآيات فعلاً أم لا، يقرأ الفاتحة طلباً للمدد من الشيخ أم تتخيل فقط أنه يفعل، لكنهما كانتا متأكدتان من استحضاره في قلبيهما بقوة، وهما تدوران للخلف.

- شيء لله يا عم الشيخ!

قالتا (عائشة) بلهجة لا تعرف إن كانت نوع من تهيدة الارتياح المصحوبة بشكر للشيخ لعدم وجود شيء خلفهما، أم استنجاذاً به مما قد يكون موجوداً ولا تريانه. أما (ضحى) فقد راحت تمشح المنطقة خلفهما بدقة وضممت وهي تكاد تقلب كل حجر وتدور حول كل شجرة ونخلة بنظرها. تحولت بعدها لليمين، ثم اليسار، وكل اتجاه، حتى صارت تتلفت حول نفسها في خوفٍ كالمجانين.

120

لمقنجل يا أرض خذني

طنطا (1979)

حين اقترب موعد خروج الصبي التالي في رحلة بيعه المعتادة، لم يكن عقله منشغلاً بشيء أكثر من الرجل الطويل، متى وكيف وأين سيقابله. شكك في الأمر رغم وصوله في نفس موعد الأمس، واندھش قليلاً وهو يرى الرجل يسير مبتسماً مقترناً من مجلسه عند سلالم المسجد الكبير.

سار الأمر كما في المرة السابقة تماماً، ولاحظ الصبي أن الرجل شديد الهدوء، لا يتكلم ولا حتى يبتسم كثيراً، لكنه لا يقطب كذلك، بل يرتسم على وجهه تعبير مريح أقرب للشرود. لم يسأله عما برأسه أو قدميه، لم يقرف أو يتأفف، ولا خرجت من عينيه نظرة واحدة نافرة حتى، وربما كان ذلك هو السبب الذي قرر من أجله أن يحكي له عن مرضه بنفسه.

في اليوم الثالث، ذهب في موعد أبكر بكثير من اليومين السابقين، ودونما اتفاق، كأنه يتمتع بصدق الرجل فيما قال، ليسقط فكه في ذهول وهو يراه يقترب منه بنفس الابتسامة، ونفس الهدوء، وكأن بينهما موعد مسبق.

قَالَ إِنَّكَ لَنْ تُمْسِطِيَعِ مَعِي صَبْرًا

121

القاهرة (2015)

- أنا مبسوطة بجد!

ضحك وهو يقول:

- أنا اللي مبسوط إنك مبسوطة

- المكان ده كان عاجيني جداً ونفسي آجيه من زمان قوي

- عارف

قالها مبتسماً ليحمر وجهها وهي تضحك قائلة بدهشة:

- إنت بتعرف كل ده إزاي؟؟

هز كتفيه بحركة مرحة كأنه لا يدري وهو يضحك وهي تقول:

- يا ترى أنا برض، عارفك كويس كده؟

- إنتي أدرى بقى

- ساعات بحس إنني عارفك قوي، وساعات تانية بحس إنني .. مش

عارفك خالص، و..

برتت عبارتها حين رآته وهو يغمض عينيه فجأة كأنه يتألم قبل أن يعود
ليسيطر على نفسه مرة أخرى لتسأله بقلق:

- مالك يا (صالح)؟؟

- مفيش عادي

قالها محاولاً رسم ابتسامة باهتة على وجهه لم تخدعها ولا يمكنها أصلاً
أن تخدع طفلاً فعادت تقول بإصرار:

- لأ فيه! والموضوع مش حساسية وشمس زي ما بتقول

ارتجف فمه قليلاً عند الزاوية كأنه يحاول الابتسام ويفشل، وارتسمت
على جبينه تقطبية خفيفة صامتة لتعود هي وتقول:

- لأن مفيش أي شمس جاية عليك دلوقت

رؤيا - فيما يرى النائم

عند باب المقام وقف، والشمس على وشك المغيب. حانت منه التفاتة
إلى داخل المكان المظلم، لا تبدد ظلمته إلا تلك الإضاءة الخضراء الخفيفة،
المنبثقة من المقصورة الداخلية. نفس الإضاءة العادية التي طالما عرف بها
المكان، لكنها تتصرف اليوم بشكل غريب، تبدو وكأنها تنبعث من المقصورة
نفسها، لنفسها، فقط، دون أن يكون هناك أي مصدر حقيقي أو مرئي لها،
ودون أن تضيء أي شيء حولها، تاركة فراغ المقام المحيط نفسه في سواد
تام.

خيل له أنه يرى بزواية عينه بوابة المقصورة القصيرة تتحرك، تنفج
قليلاً، قالتفت لها، ليجدها مفتوحة بالفعل، فتعجب، لكنه تعجب أكثر
حين وجد الفرجة تتسع بما يكفي لعبور شخص من خلالها، لكن المقام خال
.. فمن هذا؟ من الذي عبر من الباب؟ وهل كان بالخارج ودخل؟ أم أنه كان
بالداخل .. وخرج؟؟

ليس من ساكن تحرك إلا..... أنت حركته حقي المكان

عدن (2015)

- حقي على الواد شوية يا ماما إحنا ما بنصدق بيبي

- وأنا عملت له إيه؟!

قالتها (نجوى) بعصبية متخاذلة وهي تتشاغل بإطعام الطفلين في حين عادت (ميادة) تقول:

- زعلانة إنه ما راحش الدرس بس عشان ساب (أمجد) لوحده؟! ليه هو (أمجد) ده طفل صغير ميتوه؟ مش بدل ما تقطع رجله من هنا خالص؟ أهو بيبي حتى يسلم على الشيخ وياخد منه نظرة وللا شوية مدد

- إسكتي يا (ميادة) والنبي عشان أنا غلبت مع الواد ده، إنتي قاعدة هنا بعيدة عنه مش حاسة بحاجة، وأنا وأبوكي اللي شاربين قرفه، واد صبايع وقليل الأدب مفيش فايدة منه!

- تعرفي الصبايع ده بابا بيقول عليه إيه؟

انشغلت قليلاً عن إطعام الطفلين لتتنظر لها باهتمام قائلة:

- بابا الشيخ؟

هزت رأسها لها إيجاباً فعدت تسأل:

- بيقول إيه؟

ابتسمت (ميادة) يخبت صامتة متعمدة إثارة فضول أمها التي أعادت عليها سؤالها فلم تفعل سوى أن رفعت أحد حاجبيها في خبت زائد لتشيح الأم بوجهها بنقاد صبر وهي تقول بصيق:

- أكيد بيقول عليه صبايع برضه ومفيش فايدة فيه

اتسعت ابتسامتها حين شعرت أنها تمكنت من إثارة فضولها واهتمامها الكامل لتقول أخيراً:

- بالعكس بقى، عشان تعرفي إنك ظالمه

- بجعد والنبي؟!

- آه والله

- إمتي؟ قال إيه بالضبط؟؟

قالتها بلهفة لتشرد (ميادة) قليلاً كأنها تتذكر وتبتسم كأنها تستمتع وهي تقول:

- على العشا إمبراح، وكنا قاعدين كلنا وهو بياكل يا حبيبي، ولسه هيحط اللقمة في بقه، راح قايل لي كده فجأة، من غير ما يبص لي .. تعرفي يا بت يا (ميادة)؟ الواد (هشام) ده غالي عندي قوي، أغلي منك إنتي والواد ده شخصياً، بيعالكوا، سلمي لي عليه. وراح ضاحك قوي وباصص لي أنا و(ياسين) والعيال، وحط اللقمة في بقه

صمتت (نجوى) قليلاً ودمعت عينها تأثراً قبل أن تتمم بحرارة:

- الله يسلمه يا رب!! اللهم صل على النبي!

- شوفي بقى يا ستي لما يبقى الصبايح اللي مش عاجبك ده أغلى عند بابا من أخوه ومراته وعياله، أخوه اللي رياه وبيعته زي ابنه

شردت كلاهما في ملكوتها الخاص قليلاً، حتى أن (نجوى) وضعت عليه الطعام، التي كانت قد شارفت على الانتهاء على كل حال، على الطاولة الصغيرة أمامها وقد خانتها دمة سالت على خدها فمسحتها بسرعة وهي تسأل:

- هو كان عارف يا بت إن أخوكي جاي النهاردة عشان كده بيجيب سيرته وبيبعث له السلام؟

رمشت (ميادة) بعينها رمشة طويلة وشردت قليلاً وهي تقول مبتسمة:

- طبعا كان عارف

- إنتي كنتي قايلة له؟

- لأ أنا ما قتلوش .. بس هو كان عارف

اللَّهُمَّ صَلِّ عَلَى اللَّاتِ الْمُخَمَّرِيَّةِ اللَّطِيفَةِ الْأَحْيِيَّةِ، سَمْسِ سَمَاءَ الْأَمْزَارِ،
وَمَظْهَرِ الْأَنْوَارِ، وَمَرْكَزِ مَدَارِ الْجَلَالِ، وَقُطْبِ فَلَكِ الْجَمَالِ

عدن (2015)

- إركزي شوية بقى يا (ضحى)! إهدي وأشحتي المدد من بابا بدل ما إنتي قاعدة تلفي حوالين نفسك كده!!

هتفت بالعبارة بانفعال وقد دمعت عينها وارتسم التأثر والهيبة واضحين على وجهها قبل أن تعود لتتمتم بحرارة:

- شيء الله يا عم الشيخ .. شكلنا مش مستحلمين أنوارك ..!

لم بيد على (ضحى) أنها فهمت ما تقوله (عائشة) التي ظلت على تهيبها وقد شردت قليلاً في الأفق، وراحت تضم أطراف شالها على جسدها المرتجف، لم تكف عينها عن سكب الدموع كأنما يحدث الأمر رغماً عنها، ولا كف لسانها عن التمتمة بالذكر وهي شاردة في الأفق كأنما انجذبت أو دخلت في حال روحانية غريبة، لم تشأ إخراجها منها وإن لم تفهم لذلك سبباً، تركتها حتى هدأت قليلاً وعاودتها القدرة على الكلام كي تقول بصوت متحشرج:

- الحاجة (عايدة) الله يمسيها بالخير، كانت حكت لي زمان عن حاجة كده، أول مرة في حياتي أفهمها النهاردة

- ماما؟!

قالتها (ضحى) باهتمام ودهشة أنسيهاها قليلاً من خوفها في حين مسحت (عائشة) وجهها وعينها بكفها وتعود لتقول:

- أول مرة تشوف فيها الشيخ (مصطفى)، كان معاها الحاجة (منى)، الحاجة (منى) في الطريقة قبل ماتك من زمان طبعا إنتي عارفة، وهي اللي قربت معاها الفاتحة وخذت عليها العيد، بس ماتك ما كانتش لسه قابلت عم الشيخ بنفسها. اليوم ده أخذتها عشان تقابله في الدار القديمة في سيدنا (الحسين)، والحاجة (منى) أكدت لي كلام ماتك لأنها كانت معاها وشافته بيحصل قدام عينها

- شافت إيه؟

طنطا (1979)

أتى الرجل ذلك اليوم حاملاً عمامة، ربطها على رأس الصبي، وطلب منه أن يعتمرها ثلاثة أيام بليالها، لن يقابله خلالها، وسيقابله بعدها في اليوم الرابع، لا يخلعها عن رأسه أبداً، في أي وقت ومهما كانت الظروف، فينام ويفتسل بها كذلك، ولا يزحزحها من مكانها قبل الموعد المحدد.

- أول ما شافت عم الشيخ قاعد قدامها على كرسيه، ما إنكلمتشم، ماتنطقتش بحرف واحد، لدرجة إن الحاجة (مى) استغريتها وقعدت تنغزها عشان تتكلم وتقول أي حاجة وللا تسلم عليه حتى، ومامتك ساكتة خالص ويتبص له بس. هو كمان كان ساكت وبيبص لها، ويهز دماغه كده هزة خفيفة وهو مبيتسم ابتسامته الهادية اللي إنتي عارفها دي .. فجأة! لقت دموع بتزّل من عينها، بتقول ما كانتش بتعيط بس الدموع عمالة تنزل من غير ما تحمس ولا تفهم ليه، كأنها باصة في طاقة نور جامدة قوي ومش مستعملها

اتسعت عينا (ضحى) قليلاً وقد بدأت تشعر أنها تفهم ما تعنيه وهي
تتابع:

- حلفت لي إنها شافت نور حواليه، خارج منه، من كل حاجة فيه، والنور ده فضيل يزيد لدرجة إنها ما يقتش فعلاً قادرة تستحمل تبص له، نزلت عينها ووطت على إيده بأستها وبعدين بتقول لك ما شافاش حاجة خالص، لدرجة إنها افكرت فعلاً إنها اتعمت! لدرجة إن الحاجة (مى) كانت شبه ساحباها من إيدها وهما خارجين من الدار، ومامتك حاطة إيدها الثانية على عينها اللي فضلت مدمعة ومش شايقة بها لحد ما نزلوا الشارع

وأسألك الوصول بالسر الذى تدهش منه العقول فهو من قربه ذاهل
ايتنوخ ياملوخ باى وامن اى وامن مهباش الذى له ملك السموات والارض

حَمَلْتُ بالقلب ما لا يحمل اليَدَنَ والقلب يحمل ما لا تحمل اليَدُن

خلاء - تاريخ غير معروف

ظل الألم يزداد قوة حتى اختفى فجأة، أو ربما لم أعد أنا أشعر به، كأنه يقع على جسدي فقط فلا تشعر به روحي، كأنها انفصلت وارتفعت عنه، وعاد الدعاء يرتفع مرة أخرى من أعماقي، لكني لم أطلب من الله عفواً أو رحمة تلك المرة، فقط طلبت المغفرة.

قضيتُ فيه إلى حين انقضى أجلي شهري ودهري وساعاتي وأعوامي.

القاهرة (2015)

لم تعرف إن كان صمته موافقة على ما تقوله، أم عدم قدرة على الكلام من شدة الألم. لم يزد فيه سوى تلك النقاط الدقيقة من العرق، نبئت على جبينه وتلألأت فوق بياضه الشاحب. أما هي، فقد عادت تسأله في إصرار وقلق زاده ذلك الصمت:

- فيك إيه يا (صالح)؟؟

هل خف الألم أم أنه هو الذي بذل مجهوداً كي يظهر ذلك؟ هل ازدادت حبات العرق على جبينه بسبب ذلك المجهود؟ أم لطفرة ارتياح ارتخت معها جميع غدد جسده؟ المهم في النهاية أنه تكلم قائلاً:

- مفيش يا (دنيا) والله

تأملت ملامحه التي بدت وكأن الإرهاق قد أضاف لها عشر سنين دفعة واحدة. إرهاق شعرت أنه موجود على الدوام في وجهه لكنه فقط زاد الآن، كأن عمره قد زاد فعلاً. تبينت عينيه الواسعتين العميقتين، والهالات الداكنة تحتهما لا تنقص من وسامته شيئاً، لكنها تشف عن تعب وحنن شديدين، تشعر (دنيا) أنها لم تر مثلها في حياتها من قبل، لكنهما يجعلاه أكثر قوة بشكلٍ ما، وفي نفس الوقت أكثر رقة، كأنه رأى ما لم يره أحد سواه.

حمل صوته بحة خفيفة وهو يقول:

- عندي صداع خفيف بس، ما تعلقيش

- خفيف؟ كل ده خفيف؟!

ضحك قليلاً بإرهاق قبل أن يقول:

- ماشي يا ستي، تقيل شوية

- وده ليه؟ يعني بيجيلك من إيه؟؟

-.. لما ما أنامش كويس

- طب، وانت ما نمتش كويس ليه خير؟ إوعى يكون عشان تعبت نفسك بالتجهيز للعيد ميلاد وكده!

ضحك ثانية:

- أهو ده اللي كنت عامل حسابه، عشان كده ما قلتكيش، عشان ما تقوليش كده، والحكاية مش كده خالص والله

- آمال الحكاية إيه؟

بدا على وجهها تصميم وشى بأنها لن تتنازل حتى تتلقى إجابة تقنعها، فزفر بعمق وقال:

- الحكاية إني .. ساعات بحلم أحلام ما بتخلينيش أعرف أنا

انعقد حاجيبها وهي تتساءل:

- أحلام؟ أحلام إيه؟؟

- أحلام وحشة .. كوايبس..

شاب التساؤل على وجهها شيء من التأثر والقلق وهي تعود لتسأل:

- والكوايبس دي عن إيه؟ بتشوف فيها إيه يعني؟

ضحك بعصبية:

- لا ما تفكرينيش بقى!

بدا وكأنه لن يقول أكثر من ذلك فصمت وصمتت هي كذلك، وقد ارتسم التأثر والقلق على كامل وجهها، فعاد يضيف من تلقاء نفسه كأنه يطمئنها:

- كوايبس زي اللي بتيجي لأي حد

فجأة قالت كأنها تذكرت أمراً هاماً:

- أنا معايا مسكن في شنطتي! ثواني أجيبه لك

رفع يده ووضعها على يدها برقة ليثبتها وهو يقول بضحكة مرهقة:

- لا ما تتعيبش نفسك، المسكنات ما بتعملش حاجة

اتسعت عينها في دهشة متسائلة:

- آمال إيه الحل؟؟ إنك تنام كويس؟

ضحك مرة أخرى بسخرية:

- ده لو عرفت أنام بقى

نظرت له بأسف وعطف، وترددت قليلاً قبل أن تقول:

- (صالح) .. تحب تقوم؟ أنا ما عنديش مشكلة لو..

تصلبت ملامحه وهو يقاطعها بجديّة:

- إنتي هتخليني أندم إني قلت لك وللا إيه؟!

- لا أنا مش قصدي! أنا بس عايزاك ترتاح والله

زفر في ضيق:

- يا ستي أنا مرتاح كده، اللي بتعمله ده هو اللي بيتعبني

- حاضر، حاضر، حاضر والله خلاص بس ما تزعلش

- مش حكاية زعل، بس إنتي كده هتخليني أحرم أقول لك أي حاجة تاني

عني

اتسعت عينها خوفاً من الفكرة فأسرعت تقول:

- لا والنبي، قل كل اللي أنت عايزه وأنا أوعدك إنني مش هعمل أو أقول أي حاجة تضايقك بعد كده، بجد!

خفض عينيه وارتسمت ابتسامة خفيفة على جانب فمه قبل أن يقول:

- إنني عملي حاجة تضايقي دلوقت على فكرة

تسمر وجهها متسع العينين وهي تراجع ما بدر منها وسرعان ما أدركت ما يقصده لتقول بابتسامة مرتبكة:

- أصل أنا واخدة عليها و .. إنما الأعمال بالنيات .. فرينا أكيد عارف إنني مش قصدي أحلف بغيره

اختفت الابتسامة من على وجهه وارتفع أحد حاجبيه قليلاً دون أن ينظر لها وهو يسحب سيجارة ليشعلها قائلاً:

- إعملي اللي إنني عايزاه

ورغم رغبتها في إثارة النقاش معه حول تلك النقطة، إلا أنها شعرت أن هذا ليس وقته، ولتقول بلهجة لينة:

- معلش طيب ما تزعلش

- ما زعلش من إيه يا بنتي! ده عشانك أنت، وأنا هخسر إيه يعني وللا هستفيد إيه لو قلتها أو ما قلتهاش؟

مدت يداً خجلى مرتبكة تربت بها على كفه الموضوعية على المنضدة برفق، رفع إليها عينيه، لم تقل شيئاً تلك المرة لكن عينها ويدها قالوا الكثير، وكذلك هو، ظل صامئاً يحدثها بعينيه، لينهي الحوار بابتسامة خفيفة وهزة مطمئنة من رأسه وهو يرفع كفه الأخرى تربت بها على كفها هي،

محتضناً يدها الصغيرة التي تلتجت خجلاً بين كفيه القويتين الدافنتين. تعجبت كيف استطاع كل ذلك وهو في حال من الألم قد تجعل أي شخص ثائر مستشيط الأعصاب، حتى لو كان هادئاً بطبيعته. وكارهة كسرت حاجز الصمت الجميل بينهما وهي تسأله بحنان:

- الصداق عامل إيه دلوقت؟

- سيبك منه، هو لما يزهي هيمشي لوحده

ضحكت رغم قلقها عليه في حين أضاف هو:

- أي وجع يبقي عامل زي العيل الزناب اللي مصر تركزي معاه، فلو ركزت فعلاً وحاولت تسكتيه، هيعند ويقرفك أكثر، ولو تجاهلتيه، هتلاقيه تعب وزهق من الصربخ في وشك من نفسه .. أو هتكوني خلاص خدت على صوته واعتبرتيه موسيقى تصويرية لحياتك

ضحكت رغمًا عنها من طريقة كلامه المرححة التي لا تشي بأدنى قدر مما يعتمل في داخله، ورغم كم ما تحمله الكوميديا في عبارته من سواد حزين. أما هو فقد ظل على مرحه وابتسامته وهو يلقي بعضاً من رماد سيجارته في المنفضة الصغيرة أمامه ويقول:

- ويلا بقى شوفي هناكل إيه عشان أنا جعان!

وَسِرْتُ فِيهِ وَلَمْ أَبْرُخْ بِدَوْلَتِهِ حَتَّى وَجَدْتُ مُلُوكَ الْعِشْقِ خُدَامِي

- الله! حمد لله على السلامة أنت جيت امتي؟

- لسه داخل أهو من شوية. الولاد هنا؟

كذا رد (عثمان) يارهاق خفيف على زوجته التي خرجت لتوها من المطبخ وهي تجفف يديها في منشفة صغيرة في حين انشغل هو بإرخاء ربطه عنقه قليلاً وقد جلس على أحد مقاعد الصلاة في الفيلا الصغيرة الخاصة بهم في (عدن).

- (ميادة) بس اللي هنا هي والولاد

- طب كويس عشان أسلم عليهم. أمال فين (أمجد)؟

- (أمجد)! ده أنا كنت لسه مسألك عنه. أنا قلقتانه عليه قوي

- ليه خير فيه إيه؟

- يطلبه على موبايله من ساعة ما الدرس خلص وما بيردش

بدا القليل من القلق على وجهه سرعان ما حاول نفضه وهو ينحني ليخلع حذاءه ويتهد بارتياح قائلاً:

- تلاقية قاعد مع أصحابه وللا حاجة ما تقلقيش، هيروح فين يعني؟

الدنيا هنا أمان

أما (نجوى) فلم يبد أن أي قدر من القلق المتوتر على وجهها قد انزاح

وهي تعود لتقول:

- طب وما بيردش على موبايله ليه بس؟

- عشان ممكن جداً يكون عامله صامت من ساعة الدرس ونمي يرجعه تاني لأنه مسطول، بتحصل على فكرة، وحصلت معاه كتير هو بالذات وإنتي عارفه

كانت تلك من (ميادة) التي خرجت من الداخل ومعها (وعد) ابنتها التي ما أن رأت جدتها حتى ركضت متقافزة نحوه هاتفة بسعادة:

- جدوووووو

تلحقها بين ذراعيه بحنانٍ وسعادة أكبر وهو يقول:

- حبيبة جدو!

تلقت (ميادة) نظرة جانبية حائقة من أمها تجاهلها وهي تتقدم بدورها نحو والدها وتنحني عليه لتقبله محاولة في نفس الوقت إبعاد (وعد) عنه وهي تقول:

- يا بت سيبي جدك في حاله حرام عليك ده تعبان!

- مالكيش دعوة إنتي وخشي هات لنا الوااد (طيفة) من جوه

قالها بهلجة مداعبة فضحكت وهي تجلس بالقرب منه قائلة:

- (مصطفى) نايم يا بابا معلش، لو صحبته دلوقت هيعمل لنا غاغا ويقلب لك دماغك

- إنت كنت بتسأل على (أمجد) ليه خير؟

كانت تلك من (نجوى) التي رد عليها وهو منشغل بمداعبة حفيدته:

- عايزين نروح للناس بقى نكلمهم رسمي. أنا خلاص اتكملت مع الشيخ (مصطفى)

- وقال لك إيه؟؟

قالتها بلهفة فأجابها:

- موافق ومبارك الموضوع طبعًا، ما هو عارف كل حاجة وهو اللي اختارها له من الأول

- ربنا يهديك يا (هشام) يا ابني زي ما هو هادي أخوك كده يا رب

لم تكذ تنبي عبارتها حتى سمعوا صوت تكة مفتاح في الباب، وأوه بعدها يفتح ليظهر على عتبه كل من (أمجد) و(هشام). أخوان قد تجد صعوبة بالغة في تصديق أنهما كذلك حتى لو أقسموا لك عليه، لأنه رغم وسامة ملامح الأول بوضوح عن الثاني، إلا أنك قد تجد عينك مشدودة للثاني رغمًا عنك أكثر، بمظهره الشبابي الأنيق الذي يهتم بكل جزء فيه بطريقة قد تجعل البعض يصمه بشيء من الرقاعة، على عكس أخيه الذي تشعر أحيانًا بمبالغة في قلة اهتمامه بنفسه كأنه يتعمد ذلك لسبب ما، بالإضافة إلى التباعد في الشكل بين ملامحهما الأصلية، فقد كان (هشام) يشبه أمه أكثر، في حين بدا (أمجد) كنسخة أصغر سنًا وأكثر وسامة من أبيه.

- هما بيطلعوا إمتي دول؟ إنتوا بتيجوا على السيرة!

قالتها (ميادة) ضاحكة فضحك معها أبوها و(وعد) التي شاركتها بضحكة طفولية هي الأخرى وإن لم تفهم معنى ما يقال بالضبط. أما (نجوى)، فقد انصب جُلُّ اهتمامها على (أمجد) الذي سألته بلهفة:

- إنتوا جيتوا مع بعض وللا إتقابلتوا صدفة على الباب وللا إيه؟ ما بتردش على موبايك ليه يا (أمجد)؟؟ عمالة بكلمك من الصبح!

- إيه ده إنتي كلمتيني؟

قالتا وهو يبحث عن هاتفه بين جيوبه بكسل ويدخل مع أخيه الذي أغلق الباب خلفهما متبادلًا نظرة ملل مع (ميادة) التي كتمت ضحكها في حين عادت (نجوى) تقول:

- كلمتك بس! دا أنا طلبتك بييجي ستين مرة!!

نظر في هاتفه يهدوء لا مبال وهو يقول:

- آه صح كلمتيني

لم يضيف شيئًا وهو يلقي بنفسه على الأريكة في حين ظلت هي تمطره بالأستلة:

- كلت يا بابا؟ أخذت نفتحك؟؟ أنا شايلة لك منابك كده كده جوه، أقوم أجيبه لك وللا شوية كده؟

- كلت آه باين .. مش فاكِر

- إيه مالك؟ إنت تعبان وللا إيه؟؟

رغم اللكنة الساخرة قليلًا التي نطق بها عبارته إلا أن أمه لم تلتقط طعم النكتة التي ألغافها في مياه الحديث، ربما لطغيان قلقها عليه ورغبتها في الاهتمام به على أي شيء آخر، حتى إن كان ذلك الشيء هو مجرد اهتمام من نوع آخر، كالتركيز حفيًا فيما يقول ومحاولة فهمه. وربما لبرود وجه (أمجد) الطبيعي والذي لا تفهم معه إن كان يمزج أم لا، مختلطًا بسوء النكتة نفسها، والذي لا تفهم معه إن كانت نكتة أم لا.

كانت (وعد) قد نهضت من مجلسها على حجر جدها لتسلم على (أمجد) وتتبعه بـ (هشام) الذي استقرت بجواره واستغرقت معه في الكلام وهو يضح في حجرها أطنانًا من الحلوى جعلت (ميادة) تقول مداعبة:

طنطا (1979)

صدع الصغير بالأمر بحرفية فاغتسل بالعمامة ونام بها فعلاً، ولم يزحزحها عن رأسه قيد أنملة رغم انتهاء المدة المفروضة عليه في ارتدائها، بل ظل بها حتى قابل الرجل الطويل في الموعد المحدد بعد الأيام الثلاثة وليالها. كان هو من ينتظره عند مدخل المقام ذلك اليوم ميتسماً، ينظر له من بعيد وكأنه يعلم من أي طريق سيأتي، وحين اقترب منه أخيراً ووقف أمامه، فاحت رائحة الطيب منه ككل مرة حين رفع يده نحو العمامة وبدأ في رفعها من فوق رأسه ببطء.

رؤيا - فيما يرى النائم

الآن يراه .. ذلك الذي عبر البوابة إلى داخل هيكل المقصورة الداخلية، يتابعه بعينيه من خلال تعبيشة زجاجها، كأنه جزء ميت من جماداتها وقد نهض يتحرك.

لا يدري كيف ولا متى وجد هو نفسه عند المقصورة، كيف وجد طريقه في الظلام الدامس المحيط بها، أو كيف رأى موطئاً لقدمه فيه. وجد نفسه يقف ملتصقاً بسطحها البارد من الخارج، يتطلع إلى الرجل الذي جلس أمام هيكل المدفن الخشبي على ركبتيه محني الرأس، وقد اختفى رأسه حتى العنق داخل القبر.

يدا الرجل على سطح الهيكل من الخارج، لا تعرف إن كان يسندهما عليه، أم يريد دفع نفسه للخلف ليخرج رأسه، لا تعرف إن كان رأسه داخل القبر ببارادته، أم أن القبر هو الذي سحبه إليه.

- هتبوط لي أخلاق البت وسنانها كده على فكرة بكل اللي إنت جايبه ده

-لا هو أنا جايبه لها لوحدها! ده بعدها!! هي وعدتني إن كل حاجة هنتقسم بالنص مع (مصطفى)، صح يا (دودو)؟

وأما له الصغيرة برأسها مبتسمة بجعل في حين لم تحل (نجوى) انتياها عن (أمجد) الذي عادت تسأله:

- إنت كويس يا حبيبي؟ أقوم أجيب لك تاكل؟

- مش جعان

كان جُلّ اهتمامه منصباً على التليفزيون الذي التقط ريموته من على الطاولة الصغيرة أمامهم وأشعله وهو يجيبها باقتضاب في حين ظلت هي تتكلم وكان شيئاً لن يوقفها:

- ليه إنت كلت إمتي؟

أما (عثمان)، الذي ظل صامتاً أغلب الوقت، فقد سحب نفساً عميقاً أطلقه في زفرة تنجح بعدها قبل أن يرفع صوته قليلاً فوق أصواتهم جميعاً لينتهوا له وهو يقول:

- ياربت بس نسيبنا من مين أكل ومين ما أكلش دلوقت وتكلم في المهم .. إحنا باذن الله هنروح بكره للشيوخ (علي) عشان نطلب منه إيد (هيلة) لـ (أمجد) رسمي

صوت يأتي من مكان ما، كعويل مكتوم، هل هو من الرجل الذي اختفت رأسه داخل القبر، أم ذلك المدفون فيه؟

فجأة وجد نفسه ينظر لوجه الرجل، كأنه جذب رأسه للخارج أو لفته بزواوية غريبة لينظر له. عيناه متسعتان وملامحه ثابتة كأنه تمثال، وما يزال ملتصقاً بالمدفن. التقت أعينهما ببعضهما البعض، وأقسم كل منهما لنفسه أنه لم يرى من يراه هذا في حياته من قبل، لكنه بشكل ما يعرفه، لسبب ما يعرف اسمه، وشكله، وكل شيء عنه.

ارتفع صوت العويل لتتسع عينا الرجل بالداخل أكثر، وبشكل بدأ غريباً مخيفاً مع جمود بقية وجهه كالأصنام. فجأة بدأ هيكل المدفن ينكمش على نفسه متحطماً، كأنه ينهار ببطء إلى الداخل، أو يذوب، والرجل الملتصق به يذوب فيه، وينجذب معه إلى أسفل.

قَالَ أَنَّم أَقُلُّ إِنَّكَ لَنْ تَسْتَطِيعَ مَعِيَ صَبْرًا

عدن (2015)

- أنوار الشيخ مش دايمًا كلنا بنستحملها، والملايكة اللي بتحف المكان ساعات بتظهر لنا، لكن إحنا مش دايمًا بنكون قد إننا نشوفها

كذا قالت (عائشة) التي زال الخوف وجُل آثار البكاء من ملامحها وإن أبقيا فيها شيئاً كرهية روحانية مرهفة انتقلت عدواها إلى (ضحى)، وربما أدت فيها أكثر وإن لم يبد الأمر واضحاً عليها ك (عائشة)، فالقصة التي سمعتها الآن عن أمها، أقرب مخلوق في الدنيا لها، ورغم ذلك فهي لم تسمع

بها في حياتها قط، ولم تتخيل حتى حدوثها، رغم سماعها للكثير عن كرامات الشيخ (مصطفى) وأنواره، كما سمعته عن مشاهير ذوي كبرياء عال وكاريزما قوية، جاءوا لينضموا للطريقة كمرديدن عاديين فسقطوا في بحار نور الشيخ ووقعوا فيما ينسبه الانجذاب الغريب له، وآخرين حتى قابلوه وهم غير مقتنعين تقريباً بالطريقة، ولا بالصوفية كلها ربما، لكنهم عندما رأوه جلسوا بين يديه ينصتون له كأنهم مسحورون.

(ضحى) من أولئك الذين ولدوا داخل الطريقة، أو كبروا بمعنى أصبح ليجدوا أنفسهم وأهلهم بداخلها بشكلي ما. وقد مثلت دورًا بالنسبة لها أفضل مجتمع تواجدت في نسجته، أفضل من مجتمع أصدقائها ودراستها وكل شيء آخر. ورغم أن الحاجة (عايدة) والدتها، قد انضمت للطريقة وقت أن كانت هي صغيرة جدًا، إلا أن أخاها، خال (ضحى)، كان منضماً لها قبل ذلك بكثير، وظلت (عايدة) لمدة طويلة لا تعرف أصلاً أن أخاها صوفي، أو منضم لأي طريقة، لا هي ولا أي أحد من العائلة ربما، بعدها بدأوا يعرفون بالأمر تدريجيًا، وقد صار ذلك الأخ عضوًا قديمًا من أعضاء الطريقة، ومن أم رجالها.

ظلت (عايدة) على حالها من عدم الانخراط، أو الاهتمام ربما، بأي شيء يخص الطريقة، رغم محاولات أخيها معها، ربما للموقف شديد العدائية الذي اتخذته زوجها من أي شيء صوفي، الموقف الذي ظل ثابتاً عليه حتى مات، وكان سببًا في العديد من الخلافات بينهما، حين دخلت (عايدة) الطريقة وانخرطت فيها بالفعل رغم ممانعته. خلافات أثرت بشدة على حياة ابنتها الوحيدة، التي تمتت يومًا ببراءة أن تختفي تلك الخلافات مهما كانت النتيجة والثمن، وعندما اختفت تلك الخلافات بالفعل، بموت أبيها واختفائه من حياتها، ندمت على أمنيتها، وظلت تدعو له بالرحمة من وقتها، وتبكيه كلما تذكرته رغم قسوته، مشفقة عليه مما أصابه من فقد لبصره

قبيل موته، وما قد يصيبه بعده لكل ما قاله، بغير قصد أو حتى بقصد، في حق كبار المشايخ والأولياء، والشيخ (مصطفى) بالذات، وهي لا تملك الآن إلا الدمع تأثرًا بما أكرمها به الله رغم أنفها، وفضلها على كثير ممن خلق، كأبيها، تقضيلاً.

إِنَّكَ لَا تَهْدِي مَنْ أَحْبَبْتَ وَلَكِنَّ اللَّهَ يَهْدِي مَنْ يَشَاءُ

2015

- إيه ده؟ إيه صوت الهواء الجامد عندك ده؟ إنتي بره وللا إيه؟

- آه..

- آه..! الساعة ثلاثة بالليل يا (دنيا)...

جاءتها العبارة بصوت (صالح) الهادئ كعادته وإن شابه استنكار ودهشة لتطلق في ضحكة قصيرة وهي تقول:

- هو مش بره بالضبط يعني، هو مكان مفتوح بس أمان، كأنني مش بره

أصلاً

- ما تقولي واقفة في البلكونة وتخلصي

ضحكت ثانية:

- لا ما أنا مش في البلكونة

بدا صوتها مستمتعاً كأنها تملئ عليه لغزاً، على عكس صوته الذي جاءها جاداً يحمل بعض الصرامة وهو يسأل:

- أمال إنتي فين؟

- فإكر الموضوع اللي قلت لك هبقى أحكي لك عنه؟

- آه

- أهو المكان اللي أنا فيه ده دلوقت له علاقة كبيرة بالموضوع ده

- مش فاهم

- هتفهم لما أشوفك

- (دنيا) ما تعلقينييش! لو مش هينفع دلوقتي تقولي إنتي فين فعلى الأقل

طب قهميني إنتي كويسة؟؟

- أنا كويسة جداً ما تعلقش

- أهلك كويسين؟ والدك ووالدتك بخير؟

- آه والله

- طب هما عارفين يعني إنتي فين؟

- طبعا يا (صالح) دول معايا أصلاً! هو أنا هروح في حتة لوحدي يعني في

وقت زي ده؟!

قالها ضاحكة باستنكار ليقول هو:

- خرجتوا تسهروا في حتة يعني؟

عدن (2015)

- (نهلة)؟ (نهلة) مين؟!

كذا هتف (هشام) بعد عبارة أبيه لترد عليه أمه قائلة:

- (نهلة) بنت الشيخ (علي)، مش عارف الشيخ (علي)؟

حملت عبارتها قدرًا طفيفًا من الاستنكار كأنها تتعجب كيف لا يعرف

هذا أمرًا بدهيًا فارتسم الضيق على وجهه وهو يقول:

- عارفه طبعًا!

- (نهلة) دي تبقى بنته الكبيرة

- أبوه أنا بسأل هي مين، يعني .. إنتي تعرفيها؟ حد فيكوا يعرفها كويس؟

إنت تعرفيها يابني؟؟

توالى الإجابات عليه من كل الجهات حيث قالت كل من (ميادة)

و(نجوى) بالترتيب:

- بشوقها واقفة مع البنات في الساحة، قمورة كده وشكلها هادي

- رفيعة وطويلة، وبتقعد دايماً في الصفوف الأولى في الدرس حانية

ظهرها من كتر ما هي مركزة مع عم الشيخ

أما صاحب الشأن فقد كان آخر من أجاب وهو يقول بتخاذل:

- لأ ما خرجناش. إحنا سافرنا

- بتصيفقوا دلوقت؟؟

- لا

- رحتموا بلدكم مثلاً؟

.. حاجة زي كده

أخذ نفسًا عميقًا وهو يقول:

- بصي .. أنا محترم رغبتك في إنك ما تقوليش إنني فين دلوقت لو مش

عايزة بـ..

قاطعته بلهفة:

- مش مش عايزة! أنا عايزة بدليل إنني هقول لك بس لما أشوفك. لو ما

كنتش عايزة أقول لك أنا فين ما كنتش قلت لك إنني بره أصلاً

صمت تمامًا للحظات لم تفهم ما يفعله خلالها وتساءلت:

- (صالح)؟؟

مرت فترة أقصر من الصمت قبل أن تسمعه يزفر ببطء ويقول:

- أولاً، من فضلك ما تقاطعيني كده تاني، ثانيًا، إيه لو ما كنتش

عايزة أقول لك دي؟ هو إنني ممكن ما تقوليليش إنني فين بعد الجواز

مثلاً؟؟

- شوفتها في الدار مع أختها ومامتها ساعة كتب كتاب (أحمد) ابن الشيخ
(عوض)

- إتكلمت معاها يعني؟

بدت عبارته وكأنها قبيلة ألقاها وسط أهله الذين راحوا ينظرون إليه
مؤنيين ومطلقين لعبارات استنكار سمع من بينها أمه وهي تقول:

- يتكلم معاها؟! عايز أخوك يقف يتكلم مع واحدة قدام الدار؟! عشان
يقولوا ابن الشيخ (عثمان) بيكلم بنات الطريقة! دول ولاد ناس محترمين
مش زي اللي تعرفهم!!

- هو أنا قلت يقول لها كلام عيب؟! يقول يتكلم معاها، يتعرف عليها!
رد عليه أبوه هذه المرة بعينين متسعيتين قليلاً وشيء من الغضب:

- الأمور هنا ما بتمشيش كده يا بني

- هيروح يتقدم لها وهو ما يعرفهاش ولا عمره اتكلم معاها؟!!

- عارفها يا بني بيقول لك شافها

- شافها مرة واحدة! وهتجوزها له!! وهو موافق عادي؟؟ هو فيه حد
بيتجوز كده؟!!

كان دور أمه هذه المرة لترد قائلة بشمم كأنها تترفع عنه:

- ولاد الناس المحترمين بيتجوزوا كده

- لأ معلش بقى الكلام ده كله غلط و....!

- إحترم نفسك إنت واوعي تغلط!!

كذا قاطعه أبوه بصوت قويّ أجفل له كل من في المكان، خاصة (وعد)
التي قالت لها أمها بصوت خفيض:

- خشي كده يا (وعد) شوفي (مصطفى) صحي وللا لأ عشان نمشي

ترددت الطفلة قليلاً ثم أسرع للداخل، وما إن فعلت حتى هتفت
(ميادة):

- ما تصلوا على النبي يا جماعة. البت بتلقط وممكن تروح تكرر الكلام
قدام أبوها .. وللا عمها!

- بنت أخو الشيخ قاعدة يا متخلفا!

كذا ألقى (أمجد) ما بدلوه ببرود ولم يزد في حين أشاحت (نجوى)
بوجهها بعيداً ومصممت شفيتها بغضب وهي تقول:

- مش مكفيه اللي بيعمله فينا أنا وأبوه، ويمسينا ويصبحنا به! كمان
عايز يسمع البيت قلة الأدب والوساخة اللي بيتعلمها لي في الشوارع مع الصبح
والشمحطجية اللي شبيهه!!

- هو أنا قلت إيه؟! أنا هيرحكوا خالص وأقوم من هنا، إعملوا اللي إنتوا
عايزينه، أنا غلطان!!

قالها (هشام) بضيق وهو ينهض متجهاً للشرقة القريبة وافتحها
بعصبية جعلت الضلعة تنصق بشيء من العنف ليدخل وهو يسمع صوت
أمه من فرجة الباب الموارب وهي ما تزال تصيح:

- ربنا بربحننا منك قادر يا كريم .. أبوه كسر لنا البيت زي المجانين كسر!

- خلاص بقى وخلينا في المهم شوية!!

كذا هتف (عثمان) بغضب وضيق قبل أن يتحنح ليسلك حلقة من أثر الصباح ويقول:

- أنا هقوم أكلم الراجل دلوقت وانفق معاه على ميعاد، تمانية ونص كويس؟

هَلْ أَتَيْتُكَ عَلَى أَنْ تُعَلِّمَنِي مِمَّا عَلِمْتَ نَشْدًا

طنطا (1979)

لم يقل الرجل شيئاً وهو يخلع العمامة عن رأس الصبي، ولا حتى بعدها. فقط ظل ينظر له مبتسماً قبل أن يمد كفه الكبير لهبط به على رأسه ثم يغمض عينيه وشفتيه هميمان بخفة كأنه يتكلم بلا صوت. لم يستغرق الأمر وقتاً طويلاً قبل أن يفتح عينيه مرة أخرى ويعود لبيتهم وهو يسحب يده بجانبه.

أما الصبي، فقد ظل صامتاً بذهول لفترة ليست بالقصيرة هو الآخر، رفع بعدها يداً مرتجفة نحو رأسه وأنفاسه تتلاحق بتأهب بلل ما فوق شفته العليا بصبغات صغيرة من العرق، وحين وصلت يده أخيراً إلى رأسه، هاله في البداية الملمس الذي لم تمسه يده من قبل، لم تكتس اليقاع الصلعاء في رأسه بالشعر فحسب، بل بدا وكأن رأسه كله قد اكتسى بطبقتين أو ثلاث زائدات منه.

ذلك اليوم وهو في طريق عودته إلى المنزل، لم يكف عن تحسس رأسه بسعادة وذهول، وسؤال واحد يدور في رأسه بلا انقطاع.

هل السر في الرجل، أم العمامة، أم الـلثنين معاً؟

قَالَ أَلَمْ أَقُلْ لَكَ إِنَّكَ لَنْ تَسْتَطِيعَ مَعِيَ صَبْرًا

خلاء - تاريخ غير معروف

لم يعد احتكاك شفتي المتشقتين ببعضهما البعض يؤلمني، ربما لأنني كفتت عن ذكر الله بهما بعد أن تعلمت كيف أذكره بقلبي، كيف أناجيه بروحي، وربما لأنني ما عدت أشعر بهما ولا بجسدي كله لأنني مت. الغريب أن فكرة الموت لم تخفني أو تضايقني في حد ذاتها، فقط خفت أن أموت قبل أن يغفر الله لي، أن ألقاه وأطلب رؤية وجهه الكريم فيشيخ به عني. لكنني لم أمت، وما زال أمامي الكثير جداً من التكفير عما فات، والصبر على ما هو أت.

أَبَدًا تَسُحُّ، وَمَا تَشِيحُ، جُفُونُهُ، لِيَجْفَا الْأَجْبَةَ ۞، وَأَبَلًا وَزَدًاذَا

هل سينتهي إلى الجنة التي طالما حلم بها أم يهوي معها إلى جهنم؟ هل كونه شريك في الأمر الذي هو مقدم عليه الآن، يرفع عنه شيئاً من حملة الأخلاقي الثقيل، وربما القانوني كذلك؟ ارتجفت مع الفكرة يده الممسكة بالصينية ليصطك كوب الشاي الزجاجي القصير عليها بالطبق الصيني

الصغير أسفله. سيطر على نفسه لأنه يعرف جيدًا كيف يفعل ذلك، ولأنه إن لم يفعل فسيفتني أمره وينتهي معه كل شيء هنا والآن.

طرق باب المكتب ودخل. اقترب من المكتب الأريبيسك الصغير الذي يجلس خلفه سيده، بين مكتبين متوسطين من نفس الطراز، ممثلتين لأخرهما بالمكتب. تنتحج ليسلك حلقه فلم يسمع أي صوت يخرج منه. دارت عيناه في الغرفة فبدت إضاءتها الضعيفة أقل مما يراها عليه دومًا بكثير. ودرغم صغر حجم الغرفة، فقد بدت له المسافة ما بين الباب والمكتب طويلة للغاية، كأنه لا يقرب منه أبدًا مهما تقدم للأمام، أو يقرب ولكن ببضع شديد غريب.

لكن الأغرب من ذلك كله. كان سيده الذي ظل ثابتًا في موضعه خلف المكتب، لا يتحرك على الإطلاق، لا يرفع عينيه نحوه حتى، ولا يعتدل أو يتململ في جلسته كأنه تمثال، كأنه نائم، أو كأنه مات.

أدنو فيبعدي خوف فيقلقني شوق تمكّن في مكنون أحشائي

2015

خيل لـ (دنيا) أنها لم تسمع شيئًا قاله (صالح) كهذا قط من قبل. صوته الهادئ جدًا أخافها على عكس ما هو متوقع، لكنه نوع غير مرعب من الخوف، لم تدرك قبلاً أنه قد .. يعجبها؟ كأنه صار مخيفًا هكذا لغيرته أو مهيبًا لخوفه عليها؟ تراكب المشاعر بداخلها ألجم لسانها قليلًا لتتلجلج وهي تقول:

152

- لا أنا مش .. مش هقول لك ليه يعني؟ ما إنت مش .. ما إنت أكيد مش هتمعني عن حاجة يعني، مش كده؟ ف..

- طبعًا مش هتمنع عن حاجة

لم تعرف ما تقول فتركت له دفعة الحديث ليسحب نفسًا عميقًا زفره بتهيدة حارة وهو يضيف:

- الفكرة كلها إني ببقى قلقان عليكي قوي، إنتي مش متخيلة يا (دنيا) أنا بقلق عليك قد إيه

اختلج قلبها مع نبرته اللينة وصوته الوديع الذي لم تخفت نبرة القلق فيه وهو يكمل:

- كل اللي يهمني إنك تفضلي بخير عشان .. عشان بحبك

تمنت وقتها لو أنه يقف أمامها كي تمسك رأسه وتقبل جبينه بحب، لكنها أفاقت من سكرتها به على صوته وهو يقول:

-إنتي معايا؟

-..آه آه معاك

صمت قليلًا كأنه يستجمع أفكاره أو مشاعره قبل أن يقول:

- آسف إني إتعبت عليكي

- آسف على إيه؟ أنا ما إتضايقتش أصلًا، بالعكس، دا أنا !!

- انبسطي إني اتعبت؟!

قالها ضاحكًا فضحكت هي الأخرى وهي تقول:

153

- لا مش إنك..! يعني .. طريقتك في الـ .. اللي هو الـ .. فاهم قصدي؟؟

ظهرت ابتسامته في صوته وهو يقول برفق:

- فاهم والله

- طب إنت إزاي فاهمني دايماً كده؟!

امتزجت الدهشة بالإعجاب في صوتها وهي تقول عبارتها التي اتسعت
ابتسامته لها وبدت في صوته، وإن لم يبد شروده وخفضة عينيه قليلاً
لأسفل وهو يقول:

- عارفك بس كويس، أكثر ما إنني متخيلة

وليس يَعْلَم ما لاقيت من أحدٍ..... إلا الذي حلَّ مِنِّي في سويدائي

عدن (2015)

تمطت (ميادة) وشدت جسدها بإرهاق وهي تقول:

- يلا يا ماما والنبي هاتي العيال عشان نمشي أحسن أنا إتأخرت قوي

في غضون دقائق كان الصغيران يجلسان على الأريكة بلامح ناعسة
يتنأبان بقوة في تأهب للرحيل، أمهما تضبط مظهرها أمام المرأة الكبيرة في
المدخل، و(نجوى) تبحث عن حقيبتها ومفاتيحها قائلة:

- ماتنسيش تسيبي لي الإزاة قبل ما نمشي

- عندك في الشنطة الكبيرة طلعيها

قالتها (ميادة) فأسرعت أمها نحو الحقيبة المقصودة لتفتحها بلهفة
وتخرج منها زجاجة مياه كبيرة امتلأت بالماء حتى نصفها، أو أكثر قليلاً،
وابتسمت في سعادة كأنها تمسك كنزاً وهي تقول:

- هي دي؟

أومات (ميادة) برأسها مبتسمة هي الأخرى فأمسكت (نجوى) الزجاجة
بحرص وفتحتها وهي تقول وقد اتسعت ابتسامتها:

- يلا! كل واحد ياخذ له بق بس ما يحفش ويسيب لغيره. خد يا (أمجد)
اشرب واسقي أبوك، واسقي أخوك هو كمان، ولو إنه ما يستاهلش، بس
بعد أختك والعيال ما يشربوا

قالتها مشيرة بقرق نحو الشرفة فالتقط (أمجد) الزجاجة وعَبَّ منها
لتهتف:

- يا واد إستنى سيب شوية لغيرك!

- عطشان!

قالها ببروده الذي لا تعرف معه هزله من جده، مع بعض الدهشة أو
الاستنكار كأنه لم يسمع ما قيل للتو. مصممت أمه شفتها بتخاذل في حين
نهض هو ليفعل ما طلبته ثم عاد لها بالزجاجة التي شربوا منها جميعاً ولم
يبق فيها إلا شريتين أو ثلاث على الأكثر. كانت (نجوى) نفسها آخر من شرب
من الزجاجة قبل أن تعيد غلقها على ما تبقى فيها وهي تقول:

- محدش بقى يقرب من دول عشان أبقي أسقهم لأختكوا بكرة أما ترجع

- شيطت برضه تبات مع (ضحى) زي عاداتها؟

- ياختي خلها أي تربعنا من جناها شوية

قالتا (نجوى) ملوحة بيدها بلامبالاة وهي تلتقط يدي الطفلين الناعسين وتتجه معهما نحو الباب هي و(ميادة) التي لوحت لأختها المسترخي على الأريكة بمرح قائلة:

- سلام يا عريس!

جاوبها برقعة متخاذلة من يده وابتسامة خفيفة لم يدر معها رأسه عن التلفزيون الذي تابعه بعينين ناعستين، في حين تمتعت هي بدهشة هامسة وهم يخرجون ويفلقون الباب خلفهم:

- الواد ولا كأنه هو اللي هيتجوز!

اتجهوا جميعًا نحو السيارة البيضاء الأنيقة القابضة أمام الفيلا بجوار أخرى فضية أكبر حجمًا، لتفتح (نجوى) الأبواب ويركبوا جميعًا وهي تقول بشيء من التذمر:

- عايزاه يعمل إيه يعني يا (ميادة)؟ يقوم يرقص؟!

تهمدت قبل أن تشير نحو الطريق قائلة لأمها التي بدأت في إشعال المحرك:

- خدي الطريق اللي ورا أسرع عشان ألحق أروح قبل ما بابا يبجي، مش عايزاه يرجع البيت ما يلاقينيش

- من عيني .. هو عامل إيه صحيح والنتي؟ صحته عاملة إيه؟
مالحقناش نكمل كلامنا قبل ما أبوكي والعيال يبجوا وأخوكي ينكد علينا زي عادته

قالتها بلهفة التفقت لها (ميادة) بدهشة وهي تقول:

- ..إيه ده! إنت حد من العيال قال لك حاجة؟!

- حاجة إيه؟ لا والله ما حد قال حاجة. هو تعبان وللا إيه؟!

تجاهلتها (ميادة) وهي تلفت رأسها للوراء إلى حيث يجلس الطفلين شبه الناعمين واتسعت عينها مؤنبة وهي تقول بنبرة وعيد:

- قلتوا إيه لجدتكم إنت وهي؟؟

نظرت لها (نجوى) ودفعها قليلاً لتدير رأسها عنهما وهي تقول بإصرار:

- يا بت محدش قال حاجة قلنا! سبي العيال نايمة وفهميني إنتي فيه إيه!! بابا مالها؟؟!

عادت لوضعها الأول ثانية وصمدت قليلاً كأنها تفكر قبل أن تقول:

- أقول لك الجد يا ماما؟

- أبوه قولي في إيه!!

قالتها بصوت غمره القلق حتى أنها لفتت رأسها عن الطريق بسرعة مستفهمة في محاولة لقراءة وجه ابنتها التي عادت تقول:

- بس الكلام ده ما يطلعش بره!

- أكيد طبعًا! أنا مجنونة؟!

صممت للحظة أخرى وقد شردت في الطريق شبه المظلم أمامها قبل أن تقول بصوت رن فيه الحزن:

- بابا تعبان فعلاً اليومين دول

شربنا على ذكر الحبيبِ مداماً.....سَكْرَتنا بها، من قبل أن يُخلق الكَرَمُ

رؤيا - فيما يرى النائم

لماذا يشعر وكأنه رأى هذا المشهد من قبل؟ لم يره هو بالضبط بحذافيره ولكن .. كأنه رأى شيئاً له في وقت سابق من حياته. رأى سيده يجلس خلف مكتبه هكذا، وإضاءة الغرفة كانت شبيهة جداً بهذه، وإن لم تكن بهذا الضعف. كان يمسك وقتها أيضاً بنفس بصينية الشاي، لكن قدميه لم تنغرسا في سجاد الأرضية السميك الذي شعر كأنه نوع من الرمال المتحركة، لا تسحبه لأسفل وإنما تقيد حركته بشكل غريب، كأنما تريد تثبيته في مكانه، لذلك يسير بهذا البطء، أو أن ساقيه قد لانتا بطريقةٍ مما، فما عاد قادراً على المشي عليهما بشكلٍ طبيعي.

وصل إلى المكتب أخيراً وتنتحنج بلا صوت ثانية وهو ينتحنج ليضع الصينية عليه. رفع عينيه ليشعر أن إضاءة الغرفة خفت أكثر منذ دخل، كأنها مضاءة بشموغٍ أو شكت على لفظ آخر لهب لها. كل شيء يبدو غريباً الآن. غريباً عما كان عليه منذ دخل، منذ دقائق. اللوحات المعلقة على الجدران تبدو وكأنها مسودة أو كأن أحبارها تذوب ببطء. الصبور بمن فيها من أناس يبدون وكأنهم يتطلعون إليه، بعيون تلمع كأنهم أحياء، يشعر أنهم

يتحركون في أماكنهم ببطء، حركة طفيفة كأنهم يتنفسون، أو يتعلمون في أماكنهم.

هل يتخيل كل هذا؟ أهي الإضاءة الضعيفة الباهتة التي لا تكف عن الذبول منذ دخل، حتى صار شبه عاجز عن رؤية ما حوله جيداً؟ شعر فجأة أنه يريد الهروب، الخروج من هنا. استدار ليفعل لكنه لم يجد الباب، أو لم يره، أما سيده الذي ظن أنه نام فلم يكن نائماً على الإطلاق، بل رآه يجلس منتصباً خلف مكتبه، ينظر إليه بجمود وثبات.

وقالوا شربت الإثمَ كلاً وإثماً.....شُربتُ التي، في تَرِكِها، عندي الإثمُ

القاهرة (2015)
منطقة (الحسين)

في الساحة الواسعة تنائر الباعة الجائلون وبعض المارة. وحول مئذنة المسجد الكبير المدببة تطايرت الحمامات والعصافير. ورغم القَيْظ المتوقع ما بين الظهر والعصر، فقد سبح المكان في نسائم هواء باردة تنعش كل واقف وسائر في المكان، من بينهم ثلاث فتيات تحملن بعض الأكياس الصغيرة، وتخرجن من أحد الممرات العتيقة المحيطة بالساحة، والمؤدية إليها.

- طب نبص بصة على محل القضاة اللي (شذى) قالت عليه يا (دنيا) وبعدين نقعد؟

- إحنا درنا في المنطقة كلها على كهوبنا يا (مي)، وأنا خلاص تعبت بجذ
ومش قادرة

- ممكن نقعد شوية نشرب حاجة ويعدين نقوم نكمل

كذا قالت صديقتها (شذى)، التي اصطحبتهما في تلك الرحلة الممتعة
رغم إرهاقها، بين حوانيت (خان الخليلي) القديمة، و ما يحيط به من
شوارع صغيرة متفرعة. وصلن لطرف الساحة المطلة على مسجد الإمام
(الحسين)، عند محلات الطعام والشراب الكثيرة التي تنافس العاملون بها
على الترحيب المداهن بكل مار من أمامهم، مصريين وأجانب، حتى كاد
الواحد منهم يجذب زبونه المحتمل من ملابسه ليجبره على الجلوس عنده.

أما (دنيا) فقد أُلقت بنفسها على كرسي أول مقهى صادفها مثيره غل
كل المقاهي الأخرى وهي تقول:

- أنا حاسه إنني لو قعدت دلوقتي مش هقوم ثاني، وهتشيلوني شيل على
البيت

ضحكت (مي) وهي تجلس بدورها قائلة:

- خليكي جدعة معايا عشان أتجدعن معاكي إنتي كمان لما تتجوزي

ضحكت (شذى) وهي تجلس كذلك في حين نظرت (دنيا) شذراً وهي
تقول:

- أخليتي جدعة؟! بعد كل ده؟؟ ماشي يا (مي)، شوفي بقي من هيقوم
وللا يروح معاكي في حنة ثاني!

لتسرع (مي) وتقول مدهانة بطريقة مضحكة:

- بهزر معاكي يا (دندن)! أنا أقدر برضو؟!!

علت ضحكة (شذى) على منظر (دنيا) وهي تقول ببرود:

- أيوه ياختي كليتي بالكلام كليتي

- حنة!

كذا هتفت (شذى) فجأة لتتظر لها صديقتها بتساؤل، فتجدها تشير
لأمرأة سمراء في عباءة سوداء وحجاب مطرز من نفس اللون، تقربت منهم
مبتسمة وهي تحمل في يدها حقيبة وبضع أدوات بدا من منظرها أنها
مخصصة لرسم الحنة.

- أنا كمان عايزة أرسوم!

كانت تلك من (مي) التي شاركت (شذى) لهفتها على الحنة، كأنها نسيت
لهفتها السابقة على الفضة. أشارت (دنيا) للنادل كي يأخذ طلباتهن في حين
انفشت صديقتها بتشمير كمهما، والمرأة بالرسم على ذراعهما، وحين
انتهت أخيراً وجدت (دنيا) تطلب منها بهدوء أن ترسم لها هي الأخرى شيئاً
رقيقاً على كفها. بدأت المرأة ترسم بالفعل لتترك (دنيا) يدها لها، في حين
راحت كل من (مي) و(شذى) تمهقان على ذراعهما ليحفظ الرسم بسرعة،
و(مي) تقول بخبث عابث:

- ما إنتي بترسمي إنتي كمان أهو. أمال كنتي عاملة نفسك عاقلة
وبتبصني لنا أكننا مجانين ليه؟ ده أنا إفتكرتك ما بتحبيش الحنة ومش
هترسمي حاجة

- لا أنا بحما جداً طبعاً، بس لازم أصرخ يعني زي المهايف عشان أثبت
لها إنني بحما؟!!

احمر وجه (شذى) وهي تضحك فعادت (مي) تقول:

- شوقتي؟ أديكي أخرجتي البنبت أهو. عاجبك كده؟!

- وتتحرج ليه؟ هي عارفة إني لما قلت مهايفيف كان قصدي عليك إني مش هي. بلاش شغل تهدية النفوس ده والنبي، هه! بلاش

ضحك الثلاثة والنادل يأتي بطلباتهم التي شرعن في تناولها بلهفة العطش والإرهاق. وحين انتهت المرأة أخيراً من الرسم على كف (دنيا). كان أذان العصر يرتفع من مسجد (الحسين) الذي لا يبعد عنهن سوى خطوات قليلة. وحين أوشكت (دنيا) على الفراغ من مشروبها، نظرت إلى صديقتها قائلة:

- نخلص اللي في إيدنا ونقوم نصلي ونقرأ الفاتحة؟

أومات (شذى) برأسها إيجابياً في صمت في حين قالت (مي) مستفسرة:

- نقرأ الفاتحة فين؟

- في سيدنا (الحسين)

- إني عايزة تصلي في (الحسين)؟

آه

- بس ده حرام!

إِنَّمَا يُرِيدُ اللَّهُ لِيُذْهِبَ عَنْكُمُ الرِّجْسَ أَهْلَ الْبَيْتِ وَيُطَهِّرَكُمْ تَطْهِيرًا

(10)

إني لأرمله و القلب يعرفهفما يترجم عنه غير إيماني

عدن (2015)

في وسط (عدن). توجد الساحة الواسعة المفتوحة، المخصصة لكل ما خصصت له الدار. ولكن عند سماح الطقس بذلك، كأن الدار مكان شتوي والساحة صيفية. درس، حضرة، احتفال بمولد أو ما شابه، حتى أن بعض حفلات الزفاف أو عقد القران تقام هناك.

ورغم رحابة المكان واتساعه، إلا أن أعداد المنضمين دورياً للطريقة كانت تصنع تضخماً، يجعل الساحة في بعض الليالي تضج بالمريدين حتى تمتلئ عن آخرها بهم، وحين تنتهي الأماكن المفروشة بالسجاد، يلجأون للجلوس على بلاط الأرضية العاري، أو الحاجز القصير الذي يحيط بالمكان، بل وربما مكثوا في سياراتهم وسط السيارات الكثيرة المحيطة بالساحة، والتي يبلغ من كثرتها أحياناً ألا يراعي أصحابها ركنها على جانب الطريق الذي لم يعد مرئياً أصلاً، ليصبح المكان كله أشبه بساحة جراج مفتوحة، تتناثر فيها السيارات بلا نظام وكيفما اتفق، وبشكل يجعله من المستحيل قليلاً مغادرة المكان قبل انتهاء الحدث المقام من أجله كل هذا.

ورغم دورية مواعيد الدروس الأسبوعية، إلا أن حضرات الذكر التي تتبعها أحياناً لم تكن كذلك. لكن تلك الليلة، من حسن حظ (ضحى)، كانت واحدة من الليالي التي تقام فيها الحضرات، و(ضحى) تحب الحضرات كثيراً.

لا تشارك فيها كبقية نساء الطريقة، لكنها تجلس معهن بالقرب منها تتطلع إليها، تذوب فيها، وتهتز طرئاً معها.

لم تكن هي وأمها من المقيمين في (عدن)، ورغم ذلك فقد كان لهما شأنها صغيراً مريحاً تبيتان فيه حين تتمكنان من القرار قليلاً من مشاغل الحياة ومتاعها من دراسة أو عمل، لذا، فقد كان اتفاق واحد من تلك الأيام مع ليلة تقام فيها حضرة، يعد حدثاً رائعاً جلالاً بالنسبة لـ (ضحى).

نسيم الليل، أضواء المكان التي تخفّض وقت الحضرة، والهدوء الذي يعم كل شيء، حتى تكاد تشعر أن صرصور الليل كف عن زقزقته الرتيبة كي لا يؤثر على أصوات الذكر، حتى الأشجار الصغيرة المحيطة بالساحة، تبدو وكأنها تكف عن الحفيف حين يحتك الهواء بها بشكل ما.

جلست على الحاجز القصير المحيط بالساحة، بجوارها (ابتسام)، امرأة أنيقة على قدر من الجمال، لا تعرف عنها (ضحى) الكثير، لا شيء تقريباً سوى أنها مطلقة لها ولدين من طليق لم تره في حياتها ولا تعرف عنه شيئاً، لكنها لم تر منها سوى تهذيب ورفق، وبصمة مميزة يعرفها الجميع بها، وعندما يرونها في أي مكان يهمون بالدخول إليه، ويعرفون أن الشيخ (مصطفى) بداخله، يعرفون أيضاً أن (ابتسام) قد سبقهم، كالعادة، إليه، وهي سيارتها الشبابية الزرقاء التي لا تجد مثلها كثيراً مع أبناء الطريقة، خاصة من هم في سنها من النساء، وإن دلت على شيء فهي تدل على حال ميسور وقليل من الجراءة.

لكن المرأة لا يظهر منها أي فعل أو مظهر يشي بأي جراءة زائدة، لا في ملابسها ولا في طريقة كلامها، بالعكس، فقد كانت ثيابها كلاسيكية ومحتشمة جداً، ورغم ذلك فإنبت تلمح جراءة ما في صفاتها، أو تشعر أن

هالة ما تحيط بها، تميزها عن قربانها في الجوهر، رغم عدم اختلافها عنهن كثيراً في المظهر.

عند انتهاء الحضرة، بدأ المكان يعود لحاله الأول تدريجياً، الأضواء تعلق، محركات السيارات تشتعل لتنهض من سباتها وتتحرك، والكل يهض من مكانه ببطء. وقفت (ضحى) في مكانها في طرف الساحة تنتظر أمها التي وصلت للدرس قبلها، وبالتالي جلست في صف متقدم من صفوف النصف الخاص بالنساء، ربما تخرج إليها من بين زحام المتسامرات وملقبات السلام على بعضهن البعض. لم تتأخر (عايدة) كثيراً، ولم تتغير ابتسامتها وجهها البشوش كذلك، إلا أن (ضحى) شعرت على الفور بتغير في وجه أمها، حين وجدتتها تقف بالقرب من (ابتسام).

حتى لمولاي أضناني و أسقمي فكيف أشكو إلى مولاي مولائي

عدن (2015)

- تعبان إزاي خير؟ ماله؟؟

- وطي صوتك بس لا العيال تصحى، هما عارفين إنه تعبان بس ما يعرفوش التفاصيل، ومحدث بره البيت يعرف حاجة عن الموضوع ده خالص!

خفضت (نجوى) صوتها بالفعل وإن لم تنخفض رنة القلق فيه وهي تقول:

- أنا هسكت خالص أهو بس احكي!

أخذت (ميادة) نفسًا عميقًا وصممت قليلًا قبل أن تقول:

- بقى له كام يوم مش عارف ينام، الرؤى اللي بيشوفها زادت، والظاهر كده إن أنوارها ثقيلة حبتين

- بسم الله الرحمن الرحيم! هو يشوف إيه؟؟

رفعت كتفها وقلبت كفتها بحيرة وهي تقول:

- الله أعلم! هو ما حكاش حاجة لأني حد، بس بيقوم كل يوم تعبان قوي، أنا بشوفه يا ماما، تحت عينيه أسود كأنه ما نامش طول الليل، ووشه منقخ كأنه كان بيتخانق مش نايم!!

بدا الهلع على وجه (نجوى) وهي تقول همسًا بخوف مشفق:

- هو فيه حد عايز يأذيه يا (ميادة) وللا إيه؟؟!

برعب مماثل قالت وقد شحبت وجهها قليلًا من الفكرة:

- مش عارفة يا ماما .. الظاهر كده!

طوعًا لقاضي أتى في حكمه عَجَبًا، أفتى بسفك دمي في الحِلِّ والحرم

القاهرة (2015)

منطقة (الحسين)

-حرام؟ هو إيه اللي حرام؟

- الصلاة في (الحسين) طبعًا!

- ليه بقى إن شاء الله؟؟

- لأن فيه قبر!!

قالتها (مي) باستنكار كأنه أمر بديهي، أما (دنيا)، فقد تملكها نوع من الالتمزاز الغاضب كأنها ترى طفلًا يبصق على رجل ناضج، لكنها حاولت أن تخفف قليلًا من الشمم الذي تحدثت به وهي تقول:

- أولًا اسمه سيدنا (الحسين)، مش (الحسين)، لأنه مش بيلعب معانا،

ده حفيد الرسول

بدا التملعل على وجه (مي) رغم صمتها كأنها معترضة ولا تعرف كيف ترد، لتكمل (دنيا):

- ومادام حفيد الرسول يبقى المكان اللي مدفون فيه ماسموش قبر كده وخالص، اسمه مقام، لأن المدفون فيه مش شخص عادي، والصلاة فيه مش حرام

بدا وكأنها تنتظر الجملة الأخيرة كي تهتف:

- لا طبعًا حرام!

- مين قال؟

- ما بتقريش الكتب الصغيرة اللي بيوزعوها دي؟ إبقى دوري فيها على حكم الصلاة عند القبور

- كتب صغيرة إيه؟

قالها بيروء لم تلتقط (مي) ما فيه من سخرية فشرعت تشرح بحماس:

- الكتيبات يا بنتي اللي بيبقى فيها أحكام الـ..

قاطعها:

- عارفاهم يا (مي)، بس أنا باخد معلوماتي من شيوخ حقيقيين، مش شوية كتب محدث عارف من اللي كاتها

- والشيوخ دول ببقى بيقولوا إن الصلاة عند القبور حلال كده عادي خالص؟ دول شيوخ إيه دول؟!

قالها بسخرية ضاحكة أثارت غيظ (دنيا) حتى احمر وجهها وهي تقول بتحدي:

- صليتي على ميت قبل كده يا (مي)؟

بدت وكأنها باغتها السؤال لكنها ردت بتحدٍ مماثل:

- صلاة الجنائز دي حاجة تانية!

- مش قبل صلاة الجنائز بيبقى فيه صلاة الفرض الجماعة عادي، وبعد كده الناس بتصلي صلاة الجنائز على الميت؟

.. ما يمكن المساجد اللي بيعملوا كده غلطانين

- المسجد الحرام غلطان؟

- مين بقى اللي قال إن في المسجد الحرام بيعملوا كده؟!

- أنا كنت هناك وشوفت، وصلبت معاهم بتفسي، وأظن مامتك كانت هناك السنة اللي فاتت، تقدري تسألها لو عايزة

قالها بتحدٍ واثق ليرتسم غضب حقيقي مكتوم على وجه (مي) وهي تقول:

- أيوه بس ده مش قبر فيه حد مدفون، ده واحد ميت وهيشيلوه

- والحرم النبوي؟

- إنتي عايزة تقارني قبر الرسول بأي حد تاني؟!!

- إنتي ما تعرفيش إن قبر سيدنا (أبو بكر) وسيدنا (عمر) موجودين هناك كمان معاه؟

- الـ.. الحرم النبوي برضو مش زي أي مكان تاني

اتسعت ابتسامه (دنيا) وهي تقول فجأة:

- لو ساكنة في مكان عادي، مش الحرم النبوي، وجارك واحد مش مسلم، هندوسي مثلاً، والقبلة عندك في البيت في اتجاه الحيط اللي بينك وبين جارك ده، صلاتك صحيحة وللا لا؟

.. معرفش

- صحيحة طبعاً

كانت تلك من (شذى) التي دخلت أخيراً في الحوار ملقبة بما في دلوها مما تعرفه، والذي جعل (مي) تحدجها بنظرة جانبية سريعة في حين أكملت (دنيا) بابتسامه ظفر خفيفة:

- لو الراجل الهندوسي ده مربي كلب عنده في البيت مثلاً؟

عادت (مي) لتلملمها الضانق في حين أومات (شذى) برأسها ثانية
و(دنيا) تعود تقول:

- ولو الكلب ده مات، والراجل دفنه في بيته؟

نفس ردود الأفعال.

- لو الراجل بقى نفسه مات، ووصى إنه يندفن هو كمان في بيته،
فبقيتي بتصلي وانتي متوجهة لحيطة وراها واحد هندوسي مدفون هو
والكلب بتاعه؟

صمتتا وصمتت هي كذلك لثوانٍ كأنما لتلتقط أنفاسها قبل أن تختتم
شرح مثالها قائلة:

- طب معقول تبقى الصلاة في مكان، مدفون فيه كلب وواحد مش
مسلم، صحيحة، لكن في مكان، مدفون فيه ولي أو واحد من آل بيت النبي،
حرام؟! *

يا رجل لو كان مثلك كافراً فما على ظهر الأرض مؤمن واحد

رؤيا - فيما يرى النائم

ظل سيده ينظر له من خلف المكتب بثبات مخيف، وغير مفهوم، وجهه
شاحب بشكل غريب، عيناه الواسعتان تبدوان أوسع ولا ترمشان، صامت
تماماً، فقط شفتيه مهممان بشيء لا يفهمه ولا يسمعه.

هل .. هل عرف؟ هل عرف بالأمر؟!

كان ذلك حين شعر بالضغط على عنقه، كأن أحدهم يخنقه، نظر
بسرعة لمسيده ليجده جالساً كما هو في مكانه كأنه تمثال، لا يتحرك فيه
سوى شفتيه اللتين مهممان بلا انقطاع، وهاله أن يديه كانتا مرتخيتان إلى
جانبه في استسلام.

دارت عيناه حوله بذعر يبحث عما يخنقه، فتح قمه ليشق بلا صوت
وهو يرى عشرات العيون الكبيرة جداً، وبشكل غير طبيعي، تحيط به من كل
جانب. عيون كل من في الصور وقد بدوا وكأنهم مدوا منها وجوههم فقط
لحيطوا به وقد انضغطت تلك الوجوه عن آخرها حتى انتفخت أعينها
وتضخمت بشكل غريب غير آدمي. أما أيادهم، فقد التفتت جميعاً فوق
بعضها البعض حول عنقه فيما يشبه رباطاً متلاحماً لا يخترق، فكلمها فك
زوج من الأيدي، لف عليه واحد آخر.

إِنْ نَشَأْ نُزِّلْ عَلَيْهِمْ مِنَ السَّمَاءِ آيَةً فَظَلَّتْ أَعْنَاقُهُمْ لَهَا خَاضِعِينَ

نظرات غريبة، جمل مبتورة، وشيء غامض يبقى معلقاً في سقف المكان والحلوق، هذا ما رآته (ضحى) دوماً من أهلها عند ذكر (ابتسام)، خاصة بين أمها وزوجة خالها، ومعهما بالطبع، (ميادة) ابنة خالها، كل هذا دار في رأسها بسرعة، وهي ترى تغير وجه أمها عند رؤيتها لها مع (ابتسام).

سلمت المرأتان على بعضهما البعض بشكل عادي جداً، بل وودود كذلك، لكن (ضحى) بعدها، وفور انتهاء السلام المقتضب، شعرت بألمها تضغط ذراعها خفية وهي تستأذن ميتسمة بدبلوماسية، لتسحب (ضحى) معها مبتعدة بسرعة شعرت معها وكأنها على وشك الركض إن كان في مقدورها.

نظرت متسائلة لتجدها تنظر باتجاه مجموعة من النسوة تحلقن حول امرأتين ورحن يسلمن عليهن بحرارة واحترام، وهما الحاجة زوجة الشيخ (مصطفى)، و(بتول) ابنتهما، واللتان بدا عليهما التواضع والبساطة في التعامل وحتى في المظهر، وهما تتبادلان أحاديثاً قصيرة ودية مع من تحلقن بهما من النساء، وقد وقفت (عايدة) ومعها (ضحى) قريباً كأنهما تنتظران فجوة بين تلك الحلقة كي تدخلتا وتسلمتا هما كذلك. وحين سلمتا أخيراً وتأهبتا للرحيل، انتظرت (ضحى) قليلاً كي يتبعدها بمسافة كافية، لتسأل:

- إنتي ليه مشيتي بسرعة كده واحنا واقفين مع (ابتسام)؟

- عشان نلحق نسلم على الحاجة و(بتول) قبل ما يمشوا

- بس إنتي وشك اتغير أما شوفتها، وغمزتيني جامد كده وشديتيني ..
إنتي عمرك ما عملتي كده وأنا واقفة مع أي حد تاني

- لأ بس كنت خايفة لا ترغي بقى وتتعطل..

- إحنا علاقتنا بيا مش قوية قوي كده عشان تقف ترغي معنا، وكان ممكن ناخذها تيجي تسلم معنا حتى عادي، زي ما بنعمل مع أي حد، إنتي كأنك ما كنتيش عايزاها تعرف إننا رايعين نسلم عليهم

كان من الواضح أن (عايدة) تخفي شيئاً أو لا ترغب في التحدث عن شيء بشكل مباشر إلا أنها قالت بسرعة:

- لأ طبعاً، ده العكس..

- يعني إيه؟؟

صممت لثوان كأنها تفكر بتردد قبل أن تقول:

- يعني أنا ما كنتش عايزة الحاجة هي اللي تعرف إننا كنا واقفين مع (ابتسام).

عَمَّ يَتَسَاءَلُونَ

عدن

كان يعرف ما يحكى عنه من أقاويل.

حكى من حكى عن رجل طويل عريض الكتفين، يرتدي ملابساً داكنة، ويسير وحده في الظلام. دائماً وحده، ودائماً في الظلام. خطواته واسعة ثابتة، وفها شيء غريب. وجهه لا يظهر بالكامل أبداً، وكأنه يحمل ظلاله معه أينما

سار، أحياناً في الطرقات كأنه هائم بلا هدف، لا يعرفون من أين يأتي، ولا لأين يذهب، وأحياناً أخرى قرب المقابر، أو عند المقام، بعضهم رأى عينيه تلمع من بعيد، وبعض آخر سمع صوت بكاء خفيض يأتي من ناحيته.

لكثهم جميعاً لم يعرفوا من هو، لا يسمعون ما يسمعه، ولا يرون ما يراه، من صاحبه المدفون هناك، ومن الظلم الذي وقع عليهما معاً. كلاهما يعرف الظالم، وكلاهما كذلك لا يملك من أمره شيئاً، ولا يقدر على شيء، يتشاركان في العذاب بسبب ذلك الظلم، واحد فوق الأرض والآخر تحته. لا يملكان إلا الدعاء لمن لا إله إلا هو، والصبر حتى يقضي سبحانه أمراً كان مفعولاً.

فَيَوْمَئِذٍ لَا يُعَذِّبُ عَذَابَهُ أَحَدٌ

القاهرة (2015)
منطقة (الحسين)

- ما؟ هنقوم وللا إيه؟

-..أنا مش هاروح معاكوا

كذا قالت (مي)، لتتساءل (شذى):

- مش هتصلي؟

-لأ هصلي طبعاً! بس مش في (الحسين)

- آمال فين؟ هنا على الترابيزة؟!

قالتها (دنيا) بضحكة ساخرة وهن تهنين، في حين قالت (مي) ببرود:

- لأ في الأزهر

- هتاخدي النفق عشان تعدي الشارع وتروحي تصلي في مسجد بعيد

وانتي جنبك واحد على بعد خطوتين؟!

- آه عادي

- بس المسجد القرب هيجليكي تلحقي صلاة الجماعة من أولها والبعيد

لا

زفرت بشيء من الضيق وأشاحت بوجهها وهي تقول:

- ما أنا الصراحة لسه مش مقتنعة إن الصلاة عند القبور حلال

تعجبت (دنيا) بداخلها لكنها هزت كتفها بمعناتٍ وشأنك قبل أن

تنقسما لتبتعد عنهما (مي) في طريقها لـ (الأزهر)، في حين تسرع هي و(شذى)

نحو مدخل النساء الجاني في مسجد (الحسين).

بعد الصلاة هضبت (دنيا) وهي تتمم همساً بيضعة أذكار وأدعية مشيرة

لـ (شذى) كي تلحق بها عند المقام. سارتا وسط الزحام الخفيف ودخلتا إلى

القاعة المجاورة الأقل اتساعاً من سابقتها، والتي يقع المقام في مقابلة

الداخل من أحد بابها الكبيرين، خلف حاجز معدني قصير مبصم مزيت

قليلاً، لكنه رغم ذلك حلو الرائحة إلى حدٍ لا يصدق.

بدا تعامل (دنيا) مع المكان روحانياً، في حين تعاملت (شذى) معه كنوع

من المزار السياحي، وإن نتج عن ذلك أن ظهر عليهما معاً نفس الاهتمام

والانهار، إلا أن اهتمام الأولى كان جله بالضريح نفسه، أما الثانية فبكل تفاصيل المكان. (دنيا) لا يتوقف فيها عن الهمهمة فيما يشبه الدعاء، في حين قرأت (شذى) الفتحة ولم تعرف بعدها ماذا تزيد، عيناها شبه مهورتان تدوران في كل اتجاه، وتتعلقان أحياناً بالسقف لتتوه في زخارفه، وتشعر أن ألوانه تنومها مغناطسيًا.

- المسجد من جوه حلو قوي!

قالها (شذى) بحرارة وهما تخرجان من المسجد، لتقول (دنيا):

- إنني أول مرة تشوفيه؟

- لا شوفته كثير طبعًا وعارفة شكله من بره، بس عمري ما دخلته قبل

كده

ارتسمت على وجه (دنيا) ابتسامة واسعة وهي تقول:

- يعني أنا السبب في إنك تدخليه! شوفتي حلو إزاي؟

- لا الزخارف اللي على الحيطان والسقف .. والمعمار بتاعه .. لا تحفه،

كله تحفة!

- هو تحفة معمارية طبعًا وأثر مهم مش مجرد مقام. بس إيه رأيك في الإحساس؟ مش حاسة كده بنوع من الهدوء والسلام النفسي؟ كأنك بقيت أخف أو اتفسلت من جوه؟

- هو المكان جميل جدًا الصراحة، وحتى قاعة الضريح مش هي قاعة الصلاة ولا في اتجاه القبلة، يعني مفهاش شبهة شرك والعياذ بالله. المشكلة بس في الناس اللي بيعملوا يدع بقى وحاجات شركية وموالد و..

-مالها الموالد؟

- لا الموالد بقى أكيد حرام يا (دنيا)!

ابتسمت وهي تعود لتسأل:

- أيوه حرام ليه؟

اتسعت عينا (شذى) في دهشة وهي تقول:

- بيعملوا حاجات عجيبة ويأخدوا مخدرات ويقطعوا نفسهم بالأمواس .. أنا والله لما شفهم م..

- مين دول اللي بيقطعوا نفسهم بالأمواس!؟

قاطعها بدهشة أكبر واستنكار، فصمتت قليلًا قبل أن تجيب ببطء كأنها تتذكر:

-..الصوفيين دول

في الخيال فقط يعتذر الرجل لحيبته بهذيب حين يتأخر عن مواعده معها أربعة دقائق فحسب. كذا فكرت وهي تراقبه يستأذن منها ليهض ويأتي بطلباتها، لكنها حين رآته وهو يعيء، خيل لها أنها لمحت شيئاً غريباً في مشيته.

- مال رجلك يا (صالح)؟

- مالها؟

قالها وهو يضح ما أتى به على الطاولة ويجلس فقالت:

- مش عارفة حاسة كأنك .. بتعرج بها، على خفيف قوي، هي واجعاك؟

رد ببساطة وهو منشغل بتقليب قهوته:

- لا مش واجعاني ولا حاجة

قطبت جبينها قليلاً كأنها تفكر أو تتذكر قبل أن تمز رأسها قائلة:

- شكلي كان بيتهالي

ثم تنحنحت قليلاً وقالت:

- فاكّر لما اتكلمنا وقلت لك إني أنا مسافرة مع أهلي؟

مز رأسه إيجاباً في صمت فعدت تقول:

- أنا هقهمك بقى أنا كنت فين

يقولون لي صفها فإننت بوصفها خبيز، أجل! عندي بأوصافها علم

مريدو الدنيا فيهم كثرة، ومريدو الآخرة فيهم قلة، ومريدو الحق عز وجل الصادقون في إرادته أقل من كل قليل. هم في القلة والعدم كالكبريت الأحمر. هم أحاد أفراد في الشذوذ والندور. وكذلك المشايخ الكمل قلة من قلة من قلة - عبد القادر الجيلاني.

القاهرة (2015)

- حرماً

- جمعاً إن شاء الله

كذا رد (صالح) مبتسماً على (دنيا) وهو يجلس على الكرسي المقابل لها في إحدى كافيتريات الجامعة، على طاولة في مكان هادئ منها.

-أسف إني إتأخرت عليك

قالها مضيقاً فأسرعت هي تقول:

- إنت ما إتأخرتش أصلاً

تورد وجهه قليلاً وهو يقول بابتسامة شبه خجلى:

- لا هو أنا إتأخرت شوية لازم أعترف، بس شكراً إنك مستحملاني كده

ويتجامليني

- مخدرات إيه وأمواس إيه؟ من قال إن الصوفية بيعملوا كده؟ إنتي شوفتي مولد وكان فيه الحاجات دي؟؟

كذا قالت (دنيا) باندهاش وهي تقف في الساحة مستندة إلى سور قصير بجوار (شذى) التي قالت:

- شوفت فيديوهات وكان فيه ناس عليها دم و...

- لا أقصد حضرتي مولد بنفسك وشوفتيه على الطبيعة؟

- الصراحة لأ

- طيب أنا شوفت موالد على الطبيعة ويقول لك، مفيش أي حاجة من الكلام ده

-إنتي روحتي مولد؟؟

قالها كأنها ترى مخلوقًا فضائيًا فأجابتها مبتسمة:

- كثير، وعارفة الصوفية كويس كمان

رفعت حاجبها باهتمام مندهش، فتابعت (دنيا):

- عشان أنا نفسي صوفية

صفاء، ولا ماء، ولطْف، ولاهُوًا،....ونورٌ ولا نازٌ وروحٌ ولا جسمٌ

أغلقت باب الشاليه خلفها بحرص وسعلت قليلاً حين ارتطمت بها لفحة من هواء الصباح البارد. المشهد في ذلك الوقت شبه خال، وشديد البياض، وكان الشمس ما تزال تتمطى في كسل ولم تقف أو تشحن قواها بعد بما يكفي لإضفاء حرارتها ولونها الأصفر على المكان. الهواء البارد يملأ صدرها تاركاً رائحة العشب المنعش في أنفها، وأصوات رشاشات المياه المتلاحقة كموسيقى تصويرية تحفز على النشاط، تدفعا للسير أسرع وبخطوات أخف.

لم تكن من محبي الصباح، وتفضل عليه أي فترة من الليل، إلا الصباح (عدن)، يختلف عنه في أي مكان آخر، هنا نفسها دوماً هادئة، وبشكل غير مفهوم، متاعها تبدو صغيرة شديدة التفاهة، أو على الأقل مقدور عليها، كأنها مرتاحة فوق سحابة لينة، تمكنها في نفس الوقت من رؤية العالم كله بمشاكله ومشاكلها كشيء صغير جداً، تستطيع احتواءه في راحة يدها لو أرادت.

لم يخرق الهدوء البكر سوى صوت الغريان المزعج التي تكره سوادها الكئيب رغم حبه لسواد الليل، ولتتساءل في نفسها إن كانت شؤماً في حد ذاتها، أم أن شيوع الاقتناع بأنها كذلك جعلها كذلك بالفعل. وصلت أخيراً إلى الفيللا وصعدت السلالم القليلة المؤدية إلى مدخلها لتتجه إلى الباب وفتحه، فتجد الصالة خالية إلا من أمها التي جلست على الأريكة بملابس البيت وأثار النوم ما تزال على وجهها، لتقول بشيء من الدهشة:

- صباح الخير .. إيه يا ماما إنتوا لسه ما جهزتوش؟ إنتوا مش راجعين

القاهرة والا إيه؟!

- اصطبحننا واصطبمح الملك لله .. إنتي داخله متسريرة على إيه؟

- أنا مش متسريرة، إنتوا اللي قلتوا لي أجي بدري عشان هنمشي على طول، دا إنتوا أكذتوا علي وأنا صحيت بدري مخصوص .. وإنتوا لسه نايمين!

نهضت متجهة للدخال وهي تتأهب وتلوح بيدها بملل قائلة:

- بقول لك إيه ما توجعيش دماغى، الفطار عندك في البلكونة روجي افطري لحد ما أصبحي أبوكي وأخوكي، البية الكبير المفروض صحي بس شكله راح نام تاني جنب الأكل

- أنا صباحي ما نمتش على فكرة

أنت العبارة من الشرفة بصوت مشروخ شبه نائم لتتجه إليها وتدخل وهي تتبسم قائلة:

- صباح الخير يا (هشام)

- (دنيا) باشا .. صباح الفل

هُوَ الخَبِّ فاسلِّمْ بالحشا ما الهَوَى سَهْلٌفَمَا اختارَهُ مُضَيِّئِي بِهِ، وَلَهُ عَقْلٌ

القاهرة (2015)

- الصوفية هي عبادة المحبين، إنك تعبدى ربنا عشان بتحببيه، مش طمع في ثوابه زي التجار، ولا خوف من عقابه زي العبيد

بدا الاهتمام في وجه (شذى) وهي تسمع (دنيا) تكمل قائلة:

- والمتصوفين مش زي ما هو مشاع عنهم إنهم عالم تاهية ومجنوبة، أو لابسين خيش ومهدلين وماشينين في الشارع يتطوحوا ويقولوا (حي!) بطريقة كوميدية زي الأفلام، لأن الصوفية زهد مش فقر، مش إن ما يكونش عندك أي حاجة، بالعكس، ده يبقى عندك كل حاجة، وإنتي اللي زايدة فيها. زهد يعني الحاجة تبقى موجودة قدامك وإنتي اللي مش عايزاها، مش مش قادرة تمتلكها

أومأت (شذى) برأسها ببطء كأنها تفكر أو تستوعب و(دنيا) تتابع:

- يعني مثلاً شيخ الطريقة اللي أنا فيها، رجل أعمال ناجح وشيك، وما شاء الله عليه غني جداً، بس قمة في التواضع، راجل بجد أنا ما شوفتش زيه قبل كده! عالم حقيقي بس في نفس الوقت بسيط ودمه خفيف، ويوصل لك المعلومة بالراحة، تحسبها دخلت قلبك قبل ما تدخل عقلك، يحسبك قد إيه الدين فعلاً يسر مش عسر أبداً

نصحتك علماً بالهوى والأذى أرى مُخالفتي فاختر لنفسك ما يحلو

-..شيعه؟

كان ذلك أول ما نطق به (صالح) بعد فترة صمته الطويلة أثناء حديث (دنيا) وبعده كذلك. أما هي فقد خيل لها أنها لم تسمع أو لم تفهم ما قاله لتسأله بتردد:

- إيه؟

- إنتوا شيعه؟؟

فإن شئيت أن تحيا سعيدًا، فمُت به شهيدًا، وإلا فالغرامُ له أهلٌ

- يفسر القرآن والحديث بطريقة تخليك تقولي (أنا إزاي فعلاً مافكرتش إن الآية دي معناها كده!) لأنك بتلاقي المعنى ده بسيط جدًا ومنطقي، كأنه سهل ممتنع، وإنت اللي ما فهمتهوش عشان أخذتني على التفكير بطريقة صعبة ومعقدة، من كتر ما بتسمعي كلام الشيوخ المتشددين اللي بيقعدها يصرخوا في الواحد كأنهم قاصدين يسرعوه!

ضحكتك (شذى) رغماً عنها ودرغم جدية الموضوع وهي تقول:

- بصراحة فيه شيوخ ما يتسمعوش فعلاً

- لو كنت فعلاً غليظ القلب لانفضوا من حولك

قالتها (دنيا) فأومات برأسها مؤمنة وهي تقول:

- صح والله

- الشيخ بقى اللي بكلمك عنه ده، هو اسمه (مصطفى)، عكس الناس دي كلها، لا يبصرخ ولا يتعصب، ولا يبجسسك إنك رايحة النار ورايحة في داهية ومفيش منك أمل، بالعكس، ده يشرح لك كل حاجة بأمثلة بسيطة جدًا، ويضحكك كمان ساعات، تقومي من الدرس بتاعه حاسة إنك مرتاحة نفسياً قوي، وفي نفس الوقت فاهمة الدين صح بجد، وكما يجب أن يكون

تعرض قومٌ للغرام، وأعرضوا، بجانهم عن صحتي فيه واعتلوا

- مين دول اللي شيعه؟!

- إنتي وعيلتك

- لأ! الشيعه حاجة والصوفية حاجة تانية خالص، إحنا سنة مش شيعه

- مش إنتوا بتروحوا أضرحه وتتوسلوا بأوليا وتعملوا موالد .. والكلام ده؟

- بالنسبة للموالد بقى، فأكبر دليل على إنها مش حرام، ولا تأليه لحد لا سمح الله، هو طبيعتها نفسها، اسمها، مولد يعني إيه؟ جاي من اسمه. احتفال بميلاد شخص. وربنا سبحانه وتعالى لم يلد ولم يولد. إذن الاحتفال بمولد شخص معناه معرفة ضمنية إن الشخص ده أكيد مش إله، لأنه ولدا

- والتوسل مش حرام

- لا يا (دنيا) ما ينفعش، لا يجوز التوسل ببشر

قالها (صالح) وقد تقطب جبينه قليلاً لترد شارحة بهدوء:

- أمال سيدنا (محمد) هيشفع لنا إزاي؟ مش شفاعة يعني وساطة؟
والدعاء بنيل شفاعة الرسول يعني طلب لتوسطه لنا عند الله؟ طلب
للمغفرة من ربنا عشان خاطره؟ يبقى توسل به

أحبة قلبي والمحبة شافعي لديكم، إذا شيءتم بها اتصل الحب

- هو الكلام منطقي إلى حد كبير، يعني أنا الصراحة بعترف إن معلوماتي
الدينية مش قوية كفاية عشان أقدر أناقشك في اللي بتقوليه، يعني في
الموالد والتوسل والحاجات دي، بس أنا طول عمري ضد أسلوب بعض
المتشددين، وشايفة إنه أكيد الدين مش كده، وإنه أسهل وأجمل من كده
بكتير، وأقرب للي بتقوليه فعلاً

- هو إيه ده اللي منطقي؟؟

كذا سألت (مي)، التي وصلت في تلك اللحظة خلفهما، تعليقاً على عبارة
(شذى) التي أجابها قائلة:

- كنا بنتكلم عن الدين وأساليب بعض الشيوخ وكده

رفعت حاجبها في اندماش تمثيلي قائلة:

- ما شاء الله، دا إنني بقيتي شيخة بقى!

كانت العبارة موجهة لـ (دنيا) طبعاً التي قالت:

- من دي اللي شيخة؟

- إنني! مش قاعدة تطلعي في فتاوى وأحكام شرعية على كيفك أهه؟!

بدت ضحكها مستفزة قليلاً لـ (دنيا) التي ضحكت هي الأخرى وهي تقول:

-إنني بتحاولي تداري على تأخيرك علينا بأي كلام يعني وإنني مش فاهمة
أصلاً إحنا كنا بنقول إيه؟ طب لو تحي نقعد وأشرح لك كل اللي قلناه،
ونتناقش، على الأقل تبقي فاهمة إنني بتعترضني وتترقي على إيه

-آ.. أنا أسفة عامة إنني إتأخرت، أصل (علاء) كلمني عشان كان عايز
نزل نبص على السيراميك بكره ..

ضحكت ثانية وهي تقول:

- أيوه توهي واهربي من المناقشة، توهي

- لا أنا مش بتوّه! الفكرة إن معلوماتي في الدين مش قوية قوي كده
عشان أقدر أناقشك، وده غلط أنا عارفة، المفروض أبقي أحسن من كده
..

- ولما إنت عارفة إن معلوماتك في الدين مش قوية بتفتي وتعاندي فيه
ليه؟

- عشان إنني كمان معلوماتك الدينية مش قوية يا (دنيا) إلا إنني لايسة
نقاب، ولا خمار مثلاً عشب.

- هي دي فكرتك عن الدين؟ نقاب وخمار؟ طب إنني مش لابسام له
لما هو ده الدين من وجهة نظرك؟

أضافت (شذى):

- الدين مش مظاهر بس يا (هي)

لتعود (هي) وتقول:

- أنا ماقلتش إن أنا كويسة! أنا زفت برضه وبليس ضيق وبعمل حواجبي
وكل حاجة، رغم إنني المفروض محجبة، زي ما المفروض إن إنتوا كمان
محجيين، يعني إحنا زي بعض من الآخر، مفيش فيك حاجة زيادة عننا
عشان تعملي علينا شيخة!!

سحبت (دنيا) نفسها طويلاً زفرته قبل أن تقول:

- أنا ماعملتش شيخة على حد، عشان مش أنا اللي بدأت أحلل وأحرم
الحاجات على كيفي، ده كان إنت لو فتكري، ولا أنا اللي قعدت أتريق على
الناس وإتهمهم إتهم مش أحسن مني لأنهم مش لابسين خمار، وأنا محجبة
ولسه مشمرة دراعي كله في الشارع عشان أرسوم عليه حنة

وصبري صبرٌ عنكم وعليكم..... أرى أبداً عندي مرارتُهُ تحلو

ورغم صمته التام بعد كل ما قالته (دنيا)، إلا أن تلك التقطيعة
الضائقة على وجه (صالح) المحمر أنبأها باعتراضه عليه، أما هي نفسها،
فقد وضعت أكبر قدر استطاعته من اللين في صوتها وهي تقول:

- الصوفية حاجة والشيعية حاجة تانية يا (صالح)، والصوفية مش
حاجة وحشة زي ما إنت فاكرو الله، بالعكس

- أنا اللي أعرفه إن فيها حاجات كتير غلط، وبدع و..

- عشان ماتعرفهاش بجدة، جرب تعرفها وشوف بنفسك

- أجرب يعني إيه؟؟

- يعني تقابل بابا، تقعد معاها وتسمع كلامه، وإنت مش بس هتقتنع
بالصوفية، ده إنت هتدخل الطريقة كمان

- هو باباكي شيخ الطريقة؟ إنني مش قلتي إنه النائب؟

- أيوه بابا النائب فعلاً، بس الشيخ (مصطفى) ده عندي زي أبوي
بالضبط، ويمكن أكثر كمان

- بتقولي كده والديك لسه عايش يا (دنيا)؟!

- هو أصلاً بيحبه زي ما أنا بحبه وصاحبه جداً، إنت مش متخيل
الراجل ده عامل إزاي يا (صالح)، لما تشوفه متعرف، صدقتي

- وأنا أشوفه أو أقابله ليه أصلاً؟ أنا هتقدم له ولا هتقدم لوالدك؟

- لأ دي حاجة ودي حاجة

- بس أنا مش عايز أقابله

- حتى لو قلت لك عشان خاطري والموضوع ده يهمني أكثر من أي حاجة
تانية؟؟

ثبتت عيناه في عينيها وخيل لها أنها رأت فيها دهشة امتزجت بشيء من الألم وهو يقول:

- أكثر من علاقتنا مثلاً؟

- دي برضو حاجة ودي حاجة تانية!

خفض عينييه وصمت قليلاً قبل أن يرفعهما ثانية لترى هي فيما لمعة، كأنها حزن أو غضب خفيف، وهو يقول:

- يعني لو دي قصادي .. هتفضلي الطريقة بتاعتكوا عليا؟

القاهرة (2002)

منطقة (الحسين)

طرق باب المكتب ودخل. اقترب من المكتب الأرابيسك الصغير الذي يجلس خلفه سيده منشغلاً بمطالعة كتاب بانهماك جعله لا يتحرك ولا يرفع عينيه حتى، كأنه لم ينتبه لدخول أحد من الأساس، بين مكتبتين متوسطتين من نفس الطراز، ممثلتين لأخرهما بالكاتب. إضاءة الغرفة هادئة كالعادة. ارتجفت يده الممسكة بالصينية قليلاً ليصطك كوب الشاي الزجاجي القصير بالطبق الصيني الصغير أسفله وهو يتقدم نحو المكتب ببطاء. تتحجج ليسلك حلقه باحترام وهو ينحني ليضع الصينية على المكتب قائلاً:

- الشاي يا مولانا

هنا رفع عينيه إليه وثبها في عينيه قليلاً وهو يتسم بهدوء، قبل أن يشير له ببساطة أن يجلس ففعل. يجب ألا ينظر إليه وهو يمد يده للكوب، ولا وهو يرفعه لشمه ليشرّب، لكنه أيضاً يجب ألا يظهر وكأنه يبعد عينيه عامداً عنه.

ورغم تأكده من صعوبة الأمر، إلا أنه لم يحسبه حقاً بهذا الصعوبة، لكن لا مجال للتراجع الآن، فهذا هو ذا قد رفع الكوب إلى فمه وارتشف منه القليل بالفعل. قريباً سينتهي كل شيء. أصعب مرحلة هي التي تمر الآن. لكنه لا يدري كيف لم يدرك من البداية أن القتل برمته صعب إلى هذا الحد.

قَالَ لِأَقْتُلَنَّكَ قَالَ إِنَّمَا يَتَقَبَّلُ اللَّهُ مِنَ الْمُتَّقِينَ

القاهرة (2015)

- وأنا إيه اللي يغليني أختار ما بينكم؟!!

- أنا..! لو قلت لك إني مش مقتنع بالصوفية ومش عايزك تحضري موالد ولا حضرات، ولا كل الكلام ده؟

- بس إنت قلت لي إنك مش هتمنعني عن حاجة!

- وده مش منع، ده سؤال، لو خيرتك بين الطريق بتاعك وبيني، هختاري إيه؟

- ينفع أنا طيب أخيرك بين إيدك اليمين وإيدك الشمال؟!!

- يااه..! هو مهم عندك قوي كده؟!!

قالها (صالح) بدهشة شعرت (دنيا) بما فيها من ألم، فتحت فمها لتشرح أو لتقول أي شيء، إلا أنها وجدته يقول بسرعة وبوجه هادئ تماماً:

- ماشي يا (دنيا) .. أنا موافق

عدن (2015)

تكاتف الدوار مع ألم قدمها المزعج لانتشارهما في الحذاء الضيق عالي الكعب، كي يجعلها غير قادرة على الوقوف أكثر. ورغم معرفتها لأهمية وجودها في حفل خطبة أخها، إلا أنها فكرت أن وجودها ذلك سيكون أسوأ

من غيابها إن انتهى بها الأمر طريحة الأرض فجأة وسط كل هذا الزحام. لذا فقد اتخذت قرارها باستغلال ذلك الزحام لصالحها والانسحاب ببطء وهدهود من الساحة لتخرج من أرضها المبلطة المستوية نوعاً. إلى طرق المزرة الشبه ممهدة، والرملية في بعض أجزائها بطريقة جعلت المشي بذلك الكعب المديب، خاصة مع ترتعها، صعب بشكل لا يصدق.

وصلت أخيراً إلى الفيلا، التي لم تكن لحسن الحظ بعيدة جداً عن الساحة، لكن المسافة كانت كافية رغم ذلك كي تقضي على ما تبقى من مقاومتها وهي تفتح الباب، وتدخل مسرعة لتلقي بنفسها على أقرب كرسي قابلها بهالك وهي تلهث. وحين سمعت صوت حركة يأتي من الشرفة، اتسعت عينها قليلاً وهي تنظن أنها بمفردها، بما أن الجميع الآن في حفل الخطبة كما هو مفترض. انتابها خوف خفيف وهي تمد عينها نحو الضلفة المواربة لترى ما هناك، وفجأة:

- مين اللي بره؟!

انفضت في مكانها لثوان في البداية حين أتتها العبارة من الشرفة بصوت عال، لتبتين بعدها أنه صوت (هشام) الذي رأيته يظهر هناك لتتنفس هي الصعداء، ويهتف هو بدهشة:

- (دنيا)! هي الخطوبة خلصت وللا إيه؟!

- لأ أنا اللي تعبت .. ما قدرتش أستنى أكثر من كده

- بصرة

- والله! إنتي كمان رجلك وجعتك من الكعب؟!!

قالتها مداعبة بسخرية عابثة فرد عليها بالمثل وهو يتحسّن رقيبته
بحركة كوميدية قائلًا:

- لا اتخنقت من الكرافقة، ومن اللطافة!

انتهت وهي تضحك في تلك اللحظة أن رباط عنقه مرخي بالفعل فوق
أزرار قميصه العلوية المفتوحة قبل أن تقول:

- إيه اللي رجعت بجذ؟

بدا على وجهه الضيق وهو يقول:

- ما تيجي نعدد في البلگونه طيب بدل الخنقة دي

- أنا دا بيخه مش قادرة أقوم، وما تغيرش الموضوع

- يبقى تقعد في الهواء عشان تفوق، ولا عايزة تترمي هنا في الكتمة
لحد ما يغمى عليك؟

ضحكت وهي تخلع حذاءها وتلقيه بعيدًا بغل بشكل مضحك قبل أن
تستند على يده كي تهض ويندبها سويًا إلى الشرفة وهما يضحكان. ليجلسا
وتبدأ هي الحديث بفضول جاد:

- رجعت ليه بقى؟

- لا دا إنتي مصرة بقى!

ابتسمت في تحنّ صامت فزفر باستسلام قبل أن يقول:

- اتخنقت فعلاً بس مش من الكرافقة أكيد

- أمال؟

بدا وكأنه لا يعرف كيف يجيب وهو يبعد عينيه عنها كأنما لا يريد
مواجهتها، وهو يقول:

- الجو كله .. الحكاية كلها تخنق

- حكاية إيه؟

- جوازة أخوك دي مش مريحة بصراحة

تسمرت قليلاً وهي تقول بحذر:

- ليه؟ دول حتى ناس طبيين قوي، و(نهلة) بنت هادية و..

- أنا ما بتكلمش عليهم كناس، أنا بتكلم على المبدأ، طريقة الجواز
نفسها، يعني إيه يختاروا له عروسة ما يعرفهاش وهو يوافق كده عادي!
جعلوه فانتجعل! هما لو ناويين يجوزونا كلنا كده، يبقى والله ما أنا متجوز
أصلًا

شردت قليلاً كأنها تفكر قبل أن تقول بحذر أكبر:

- هو ده أصلًا كان اختيار عم الشيخ .. هو اللي فتح الموضوع مع بابا
ورشع (نهلة) لـ (أمجد)

- رشعها له وللا قال له يتجوزها؟

- ما هو أكيد عم الشيخ عارف إيه الأصلح .. عشان كده اختار له اللي
يناسبه

- يعني هو كان يقدر يرفض؟

- مهرفش بس هو وافق، يعني هي مناسبة له فعلاً

- (أمجد) كان هيوافق لو جابوا له سحلية ميتة يتجوزها

ضحكت في حين عاد هو يكمل بجديته تغلغها بعض الحيرة والتردد:

- هو عم الشيخ على عيبي ورأسي يعني بس .. أنا ما ينفعش أي حد مهما كان يجبرني على الست اللي معيش معاها بقية عمري .. لازم أكون حبيبها، عارقتها .. كلمتها على الأقل!

- إنت متصور إن عم الشيخ هيجبر حد على حاجة يعني يا (هشام)؟!

- ولا حتى يختارها لي

- يا سيدي لما يختار لك واحدة وما تعجبكش إبقى قول لأ

قالها ضاحكة بتخاذل فظهرت في عينيه نظرة غريبة وهو يقول:

- (دنيا) .. كل جوازة هنا في الطريقة، بيبقى عم الشيخ هو اللي (اختارها)، بيقول لفلان روح اخطب فلانة، فبيروح يخطبها فعلاً، وخطوبة هنا يعني كتب كتاب وش زي ما إنتي شايقة، ممكن يكون بيقول من باب (الترشيح) زي ما بتقولي، بس كل ترشيحة بتنتهي بجوازة، محدش بيقول لأ

بدت في عينها الزائفة نظرة غريبة هي الأخرى وهي تقول بتردد:

- هو ما بيجبرهمش على حاجة أكيد، هم اللي بيسمعوا كلامه عشان واثقين إنه اختار لهم أحسن ما كانوا هيفتاروا لنفسهم

- أفهم من كده إنك موافقة تتجوزي (محمد)؟

- أختك متجيب لنا واحد غريب وتقضيله على ابن الشيخ؟!

القاهرة (2015)

- شيخ الطريقة بتاعتكوا طلع رجل أعمال غني، وواصل كمان

- مش بقول لك؟ راجل ناجح ومحترم ..

- لأ مش شرط..

كذا قال (صالح) جهدوه مقاطعاً حماساً (دنيا) التي هدأت بشيء من خيبة الأمل الصامت وهي تسمعه يكمل:

- غني وواصل مش لازم يكون معناهم ناجح ومحترم، لأنه اغتنى قوي، وفي وقت قصير جداً، بطريقة ما تغليش الواحد يقول له برافو، يقول له من أين لك هذا؟! خاصة إنه كان فقير جداً زمان

- مين اللي..؟ إنت جيت الكلام ده منين؟؟

- مش ده المهم، المهم إن اللي عرفته عنه، أكد لي وجهة نظري أكثر

- إنت عرفت إيه بالضبط أنا مش فاهمة؟؟

- عرفت مثلاً إنه بيدخن!

- طب وفيها إيه؟ التدخين مش حرام

- لأ هو على الأقل مكروه، وده أكيد، لأن العلماء لما اختلفوا، كان على إنه حرام وللا مكروه، محدش أبداً قال إنه حلال أو مستحب

- طب ما إنت بتدخن

- وهو أنا شيخ وبَيَّ الناس دروس في الدين؟!

- احنا زي بعض من الآخر، مشيف فيك حاجة زيادة عننا عشان تعملي
علينا شيخة

- فيه حاجات كتير عن شيخك إنتي شكلك ما تعرفهاش، أو مش عايزة
تعرفها، أو يمكن محدش عايزك تعرفها، بس كل القريبين منه قوي
عارقينها كويس، زي والدك مثلاً، والدك يعرف عن الشيخ (مصطفى)
حاجات إنتي لا يمكن تتخيلها

- حاجات إيه؟؟ إنت مش فاهم! عم الشيخ له أعداء وناس كثير مش
بتحبه، فبيحاولوا دايماً يشوهوا صورتـ ...

- (دنيا) أنا واثق من اللي بقوله، صدقيني، فيه حاجات لو عرفتها عن
الشيخ (مصطفى)، إنتي نفسك اللي هتتخضي

- من فضلك يا (صالح) ما تتكلمش عنه كده! عشانك إنت مش
عشاني، الشيخ (مصطفى) مش مجرد ولي!!

قطب جبينه وهو يقول:

- قصدك إيه؟؟ إنه واصل ومهم كمان؟ فمممكن يوصي عليا حد يأذي
مثلاً؟؟

- عم الشيخ...! لأ طبعا!!

- أمال إيه (عشانك إنت) دي؟

- أنا خايقة عليك .. عمو (أسامة) إتلكم كتير عن المشايخ والأوليا ..
وغلط فيهم جامد يا (صالح)

اتسعت عيناه وهو يقول كأنه لا يصدق:

- (أسامة) قريبك اللي حكيتي لي عنه؟؟ جوز عمك (عابدة)، وأبو
(ضحى) اللي بتباتي عندها!؟

- على الله بس ما يطلعش وهابي زي (أسامة) الله برحمه

..وعندما اختفت تلك الخلافات بالفعل، يموت أبيها واختفائه من
حياتها، ندمت على أمنيتها، وظلت تدعو له بالرحمة من وقتها، وتبكيه كلما
تذكرته رغم قسوته، مشفقة عليه مما أصابه من فقد لبصره قبيل موته،
وما قد يصيبه بعده لكل ما قاله، بغير قصد أو حتى بقصد، في حق كبار
المشايخ والأولياء، والشيخ (مصطفى) بالذات ..

- يعني أنا هتعمي وأموت يا (دنيا)؟؟!!

وَكَيْفَ تَصْبِرُ عَلَىٰ مَا لَمْ تُحِطْ بِهِ خُبْرًا

القاهرة (2002)

منطقة (الحسين)

ظلت نظرات مولانا غريبة رغم هدونه وهو يشرب الشاي. سأل عن الأمانة، فطمأنه عليها. طلبها منه فماطل وأعدًا بحرارة أن يردّها له في أقرب وقت ممكن، حرارة زائفة طبعًا، يعرف كيف جيدًا كيف يتقن تمثيلها، لأنه يعرف أنه بالطبع لن يرد شيئًا لرجل سيصوت أصلاً، في أقرب وقت ممكن.

ورغم ذلك، ورغم ثقته في قدرته العالية على التمثيل، إلا أنه ظل يشعر بشيء غريب في ابتسامه مولانا وعينيّه، شيء غامض أخافه كثيرًا لسبب ما، كأنه يعرف ما وضع في كوب الشاي له، لكنه تعجب كيف يكون مولانا هو المسك بكوب الشاي القاتل، وهو من يجلس أمامه متوترًا خائفًا منه هكذا.

لَيْنَ بَسَطْتُ إِلَيْكَ يَدَكَ لِيَتَّقَنِي مَا أَنَا بِبَاسِطِ يَدِي إِلَيْكَ لِأَقْتُلَكَ إِلَيَّ أَخَافُ اللَّهَ
رَبِّ الْعَالَمِينَ

عدن (2015)

- يعني (صالح) هو سبب عدم موافقتك على (محمد)

قالها (هشام) الذي جلس ينصت باهتمام لكل ما حكته (دنيا) شرحًا وتعقيبًا على سؤاله لها، فأسرعت هي تقول مصححة:

- لا! أنا إتعرفت على (صالح) بعد موضوع (محمد)، اللي أنا ما كنتش موافقة عليه قوي أصلاً من الأول

-بس ما كنتيش رافضة

- لأنه .. ما كانش فيه سبب مقنع قوي أرفض عشانه (محمد). كويس جدًا يعني .. بغض النظر خالص حتى عن إنه ابن الشيخ، وإن عم الشيخ نفسه كان هيبقى حمايا، بس .. عمري ما حسيت إنه .. يعني ما تخيلتوش ك..

- مش بتعبيه من الآخر

خجلت قليلًا لتضحك بعصبية ويحمر وجهها، فضحك هو كذلك على منظرها وهو يقول:

- إتخضيتي كده ليه، هو أنا هاكلك! أنا أصلاً ضد الجواز على طريقة (ميادة) و(أمجد) دي خالص

- لا (ميادة) ما إتجوزتش كده يا (هشام)، دول بيحبوا بعض جدًا

- مين دول اللي بيحبوا بعض جدًا؟؟

- (ميادة) و(ياسين)

لم يعلق إلا بضحكة قصيرة سألته عن سببها بفضول مندهش فراعغ في الإجابة قائلاً:

- سيبك من (ميادة) و(أمجد) و(ياسين) دلوقت وخلينا فيكي أنتي، ناوية على إيه؟

رفعت كتفها بحيرة وهي تقول:

لم يقل شيئاً وروحه تخرج من جسده، لم يصرخ أو يطلب نجدة حتى، فقط خرجت منه شهقات ألم خفيضة وهو يتحنس صدره وكتفه الأيسر، تبعها الشهادة التي أسلم الروح فور نطقها، مريحاً رأسه على ظهر كرسيه، مريحاً يديه على مسنديه، وعيناه مسبلتين بسكينة، تجعل من يراه يحسبه في غفوة أو سنة قصيرة فحسب.

وقف متسع العينين أمام الجثمان الساكن، تمنى لو أنه في حلم سيصحو منه، نظر حوله بخوف غير مفهوم، كأنه يشعر أن هناك من يراقبه، رغم أنه وحده تماماً، شعر أن الصور على الحائط تراقبه، كل من فيها ينظرون إليه، يكاد يقسم أن أعينهم مثبتة على عينيه تتابعها أينما نظر.

التفت بسرعة للجثمان الذي شعر لوهلة أنه راه يتحرك بجانب عينه، ولسبب ما ظل ينظر له بترقب كأنه يشعر أنه سيراه بالفعل يفتح عينيه فجأة وينهض معتدلاً، لكنه تمالك نفسه وهو يذكرها بأن الرجل مات، والموتى لا يتحركون ولا يقدرون على شيء يقدر عليه حي، مهما كان قادراً في حياته.

يجب عليه التصرف بسرعة كي لا يحدث أي خطأ، أن يتظاهر الآن بالبكاء والولولة كي يخرج إلى صاحبه منهازاً وبغيرها الجميع معاً بجزع أن مولانا قد أصيب بأزمة قلبية لم تمر في سلام كسابقاتها، الأمر الذي سيكون صادفًا فيه بالفعل، فقط سيخفي وسط ولولته أنه لم يحاول حتى إسعافه أو الإتيان بأقراصه العلاجية قبل فوات الأوان، وأنه هو من سبب له تلك الأزمة بما وضعه في كوب الشاي الذي قدمه له.

لم يحتج للكثير من التمثيل وهو ينظر لوجهه الهادئ الذي لم يقصد الموت ملاحظته بعد. وجد أنه يبكي فعلاً بلا صوت ولا حاجة لأي تمثيل. رأسه يشتعل ناراً ورؤيته تنكسر بفعل الدموع، وهو يستوعب جيداً ما فعله. هذا

- مش عارفة .. أنا من ناحية يحاول مع (صالح) نفسه وأصحح له مفاهيمه عن الصوفية. ومن ناحية ثانية عايز أكرم بابا وماما وأمهد لهم موضوعه، بس من غير ما يفتكروا إني رفضت (محمد) بسببه، ولا يعرفوا حاجة عن طريقة تفكيره عشان هيقولوا عليه وهابي

- طيب .. تعبي أنا أساعدك إزاي؟ إيه اللي ممكن أعمله؟ تعرفيني عليه مثلاً واتكلم معاه و..؟

- لا هو أهم حاجة دلوقت بس إنك ما تقولش أي حاجة من اللي اتكلمنا فيها لأي حد

- ما أكيد طبغاً

- بتعملوا إيه هنا إنت وهي؟

أجفل الإثنين مع وقع العبارة التي لم تخرج من أيهما وإنما من (أمجد)، الذي تبيننا وقوفه في تلك اللحظة عند مدخل الشرفة من جهة الفيلا، لمدة يعلم الله كم طالوت دون أن ينتها له، وكم أتاحت له من سماع ما أسرا به لبعضهما البعض.

القاهرة (2002)

منطقة (الحسين)

كان مولانا هادئاً في موته كما كان في حياته، وعلى كل حال، فلم يكن في المكان سواهم، الجلادين وضحيتهما، صاحبه يقف بالباب حارساً تحسباً لأي شيء، وهو يقدم للضحية آخر كوب شاي يشربه في حياته.

انتفض جسده ليصحو من النوم وهو يشهق بعنف جعله يسعل بقوة وهو يتطلع إلى سقف غرفته بهين متسعين. وحين بدأ سعاله يخف تدريجياً، تهالك متراخياً مرة أخرى على الفراش الصغير. وكل سعلة يتشنج لها جسده تضرب رأسه كمبرقعة من حديد. لم تعد العودة للنوم ممكنة بكل هذا الألم الذي لا يعرف إن كان هو ما أيقظه، أم ذلك الكابوس الثقيل، أم القران التي لا تكف عن نعيها المزعج قرب نافذته، أم ذلك الرنين الذي..

انتبه في تلك اللحظة لرنين هاتفه المحمول، فضغط أسنانه وأن قليلاً بصوت خفيض وهو يجبر نفسه على الاعتدال والتهوض بسرعة، حولت الألم في رأسه من ضربات مطارق حديدية إلى سحقات قطار مسرع، وحملت على ساقه بشكل خاطئ ترنح معه أماً وكاد يسقط لولا أن تمالك نفسه بصعوبة ليستعيد توازنه، ويسير نحو الهاتف الموضوع على طاولة قصيرة بعيدة نسبياً، وهو يهرج-نظر في الشاشة المضئنة ليقراً الاسم المكتوب عليها قبل أن يفتح الاتصال، وما كاد يرفع الهاتف على أذنه، حتى أنته صوت نهمة أنثوية متبوعة بـ:

- إنت لسه زعلان مني يا (صالح)؟؟

- واللي إنت مش شايفاه؟

الذي كان حياً منذ دقائق مات على يديه، بين يديه، الذي كان في وقت ما مضى منذ بعيد أقرب شخص له في هذه الدنيا، وربما كان ذلك القرب هو ما جعله لا يشك فيه، أو لا يصدق شكه ذاك إن وجد.

مرور الفكرة في رأسه فحسب جعله يكاد يتقيأ على نفسه قرعاً منها. وغرفة المكتب الصغيرة المتواضعة هذه، والتي رأها مراراً من قبل، تكتسب ثقلاً لا يعرف كيف سيدخلها الآن من بعده. ستظل محفورة في رأسه بهذا المشهد الذي لن ينساه ما دام حياً، وسيظل يشم رائحة الموت في كل ركن فيها، ستكون بالنسبة له كمقبرة أثرية حنطوا صاحبها جالساً بداخلها بدلاً من وضعه في تابوت، واستعاضوا عن زخارف حوائطها ونقوشها بالصور التي ستظل عيون كل من فيها تتابعه أينما ذهب.

لكنه الآن يجب أن يسرع ويخرج لتنفيذ بقية الخطة التي لم يعد التراجع عنها ممكناً، سيتعذب بقية حياته بهذا المنظر، وسيبقى زيارات كثيرة من مولانا في أحلامه التي سيتحول أغلبها لكوابيس، سيصحو منها صارعاً غارقاً في العرق على الأرجح. ولكنه سيتولى أمر هذا العذاب فيما بعد، وحين يجد الوقت الكافي له. أما الآن. فيجب أن يكف عن النظر إلى وجه ضحيته ويخرج قبل أن يتقيأ فعلياً من فداحة ما قدمت يداه.

فَطَوَّعَتْ لَهُ نَفْسُهُ قَتْلَ أَخِيهِ فَقَتَلَهُ فَأَصْبَحَ مِنَ الْخَاسِرِينَ

عدن (2015)

- إنت واقف كل ده تتصنت علينا يا (أمجد)؟

كذا هتف (هشام) يا أخيهما الذي خطأ داخل الشرفة مرتدياً حلة خطبته التي أفسد الحفل، وربما إهمال صاحبها، الكثير من رونق أناقها الأصلية. واضعاً يديه في جيبي بنطالها، ووجهه يحمل نفس تعبيره البارد وهو يقول:

- ليه؟ مهين قوي؟

- إنت واقف عندك من إمتي؟

- إنتوا اللي هنا من إمتي؟ سايبين الفرخ وجاين تقعدوا هنا يا أندال؟
هو أنا بتجوز كل يوم؟

- طب ما إنت نفسك سييته وجيت أهو!

أما (دتيا) فقد حاولت الإبتسام وهي تقول بغجل ولهجة معتذرة:

- أنا حضرت الفرخ كله تقريباً ولسه جاية من شوية والله يا (أمجد)،
عشان تعبت جامد وكنت هقع من طولي فعلاً، بجد مش هزار

لوح بيده بلا معنى وهو يقول:

- الفرخ خلص يا عم إنت وفي خلاص، ده إنتوا نايمين في العسل

- خلص إمتي؟؟

سألته دون أن تكمل بقية سؤالها الحقيقي، (منذ متى وأنت هنا إذن؟
ومن هنا سواك دون أن ننتبه له كذلك؟ وما الذي سمعتموه جميعاً
بالضبط؟؟)

- وقت ما خلص

قرن عبارته بتلويحة أخرى من يده وهو يسير نحو باب الشرفة مضيقاً:

- أنا خارج

- (أمجد) إستنى! هو .. مين جه معاك؟؟

كذا هتفت بلهفة قلقه وهي تراه بهم بدخول الصالة ويرد قائلاً:

- محدش، أنا جيت لوحدي، وخارج تاني أهو عشان تكملوا كلام

براحتمك

- دا إنت كنت بتتصنت بجد بقى!

هتف بها (هشام) ليتجاهلها (أمجد) تماماً، ويتركها حائرين، لا يعرفان
ماذا سمع بالضبط.

القاهرة (2015)

- جملتك دي في ظروف تانية كان ممكن .. تنهي علاقتنا من الأساس ..
كانت ضرتك يعني ما فادتكيش. لكن الغريب بقى إن الجملة دي بالذات، هي
اللي ممكن تكون فادتك جداً .. أو عملت لك اللي إنت عايزاه على الأقل،
لأني بسببها مصر أكمل في الطريق بتاعك ده للأخر، مصر أعرف أكثر عن
طريقتك، وأدخل مزرعتك، وأقابل شيخك

كان يجلس محنيًا للأمام على سريره الذي تراجع ليسقط عليه ثانية بعد
جليه للهاثف. وقد صمت قليلاً كأنما ليلتقط أنفاسه قبل أن يعود ليكمل
بنفس الصوت الهادئ:

- مادام إنني مقتنعة ومصدقة إنه بالقوة دي، فأنا كمان هصدق بزيك،
وهيقي أحرص منك على مقابلي له، عشان أشوف بنفسي كل العلم والأنوار
والكرامات اللي ممكن تطلع من واحد، اللي بيتكلم عنه وحش بس .. بيتعمي
ويموت

- طريقة ما تخليش الواحد يقول له ببراقو، يقول له من أين لك هذا؟!

عدن (2015)

- بصي بدلة بابا شيك وحلوة إزاي!

- هو اللهم صل على النبي كل بدله شيك وغالية قوي

- إستي يا (ضحى) رجعي الصورة اللي فاتت دي كده!

زفرت (ضحى) بلبل وهي تجلس منحشرة بين أمها وزوجة خالها على
أريكة عريضة، وسط سيل الحديث والأوامر المتواصل من فم المرأتين. على
حجرها جهاز الكمبيوتر النقال الخاص بها، عارضًا على شاشته صورًا
لحفل خطبة (أمجد). في مواجهة ذلك الثلاثي جلس الثنائي (ميادة) و(دنيا)،
اللتان بدا التشابه بينهما واضحًا للغاية، على أريكة أصغر، وهما تتضحكان
بغيت على منظر (ضحى) التي راحت تنظر لهما بغل مضحك. لكن (دنيا)

شردت قليلاً من هذا الضحك وبدت وكأنها تفكر أو تتذكر شيئًا ما قبل أن
ترفع رأسها فجأة سائلة:

- غالية قوي يعني في حدود قد إيه مثلاً؟

كان من الواضح أن اتساع عينها عن آخرهما، وشهقة الانهيار الخفيفة
التي أطلقتها فور سماعها لرقم الإجابة، قد أقلقا كل من (نجوى) و(عايدة)
(وميادة) بشكل ما، فقد هتفت الأولى وهي تضحك كأنما تخفي حرجًا:

- يا بت صل على النبي الله أكبر في عينك!

أما الثانية فقد قالت بهدوء متروي:

- عم الشيخ مش طول عمره رجل أعمال وغني كده يا (دنيا)، ربنا يديله
الصحة وطولة العمر يا حبيبي بنى نفسه بنفسه من الصفر

- لا ومن تحت الصفر كمان!

كانت تلك من آخراهم وهي تتبادل نظرة خاصة مع أمها التي عادت تقول
وكانهم يعيدون نفس الدورة من البداية:

- لو سمعتي قصته .. والله ما هتصدقني نفسك وهتعيطي!!

حملت العبارة تأثرًا حقيقيًا مَسَّ قلب (دنيا) بقوة، قبل أن يشعل
فضولها، لتسأل بلهفة:

- وهي إيه قصته؟؟

- كان فقير جدًا زمان..

صمتت (نجوى) بالفعل وإن ظلت تقطيبها محفورة على وجهها، في حين عادت (ميادة) تلتفت لـ (دنيا) شارحة بنفس الصوت العازم مع شيء من اللين:

- فيه حاجات خاصة عن عم الشيخ، ما ينفعش أي حد من بره العيلة يعرفها، حتى (ضحى) وطنط (عايدة)

- حتى أنا؟

- فيه حاجات كتير عن شيخك إنتي شكلك ما تعرفهاش، أو مش عايزة تعرفها، أو يمكن محدش عايزك تعرفها، بس كل القريبين منه قوي عارفينها كويس..

- لا طبعا، إنتي من العيلة يا بنتي! بابا بيعتبرك واحدة من عيلته المباشرة، زي (بتول) كده، يعني إنتي عنده أغلى مني أنا شخصيا، بس ما تقوليش الكلام ده قدام حد والنبي لا تتحصدي إحنا مش ناقصين!

قالها (ميادة) ضاحكة فرفعت (دنيا) حاجبها لأعلى باندهاش متأثر وهي تقول:

- بجد؟

- بتقولي لها إبه إنت كمان؟! والنبي بكرة لتلاقيها قالت لـ (ضحى)، و(ضحى) قالت لعمتك، والمزرعة كلها عرفت بعد يومين! وأبقي قولي أمي قالت!!

- إنتوا ليه توهتوا وما رديتوش لما سألت على قصة عم الشيخ اللي قلتوا لي لو سمعتها متعيطي؟

تساءلت (دنيا) وهي تغلق باب الفيلا خلف عمها وابنتها اللتين رحلتا لتوهما، ليأتها الرد على هيئة ضغطة مفاجئة من يد أختها على ذراعها، واتساعًا غريبًا في عينها يحمل تأنيبًا كأنها تريدنا أن تصمت، وهي تسحها بعيدًا، لتندهش أكثر حين تأتيها حوقلة وتعود وتدمر بكلمات مختلطة من أمها التي انضمتا إليها في غرفة الميشة، والتي ما إن دخلتاها حتى هتفت (ميادة):

- يا بنتي مش أي حاجة تتقال قدام أي حد!

- دول (ضحى) وطنط (عايدة) يعني

قالها بما يشبه الاستنكار العائر الذي بدا وأنه أغضب أمها أكثر لسبب ما، وجعلها تهتف في وجهها بتأنيبات وجمل لم تفهم لها أي معنى، وهي ذاهلة حائرة لا تعرف كيف ترد، فقط (ميادة) تماكنت أعصابها على عكس عاداتها، لتلتفت لأمها وتقول بصوت حازم رغم هدونه:

- ممكن تهدي يا ماما وأنا هفهمها؟ عشان هي بس مش فاهمة

- ما هي خلاص يا ماما فهمت إن مش أي حاجة عن بابا تتقال لأي حد، وعرفت هو بيحبها ويبنيق فيها قد إيه، وهي قد الثقة دي أنا عارفة (دنيا) كويس!

بعد عبارتها، وضعت يديها على كتفي (دنيا) وثبتت عينها في عينيها، وهي تقول بلهجة غربية وكأنها ذات مغزى ولكنه غير مفهوم:

- ولا أي حد خالص، مهما كان قريب لنا أو يتحبها!

لم تحب (دنيا) في عمرها تلك الطريقة التي تتكلم بها (ميادة) أحياناً، بل كثيرًا، كالآن مثلاً، طريقة حكيمة، تضغط فيها على بضعة حروف ومقاطع من كلامها مع تعبيرات معينة من وجهها، تشعرك بأهمية لما تقوله، وكأنه ذو مغزى مهم، لكنه في الغالب يكون غير مستحق لكل هذا، ويجعلها تبدو كشخص ينفذ الغبار يشمم عن حدائه الممزق، الأمر الذي كان من الممكن أن يمر عاديًا ككل مرة، وتتجاهل (دنيا) أختها التي عرفتها حتى ملت أسلوبها، متظاهرة بالتصديق أو الطاعة أو الاهتمام حسب الموقف، تأخذها بقدر عقلها كما يقولون، لكنها شعرت اليوم أنها تقصد شيئًا بالفعل، ولا تحاول أن تبدو مهمة فحسب، أو ربما هي التي ستبدو كالمرتب الذي يقول خذوني، لو سألتها إن كانت تقصد شيئًا؟

- صاحبنا بقى .. حبيبنا .. زميلنا!!!

لماذا تبدو (مياد) وكأنها تقول لها حرفيًا، (هذا شرك الذي أقسم على حفظه، لكنني سأظل ألح له لسبب ما، حتى ينتبه الجميع لك وله)؟! كذا فكرت وهي توجل محاولة فهم كل ذلك لما بعد، لأنها لا تريد أن تسحبها في الحوار إلى حيث تريد هي، وإن لم ترغب في التصريح بما تقصد بدلًا من هذا العبث، فستعتبر أنها لا تقصد شيئًا بالفعل، وأنه ما من شيء كي تقصده أو لا، ليستمر الحديث بطريقة طبيعية وهي تقول:

- طيب إحكيلي بقى حكاية بابا اللي قلتولي عليها

وربما كان كل ما دار بفكرها خيالاً لقلتها الزائد فحسب؟ من يدري؟ لأن (ميادة) تحدثت بطريقة عادية جدًا كأن شيئًا لم يكن فعلًا وهي تقول بابتساماً حزينة شاردة:

- أحكيك..

حكى الصبي للرجل عن كل شيء تقريبًا. أفرغ ما بداخله على هيئة كلام حين جفت دموعه تمامًا..

لم تنتبه (دنيا) إلى الدموع التي ملأت عينها وسالت على وجهها في صمت حتى بدأت تفرقه وتتساقط عنه على يديها المضمومتين في حجرها، وهي جالسه تنصت إلى ما حكته أختها بالتناوب مع أمها التي بكت هي الأخرى بشدة وهي تقول:

- تخيلي لما يبقى عم الشيخ .. الراجل العظيم ده، اللي تتمني بس نظرة من عينيه .. كان وهو صغير..! تحمي إنك عايزة .. تلطمي كده على وشك من كتر الزعل و..

بدت وكأنها عاجزة عن إتمام عبارتها من فرط إختناقها بالدموع التي راحت تمسحها بلا جدوى كي تنبت غيرها، في حين مسحت (دنيا) وهي تقول:

- وأبوه ده!!

- لا! لا! إوعي!.. عشانه هو مش عشان حد ثاني، هو يؤذيه إنك تتكلمي عليه وحش، ده أبوه برضو مهمما كان

كذا قاطعتها (نجوى) في حين قالت (ميادة):

- أمال لو شوفتية بقى بيعامله إزاي لحد النهاردة!..

لتعود (نجوى) وتكمل وكأنها تعد على أصابعها:

- شوفي وهو في مكانته دي! أبوه يزعق له، ويعترض على كل حاجة بيقولها، ويحرجه قدام الناس .. بيقول له في وشه، (بقى أنا، أقعد أسمك أنت، وإنت بتقول قال الله وقال الرسول!؟)، وهو قمة في الأدب والأخلاق، وحاضر يا بابا، وتحت أمرك ومن عيني، وصابر عليه رغم كل اللي عمله وبيعمله فيه طول حياته!

نقلت عينها المتسعيتين دهشة وتأثراً بينهما وهي تقول:

- طب إزاي؟؟ إزاي قادر؟! ده أنا لو مكانه ممكن أبقى مش عايزة أشوف أبويا ده ثاني، إزاي هو كويس معاه قوي كده!!

ارتسمت على وجه (ميادة) واحدة من ابتساماتها الهادئة ذات المغزى وهي تقول:

- ماهو لو ماعملش كده مايبقاش عم الشيخ

قَالَ إِنَّمَا أَشْكُو بَدِّيْ وَحَزَنِي إِلَى اللَّهِ

عدن (2015)

- هو طلبك؟

- آه

- شغل؟

- معرفش

كذا رد عليها باقتضاب وهو متشاغل بهندمة ملابسه أمام المرأة الكبيرة في غرفة نومهما. ورغم البشاشة التي يعرف بها الجميع وجهه القسيم المربع، إلا أنه بدا تلك الليلة جامداً عابساً غربياً، وكأنه خلع قناع الابتسامة المرحبة الذي يضعه دائماً أمام الناس حتى ظنوا أنه ليس بقناع من الأساس.

اقتربت منه بحذر لترتب على ذراعه برفق وهي تقول:

- معلش

بدا وكأن قليلاً من الضيق أو الغيظ المكتوم قد تسرب إلى ملامحه وصوته وهو يقول:

- على إيه؟

دفعا قليلاً كأنه يزيجها عن طريقه وترك مكانه متجهاً نحو الدولاب العريض الذي فتح أحد ضلفه وقلب بداخلها كأنه يبحث عن شيء ما، في حين وقفت هي خلفه صامته قليلاً قبل أن تعود لتقول فجأة بشيء من الانفعال والتردد الحائر:

ظهرها بالعائط خلفها بعنف، اصطكت له أسنانها داخل فمها، حتى كادت تحطم بعضها البعض.

- يعني/يه؟

القاهرة (2015)

- يعني هاجي مزرعتمك وأقابل شيخك زي ما إنتي عايزة بالضبط

- عشان تدخل الطريقة، وللا عشان تثبت لي إنها غلط؟

قالتها (دنيا) بعذر فرد عليها (صالح) بلهجة بسيطة هادنة:

- لا ده ولا ده، عشان (أجرب) وأشوف بنفسي زي ما إنتي قلتي. هبقى محايد كأني معرفش أي حاجة عن شيخك ولا عن الصوفية كلها. مش محط أي أفكار أو قناعات مسبقة في دماغي عن أي حاجة خالص من الآخر، فاللي هشوفه محكم عليه زي ما هو، طلع كويس، يبقى الحمد لله، ما طلعش، يبقى المفروض ده لوحده إثبات كافي جداً لك إنها غلط، ومش محتاج ساعتها أثبت لك أنا أي حاجة أصلاً

لم تعرف ما تقول، ولم تستطع استشفاف الكثير من مشاعره أو ما يفكر فيه فعلاً، وإن كان جاداً صادقاً فيما يقول أم لا. ورغم أنها كانت تعلم قدرته على إخفاء ما بداخله جيداً، إلا أنها اختارت أن تصدق جديته، ووجدت نفسها فجأة تزفر بارتياح كأن حمل كل تلك الأيام السابقة، ما بين شد وجذب بينهما حول الأمر، قد انزاح أخيراً من على صدرها. لكنها

- بصراحة أنا كنت فاكرة إنه .. أو نعمي!! أصل إنت اللي عارف وقامم كل كبيرة وصغيرة في كل حاجة..

قطب جبينه وقد بدا أن نسبة الضيق على وجهه زادت دون أن تراها وإن شعرته بها قليلاً في عصبية حركاته، ورغم ذلك تابعت:

-إنت اللي تعبان وشايل كل حاجة فوق دماغك، بس في الخفا، محدش شايفك، مش إنت اللي بتحضر المناسبات وتقابل الناس المهمة عشان تبقى إنت اللي في الصورة، وبيان إن إنت اللي عارف كل حاجة، وإن إنت الكل في الكل

- هو أدري بالصالح

قالها بصوت أجهش حاول جعله بارداً فعاتت هي تقول:

- أيوه بس .. بصراحة حرام يعني!

التفت لها عاقداً حاجبيه بطريقة أخافتها قليلاً وهو يقول:

- هو إيه ده اللي حرام بالضبط؟! ما تشوفي إنني بتتكلمي عن مين!

- أنا .. أنا مش قصدي والله، أنا بس حاسة إن إنت نفسك متضايق عشان..

- متضايق وللا مش متضايق، هي اتعلنت خلاص وهو أدري بالصالح قلنا ومش عايز كلمة تانية في الموضوع ده!!

-بس إنت عارف إيه! عارف إن..

لم تتمكن من إتمام عبارتها لشدة فزعها من منظره وهو يندفع فجأة نحوها بشراسة ليعتصر عضديها بين قبضتيه، ويدفعها بقوة حتى يرتطم

سرعان ما سحبت ذلك النفس ثانية وهي تشفق قليلاً بلا صوت، وقلبها يدق بعنف وهي تسمعه يقول بابتسامته تبتت في صوته:

- أقدر أقابل والدك إمتى بقى؟

عدن (2015)

- دا بابا أعلنها خلاص في الدرس التلات اللي فات

- أعلن إيه؟

كذا سألت (دنيا) التي دخلت لتوها لحيث تجلس أمها وأختها التي غفا (مصطفى) الصغير على حجرها وهي تجيب بابتسامته:

- اللي هيمسك مشيخة الطريقة من بعده..

بفضول متلهف جلست في الكرسي المجاور سائلة:

- مين؟؟

.. (محمد)

قالتا بابتسامته قبل أن تشرذ قليلاً، في حين ابتسمت (نجوى) ابتسامته واسعة بدت غريبة بعض الشيء وهي تقول:

- آه هو أخذ القرار يا حبيبي خلاص..

- و(محمد) كمان ما شاء الله بيدي دروس من دلوقت

قالتها (ميادة) بنفس الابتسامته قبل أن تخفض عينها ببطء نحو طفلها النائم ببراءة واستكانة بين ذراعها، وتعود لتشرذ من جديد. أما (دنيا)، فقد شعرت بمزيج من الدهشة والحيرة، وبدت وكأنها مصدومة أو تفكر في شيء ما وهي تقول:

- هو .. مش المفروض إن...؟ أنا كنت فاكرة إنه!..

- هيبقى (ياسين)؟!

قالتها (ميادة) كأنها تكمل عبارتها مطلقة ضحكة صافية بشكل غريب وكأنه مصطنع. كأنها تخفي بها شيئاً ما، رغم أن (دنيا) لم تعقب، ولم تقل شيئاً أصلاً، وربما لم تجد الفرصة لذلك، لأن (ميادة) تابعت بثقة وكأنها وافقتها بالفعل، وبلهجة حكيم في التسعين ينصح طفلاً في التاسعة، قالت:

- لأ دي حاجة بابا هو اللي أدري بها، هو اللي عارف مين الأقدر على خلافته، وإحنا مالناش نتكلم في حاجة زي كده لأن إحنا مش عارفين اللي هو عارفه..

لتكلم (نجوى):

- ولا شايفين اللي هو شايفه

وَأَعْلَمُ مِنَ اللَّهِ مَا لَا تَعْلَمُونَ

عدن (2015)

تجاهل صوت البكاء الهستيرى المتوسل بهبارات منكسرة غير مترابطة،
والذي خرج من الصغيرة المسكينة التي صحت من نومها مفزوعة على صوت
والديها وهما يتشاجران، فخرجت من غرفها بذعر لتجد أبوها وقد حشر
أمها بينه وبين الحائط وهو يهزها بعنف بضرها بالجدار خلفها بقوة صارخاً:

- أنا مش قلت مش عايز كلمة ثانية في الموضوع ده؟! قلت وللا ما
قلتش؟؟!!

بدا وكأن ما يحدث يفرز أدرباليناً بداخلها، بقدر ما يروعها، ليجعلها
عصبية متحدية، بدلاً من خائفة منكسرة، كي تصرخ في وجهه بالمثل وهي
تقول:

- إنت لو ما كنتش شايف إني صح. ومش متضايق زيي وأكثر من اللي
حصل، ما كنتش عملت كل اللي إنت بتعمله ده أصلاً!!

عدن (2015)

- كنا لسه في سيرتك والله يا (ياسين)

- بجد؟ طب على الله يكون بالخير بقى!

كنا رد بوجهه البشوش على حماته وهو يضحك بمرح ويقف أمامها عند
مدخل فيلاتهم من الخارج قرب سيارته التي يجلس في أريكها الخلفية، ابن
(بتول) ابنة الشيخ (مصطفى)، الذي راح يشير لهم ويقوم بحركات طفولية
من الناقدة الخلفية نصف المفتوحة، فأسرعت هي تقول باستنكار مبتسم:

- يانهار أبيض! بالخير طبعاً يا حبيبي

- طب كويس. هاتوا لي بقى الفارين الصغيرين اللي عندكوا جوه عشان
ينضموا للشار الثالث اللي عندي، ونروح نجيب حاجات حلوة لأن أنا وعدتهم

قالها بحماس فضحكت رغماً عنها وهي تلوح للطفل مداعبة وتقول:

- طب هات (طفطظف) وتعالى ارتاح جوة شوية، مش من على الباب كده

-أرتاح من إيه هو أنا جاي ماشي على إيدي؟! ما أنا قاعد طول النهار في
العربية أهو لما طلع لي كرش ما بقيتس عارف أسوقها منه!

أغرق الجميع في الضحك وهو ينبي عبارته بتريبتة على الكرش الصغير
الذي يمتلكه بالفعل رغم عدم بدانته العامة، (نجوى) الواقفة بالباب،
(دنيا) التي وقفت خلفها بالداخل بجوار (ميادة) التي قالت:

- (دودو) بتلعب مع صاحبها يا بابا معلش

- مين صاحبها؟ فين صاحبها دي؟؟ تبيجي تجيب معنا حاجات حلوة هي
كمان!

قالها بنفس الحماسة المرحة التي يظل الجميع مبتسمين لها رغماً عنهم
في وجوده. أما (نجوى) فقد قالت شارحة مبتسمة بشيء من الخجل:

- (فاطمة) بنت ابن الحاجة (سناء) مرات الشيخ (عوض) اللي في الفيلا
اللي جنبنا

- تبيجي الحاجة (فاطمة) والحاجة (سناء) والحاج (عوض) نفسه! اللي
عايز يجيب حاجة حلوة بيعي هنا يا جدعان!

كذا قالت (دنيا) وهن تجلسن، وآثار الضحك ما تزال على وجهها، لتبادلها (ميادة) بضحكة خافتة كوميدية، تشبه ضحكات شخصيات الكارتون الشريرة، وهي تفرك كفيها وتهمس كأنما تنوي غزو العالم:

- لننيد بقى والا مش لننيد، المهم إنه خد العيال عشان نقعد براحتنا شوية

- إنت إي إيه اللي إنت بتقوله ده بس!

كذا قالت (نجوى) مستنكرة بسخط خفيف لتضحك (ميادة) وهي تقول:

- عايزة أرتاح شوية بقى يا ماما، وأقعد ساعة واحدة على بعضها من غير وش!

- يا ساتر! ما تقعدى، هم كانوا قاعدين على قلبك!؟

نظرت لأمها وهزت رأسها بحركة مضحكة كأنها تأسف لحالتها قائلة:

-إنت لحق الزن يوحشك؟ ما هم قاعدين معاك ثلاث أرباع الوقت يا ماما

- قولي لنفسك، لحقت إنت تزهقي من إييه بقى عشان .. إييه اللي في كتفك ده؟؟

اتجهت عينا (دنيا) في تلك اللحظة إلى ذراع أختها التي انتهت لطرف سترتها الذي انزلق، لترفعه على كتفها مرة أخرى بسرعة، وهي تقول بهدوء:

- لأ مفيش حاجة

ضحكوا ثانية والأطفال الثلاثة يهرجون إليه ليستقبلهم بمرح بالغ كأنه صديق لهم في مثل سنهم، يمازحهم ويداعبهم بلا انقطاع وهو يجلسهم في الأريكة الخلفية، بحماسة لرحلة شراء الحلوى وكأن كلها ستكون له هو في النهاية. تأكد من إحكام غلق البابين الخلفيين قبل أن يلتفت للنساء الثلاث الواقفات بمدخل الفيلا قائلاً:

- وانتوا مش هتيجوا تجيبوا حاجة حلوة؟ آه دا إنتوا الحاجة الحلوة نفسها صح!

تبع قوله بضحكة مداعبة وهو ينظر لوجوههن التي احمرت من شدة الضحك والخجل قبل أن يركب السيارة ويدير محركها منطلقاً بها ورافعاً ذراعه من النافذة المجاورة يلوح لهن وهو يتبعد، وهن يبادلنه التلويح بالمثل، هو والأطفال الجالسين في الخلف.

- على طول لمام عيال المزرعة كلها عنده في العربية كده يمسحهم ويجيب لهم في حاجات حلوة

قالتها (ميادة) ضاحكة وهن تزحن الأحجية المرتجلة اللائي وضعتها كيفما اتفق على رؤوسهن كي تقفن بالباب، ليتزاح مع تلك الحركة جزء من سترتها الخفيفة عن كتفها قليلاً دون أن تشعر، في حين ارتسمت ابتسامة واسعة على وجه (نجوى) وهي تغلق الباب وتتجه معها لمجلسهن السابق وهي تقول:

- ما شاء الله عليه يا حبيبي كلهم بيموتوا فيه

- هو (ياسين) الصراحة لننيد ودمه خفيف قوي

كادت (نجوى) تضيف شيئاً لكنها صمتت لمسبب ما في حين تساءلت
(دنيا):

- هو فيه إيه في كتفك؟

- مفيش يا بنتي الجاكت كان واقع يس فعدلته. هتباتي بقى مع (ضحى)
برضو النهاردة ولا هتقعدى معايا شوية مرة من نفسك؟

ضحكت بشيء من الخجل وهي تقول:

- لأ هبات هنا

- ألف بركة! وده من امتي؟!

ضحكت ثانية و:

- كنتي عايزة أسأل على حاجة صح

-أه ده إنت مش قاعدة ببلاش بقى! قاعدة عشان تسألِي، فيه تمن
لقعادك يعني، وماله ياخي إسألِي وأهو كله بتمنه، نيقى شفناكي برضو ولو
بتمن

ضحك الثلاثة قبل أن تقول (دنيا):

- هو أنا لو عايزة كتاب أوراد جديد عشان أوريه لحد، أجيبه منين؟

القديم الأزلي

- حد زي مين؟؟

لم يكن في بال (دنيا) توقع مسبق معين لما يمكن أن تكونه ردة فعل أمها
وأختها حين ألقت عليهما سؤالها، ربما بعض اللوم أو التأييب الخفيف لما
يحملة من دلالة على عدم مواظبتها على الأوراد، لكنها قطعاً لم تتوقع أن
تكون تلك النظرة الغربية الغير مفهومة التي تبادلتهما، والسؤال الذي ألقتة
أما به بعدة لم تفهم لها سببًا، لتقول:

- أي حد .. من صحابي وكده .. حاسة إنه عايز أو ممكن يدخل الطريقة
مثلاً

لا تعرف لم ارتبكت وكأنها تقوم بجرم رغم منطقية إجابتها جدًا من
وجهة نظرها. من الطبيعي أن يطلع شخص يريد دخول طريقة على كتاب
أورادها، تعرفًا على ما فيها على الأقل، أو حتى أي شخص في العالم، ما
المانع ونحن نتكلم عن كتاب أوراد به أدعية وأذكار، لا مستندات سرية يجب
التأكد من هوية أي شخص يلمسها؟

- تعرفي يا (دنيا) إن (ياسين) حافظ الحزب السيفي كله؟

كذا قالت (ميادة) لتشعر (دنيا) إنها لا تفهم ما تريده بالضبط بعبارتها
تلك وسط الموضوع. ما علاقة هذا بأي شيء الآن؟ ولماذا تبتسم بحكمة هكذا
وهي تتكلم كأنها (كانط)؟ لماذا نظرت لأمهما نظرة من ذوات المغزى كأنها تقول
لها (صبرًا ودعي الأمر لي)، كأنها سألتهما عن فرش من الحشيش لا كتاب
أوراد؟

- عارفة ليه..؟ من كتر ما بيقرأه. الرجالة عندنا في الطريقة مفروض
علمهم يقرأوا الحزب السيفي تسع مرات في اليوم، مش مرة واحدة زينا، ف

(ياسين) خلاص بقى بيسمعه لوحده وهو ماشي أو سابق، بس عشان يقدر يستعمله

أحست بضيق لم تفهم سببه وهي تشعر أنها ما تزال لا تفهم، أو أن ما تفهمه لا يعجبها فتفضل إقناع نفسها أنها على خطأ، أو لم تفهم من الأساس. أما (نجوى) فقد بدت وكأن مجال الحديث قد انفتح لها ثانية كي تقول بحزم جاد وكأنها تشرح سرًا غامضًا خطيرًا:

- مش أي حد يقدر يستحمل الأوراد، رجالة الطريقة يقدروا لأهم مؤهلين لكده!

- أي حد تاني يا بنتي ممكن يتأذي..

يخضع لي جميع من يراني

- يعني إحنا بنقول لك الكلام ده عشان مصبلحته هو الشخص ده. الأوراد بتاعتنا مش أي حد من بره الطريقة ينفع يقرأها ولا أي حد يقدر عليها .. (صالح) بقى ولا فاسد، ولا أي حد..

كذا أكملت (ميادة) عبارتها مضيئة ابتسامه من ذوات المغزى إلى الجزء الأخير فيها، في حين أشاحت (نجوى) بوجهها بضيق كأنها تتشاغل بشيء لا وجود له. أما (دنيا) فقد شعرت بشيء من الغضب وهي تشعر أنها ما تزال لا تفهم. هل تعدت (ميادة) مرحلة التلميح إلى السر ودخلت إلى التلقيح الآن لسبب ما؟ لكن من أقتعها أنها تقاسمت معها أي سر أصلاً؟ من أخبر (ميادة) بأي سر عنها؟ وهل وصل الأمر إلى أمها كذلك؟

- ده إنت كنت بتتصنت بجد بقى!

- صالح إيه وفاسد إيه ويتأذي إزاي؟! ما أنا قربت الحزب السيفي والأوراد كلها كتير عادي!

قالتها باستنكار لأختها التي أجابت على الفور بحرارة:

- إنتي بلت طريقة يا بنتي! مش زي أي حد. اللي تستعمليه فيه رجالة بشنبات بره ما يستعملوهوش

بنت طريقة؟ وما الذي يعنيه هذا؟ أنها تأتي إلى (عدن)؟ تحضربعض الدروس والحضرات وليس كلها حتى؟ تتناول النفحات بعدها أحيانًا؟ ترى عم الشيخ وتقبل يده؟ كيف يجعلها هذا أقدر على أي شيء في أي شيء؟ كتاب الله نفسه يستطيع أي شخص امتلاكه وقراءة ما فيه. وما علاقة قوة الرجال وشواربهم بالأمر كله؟ هل هي حكاية قوة أم..

- وتقصدي إيه بصالح وفاسد دي؟ إيه علاقتهم بالموضوع؟؟

قالتها بتعدي مقصود كأنها سئمت لعبة (ميادة) التي أجابت ببراءة:

- ما أقصدش حاجة ومفيش أي علاقة، أنا باعمم الكلام إنه على الكل وعلى أي حد

-عامة أنا كنت بتكلم على (شذى)، هي اللي جت في بالي لأنني اتكلمت معاها في حاجات تخص الصوفية وآل البيت وحسبت فيه تقيل من ناحيتها، ومش عارفة الصراحة إيه كل اللي حصل ده وكان ليه؟ يعني لو (شذى) أو أي حد فعلاً عايز يدخل الطريقة، يعمل إيه؟

القاهرة (2015)

- عشان أخوك قال لهم كل حاجة طبعًا، وعيلتك كلها عارفة الموضوع كله دلوقت، بس مش هيبينوا لك إنهم عارقين، ولما أروح أنكلم مع والدك هيبقى واخد مني نفس الموقف هو كمان للأسف

- بابا؟ لأ بابا لا يمكن يكون عارف حاجة أصلًا. ده بيتعامل معايا عادي جدًا

- لأن محدش هيبين لك إنه عارف

- لا ماما لا يمكن تقول له حاجة زي دي ل..!

- والدتك أصلًا لا يمكن تخفي عنه حاجة زي دي

قالها (صالح) مقاطعًا بثقة لم يقابلها سوى استنكار صامت خفيف من جانب (دنيا)، وهي تتساءل بداخلها عن جزمه بأشياء خاصة بعائلتها التي هي أدرى الناس بها.

- كله من تحت راس (أمجد) على طول يروح يرغي مع ماما ويدلق لها ك..

- (أمجد)؟ إيه علاقة (أمجد) بالموضوع؟

كان في كلامها جزء لا بأس به من الصدق، اعتمدت على تأثيره على وجهها وهي تتكلم كي تعطي مصداقية أكبر لكلامها، الذي ما أن سمعته أمها وأختها حتى انبرتتا تؤيدان وترحيان بالفكرة بحماسة وحرارة وكأنهما تنفيان أو تلغيان كل ما حدث منذ دقائق، لترتبك الدنيا في عقلها ثانية.

هل هما ترحيان بدخول صديقتها للطريقة فعلاً؟ أم تملان؟ إن كانتا ترحيان، فهل ترفضان فكرة دخول (صالح) إليها فقط؟ لماذا؟ بغض النظر عن علاقتهما التي لم تصبح رسمية بعد. وإن كانتا تملان، فلماذا أيضًا؟ هل هي طريقة سرية كأورادها؟ لكن الطريقة معروفة جدًا وهي تعرف ذلك جيدًا، كأي طريقة أخرى، وربما أكثر، ثم إنها سمعت قديمًا، وحديثًا، عن حكايات لمريدين كانوا سببًا في دخول معارفهم إليها، من أصدقاء وزملاء وخلافه، فلماذا يحدث معها هذا الآن؟ لماذا هي؟ لماذا (صالح)؟

- مش هو اللي كان واقف يتصنعت علينا وإحنا بتكلم؟ وإنتي بنفسك
اللي قلتي إنه راح قال لهم كل حاجة؟؟

- أنا قلت أخوكي، ما قلتش (أمجد)

قالها يهدوء اتسعت معها عينها بذهول مستنكر، في حين أكمل هو
سائلاً بنفس الهدوء:

- هو أنني أخ اللي إنتي حكيتي له؟ (أمجد) ولا (هشام)؟

- لا يا (صالح)، لا! (هشام) لا يمكن يـ.. لا يمكن !!

- براحتك. مش هتصدقيني في دي برضو زي ما إنتي مش مصدقة
موضوع والدتك، ولا أي حاجة قلتها عن شيخك، بس يمكن الدنيا قدام
تثبت لك إن كان عندي حق

نظرت ملياً في عينيه. هل يكذب؟ ولماذا سيكذب؟ هي لم تختبر صدق كل
ما يقوله لها لكنها دائماً ما ترى في عينيه وصوته إثباتاً له بشكلٍ ما. إن كان
يكذب فما الذي سيجنم من كل ذلك؟ وإن كان صادقاً .. فـ ..

- عرفت إزاي؟

- أنا مستغرب من (هشام) زيك برضه على فكرة، بس مش عشان اللي
قاله عني، لأ، عشان اللي قاله عن شيخك .. أو اللي شيخك قاله عنه

- هو عم الشيخ على عيني ورأسي يعني بس .. أنا ما ينفعش أي حد مهما
كان يجبرني على الست اللي هعيش معاها بقية عمري..

و(هشام) ده بالذات بقى حبيبي، مالكش إنت دعوة بيه، إنتوا لو
تعرفوا (هشام) ده عندي إيه، لآتمنوا كلكوا بتبقوا مكانه

- مش غريبة إن الشيخ (مصطفى) ما يشكرش جامد كده غير في أكثر
وأحد منتقده وبيعارضه في وسطكوا؟

- إيه الصفحة المقطوعة دي؟

قالها وهو يقلب في أوائل صفحات كتاب الأوراد الصغير بين يديه
فأجابته باقتضاب:

- دي .. صورة (صديق) ابن الشيخ (آدم) الكبير الله يرحمه

عاد صفحة للوراء حيث صفحة صورة الشيخ (آدم) ليشير إليها
متمسلاً:

-الشيخ (ادم عبد الحي) اللي كان ماسك الطريقة قبل الشيخ
(مصطفى)؟ المدفون في المقام اللي في (عدن)؟

و(عبد الله) يزر نفسه داخليًا بشدة كلما انتابه الخوف، فكيف يخاف
وهو في مقام مولانا؟ بل كيف يخاف من .. مولانا؟!

- آه هو

- طب وقاطعين صورته ليه؟

- ما عشان كده كنت عايزة أجييب لك كتاب أوراد جديد مفهوش
الصورة دي، ده قديم موجود عندنا من زمان في المكتبة، اللي عرفت أجيبه

- أيوه قاطعين صورة ابن شيخكوا منه ليه؟

- عشان .. فيه مشاكل بخصوصه يعني...

- مشاكل؟؟

تلجلجت (دنيا) قليلاً وكأنها لا تعرف كيف تجيب، أو لا ترغب،
(صالح) ينظر لها في صمت منتظرًا إجابتها التي تأخرت كي يزفر هو قليلاً
قبل أن يقول:

- إيه المشاكل اللي عملها ابن الشيخ اللي أسس طريقتكوا أصلاً، لدرجة
إنكوا تقطعوا صورته من كتاب الأوراد بتاعكوا؟؟

لم ترغب في أن يكون في بدايات ما يعرفه عن الطريقة مشاكلها، لن
يفهم أن لا شيء يخلو من المشاكل وسيتخذ الأمر كدليل على صحة وجهة
نظره في الطريقة وربما الصوفية كلها، لكنه بدا مصراً على الحصول على
إجابة رغم تغاضلها في منحها له، لذا أجابت رغماً عنها:

- أصله كان عايز يمسك الطريقة بعد والده..

232

- طب وإيه يعني؟

- الشيخ (مصطفى) هو الأحق بها! هو اللي شرب علم الشيخ (آدم) كله،
هو اللي ورثه بجد إن كان الموضوع بالوراثة، بس وراثة علم مش وراثة
نسب، لأن الموضوع مش بالوراثة أصلاً

- هو .. مش المفروض إن..؟ أنا كنت فاكرة إنه!..

- أمال ليه الشيخ (مصطفى) هيورث الطريقة لابنه من بعده؟

- لأنه .. ممكن ابنه يورث عنه علمه برضه كمان .. عادي

صمت ونظر لها بثبات جعلها تندفع شارحة بلهجة دفاعية:

- لأ الحكاية مش بس كده! ده كمان كان عايز يقلب الطريقة شيعة ..
لأنه أصلاً من أصول إيرانية، ولما لقي إنه مش هيعرف ينفذ اللي في دماغه،
سافر هو ووالدته وأخوه على بلدهم في (إيران)

- هو مش والده من نفس الأصول دي برضو؟

- آآآ... أكيد

- طب وهو كان شيعي؟

- الشيخ (آدم)؟! لأ طبعاً!

- أمال إشمعنى ابنه يعني اللي هيبقى شيعي؟

233

بها بها بها.هيا هيا هيا.هيات هيات هيات

انعقد حاجباه بشدة وبدا وهو ينظر إلى إحدى صفحات الكتيب الصغير وكأنه ينظر إلى حية سامة تتلوى أمامه، وهو يقول بصوت أجب غريب خفيض النبرات:

- إيه ده؟!!

- الأوراد بتاعتنا مش أي حد من بره الطريقة ينفع يقرأها ولا أي حد يقدر عليها..

- إنتوا بتقروا الكلام ده؟!

- كلام إيه؟

- الحزب الكبير، صفحة .. 17 ده سرياني!

- سرياني يعني إيه؟!

خيل لها أنها ترى في عينيه نظرة غريبة حين رفعها إليها وهو يقول:

- يعني كلام له علاقة بالجن والسحر والأعمال والحاجات دي..

- أي حد ثاني يا بنتي ممكن يتأذي..

234

انتفضت في مكانها وكان سوطاً لسعها بقوة وهي تهتف بعينين متسعيتين، كأنها توجه الكلام لنفسها قبل أن توجه له:

-جن إيه وس ..؟! لا طبعاً مفيش الكلام ده!!

- مش عايزة تصدقي برضه في دي رغم إنك ما كنتيش عارفة إنت بتقري إيه طول السنين اللي فاتت، ومش فاهمة أصلاً يعني إيه سرياني..

اتسعت عينها أكثر في صمت وقد بدا لها محققاً بشكل مخيف، خاصة مع اللهجة التي نطق بها عبارته، لهجة صادق يانس، أو نبي يعرف أن أحداً لا يصدقه، وما عاد يهمه حتى أن يصدقه أحد من الأساس. أرعبها أنه لم يصر على موقفه ولا على ما قاله ولم يعاندها فيه، فقط قطب جبينه بشدة في صمت كأنه ضائق بشيء أو يفكر في شيء ما، قبل أن يثبت عينيه في عينها وهو يقول ببطء، وبتفمس اللهجة:

- أنا مش همتنع بحاجة .. ولا محاول أثبت لك أي حاجة زي ما وعدتلك، لكن هطلب منك طلب وهرجوكي تنفذه، لأنني مش ممكن أجبرك .. فمن فضلك، من فضلك يا (دنيا) ما تقريش الكلام ده مع نفسك كده ثاني، ولا تردديه بصوت مسموع..

- عشانك إنتي مش عشاني..

بدا وكان علامات الاستفهام والتعجب التي ألقاها في طريقها تثيرها أكثر مما تثيره هو نفسه، حتى شعرت أنه لم يلقها في طريقها أصلاً، بل كانت ملقاة فيه من الأساس، وكل ما فعله هو إزاحة لقليل من تراب الأرض عنها كي

235

تراها. أهي التي اختارت ألا ترى رغم شعورها بكل شيء من البداية؟ وكأنها كلما سارت أكثر في ذلك الطريق، اضطرت لوطء كل ما تستغربه بداخله تحت قدميه، كي تدفنه في الأرض أكثر وتخفيه، وتتمكن من إكمال المسير؟

أم أن (صالح) فقط يملك ثقة وكاريزما تترك في نفسها هذا التأثير؟ أم لأنها تحبه؟ وحبها يجعلها تميل لتصديق كل ما يقول؟ لكنه صدق وعده معها بالفعل حتى الآن، ظاهرياً على الأقل، لم يخلع عنه عباءة النبي الصادق اليائس، لم يتراجع عما قاله ولم يعاندها في شيء، فقط اتخذ دور المتأمل الحيادي الذي يكتفي بإلقاء تساؤلاته المنطقية كي تجيب هي عليها، وتثبت كل شيء لنفسها بنفسها، فهل كل هذا قناع ودور يلعبه، أم أنه حقاً صادق في كل شيء؟

لكن .. حتى وإن لم يكن صادقاً مائة بالمائة، وكل هذه تمثيلية يقوم بها ليثبت لها خطأها في النهاية، أليس كل ما يقوله يبدو صحيحاً ومنطقياً إلى حد كبير؟ أمن الممكن أن يكون الأمر كله لعبة دخلها وهو واثق من صحة موقفه وخروجه منتصراً لا محالة؟ أيكون هذا مبرراً لتمثيله؟ ودليل على صدقه في البداية وإن لم يكن تام الصدق الآن؟

لكنه رغم كل شيء، سار في الطريق الذي وعدها بالسير فيه، فقابل والدها، وتقدم لطلب يدها منه رسمياً كي يتحدد موعد لمقابلة باقي العائلة وقراءة الفاتحة، كنوع من التعارف، والخطبة المبدئية.

عدن (2015)

- تعرفني إن عم الشيخ (مصطفى) قابل الشيخ (آدم عبد الحي) قبل ما يدخل الطريقة خالص أصلاً؟

236

لم يبد على (دنيا) أنها فهمت العبارة التي قالتها أمها بابتسامة متألمة شاردة تحمل شيئاً من التأثر، وهما تجلسان مع (ميادة) في شرفة فيلاهم في المزرعة، في تلك الفترة الهادئة ما بين العصر والمغرب، والتي تجبرك على نوع من الاسترخاء أو الكسل. وتدفع البعض للنوم حتى في قيلولة قصيرة. لذلك كانت النسوة الثلاث تجلسن متراخيات تتبادلن أطراف الحديث بهدوء حين انفتح ذلك الموضوع، والذي تساءلت (دنيا) بفضول مندهش عنه لتعود (نجوى) وتعي شارحة بنفس الابتسامة:

- عم الشيخ قابل الشيخ (آدم) زمان في (طنطا) وهو صغير، ما كانش يعرفه خالص ولا يعرف هو مين ولا حتى اسمه بالكامل، كل اللي يعرفه إنه الراجل الطيب الطويل اللي برحته مسك، اللي بيقايله عند السيد (البدوي) وينضف له هدمه ويمسح له وشه، ويأخده عشان يتوضوا ويزوروا ويصلوا سوا هنالك، بعدها يشتري منه كل الخضار البايظ اللي معاه، ويدي له فلوس زيادة يروح بها لأبوه..

رجل طويل مهيب، أبيض يرتدي السوداء..

- بعديين بقي لما كبر عم الشيخ، ودخل الطريقة كمريد عادي وهو شاب وشاف الشيخ (آدم)، افكر الراجل اللي إدى له العمة زمان وهو صغير، لما كانت راسه تعبانة يا عيني وشعره بيقع، وقال له تفضل لابسها وما تطلعهاش من راسك ثلاث أيام، قال له حتى تنام وتستحمي بها. بيقول لقي راسه بعد ثلاث أيام بالضبط خفت خالص من المرض، وشعره رجع أحسن من الأول، وكان ما كانش عنده حاجة أصلاً..

237

سرحت (دنيا) في الحكاية وفي رحابة الأفق الأخضر الواسع أمامها، ونسمات الهواء الباردة تمس وجبها برقة. هذه الراحة التي تشعر بها هنا، في هذا المكان، الذي لم تشعر في غيره بما تشعر فيه، هل هي حقيقية أم زائفة؟ هل مبعثها ما تشمه مع هواء المكان من قدسية روحانية غربية، أم إبعاء نفسي قوي فقط بكل هذا؟

هل يمكن .. هل يمكن ألا يكون الشيخ (مصطفى)!!؟

- هو اللي شرب علم الشيخ (آدم) كله، هو اللي ورثه بجهد إن كان الموضوع بالوراثة، بس وراثة علم مش وراثة نسب..

لماذا تقابلا قديماً؟ لماذا يتقابل شيخ طريقة مع خليفته وهو طفل قبل أن ينضم ذلك الخليفة إلى الطريقة، أو يعرف حتى معنى طريقة من الأساس؟ لماذا ينضم ذلك الطفل حين يكبر إلى طريقة سيصبح خليفة شيخها الذي هو بالذات نفس الرجل الذي قابله منذ زمن؟ أي صدفة تجعل شيئاً كهذا يحدث، إن كانت صدفة أصلاً؟ وما بال حادثة العمامة الغربية هذه هي الأخرى؟ هل السر فيها أم في الشيخ (آدم)، أم الشيخ (مصطفى)، أم في الثلاثة معاً؟

هل السر في الرجل، أم العمامة، أم الإثنين معاً؟

- والعمة دي فين دلوقت ..؟ لسه مع عم الشيخ وللا..؟

القاهرة (2015)

لم يبدا (عثمان) شديد الترحيب ب (صالح) وطلبه والفكرة كلها، لكنه أيضاً لم يملك سبباً قوياً يرفض قطعاً لأجله، لا في (صالح) نفسه ولا في أي شيء آخر، لذلك سارت الأمور بنوع من الموافقة على مضض، وتقاطرت بعض الأشياء ل (دنيا) عن كلام ملح به (عثمان) عن مقابلته ل (صالح)، كعدم ارتياحه الكامل الغير مبرر له، أو الشعور الغريب الذي انتابه عند رؤيته ولم يدر له سبباً رغم قوته.

- ودلوقت لما أروح أتكلم مع والدك سيكون واخد مني نفس الموقف هو
كمان للأسف

سبحت الأسرة لفترة في شعور عام غامض من عدم الارتياح، رغم المباراة التي حاولوا إظهارها بشيء من التخاذل وهم يبتدون وفرحتهم بها، غير ناسين أن يلمحوا، وإن لم يصرحوا تماماً، أن هذا الوهابي الغربي، الذليل يرتح له والدها لسبب ما، فضلته هي على ابن الشيخ (مصطفى)، رغم صوتها الذي يُجِّع من تكرار نفسها للأمر.

وتقرر أن تقوم الأسرة بدعوة عريس ابنتهم لفيلاتهم في (عدن)، بسبب ظاهري يكاد الكل يعرف أنه غير حقيقي ومفتعل نوعاً، وهو قضاء يوم وقفة

عيد الأضحى وليلته معهم هناك، وأما السبب الحقيقي، فهو دفعه لمقابلة الشيخ (مصطفى)، أو بمعنى أصح، كي يراه الشيخ (مصطفى) ويقوم بما يشهكشكف الهيئة له، الأمر الذي اندهشت (دنيا) حقًا لموافقة (صالح) عليه وهي تعلم أنه يعلم النية من ورائه جيدًا، فرغم أنه أبدى بالفعل قليلًا من التساؤل حول، مبدأ انتظار أسرتها لرأي وموافقة أو مباركة من رجل غريب، وإن كان شيخ طريقتهم، في أمر كهذا، ووالد صاحبة الشأن نفسه موجود وعلى قيد الحياة وبكامل صحته وقواه، إلا أنه وافق في النهاية على الحضور.

عدن (2015)

عرقات

حين وصل بسيارته السوداء الصغيرة في موعده المحدد بالضبط، باكر صباح يوم وقفة عيد الأضحى، كان (صالح) في كامل أناقته ولباقته كالعادة، حتى أنه لم يسر إحضار بعض الهدايا البسيطة، والثمينة رغم ذلك، لكل أفراد الأسرة معه، حتى (عايدة) عمه (دنيا) و(ضحى) ابنتها، حتى أنه كان من الواضح أنه فكر مليًا ويعناية في كل هدية يأتي بها وإن ستكون، كأنه يعرف كل واحد منهم جيدًا ويعرف ما يحبه وما سيناسبه.

(وعد) و(مصطفى) الصغيرين تقافزا فرحًا بالألعاب والحلوى التي كانت من نصيبهما، وبدا على وجه (ضحى) دهشة وفرحة لم تستطع إخفاءها وهي تتطالع الرواية التي كانت على ذوقها الأدبي تمامًا، حتى أنها خجلت من نفسها قليلًا حين شعرت بنوع من الغيرة الأنثوية أو الجسد الخفيف لابنة خالها على عرسها الوسيم المهر.

باختصار، بدا (صالح) كشيء مثالي جدًا لا يُرفض، ولا تفرخ منه العيبة بأي شكل كما يقولون، بهذيبه ولياقته التي بدأت بحضوره في موعده المحدد لدرجة تضبط معها ساعتك عليه، مرورًا بحديثه الراقى المعترم مع (عثمان)، المرح المتبسط مع (هشام) و(أمجد)، والطقولي الوديع جدًا مع الصغيرين اللذين بدوا وكأنهما التصقا به منذ وصوله، ولا يرغبان في تركه للحظة واحدة بشكل غريب.

لم يظهر منه ما يمكن الاعتراض عليه، ظاهرًا على الأقل، الأمر الذي صعب مهمة النسوة الثلاث، (نجوى) و(عايدة) و(ميادة)، في الهمز واللمز عليه في الغفاء، والتلميح بغير قصد، أو بقصد، أمام (دنيا)، باعتراضات بدت غريبة ولا معنى لها في نظرها، من نوعية، شعرت بشيء ما حين رأته لا أدري ما هو، أو وجهه يحمل صفة لا أستطيع تحديدها لكنها لا تريحني والتي بدت أغلبها لها كاعتراضات من باب الاعتراض فقط، فأثرت الصمت عنها، وكظمت ما يعتمل بداخلها.

لكنها تعود وتطالع (صالح) من طرف خفي أيضًا، وتسأل نفسها إن كان في بعض ما يقولون نوع من الصحة، أو إن كانت اعتراضاتهم هذه حقيقية تابعة من صفات يحملها فعلاً، وهي فقط التي تعجز عن رؤيتها لأنها لا تعرفه جيدًا حقًا كما تظن، ولا تكاد تخفص منظر الحب الوردي التي تنظر له من خلاله دائمًا.

هم أهلها في النهاية، أكثر من تهمهم ومصحتها وسعادتها كما هو مفترض، ولو نظرت للأمر من وجهة مغايرة قليلًا، فلربما وجدت أنهم على شيء من الحق بشكل ما، فهم من تربت وعاشت معهم وفي كنفهم طوال عمرها، وهو الغريب عنها، حرفيًا، الذي دخل إلى حياتها مؤخرًا جدًا، فهل هم حياديون يصفون ما يرونه فعليًا فيه، وهي التي يؤثر الحب عليها لتراه أفضل مما هو عليه حقًا؟ أم أنها هي التي تعرفه جيدًا، كما لا يعرفه أحد منهم، وهم

الواقعين تحت تأثير أنها الوهابي الذي رفضت ابن الشيخ لأجله، كما يظنون، لبرونه أسوأ مما هو عليه بكثير؟

- ساعات بحسب إني عارفك قوي، وساعات ثانية بحسب إني .. مش عارفك خالص..

- يلا يا شباب .. الفطار جاهز

كانت صالة الاستقبال الواسعة بالفيلاتا تضم، إلى جانب طاقم الصالون الفخم الذي جلس (صالح) في أحد مقاعده الكبيرة مبتسمًا يداعب الصغيرين الملتصقين المشدوهين به، طاولة السفرة الكبيرة التي وقف بجوارها (عثمان) وهو يقول عبارته مبتسمًا، بدبلوماسية المتخشبة قليلاً التي يتحدث بها دومًا مع (صالح) أو في وجوده، فما كان من ذلك الأخير إلا أن رفع عينيه بشيء من الخجل أو الحيرة، وهو يتقلع بين مائدة الإفطار العامرة، و(عثمان) الذي يقف بجوارها، تقف بجواره (نجوى) التي كان على وجهها ابتسامة واسعة غريبة هي الأخرى، فيها مرح مصطنع وشبه كبير من ابتسامة زوجها، وهي تقول:

- لأننا ما بعرفش أعزم، هاته يا (هشام) بقى وتعالوا عشان هو شكله مكسوف

(أمجد) طبعًا نهض بلا مبالاة ليسبق الجميع إلى الطعام كالعادة، الأمر الذي زمت له (دنيا) شفقتها في غيظ صامت مكتوم، خاصة حين لم تبتدأ أمها أي اعتراض عليه رغم قلة الذوق الفجة جدًا فيه. أما (هشام)، فعلى

النقيض التام، وكعادته أيضًا، نهض يدعو (صالح) بمرح واهتمام حقيقي للتهوض معه.

- لا هو أنا .. أنا أصلي صايم، عشان الوقفة، وكنت فاكِر إنه..!

لم تمكنه لبقاقته من إتمام عبارته بأنه كان يظنهم أيضًا سيصومون، أو أغلهم على الأقل، فلم يكن الصيام فرضًا في ذلك اليوم طبعًا، ولم يكن من اللياقة فعلاً أن تأتي ضيفًا صائمًا على مضيفيك، لكن يوم (عرفة) سنة مؤكدة يكاد كل مسلم على وجه الأرض يقتنعها إن لم يكن لديه عذر ما، والناس فيها عادة ما يدعون بعضهم البعض فعلاً، ولكن إلى ولائم إفطار الصيام وليس الصباح.

ولكن، حين تبين لـ (دنيا) المندهشة أنه ما من صائمين اليوم سواها و(صالح) فحسب، تعجبت في داخلها قليلاً من سلوك عائلتها، بل وشعرت بنوع من الخجل والإحراج منهم أمامه، وهي التي قدمتهم له على أنهم أناس روحانيون متدينون حقًا بلا تزمت، فأي تدين هذا وهم جميعًا لا يصومون حتى يوم عرفة؟ ولا يمكن أن يتصادف أن يكون لديهم جميعًا، من أكبرهم لأصغرهم، أعذارًا تبرر ذلك.

والأمر لم يكن به أي عذر بالفعل، فرغم أن كل ما فعله (صالح) كان الاعتذار بهذيب عن مشاركتهم الطعام، مقسمًا بلهجة شديدة الصدق أنه لا مشكلة لديه على الإطلاق من انتظارهم حتى ينتهوا هم منه، ولم يسأل أو يستفسر حتى عن أي شيء، إلا أن (عثمان) و(نجوى) تطوعا مبتسمين بالشرح، قائلين ما لم تسمعه (دنيا) نفسها في حياتها من قبل:

- إنت دلوقت واقف على (عرفات)، والي في الحج ما بيصومش يوم (عرفة)

- كأنك في (عرفة) بالضبط، يعني كمان بتأخذ أجر اللي بيحج .. وانت قاعد في مكانك!

- *بيفسر القرآن والحديث بطريقة تخليك تقول (انا ازاى فعلاً ما فكرتش إن الآية دي معناها كده! (أناك بتلاقي المعنى ده بسيط جداً ومنطقتي..*

هل ما يقوله الشيخ (مصطفى) صادق لأنه منطقي؟ أم أنه يبدو صادقاً منطقيًا لأن الشيخ (مصطفى) يقوله؟ لأنه لو قلنا أنه لا يوجد ما يمنع أن تكون (عدن) موضعًا يحمل قدسية بشكل ما، فإنه يظل من الصعب أن نزله بنفس منزلة أرض (عرفات)، لأنه، وإن لم يكن هناك نص قاطع باستحالة تشابه أرضها مع أي أرض أخرى، فإنه أيضًا لا يوجد نص يقول باستحالة تشابه (الكعبة) مع أي بناء آخر. لكن هذا لا يعني أنه لا مانع من اعتبار أي بناء آخر بنفس مكانتها.

دارت الأفكار في رأس (دنيا) وهي تنظر لـ (صالح) الذي ظل على هدونه وإبتسامته وإصراره على موقفه، الأمر الذي غمزت له النسوة الثلاث المتحدات ضده لبعضهن البعض، وهن تتخذن مجالسهن حول الطاولة. لكنها لم تعرف إن كانت تتخيل، أم أن الجميع فعلاً بدوا مقبلين على الطعام أكثر بعد رفض (صالح) مشاركتهم له إكمالاً لصومه، وكأنهم يعاقبونه عليه، أو مقتنعون جدًا بصحة موقفهم لدرجة اللامبالاة بأي اعتبار آخر. شعرت أنها تكاد تجن وتحاول إقناع نفسها أنها تتخيل، أن

بعضهم لا يكاد يبدو جانحًا أصلاً، ومع ذلك يشق رغيًا ويأكل لقمة أو اثنتين، كنوع غريب من إثبات موقف أغرب.

لكن الأغرب من هذا كله جاء مع نهاية النهار، عند حلول موعد أذان المغرب، لتلاحظ (دنيا) في ذهول كيف أنها لم تنتبه أبدًا، لعدم سماعها لأي صوت أذان في (عدن) كلها من قبل، وكيف تكون موضعًا مقدسًا كـ (عرفات)، وهي لا تحمل على أرضها مسجدًا واحد؟

فعليًا بالطبع عليها، لكن لم يقدموا له كذلك أي مصدر آخر للشرب، وكأنهم يقولون (إن أردت أن تشرب فمن هذه وإلا فلا).

ورغم أن كسر الصيام على ماء ليس بالأمر الغريب، بل هو مستحب، إلا أن تقديم الماء لضييف ما يزال غريبًا عنهم نوعًا على هذا النحو، لا في كأس ولا في كوب أو حتى زجاجة جديدة، أمر فيه شيء من الغرابة، ربما دل على نوع من التباسط، كأنه ليس ضيفًا بل واحد من الأسرة، وربما كان هذا شيء جيد جدًا في ظاهره، إلا أن (دنيا) تعلم جيدًا أيضًا أن أسرته لا تعتبر (صالح) فردًا منها على الإطلاق، وأن الموقف المتخذ منه بشكل عام، سلمي متحفز، لا متباسط بهذا الشكل.

(عدن (2015))

لم يقل (صالح) شيئًا ولم يعترض، بل ولم يعلق حتى، و(دنيا) نفسها ذاهلة، تتابع والديها وهما يبذلان بكل هدوء وثقة، ما بين البحث بالريموت بين قنوات التلفزيون عن أذان المغرب في محطة أقرب محافظة لـ (عدن)، ليحسبوا موعد حلوله وجواز الإفطار فيها، وبين كتم صوته تمامًا في محاولة لسماع صوت الأذان، يبدو من شدة خوفه أنه يأتي من مسجد بعيد جدًا، يقع بالتأكيد خارج حدودها تمامًا. وبعد فترة طويلة أظلمت خلالها الدنيا بشكل يراه الأعمى نفسه، ورفع الأذان في كل محافظة لها محطة على التلفزيون، تاکد الجميع أخيرًا أن الشمس قد غربت بالفعل، وأن أوان كسر الصيام قد حان. لكن ما كسروا عليه صياهم لم يختلف كثيرًا في غرابته، عما ظل يحدث طوال ذلك اليوم.

ورغم أن الزجاجة بدت بالفعل عادية جدًا، ولا تكاد تفرقها عن أي زجاجة مياه عشوائية أخرى، إلا أن (دنيا) شعرت أنها تعرف تلك الزجاجة جيدًا، وتعرف ما فيها، لأنها شربت منها من قبل.

- محدش بقى يقرب من دول عشان أبقى أسقيهم لأختكوا بكرة أما ترجع

- دي مياة (زمزم)؟

كذا تسأل (صالح) بلهجة عادية جدًا، وابتسامة هادئة، لم يسأل عن أي شيء آخر، ولم يُبدِ تأنفًا أو تعجبًا من أي شيء، فقط رفع الزجاجة على فمه للحظات قليلة لا تعرف معها إن كان قد شرب القليل جدًا أم أنه لم يشرب شيئًا من الأساس. ورغم منطقية سؤاله، نظرًا لحال ما قدم له، والذي يشي بأن تلك الزجاجة ولا بد تحمل خصوصية ما، وأن أول ما يتبادر لذهن مسلم عن ذلك هو أنها تحوي ماء (زمزم)، إلا أن أحدًا لم يجبه على

هنيئًا لأهل الديار كم سكرها بها وما شربوا منها ولكم هم هؤا

كان ببراءة زجاجة مياه عادية جدًا، باردة ويبدو أنها غير جديدة، ومستخدمة من قبل، قدمت لـ (صالح) وقت الإفطار كي يكسر صيامه عليه، وينوع غريب خفي من الإصرار، أو وضعه أمام الأمر الواقع، لأنهم لم يجبروه

الإطلاق، بل وبدا وكأن الكل يتجنب ذلك عمدًا بالابتعاد عن الموضوع، وقول كلام متناثر ومختلط ولا معنى له أو هدف، إلا تشتيت سائل عن سؤاله فحسب.

لكن حين وصلت الزجاجة لـ (دنيا) كي تكسر عليها صياهاها هي الأخرى، تأكدت أنها عين تلك التي كانت في بالها من قبل، وحين رفعتها على فمها هي كذلك، وذائق طعم مانها، واشتمت تلك الرائحة الغربية الغفيفة فيها، الشبيهة بالعطن، تأكدت كذلك أن (صالح) ولا بد قد لاحظ كل ذلك هو أيضًا، وإن صمت تمامًا عنه، وأن ذلك لم يكن ماء زمزم على الإطلاق.

- إستني يا (دنيا) ما تشربهاش كلها، سبي حبة في الآخر

أنزلت الزجاجة عن فمها بعد أن شربت قليلًا بتساؤل وهي ترى أمها تستعيدها منها لتملأها بماء عادي من الصنبور بنوع من الحماسة وكأنها وجدت حلًا لشيء، وهي تضيف شارحة بفرحة:

- مش هاسيب الإزاة تخلص خالص وهزود عليها كل شوية، عشان يفضل دايماً ولو حتى حبة نقط أو ذرات من المياة اللي في الإزاة اللي شرب منها عم الشيخ

دخل النبي (صلى الله عليه وسلم) فقال عندنا فعرق، وجاءت أمي بقارورة فجعلت تسلت العرق فيها، فاستيقظ النبي (صلى الله عليه وسلم) فقال: يا أم (سليم) ما هذا الذي تصنعين؟ قالت: هذا عرقك نجعله في طيبنا وهو من أطيب الطيب.

- أنا مش فاهمة إيه كل ده أصلاً! مش مريح .. شكله غريب .. بصته غريبة .. العيال مخضوضين منه! راكمه شيطان، راكمه عفريت، راكمه جن أزرق!! ليبييه؟! ما الراجل جه لحد عندنا وراح بنفسه يقابل عم الشيخ، ويتعامل بكل أدب واحترام رغم كل شيء

كان التوتر والقلق قد بلغا مبلغهما داخل (دنيا) كي تهتمف بعبارتها تلك بعصبية وهي تقف على باب مطبخ الفيلا الذي تقف بداخله (ميادة). وأما مبعث ذلك كله فهو المقابلة التي تعلم أنها ستبدأ في أي لحظة الآن، بين (صالح) والشيخ (مصطفى)، في مكتب الأخير، والتي لا تعلم إلا م ستؤول بالضبط، بعد أن غادر الأول برفقة (عثمان) و(هشام)، في اتجاههم لها.

- وطى صوتك، عمك وبنتها يسعوا!

كذارت (ميادة) همس عصبي وعينين متسعيتين، وهي تضغط ذراع أختها بقوة لتسحجها معها داخل المطبخ، والأخيرة تقلب وجهها بسخط وإن خفضت صوتها قليلًا بالفعل وهي تقول:

- دا على أساس إنهم مش عارفين كل حاجة منكم أصلاً! وعمك قاعدة تغمز لك إنتي وماما طول النهار و..!!

-استني استني .. منكم مين يا بنتي؟؟ أمك نفسها ما تعرفش كل حاجة، أنا والله ما قلت لها كل اللي أعرفه عشان ما تتخضش، وما حكيتش لحد حتى نص اللي حكاه لي (هشام)

- لا! (هشام) لا يمكن .. لا يمكن..!

المكتب

- كل سنة وحضرتك طيب يا عم الشيخ

رفع (هشام) رأسه عن يد الشيخ (مصطفى) التي قبلها وهو يقول عبارته مبتسمًا باحترام وإجلال، قبل أن يفسح المجال بهدوء لـ (صالح) الواقف خلفه كي يتقدم من الشيخ ويسلم عليه هو كذلك، ليتقدم فعلاً بهدوء، ويمد يده لمصافحته و..

التقت أعينهما ببعضهما البعض، وأقسم كل منهما لنفسه أنه لم ير من يراه هذا في حياته من قبل، لكنه بشكل ما يعرفه، لسبب ما يعرف اسمه، وشكله، وكل شيء عنه.

الفيلا

- الكلام ده بيننا وبين بعض يا (دنيا)، محدش يا بنتي يعرف عنه حاجة، ومش بقوله لك غير عشان مصلحتك، ده اللي خلى (هشام) يقوله لي أصلًا. قالهولي أنا بس والله، لأنه قلق عليكي، إوعي تزعلي منه، دا أخوكي! وانتي عارفة هو بيحبك قد إيه .. وأنا بحبك، أكثر منه كمان!

المكتب

- تعالى يا (هشام)

كذا قال الشيخ بإتسامة هادئة كي يهب (هشام) من الأريكة التي جلس عليها داخل مكتب الشيخ (مصطفى)، وقد جلس كل من (صالح) و(عثمان)

في الكرسيين الكبيرين أمام المكتب الذي جلس خلفه الشيخ، والذي كان وجهه المرح بشوشًا كعادته وهو يتصرف بطريقة طبيعية، وكان وجهه لم يشحبه منذ قليل، ولم يظهر عليه تعبير غريب طفيف، فور وقوع عينيه على (صالح)، الذي بدا عليه وقها أيضًا تأثير مشابه، وإن ظل هو الآخر يبتسم ويتكلم بطريقة عادية لبقة جدًا.

الفيلا

- ميخس علينا إيه يعني يا بنتي؟ يزعلنا في إيه إنك تتجوزي واحد بتحببه؟ ده إحنا أخواتك، ده إحنا نفرح لك! وأنا تهمني مصلحتك زي ما تهمني مصلحة (وعد) بالضبط .. أقسم لك بالله يا (دنيا) لو (وعد) بنتي هي اللي مكانك لقلت لها نفس اللي بقوله لك ده، صدقيني...!!

المكتب

بدا وكأن كلاً من الشيخ و(صالح) يضع قناعًا هادئًا يخفي تحته شيئًا يعتمل في نفسه، شيء كنس مؤقتًا تحت السجاد ليخفي وإن ظلت رائحته تعبق المكان. أما (عثمان) فقد تقطب جبينه قليلًا في شيء من القلق وعيناه تتحركان كأنه يفكر.

- خد المفاتيح دي وروح لـ (ياسين) في البرج قل له يعمل اللي قلت له عليه، هو هيفهم

قالها الشيخ رافعًا يده بسلسلة المفاتيح التي أشار لها في عبارته، ليلتقطها (هشام) على الفور بهذيب وهو يقول:

- أمرك يا عم الشيخ

طبعًا هناك سر في الموضوع، لكن (هشام) لم يعلم ما هو بالضبط، رغم تفكيره في الأمر وهو يغادر المكتب في اتجاهه لتنفيذ ما طلب منه، وقد أدرك جيدًا أن ذلك الطلب أصلًا ليس إلا إثبات قوي لوجود ذلك السر، وطريقة لإخراجه من المكتب فحسب.

الفيلا

- بدمتكم إنني نفسك مش حاسة إن (صالح) ده وراه سر؟! ما بتحسبش بحاجة غريبة وإنني باصة ليه؟! الهالات الغامقة اللي تحت عينه، والكوابيس العجيبة اللي ما بيرضاش يحكي عنها وما بتخلهوش يعرف ينام، الشمس اللي عنده (حساسية) منها، ويتجيب له صداع! والصداع اللي دايمًا عنده ومحدث عارف له سبب..!!

- فيه حاجات كتير إنني ما تعرفهاش عنى

المكتب

- حقوق .. جميل .. قلت لي بقى إسمك إيه بالكامل يا (صالح)..؟ أصلي .. بشيِّه عليك...

وينفس البساطة، والابتسامة الهادئة التي ألقى بها الشيخ (مصطفى) سؤاله، أجاب (صالح):

- (صالح خضير)

- و(خضير) ده .. اسم والدك ولا لقب العائلة؟

- لقب

- لقبك الحقيقي؟

- هو (الشاذلي) لقب حضرتك الحقيقي؟

الفيلا

- العيال من ساعة ما شافوه وهم هادين بطريقة غريبة .. إنت عمرك شفت ولادي بالهدوء ده بدمتكم؟! طب شفت كانوا يببصوا له إزاي طول الوقت؟؟ شوقتيه وهو بيحط إيداه على أدمقتهم، ويعرك شفائفه من غير صوت، كأنه بيقرأ حاجة في سره!؟

فقط ظل ينظر له مبتسمًا قبل أن يمد كفه الكبير لهبط به على رأسه ثم يغمض عينيه وشفتيه تهممان بخفة كأنه يتكلم بلا صوت..

- كلام له علاقة بالجن..

المكتب

- أمال والدك إسمه إيه؟

- ده عشان حضرتك بتشبهه علي برضه؟

- بالضبط..

إسمه (أدم)

الفيلا

- أهله اللي ما شوفناهمش، ولا نعرف عنهم أي حاجة، وبيقول إن كلهم ماتوا من زمان .. كلهم! أهله كلهم ماتوا؟! مالوش أي قريب حتى من بعيد؟؟ فيه حد مقطوع من شجرة للدرجة دي كأنه زرع شيطاني كده؟؟

المكتب

- (آدم) إيه ..؟
- عايز تعرف إسم جدي؟؟
- عايز أعرف إسم والدك بالكامل لأنك تشبه واحد كنت أعرفه .. وكان حبيبي قوي..

بياض بشرته .. قامة الفارعة وبنيته العريضة .. عينيه الواسعتين الحادتين ... الحاجبين العريضين فوقهما ... أنفه الكبير المستقيم ... شاربه المنمق أسفله، الموصل بلحية كثيفة ناعمة مهذبة ...

.. طوله الفارع وكثفيه العريضتين، شعره الناعم شديد السواد، وبشرته شديدة البياض .. أنفه المستقيم وحاجبيه العريضين فوق عينيه الواسعتين الحادتين..

- (عبد الحي)

- عيلتك كلها عارفة الموضوع كله دلوقت..

الفيلا

- هممم .. كنت عارفة، كنت عارفة من الأول والله وقلت إن فيه حاجة غريبة!
كذا قالت (ميادة) بصوت خفيض وهي تستمع لما حكاه (هشام) الذي عاد يقول بصوت خفيض هو كذلك:
- إنت لو شوفت عم الشيخ بص له إزاي .. وللا هو بص لعم الشيخ إزاي...!

- إزاي يا وله؟؟

دار الحوار الخفيض في غرفة من غرف الفيلا، وقفت (دنيا) خارجها على مقربة من بابها الموارب، بموضع يتيح لها سماع من بداخلها دون أن يتيح لهم رؤيتها، ووجهه يحمل تعبيرًا يصعب وصفه.

- إستني إستني .. منكم مين يا بنتي؟؟ أمك نفسها ما تعرفش كل حاجة، أنا والله ما قلت لها كل اللي أعرفه عشان ما تتخضش، وما حكيتهش لحد حتى نص اللي حكاه لي (هشام)..

- يعني أنا ما كنتش عابزة الحاجة هي اللي تعرف إننا كنا واقفين مع
(ابتسام)

- لبييه؟؟

ألفت تساؤلها المندesh بفضول على ابنة عمها التي تردت قليلاً قبل
أن تعود لتكمل كلامها بصوت خفضته لا إرادياً قليلاً، وهي تقول:
أ- .. (دنيا) الكلام ده مايطلعش بره! ماما ما قالتليش إن كان حد يعرف
حاجة عن اللي عملته (ابتسام) ده وللا لأ، بس هو .. هي الحاجة أكيد عارفة
طبعاً .. عشان كده بتتضايق منها..

- ليه هي عملت إيه؟؟

- راحت لعم الشيخ المكتب وقابلته وحدها .. وعرضت نفسها عليه

لم تشعر (ضحى) باتساع عينها وهي تنظر لأمها وقد خيل إليها أنها لم
تفهم ما سمته أصلاً كي تعود لتسأل بذهول حائر:

- عرضت نفسها يعني إيه؟؟

حَدَّثَنَا عَلِيُّ بْنُ عَبْدِ اللَّهِ، حَدَّثَنَا مَرْحُومُ بْنُ عَبْدِ الْعَزِيزِ بْنِ هِزَانَ،
قَالَ: سَمِعْتُ (ثَابِتًا الْبُنَائِيَّ)، قَالَ: كُنْتُ عِنْدَ (أَسَى) وَعِنْدَهُ ابْنَةٌ لَهُ، قَالَ
(أَسَى): جَاءَتِ امْرَأَةٌ إِلَى رَسُولِ اللَّهِ (صَلَّى اللَّهُ عَلَيْهِ وَسَلَّمَ) تُعْرِضُ عَلَيْهِ
نَفْسَهَا، قَالَتْ: يَا رَسُولَ اللَّهِ، أَلَيْكَ بِحَاجَةٍ؟

بداخل الغرفة وقفت (ميادة) وإلى يمينها (هشام)، الذي نفذ طلب
الشيخ (مصطفى) ليجد (ياسين) يأخذ منه المفاتيح فقط كي يضعها في جيبه
ويخبره بمرجه المعتاد أنه يستطيع العودة لمزله الآن، وبطريقة جعلت الأمر
كله يبدو وكأنه حدث بالاتفاق ليغادر المكتب فحسب، والذي حكاه من أوله
لـ (ميادة) التي وقفت وإلى يسارها (نجوى)، التي كانت من هتف بتلك العبارة
الأخيرة بلهفة.

- بس مش هيبينوا لك إتهم عارفين..

- إنت بتعرف كل ده إزاي؟؟

لم يخطن (صالح)، لم يخطن في حرف واحد مما قاله حتى الآن. أخبرها
سعيًا بما فعل وسيفعل كل واحد بالضيظ .. من سيفشي سرًا ومن
سيكذب .. بل ومن سيكذب حول إفشاء الأسرار...

أهلها التي قضت معهم عمرها كله، لا تثق بأحد كما تثق بهم، تفعل ما
يفعلون وتآكل مما ياكلون .. وتشرب مما يشربون، كي تدرك اليوم فقط،
عمق الوحل الذي راحت قدمها تفوص فيه طوال ذلك العمر كله، وهي
تحسب نفسها في أظهر موضع في الوجود، جنة يملكها رجل كان أحب ما لها
في الدنيا، حب غريب كأنه لأبيها وربما أكثر، لأنه مختلط بتقديس ..
اكتشفت اليوم كم هو أعمى.

- يا نهار إسود .. راحت قالت له تجوزني؟!

قَالَتْ بِنْتُ أَنَسٍ: مَا أَقَلَّ حَيَاءَهَا، وَ أَسْوَأَتَاهُ وَ أَسْوَأَتَاهُ ..

لم تشعر (دنيا) كذلك بعينها اللتين اتسعنا لا إرادياً هي الأخرى، تماماً كـ (ضحى)، التي سألت أمها من قبل، نفس السؤال الذي تسأله لها ابنة خالها الآن:

- طب وبابا عمل معاها إيه؟؟

فَقَالَ: «هِيَ خَيْرٌ مِنْكَ، وَغَيْبَتْ فِي النَّبِيِّ صَلَّى اللَّهُ عَلَيْهِ وَسَلَّمَ فَعَرَضَتْ عَلَيْهِ نَفْسَهَا»

والذي شردت قليلاً بشيء من الحيرة قبل أن تجيب عنه قائلة:

- معرفش

تقديس أعمى، وحب أبوي. من مهمما أدى إلى الآخر؟ هي لا تعرف حقاً، فقد يؤدي التقديس الأعمى لشعور شبه أبوي نحو من تقدسه، وكأنك في حاجة إليه كالأطفال، وقد يؤدي الحب الأبوي لتقديس أعمى، ولذلك لا زالت ترفض بقلها، وبشدة، كل ما يصبرخ به عقلها من منطقيات عنبابا،

258

كاكتشافها المرعب المفاجئ مثلاً بأن كل هذا قد يكون هو السبب أصلاً في كلمة بابا التي ظهرت مؤخراً، والتي صارت تنادي بها الشيخ (مصطفى)، عوضاً عنعم الشيخ، التي تذكر جيداً أنها نشأت عليها، ولا تعرف فعلاً كيف ولا متى، تحولت تدريجياً لبابا.

بابا التي لم تلغيعم الشيخ طبعاً، لكنها ظهرت فجأة على لسان أغلب أبناء الطريقة، من صغيرهم لكبيرهم، بنسائهم ورجالهم، وبشكل لا تعرف معه إن كان اختلاط الحب الأبوي بالتقديس الأعمى في وجدانهم، هو من كون ذلك اللقب، الذي هو غريب فعلاً على شيخ طريقة، أم أن اللقب قد أقحم إقحاماً في وجدانهم، بغرض ترسيخ الإحساس الأبوي ذلك، وبأنك طفل وفي حاجة إلمايك الشيخ ليرعالك.

- تشابه أسماء طبعاً!

- وتشابه أشكال كما؟

كما رد الشيخ (مصطفى) على (عثمان) وهما يجلسان في خلوتهما المعتادة بمكتب الأول، بعد انتهاء المقابلة، ينفتان دخان سيجارهما، الأول بتفكير عميق ووجه غائم رغم هدوئه، والثاني بشيء من الاستنكار وهو يقول:

- هو أي اتنين طوال عراض، بيض وشعرهم ناعم، يبقوا قرايب؟؟ ثم إن لقيه الـ..

- الحقيقي؟

259

- هو (الشاذلي) لقب حضرتك الحقيقي؟

- رده بالشكل ده مالوش غير معنى واحد، إن ده مش لقبه الحقيقي فعلاً. وإنه كمان عارف إن لقيي أنا بربضو مش حقيقي، معلومة زي دي مش أي حد يعرفها عني، وفيه ناس قرييين مني جداً ما يعرفوهاش .. لكن هو كان عارف

- هو..؟ إنت عايز تقنعني إن اللي كان قاعد معانا ده...؟؟

- ابن الشيخ (أدم) الكبير..

((عرض التليفزيون الإيراني ظهر اليوم أول صور للمناطق التي تأثرت بالزلازل المدمر الذي ضرب شمال وغرب البلاد، وخلف أكثر من 500 قتيل ونحو 2000 جريح، بالإضافة إلى 12 ألف مشرد. وأعاد الزلازل إلى الأذهان الزلازل المدمر الذي ضرب قبل 12 سنة مدينة (رودبار) في المنطقة نفسها، وأودى بحياة 40 ألف شخص..))

صورة .. (صادق) ... الله يرحمه

- مات يا (مصطفى)، (صادق) مات بعد ما سافر بكام شهر..

التقديس الأعمى جعلها تقض البصر طوال عمرها عن كل ما يحيط بعم الشيخ، غوث الزمان، صاحب الجنة المباركة كأرض (عرفات)، الذي

يتبرك مريدوا طريقته بالماء الذي يشرب منه، وتعرض النساء أنفسهن عليه للزواج وكأنه رسول الله.

والشعور الأبوي يجعلها الآن عاجزة عن تصديق كل هذا عنبابا، يجعلها تكاد تبكي وتضرب رأسها بالجدار حتى تشجه وهي لا تفهم لماذا يتركبابا مريدته يقدسونه هكذا وكأنه الرسول نفسه، إن كان لا يعلم بالأمر أصلاً فكيف يكون غوث الزمان؟ وإن كان غوث الزمان فكيف يسمح به من الأساس؟

هو ووالدته وأخوه..

لكن .. من قال أن الشيخ (مصطفى) غوث الزمان أصلاً؟ هي لم تسمعه يقول شيئاً كهذا في حياتها من قبل، في أي درس حضرته أو حتى كلام عادي قاله، كما لم تسمع منه فعلياً أي شيء عن موضوع (عرفات). لا تعرف ما فعل مع ما فعلته (ابتسام)، إن كان الأمر برمته قد حدث فعلاً. ولا ذنب له إن كان هناك من يتبرك به بطرق غريبة من خلف ظهره دون أن يعلم.

الشيخ (مصطفى) قد لا يكون أكثر من ولي صالح، أو حتى شيخ طريقة عادي جداً، لم يدع بلسانه يوماً أنه أي شيء أكثر من هذا، وإن ظنه بعض المخطين من مريدته، ربما هم من تعاملوا معه باعتباره غوثاً للزمان، فحملوه ما لا يحمل ولا يحتمل، وربما لا تكون (عدن) أكثر من قطعة أرض حولها لجنة غناء، فقط كي يجد من يقدسه هذا الشكل الغريب، في حين لم يصفها هو بأنها أي شيء أكثر من مجردمزرعة.

وربما هي كذلك واحدة من أولئك المخطين، حين حسبت أن الرجل في مكانة ثم حاسبته لأنه لا يتصرف بقدر تلك المكانة، كأنها طفلة حسبت أباه

يومًا ملكًا من فرط حبه له وافتخارها به، وحين كبرت فهمت أنه ليس كذلك
فصرخت باكية بأنه ليس بأبها أصلاً، بل ومجرم شرير أخطأ حين تصرف
بنبل الملوك وهو من عامة الشعب.

أم أن كل هذ مجرد تبريرات فقط لأنها لا تريد فعلاً أن تتقبل كل ما
اكتشفته عن أبيها ذلك؟

-والكلام ده كان من ثلاثا سنة .. إنت نسيت وولا إيه؟!

وسواء كان الشيخ (مصطفى) يعلم بكل هذا وله يد أو ذنب فيه أم لا،
فإن كلتي الحاليتين لا تنفي وقوعه فعلاً، كما لا يوجد ما ينفي وقوع كل ما
وقع مع أهلها، دون النظر إلى أي نية أو قصد. باختصار، كل ما أخبرها به
(صالح) يظل حقيقياً في ظاهره بغض النظر عن أي شيء في الخفاء. كأنها
جريمة قتل على يد جارك في النهاية التي تسكن فيها، أخبرك عنها أحدهم،
لنكتشف في النهاية أنها لم تكن جريمة أصلاً وإنما دفاع شرعي عن النفس.

الفكرة هنا أن (أحدهم) هذا لم يكن مصيباً في كلامه عن الجزء المتعلق
بالجريمة فعلاً، لكن جزء القتل يظل قتلًا رغم كل شيء، والفعل نفسه لا
ينتهي بمجرد أن النية سليمة، فالسؤال هنا هو، كيف عرف (أحدهم)
بحداث بناتيك التي لا يسكن فيها، وقد قابلت أنت نفسك للمرة الأولى في
حياتك بالأمس فقط؟

- لا بجد عرفت إزاي؟

- إنت اللي شكلك نسيت إن أخو (صادق) الصغير، كان اسمه (صالح)

(16)

عدن (2015)

عند وشوك انتهاء يوم الوقفة، وقرب موعد رحيل (صالح)، أخذه
(هشام) و(أمجد) في نوع من الجولة العامة والتمشية الخفيفة، مصطحبين
أختهما الصغرى وطفلي الكبرى. تقافز الطفلين في مرح أمام البالغين الذين
راحوا يتبادلون أحاديثاً ودية خفيفة، وابتسامات تبدو طبيعية جداً لأي
عابر من بعيد.

لكنك مع ذلك إن دققته، فستشعر بحرارة زائدة غريبة في مزاج
(هشام)، تشي بعصبية تشي بدورها بنوع من الافتعال، على عكس (أمجد)
بوجهه البارد قليل الانفعالات، والذي لا تعرف معه أبداً ما يدور بداخله
حقاً.

أما (دنيا)، فقد بدا وكأنها لا تمثل من الأساس، اختلاط المشاعر
والأفكار في رأسها جعل وجهها يظل متارجحاً بين التصلب الشارد والضحكات
العصبية القصيرة. لكنها في فترات صممتها المتصلب تلك، كانت تحدد الثلاثة
الأخرين بنظرات تبدو عادية، وفيها شيء من الجمود رغم ذلك، ربما لأن ذلك
هو الجزء الذي استطاعته من التمثيل، أن تضع وجهه لأعب البوكر هذا
إخفاً لأي شيء وكل شيء.

لكن خلف وجهه لأعب البوكر هذا، اشتعل قلبها من (هشام)، وكيف
يبدو الآن لطيفاً كما هو دوماً بدرجة جعلتها تشك فعلياً فيما سمعته بأذنها

الحاجات التي أعرفها عنك كعينة، وحسبنا نسبة الحاجات الحلوة التي فجا
هي بس، هنالقي النسبة دي عالية جدًا، وتقرب فعلاً من الكمال

- مش يمكن أنا مخبي عليك كل الوحش؟

لطالما كره ذلك الشعور لدرجة، جعلته لا يكاد يعترف به أبدًا، ولو حثي
لنفسه، إن اعتراه، لذلك قرر الشيخ (مصطفى) التحجج بما يتيح له إنباء
خلوته مع (عثمان) في المكتب، كي يختلي هو بنفسه في ظلام سيارته التي فتح
جميع نوافذها، أملاً في أن يغسل هواء الليل البارد عنها رائحة الخوف، التي
ظلت تزكم أنفه رغم ذلك، حتى كادت تصيبه حقاً بالغيثان، وحتى أن معدته
انقلبت وتقلصت بالفعل في نوع من الألم، ذكره بأيام خالية مضت، لم يكن
يرغب في تذكرها أبدًا، ربما لأنه خاف كثيرًا فيما مضى، فأقسم لنفسه أنه
لن يخاف مرة أخرى، ولذلك أيضًا تعب كثيرًا، حتى حصن نفسه أخيرًا ضد
ذلك الشعور الكره، بأمان ظن أنه لن يجعله يشعر به ثانية أبدًا في
المستقبل.

زأر محرك السيارة وهو ينطلق بها بتلك السرعة الرهيبة، الخطرة نوعًا،
والتي يعرف بها أحيانًا، في صمت تام، ووجه جاد تقطب جبينه قليلًا. دارت
عيناه في أنحاء (عدن) الشاسعة، التي لم تقلل سرعته في الدوران داخلها
من إحساسه باتساعها. ركز عينيه على الطريق، حاول تهدئة نفسه كي
يتمكن على الأقل من التفكير بشكل سليم غير متخبط، لكن عقله أبى إلا
أن يلح عليه باسترجاع ما دار بينه وبين (عثمان) منذ قليل في المكتب.

العيل الصغير اللي كان يلعب حوالينا ونجيب له شوكلاتة؟

شخصيًا منه، ولتكتشف أيضًا، أن تصرفاته التي ترى ما فيها الآن من
تمثيل، ليست إلا طريقته العادية في الكلام والمزاح بالفعل، وإن لم ترى ما
فيها من تمثيل من قبل لأنها لم تدرك أبدًا، أو لم تتصور لسذاجتها، قدرته
على أن يكون بوجهين جدًا هكذا، كما هو مع (صالح)، ومعها هي نفسها.
وكيف أنها ربما إن فقدت ثقها فيه الآن، ستكون قد فقدتها تمامًا وبالكامل
ولالأبد، في أي شخص وأي شيء في المستقبل.

(صالح)...

(صالح) هو الوحيد الذي بدا طبيعيًا جدًا تمامًا كالطفلين، وكأن كل ما
في قلبه يخرج كما هو على لسانه ووجهه بالفعل، أو أنه الوحيد بينهم الذي
يستحق فعلاً لقب ممثل، محترف، بل وجائزة كذلك على تمثيله، حتى حين
بدا وكأن الظروف تجبره على خوض اختبارات لثباته الانفعالي، وربما ثبات
(دنيا) معه كذلك، فقد كانت المشاعر التي تعتمل بداخلها نحوه خلف وجه
لاعب البوكر الصامت، كثيرة، لكن أقواها على الإطلاق كان شعورًا غامضًا
بالقلق والتربق لم تعدهه معه من قبل، وبعد كل ما قاله وما حدث، فقد
كانت طبيعته هذه، بطريقة ما، تخفيها.

- واللي إنتي مش شايفاه؟

- يعني إيه؟

- يعني فيه حاجات كتير إنتي ماتعرفهاش عني

- مش هنأثر في رأيي فيك، لأن كل شيء نسبي، وبما إن مفيش حاجة أو
حد كامل فعلاً زي ما إنت بتقول، يعني مفيش شيء مطلق، فلو أخذنا

- الكلام ده كان من ثلاثاشر سنة زي ما إنت بتقول

صمت (عثمان) وكاننا هبظ كل ما كان يعتمل في نفس (مصطفى) على رأسه دفعة واحدة، وشرد قليلاً كأنه يفكر قبل أن يقول:

- طب وده جاي ليه دلوقت؟ عايز إيه؟؟ بيعمل كل ده ليه؟!

- عايز يمسك الطريقة بعد والده..

- عايز يقلب الطريقة شيعة .. لأنه أصلاً من أصول إيرانية، ولما لقي إنه مش ميعرف يتفند اللي في دماغه، سافر هو ووالدته وأخوه على بلدهم في (إيران)

- هيكون ليه في رأيك...؟

اعتاد أهل (عدن) على صوت سيارة الشيخ (مصطفى)، حتى أنهم عند التقاط أذانهم لأي صوت سيارة مارة من بعيد، يتوقفون عن السير والحديث وينصتون جيداً، ليتبينوا إن كان ذلك صوت سيارة بابا أم لا، لأنهم قد حفظوا عن ظهر قلب، امتزاج هدير المحرك القوي بزفير السرعة الفائقة. أما بعضهم، فقد زاد أيضاً بحفظه لتشكيل ألوان كشافاتها الأمامية، والخلفية، لحفظه كذلك ماركة السيارة وموديلها وسنة تصنيعها، والتي كانت في الغالب نفس السنة الحالية، لأنبانيا يحب تغيير سياراته بشكل دوري، حفاظاً على مظهره كرجل أعمال، تماماً كحرصه على أناقة ملبسه وغلو عطوره.

أما السبب الآخر في توقفهم عن السير والحديث، فهو ترقيمهم لاحتمالية ضربة حظ تهبط على رؤوسهم من السماء، وتجعل الشيخ يوقف سيارته عندهم كي يحظوا بالتسليم عليه، ذلك لأنه في أحيان كثيرة، أو في الغالب ربما، يكون مشغولاً جداً بأشياء أهم وأكبر وأكثر بكثير، لذلك كانوا يشعرون بامتنان وسعادة لا حد لها، إن اقتطع الشيخ (مصطفى) نفسه، بكل جلاله، شيئاً من وقته الثمين لأجل مريديه، رغم مشاغله التي لا تنتهي.

وربما لأن الليلة ليلة عيد، يجب أن يفرح بها المسلمون، بدا لأهل (عدن) وكان الله قد استجاب لدعائهم وجبر بخاطرهم، حين سمع السائر والواقف قرب الساحة، صوت سيارة الشيخ (مصطفى) يقترب منهم، فلا يصدقوا أنفسهم حين يجدهم يوقفها عند المجموعة تلو الأخرى من المريدين، أو حتى مرید واحد فقط يقف بمفرده.

كل واحد وكل مجموعة، وكما اعتادوا على الدوام، يقفون باحترام وترقب على جانب الطريق، داعين الله بحرارة بالغة في سريرتهم، أو حتى بصوت مسموع، أن يكون دورهم هو التالي، وألا يرحل الشيخ عن موضعهم قبل أن يسلّموا عليه، حريصين دوماً، بأدب علمه لهم قريهم منه، على ترك مسافة كافية بينهم وبين من يسبقهم، إن أراد أحدهم أن يسر أمراً للشيخ أو يشكوا إليه بئاً أو حزناً.

وربما فقط لأن الشيخ قرر في تلك الليلة التوقف للمريدين لسبب ما، ل حاجة في نفس (يعقوب)، ولا أحد يدري إن كانت الصدفة أم القدر، أم فعل فاعل من البشر، أو غير ذلك، هو السبب وراء تواجد تلك المجموعة الطريفة قرب الساحة في ذلك الوقت بالضبط، والمكونة من طفلين وأربعة من البالغين، أحدهم فتاة تحاول جاهدة إبقاء وجهه للاعب البوكر على وجهها.

- يلا عشان نسلم على عم الشيخ .. نسلم على بابا!

كذا هتف (هشام) محايلاً (مصطفى) الصغير، ومحاولاً حمله وإثناؤه عن العبث بحصى الطريق دون أن يجعله يبكي، والصغير يأبى إلا التذمر بطقولية، في حين وقفت (وعد) بأدب وترقب ممسكة بيد خالها الآخر ومتقدمة المجموعة معه.

أما (دنيا)، فقد كانت منشغلة عن كل هذا ببصرها الذي تعلق بالشيخ (مصطفى) و(صالح)، وتأرجح بينهما.الأول قريب منهم بدرجة تجعلهم يرون ابتسامته المشرقة من داخل سيارته، وهو يسحب يده كي لا يقبلها بعض المريدين، يتقبل مظاريفاً من البعض بشيء من الخجل والتواضع، صغيرة بحجم لا تسع معه إلا خطابات مكتوبة، أو أوراق مالية. والثاني لا يشي وجهه ولا عيناه بأي شيء وهو يقف صامتاً مبتسماً، بهدونه وصرانته المعتادين.

ومن ضمن من تقبل منهم الشيخ مطروقاً، وإن لم يسمح لهم بتقبيل يده، كانت (عايدة)، عمه (دنيا)، التي لمحتها في تلك اللحظة بشيء من الدهشة لعدم انتباههم لقبها منهم من الأساس، وإن رجحت أنها ربما لم تكن قريبة جداً بالفعل، وإنما هرعت مع من هرعوا نحو نقطة التجمهر التي يعرف الجميع أنها غالباً ما تكون محطة لوقوف الشيخ بينهم، أو أنها أصلاً كانت في الشاليه الخاص بها، والذي يقع قرب الساحة، وخرجت كعادتها مسرعة للحاق به، عند سماع صوت سيارته يأتي من بعيد.

الدور عليهم الآن ليقرب الشيخ منهم بسيارته، وليركض كل من الطفلين نحوه ليتقابلوا في منتصف المسافة بينهما، فيرفع كل من الأخين واحد من الطفلين كي يقبل يد الشيخ هو والطفل وهم يلفظون عبارات السلام والمباركة بالعيد، في مزيج من التأثر والفرحة والخجل، وبالغ الاحترام.

أما (دنيا)، فقد بدا أنها تؤخر دورها في السلام عن قصد، ربما ككل مرة يعصف بها خجلها الشديد، وربما لسبب آخر تلك المرة، ربما لمراقبة تعبيرات وجه (صالح)، الذي ظل لا يشي بأي شيء على الإطلاق، محافظاً في نفس الوقت على هدونه، يابتسامته الودودة ونظرتة المهذبة، بطريقة لا تعرف معها كيف يظهر مشاعرًا تبدو حقيقية أصيلة جدًا هكذا، و في نفس الوقت يخفي أي شيء يدل على ما يفكر فعلياً فيه.

انتجبت أخيراً نحو الشيخ حين لم يبق الدور سوى عليها وعليه، لم تدر لما انتابها شعور غريب هذه المرة، وهي تقدم على فعل أقدمت عليه مليون مرة في حياتها من قبل دون أي مشكلة، شعرت أن عيناً كاشفة تراقبها، وأن شيئاً ما يعترضها ليتزلق في جوفها ساحباً معه روحها للأسفل، كأنها على وشك أن تسقط مغمضياً عليها.

وفي النهاية، ودون طبعاً أن يتعني أو يقبل يدًا، ألقى (صالح) السلام باحترام وكبرياء على الشيخ الذي رد عليه بالمثل، قبل أن يمز رأسه لهم جميعاً مبتسماً وينطلق بسيارته مبتعداً، مخلقاً عاصفة صغيرة من الغبار على الأرض، وأخرى ماثلة في نفوس من لم يحظوا أسفين بالتسليم، حين تجبره مشاغله وضيق وقته على إيقاف سيل اللقاءات السريعة هذه، ويقرر التوقف عند مجموعة معينة، لأنه فعلاً لو ترك نفسه لشوق المريدين إليه، لما برح مكانه أبداً.

وشربت المدام من كف شيخي أمكرتني المدام سكرًا حلالا

- عم الشيخ شكله كده زعلان مني!

بأسف شديد وتأثر. خرجت العبارة من (عايدة) التي اقرتت منهم بعد رحيل الشيخ، وعيناها معلقتان بنقطة ما في الأفق هي تلك التي اخفت عندها سيارته. ورغم أن عبارتها تبدو لأي مستمع عادي غريبة غامضة، وغير مفهومة تحتاج إلى توضيح، إلا أن كل من الأخوة الثلاثة كان يفهم تمامًا ما قالته وما تعنيه، والذي فسرتة رغم ذلك قائلة العبارة التي يعرفونها جيدًا، وسمعوها أكثر من مائة مرة:

- سحب إيدى مني، ما رضيش يخليتي أبوسها

ورغم المائة مرة، على الأقل، التي سمعت فيها (دنيا) هذه العبارة، حتى لها، إلا أنها شعرت أنها تسمعها الآن للمرة الأولى، أو ربما ترغب في الاستفسار أو الاعتراض بجديّة عليها هذه المرة، وليس بتخاذل أو حرارة زائفة، ونوع من المجاملة لعمتها، حين تلقي عليها عبارات لا معنى لها ولا تقنعها هي نفسها بدرجة كافية، من نوعية، لا طبعًا، أوليس من الضروري أن يعنى هذا ذلك، ترغب في أن تهتف فجأة، ربما بالشيخ نفسه، لماذا فعلاً ترك البعض يقبلون يدك وتسحبها من آخرين؟

هل أصبحت الانتقيم عم الشيخ وما يقوله ويفعله؟ بابا الذي كان ثابتًا من ثوابت الدهر لديها، صار خاضعًا الآن للسؤال بهذا الشكل كغيره من البشر؟ هذا وحده كفيل بزلزلة إيمانها بكل ما تعرف، حتى وإن جاءت الإجابات كلها في صالحه.

قد لا يفهم (صالح) فكرة تقبيل اليد كلها، ولا هي تفهمها ربما، كل ما اهتمت به فيها كان غبطة خفية لأن الشيخ لم يسحب يده منها ولو مرة واحدة، وكل ما تعينه لها هو نوع من الاحترام ومحبة القريب، ربما شيء من نيل البركة كذلك، ولا أكثر من ذلك. فإن كان الأمر حقًا واحترامًا، والشيخ يسحب يده ممن يسحبها كنوع من التواضع مثلاً، فهل يتركها ترفقا على من

يتركها لهم؟ وإن كان طلبًا لبركة، فلماذا يمنع شيخ طارئة بركته عن أي من مردييه، وإن كانزعلًا منه في شيء؟

هذا هو الجزء الذي انتهت الآن إلى أنها لم تفهمه فعليًا أبدًا، حتى حين تحاول أن توليه جزءًا يسيرًا من اهتمامها وتفكيرها، محاولة إجابة أسئلتها عنها، يأتي عقلها إلا أن يرد خائبًا ليستولي قلبها على زمام الأمور، ويغفل روحها أكثر، في بحر غبطة المحبة المسكر.

البحر الذي لا تستطيع حتى الآن هجرانه نهائيًا وإن وقفت بشاطئه، وتركت مياهه تضرب ساقها دون أن تقوى على النزول فيه مجددًا لسبب ما، وهي تنظر لعمتها التي تبدو غارقة تمامًا فيه حتى العنق، والتي راحت تلمس شفيتها ووجهها بيدها التي سلمت بها على الشيخ، بتأثر يكاد يكون رومانسيًا، كأنها تتشمم بقايا رائحة يده فيها، وتقبلها بخفة ولا إرادية عوضًا عن تقبيل اليد نفسها، أما عيناها وجسدها كله، فقد كانوا ما يزالون معلقين بنقطة اختفائه في الأفق البعيد بشروء.

من له في الرجال شيخ كشيخي منحة الله قد حاز الكمال

- هو فاهم إن كل ده حقه، اللي انتقل له بموت أبوه وأخوه، وجاي بطالب به دلوقت

- هو ما طالبش بأي حاجة، ما أقرش حتى هو مين قدامنا عشان يبقى من حقه أصلًا يطلب أي حاجة

- أنا أسف .. بس مش هقدر أكون واحد من اللي بيتبرعوا لشيخ
ملياردير بأظرف مليانة فلوس، هم محتاجينها أكثر منه بكثير، وأنا كمان
اللي أوطي على إيدته أبوسها وأزعل لما يشدها مني، ولا عايز لما أخلف ابني
يطلع يجري ورا عربة الشيخ عشان يبوس إيدته

خلفت عبارة (صالح)، في أول لقاء لهما بذلك المقهى الهادئ، بعد
عودتهما من رحلة العيد في (عدن)، لمعة دموع في عيني (دنيا)، واختلاجة
خفيفة بين حاجبيها، يعلم جيداً أنها إيدان بيده هطول تلك الدموع من
مقلتها كالطر. سحب نفساً زفيره بقوة وهو يقول:

- أنا عند وعدي يا (دنيا)، ومش همتلك عن حاجة، لأنني مش هينفع
أتحكم فيكي، لكن لازم أتحكم .. في نفسي أنا

جاءت وقفة عبارته بفتة مع لهاث خفيف خفيض، وتهدج صوته في
آخرها وهو يغلغ عينيه بقوة تقلص معها جبينه كأنه يقطب في ألم، جعل
(دنيا) تكاد تقفز من مجلسها هلعاً عليه وهي تقول:

- مالك يا (صالح)؟؟

حاول تهدئة أنفاسه وهو يفتح عينيه ببطء ويرفعهما لينظر لها نظرة
غريبة شاردة، بدت مع ما قاله بعد ذلك، وكأنه يرجوها بحزم وإرهاق ألا
تقاطعها، أو كأنه ينظر خلالها وليس لها، يتذكر شيئاً، ولم يسمع ما قالتها
من الأساس:

- نفسي الأمارة بالسوء غلبتني مرة زمان، وخلصتني أعمل ذنب، من كبره
حاسس إني عمري ما هقدر أكفر عنه أبداً، مهما مد ربنا في عمري، خلاني

- وده اللي مخوفني يا (عثمان)، تفكرت ممكن يعمل إيه عشان يوصل
للي عايزه مادام دخل الدخلة دي؟ كده الموضوع ممكن يبقى أعنف وأسوأ
يكتير، لأنه مش ماشي في العلن بطريقة ممكن نعرف منها خطوته الجاية على
الأقل، خاصة إننا ما نعرفش مصير أمه، ممكن تكون ماتت هي كمان،
وبكدة يكون مقطوع من شجرة بيد، ما فاضلوش حاجة ولا حد في الدنيا
يبقى عليه، مستتبع وما عندوش حاجة يخسرهما، ومش حاسس بنوع من
الانتماء أو الامتلاك إلا لئزته من أبوه، لطريقته، لضريحه بالأرض اللي عليها،
ل(عدن) كلها

فدخلت المقام طوعاً لشيخي وارث المصطفى حقاً لا جدالاً

- أولها أمه، إنه داخل عامل نفسه بيحب بنتك وعايز يتجوزها، وقلها
عليك وعلينا وعلى الطريقة كلها، الله أعلم بقى ممكن يعمل إيه كمان، يقلب
المردين على بعض مثلاً، والطريقة ترجع تنقسم من جواها ثاني زي ما
حصل قبل كده مع (صادق)

وَدَخَلَ جَنَّتَهُ وَهُوَ ظَالِمٌ لِنَفْسِهِ قَالَ مَا أَظُنُّ أَنْ تَبِيدَ هَذِهِ أَبَدًا

- قصدك خاصة .. إن أبوه ما ماتش يا (مصطفى)

سُبْحَانَ رَبِّيَ هَلْ كُنْتُ إِلَّا بَشَرًا

أوهب حياتي كلها للحقوق، عشان أرد حق اللي اتظلم، لأن الحق لازم يرجع لأصحابه، وأنا لازم أكفر عن ذنبي زمان لما ظلمت

- هو فاهم إن كل ده حقته..

عاد قليلاً من شروده الغريب لينظر في عينها مباشرة بعينه التي لا تدري كيف جعلها الألم أعمق هكذا، وإما تزجت فهما الصلابة بالتعب، وكأنه لوح فولاذ هين ويتضعض لكنه لا ينكسر. ورغم طاعها له في عدم مقاطعته بقول شيء أو السؤال عما به، إلا أنها لم تستطع أن تمتنع عن التفكير في رغبتها أن تمد أصابعها لتمس جبينه الشاحب برق، وتزج الخصلات القليلة الناعمة التي تسربت من سواد شعره الكثيف لتهدل ملتصقة به. صمت هو قليلاً ليتنفس بعمق وهدوء كأنه يعطي نفسه راحة قصيرة ظل يحقق خلالها في عينها بعمق قبل أن يقول أخيراً:

- بهي صعب

عاد لفترة من الصمت أقصر من سابقها، وظلت هي على احترامها لما يريد ليكمل هو قائلاً:

- كل اللي بعمله ويقوله، كل اللي بعمله ويقوله، صعب حتى عليا أنا .. صدقيني

تهدج صوته وتلاحقت أنفاسه حتى بدا وكأنهم ينعشرون جميعاً في حلقه، ارتجف جسده قليلاً كأنه يسيطر عليه كي لا يدخل في نوبة تشنجية حادة، لتفقد هي أعصابها مركزة فيه وفي حالته، وملحمة عن كونها لا تفهم

274

حقاً ما يقوله، أو ما يقصده وبعبه بكلامه، لذلك هتفت رغماً عنها بصوتها الذي انحسر هو الآخر في حلقها من الذعر:

- (صالح)، مالك يا (صالح)؟ أأ .. أطلب الإسعاف؟ أنهه .. أنهه حد؟

بدأت عينها تدوران حولها بتوتر بالفعل كأنها تبحث عن نجدة ما، حين رفع هو يده قليلاً ونظر لها في صمت في إشارة حازمة راجية أن تهدأ وتصبح قليلاً، لتصمت مرغمة وهي تكاد تنفجر، وتتابع بعينها يده التي أنزلها ببطء ليستند مرفقها على الطاولة، ويستند رأسه عليها مغطياً عينيه، ومعتصراً جبهته بقوة، في حين تشنجت يده الأخرى كقبضة مضمومة على سطح الطاولة، لم تستطع (دنيا) إلا أن تمد يدها لترتبت عليها برق، فقط كي ترتاع من برودتها الشديدة، ولتجدد هو الذي يتمسك بأصابعها ويضغط عليها بقوة مرتجفة، وكأنه في صمت، يستمد منها عوناً، أو يرتجأها ألا تتركه.

كانه أنين أجش مكتوم، أو زئير ضعيف متالم ..

سالت الدموع من عينها بصمت وهي تنظر إليه، لا ترى عينيه، لكنها تشعر من انقباض كفه وأرتغائه أحياناً أن جسده يدخل في نوبات من التشنج، أو ربما هو من يشفق لضغطه على أصابعها عامداً كلما شعر بموجة أشد من الألم، كي لا تؤلمها قوته الشديدة، وفي الحاليتين، تشعر بمدى قوته، ومدى ألمه.

لم تعرف ما به بالضبط، لكنها قدرت أن له ألم يبكي منه الرجال كالأطفال الصغار، ويضرب العقلاء رؤوسهم بالحائط كالمجانين. رأت بعينها الحد الذي وصل له احمرار وجهه الأبيض، وزمة شفقيه التي ما عادت معها

275

القاهرة (2015)

- لأنا .. فعلاً عندي مشكلة مع الشمس والكوايبس، لكن..

وصمت قليلاً ثم:

- إنتي برضو عندك حق في إنه .. من حقدك تعرفي .. إن الصداع ده حاجة تانية فعلاً، وأنا كنت مخيبها عليكى

أشاح بوجهه ليشرد في النافذة الواسعة المجاورة لمقعده لتنعكس الإضاءة الداخلة منها على عينيه، ولتظهر في تلك اللحظة بلون الزرع، تلمعان كقطعتين من الزمرد، وهما تمتلنان بدموع ظهر أثرها طفيفاً في صوته الأجش الذي يح قليلاً في آخره، وكأنه كان يصرخ ألباً بالفعل، وهو يحاول جاهداً إخفاء كل ذلك، وهو يقول:

- ده ذنبى يا (دنيا) .. ده الظلم..

صمت لمدة سحب فيها نفساً يحبس به دموعه داخل مقلتيه على مايببدو، وتساءلت (دنيا) بقوة عما يعنيه، دون أن تجرؤ على كسر سيل حديثه الذي أكمله قائلاً:

- من كبره هفضل أتعذب بألمه ليوم الدين وباريته يكفى. الظلم ظلمات يا (دنيا) تؤلم الظالم كما تؤلم المظلوم

تراهما الآن، كي لا تخرج منه ولو آهة واحدة تثني عما بداخله، فعرفت من كل هذا أنه يضبط على شفثيه وكفها هكذا كي لا ينفلت منه صراخ عال محموم.

لكن الاحتمالات التي نبتت في رأسها عما يمكن أن يكون السبب في كل هذا، كانت جميعها مخيفة للغاية.

كانه شيء يزوم!

- آسف

لم تدر كم من الوقت مر قيل أن تفيق على هذه الكلمة وهي تخرج منه بصوت أجش مشروخ، وتشعر بيده وهي تنسحب عن يدها وتراجع إلى جواره ببطء. كان وجهه يبدو أفضل، وأقل احمراراً، لكنه بدا وكأنه عاجز عن النظر في عينها لسبب ما، كأنه خجل أو محرج منها. ورغم ذلك، وبعد أن أعطته فترة كافية كي يصبح لون وجهه أقرب للطبيعي، وتهدأ أنفاسه قليلاً، وجدت نفسها تقول بصوت حازم ووجه جاد:

- إنت مش بيعي لك الصداع ده زغلة من الشمس يا (صالح). ولا من قلة النوم عشان الكوايبس، إنت فيه حاجة مخيبها علي، من كبرها حاسة إن من حقي عليك إنى أعرفها

شعرت بوقع غريب للجزء الأخير من عبارته، وراحت تفكر فيه بشرود، حتى نظر لها أخيراً وقد عادت عينيه لتجفا من الدموع دون أن تغافله أنها وتنسل على وجهه، وهو يقول:

- أنا عندي ورم في المخ يا (دنيا) ..عندي سرطان

- ادى له العمة زمان وهو صغير..

..لقى رأسه بعد ثلاث أيام بالضبط خفت خالص من المرض..

- العمة دي فين دلوقت..؟

عدن (2015)

- عمة إيه يا بنتي، إنت بتقولي إيه؟؟

بشيء من الانفعال ونفاد الصبر ردت (دنيا) على أختها، موجهة حديثها لأُمها التي تجلس معها أيضاً، قائلة:

- العمة بتاعة الشيخ (آدم) اللي إنتوا بنفسكوا حكيتوا لي عنها، وقلتوا لي إنه إداها للشيخ (مصطفى) زمان وإنها شفته تماماً من مرضه. العمة دي..!

- لسه مع عم الشيخ ولاد..

278

- أنا شخصياً معرفش، وماليش إني أسأله في حاجة زي دي

- إنتي مرات أخوه

- مهما كان ومهما كانت صلتني به!

- خلاص كلمي (ياسين) واسألينه، أكيد هو عارف

في تلك اللحظة، وبعد أن كانت فقط تبدي تذمرها واعتراضها بلامح وجهها ومصمصة شفتيها، مع بعض الهمهمات المستنكرة التي لا تكون جملة مفيدة أو مسموعة بالكامل، انفجرت (نجوى) بانفعال شديد في وجه ابنتها الصغرى وقد احتقن وجهها بشدة، وهي تلوح بكامل ذراعها بعصبية، وتهتف بغضب:

- إنتي عايزة تجيبي لنا مصيبة؟! عايزة أختك تروح تسأل جوزها عن حاجة زي كده عشان يدبوا خناقة ويتعصب عليها وعلى العيال و...

كادت (نجوى) تضيف شيئاً لكنها صمتت لسبب ما ..

- ويا إيه..؟ كلمي ابيضن بها، مَش كده؟ مش هو ده اللي إنت خايفة منه؟ إن أخو الشيخ يضرها؟!

بدا وكأن أعصاب (دنيا) على وشك الانفلات، أو ربما انفلتت بالفعل، وهي تقول عبارتها التي تغير لها وجه (ميادة) في تلك اللحظة وشحب قليلاً وكأنها صدمت أو أخرجت، وإن لم ترد على أختها بشيء، في حين قامت (نجوى) بالمهمة على أكمل وجه وهي تهب من مقعدها يلع بعينها المتسعيتين.

279

ووجهها الذي ازداد احتقاناً وهي تلطم فيها بيدها هاتفة بصوت مبحوح خفيض:

- يخرب بيتك، وطي صوتك! إنني عايزة تفضحينا؟!!

بدا وكأن هذا هو هدف (دنيا) بالفعل، وهي تتجه بنفس انفلات الأعصاب نحو (ميادة)، التي لم تتوقع ما يمكن أن تفعله أختها، التي أزاحت سترتها عن كتفها بمرحة حادة لينكشف عضدها، وكأنها أزاحت ستاراً عن لوحة شديدة التعقيد كثيرة الألوان، اختلط فيها الأزرق بالأحمر والأصفر، والبنفسجي بالأخضر.

- إيه اللي في كتفك ده؟؟

لم تتمكن من إتمام عبارتها لشدة فزعها من منظره وهو يندفع فجأة نحوها بشراسة ليعتصر عضدها بين قبضتيه، ويدفعها بقوة حتى يرتطم ظهرها بالحائط خلفها بعنف، اصطكت له أستانها داخل فمها، حتى كادت تحطم بعضها البعض.

- إنتوا إزاي فاكربن إن محدش واخد باله من كل ده!

بات واضحاً أنها وصلت لنقطة اللا رجوع، وكان بها مس من جنون، انعكس بعضه في عينيها وهي تضيق:

- وإنني يا ماما كل اللي هامك إن جوز بنتك ما يتكدش عليها هي والعيال، لحسن يا عيني يناموا متضايقين، لكن خطيب الثانية؟ يموت

عادي مش مهم. هي الثانية دي تقرب لكوأ أصلاً؟ دي بس اللي بنتكوأ، ستنا (ميادة) رضي الله عنها

- إنني إيه اللي إنني بتقوليه ده؟؟

قالها (نجوى) فغضب مستنكر لتكمل وكأنها لم تسمعها:

- وعشان هي ربنا رضي عنها، اتجوزت من عيلة الشيخ، فرضيتوا إنتوا عنها، لكن أنا؟ أنا اللي اتجرت وأقلت عايزة أتجوز واحد مش من عيلة الشيخ، ولا من الطريقة كلها، وكان الطريقة دي مثلاً هي الإسلام نفسه، أو ماضية عقد احتكار معاه، أي حد براها في نظركوا بيبقى خارج عن الملة كلها، زي كده ما الناس عند طنط (عايدة) نوعين، يا ولاد طريقة، يا ولاد كلب!

- صليّ على النبي يا (دنيا) وكفاية كده

قالها (ميادة) ببطء وخضوت في محاولة تهدئتها أو إسكانها، إلا أنه بدا وكأن شيئاً لن يوقفها وهي تتابع قائلة:

- طب لو (ميادة) و(ياسين) اتجوزوا فعلاً عشان بس بيبحبوا بعض، زي ما إنتوا بتقولوا، مش عشان أي حاجة تانية، ولا فيه إجبار ولا أمر من أي حد لأي حد بأي حاجة، ف إيه المشكلة بقي إن أنا كمان أتجوز واحد بصبه؟ إنه ما يقربش للشيخ؟ طب ما تبقى الفكرة كده في القرابة للشيخ مش في الحب، و(ميادة) مثلاً كان حظها حلو إنها لما حبت واحد، ده لو كانت حبهتة أصلاً، كان الواحد ده يقرب للشيخ، وأنا بقي اللي حظي وحش، يا أتجوز واحد ما بيببوش، يا ما أتجوزش خالص

- مين قال كده؟ ما تتجوزي! إحنا أجبرناكي على حاجة ولا حشناكي عن

جواز؟!

قالتها (نجوى) بحدة لتثبت (ذئبا) عينها في عينها وتصمت، وهي تعيد تدوير الشريط مرة أخرى كي تسمع ما قالته أمها بشكل صحيح. أو ما قصدته بمعنى أدق، أنا لم أمنعك عن الزواج حين رفضت من اخترته أنا لك زوجًا، فليس ذني أنك إنت من اخترت بدلًا منه واحدًا قد تتعذبن بسببه طوال حياتك، ولم يعد في حياته هو أصلًا من بقية إلا سنوات معدودات، وربما أشهر.. أو أقل.

- ما يغلوش عليك، أنا وانت واحد يا (دنيا)

- بصيك..

وكانه في صمت، يستمد منها عونًا، أو يرتجأها إلا تركه.

- صبح، عندك حق، إنتوا فعلاً مش راقضين جوازي من (صالح)، إنتوا بس راقضين إن (صالح) نفسه يعيش
- أستغفر الله العظيبيم، إحنا هنتدخل في مين يموت ومين يعيش
كمان؟! دي حاجة بتاعة ربنا، والأعمار بيد الله
- إنتوا عندكوا طريقة تقدرؤا تساعدوه بيها ومش عايزين، إنتوا اللي حكيتؤا لي الحكاية بنفسكؤا
- يا ماما الحكاية دي ...

- الشيخ (ادم) كان ممكن يسبب الشيخ (مصطفى) برضو عيان ويقول دي حاجة بتاعة ربنا، ده حتى ما كانش يعرفه أصلًا

- ما عشان هو..

- إنتوا لسه قاعدين تحاولوا تبرؤوا ومش عايزين حتى تكلفؤا خاطركؤا ونسألؤا إذا كانت العمة موجودة أصلًا وإلا لا

- ما ينفعش ن..

- فيه واحد بييموت!!

صرخت بالعبارة فجأة بثورة فهبط صمت متوتر على المكان، لتعود هي وتقول من جديد بلهجة متعذبة باردة:

- وأنا بقى عايزة إثبات للحدوتة دي...

القاهرة (2015)

- طب أنا هسألك سؤال، ومش لازم تردني عليه بصوت عالي، كفاية إنك تجاوبنيه بينك وبين نفسك، بس تكوني صريحة معاها، حتى لو مش عايزة تبقي صريحة معايا أنا

- مين بس يا (صالح) قال إني مش..؟!

- الشيخ (مصطفى)، بتقولي إن له كرامات بجد زي إنه بيطير ويمشي على المية والحاجات دي، بتقولي إنك سمعت، فلانة حكيت، علان قال..

رغم سماعها للكثير عن كرامات الشيخ (مصطفى) وأنواره ..

ولي من أولياء الله، سمعت الكثير عن كراماته وعجائبه ..

- كلها حوادث..

عدن (2015)

- حدوتة إيه؟؟

تبادلتم أمها وأخها النظرات بتوتر وتساؤل وهما تنطلقان بالسؤال لتجيب هي بهدوء:

- حكاية العمة، وكل حاجة بقي من الأول، عشان أنا ما بقيتش فاهمة حاجة أصلاً. طب إنتوا زعلانين من (صالح) من غير سبب، ماشي، لدرجة إنكوا هتسيبوا مرضه يقتله وإنتوا تقدروا تشفوه منه نهائي عشان خايفين تسألوا الشيخ، برضو ماشي، بس يا ترى ده رأي الشيخ نفسه برضه، اللي إنتوا خايفين منه وعلى زعله قوي كده؟ لو الشيخ عرف إنكوا مستهينين بحياة واحد للدرجة دي، عشان بس محرجين تسألوه ينفع نحاول ننقذها وللا لا، هيعمل إيه؟؟

صبرتمنا تماماً وكانهم لا تعرفان كيف تردان. لتكمل هي:

- طب لو أنا فوت إن أخو الشيخ هاري مراته ضرب، وقلت ماشي، أخوه شيخ، هو مش شيخ، يا ترى بقى (الشيخ) عارف الموضوع ده وساكنت؟ وللا ما يعرفش أصلاً؟ وإنتوا برضو (محرجين) تتكلموا معاه فيه؟ بس معقول غوث الزمان نفسه، مستحي حد يقول له حاجة عشان يبدأ يتصرف

و(بيغيث) حد؟ ولي وعنده كرامات، ومش عارف إيه اللي بييجري في بيته، ومن أخوه؟

بدا وكأنما انفتحت ثغرة لكل من (نجوى) و(ميادة) أخيراً كي تتسع أعينهما وتنطلق كل منهما بلسانها محذرة:

- إنتي بتقولي إيه يا بنتي إنتي؟؟

- إعرفي إنتي بتتكلمي عن مين!

- عارفة، عن غوث الزمان! اللي مش بيغيث مرأة أخوه من اللي بيعمله فيها، هو ده الغوث اللي كنتوا عايزيني أتجوز ابته، مش كده؟ ده المصير اللي كنتوا عايزينه لي أنا كمان، آجي لكوا مبقة أزرق وأخضر، هو ده القرب من الشيخ

- محمسانني إن القرب من (صالح) بتاعك هو الجنة ونعيمها! إيش عرفك؟؟ مش يمكن يموتك من الضرب ويبيتك في المستشفيات والأقسام؟

- جميل! ساعتها هيبقى واحد فاسد وسموه عكس صفته بالغلط، زي ما فيه واحد وحش اسمه (وسيم)، وواحد يخيل اسمه (كرم)، واحد عادي فاسد، ما قالش في يوم إن فيه أي حاجة مميزة، لا قال إنه شيخ، ولا ولي، ولا يقرب لغوث

- إتلني ووطي صوتك ما توديناش في داهية!! إنتي مش فاهمة حاجة!!

كذا قالت (نجوى) بوجه امتزج فيه التهديد بالفرع وهي تنظر حولها بتوتر شديد في حين أكملت (دنيا) بنفس التحدي البارد:

- اللي إنتي بتعمله وتقوليه ده أكبر دليل على إنك بتداري حاجة وعايذة تسكتيني وخلص، مش فاهمة إيه؟ فهموني طيب، أنا عايذة أفهم موضوع

الضرب ده إيه؟ بتداروه كده ليه؟ عايزة أعرف غوث الزمان مش بيغيث الناس من بني قرايبه ليه؟ مش عارف وللا مش عايزه؟؟ ومش عايزه حد يسأل لي على حاجة، ولا يعمل لي حاجة، أنا هروح له المكتب بنفسي لو حكمت وأسأله، أفهم غوث الزمان لما أروح أقول له يغيث روح بني آدم، هيعمل إيه!

بدت (نجوى) وكأنها تلطم وتدب حظها بصوت خفيض، في حين اتسعت عينا (ميادة) وهي تتحدج (دنيا) بنظرة تهديد وتقول:

- بصي يا بنت الناس، إنتي عملي اللي إنتي عايزاه، تتجوزي (صالح)، تتجوزي فاسد، بكيفك! لكن تفضحيننا وتقصري رقبتنا قدام الشيخ، عشان أمك تتنقط وأبوكي يموت بحسرتة، لا!!

أفاقت (نجوى) من ولولتها لتتضم إليها في سيل التهديد، وتجهز على (دنيا) كأنما تريد طرق الحديد وهو ساخن، لتقول بعينين متسعيتين هي أيضاً، ولهجة وعيد مخيفة:

- ده أنا اللي لو حكمت يا بنت الكلب أقول لأبوكي يحبسك في البيت وما تخرجيش إلا ورجل واحد من أخواتك الصبيان على رجلك في الرايعة والجاية!!

لا تَخَفْ إِنَّكَ إِنْتِ الْأَعْلَى

على عكس ما توقعته، ورغم تحزبهما المخيف ضدها، بدت (دنيا) هادئة للغاية، حتى أنها جلست باسترخاء وعقدت ذراعها أمام صدرها، قبل أن تقول:

- أنا هاعمل معاكوا اتفاق..

بتساؤل نظرتا لها فأكملت:

- هتجوز (محمد)

انتظرت قليلاً كأنما لترى تأثير وقع كلامها على وجهها اللذين تصلبا بذهولٍ وحيرةٍ لتضيق هي:

- بس على شرط..

الظلم ظلمات يا (دنيا)، تؤلم الظالم كما تؤلم المظلوم

- إني أقتنع إن هكون بتجوز ابن غوث الزمان فعلاً، لأنني حقيقي بدأت أشك في الموضوع ده، والسبب في كده إنتوا، مش أي حد ثاني، لأنني والله لحد اللحظة اللي قبل كل ده ما يحصل، كنت لسه مقتنعة بمكانة عم الشيخ، ولو شوية، لكن دلوقت، أنا شاكة أصلاً إنه شيخ، بسبب موضوع العمه ده، من أول رفضكوا لإتقاذ حياة واحد بيموت، أيًا كان هو مين، لحد منعكوا لي إني أروح أنا حتى أحاول أنقذه، ولدرجة تهديدي بالحبس، اللي إنت تقدرودا تعملوه فعلاً، بس هتبقوا بتلثبوا لي شكوكي أكثر، وبتخسروا شرط جوازني من (محمد) على الفاضي

بدا على كل من (نجوى) و(ميادة) ما يشي بأنهما ترغبان في قول شيء ما، أو التعقيب على ما قالته، إلا أنهما ظللتا صامتين في شيء من الحيرة وكأنهما لا تجدان ذلك الشيء، لتعود هي وتكمل بهدوء بالغ:

- ما هو الاستماتة في المنع دي من الآخر، يا تدبنكوا يا تدين الشيخ، وملاهش غير معنى من أربعة..

- الأول .. إن الشيخ ممكن ينقذ (صالح) فعلاً، وانتوا اللي بجعد عايزين تسيبوه يموت، وساعتها يا ماما أنا مش هستغرب لو حبسيتي في البيت فعلاً لجد ما خطيبي يموت من السرطان، إن ما قتلوش ألمه قبلها، عشان ما أروحش أحاول حتى أنقذه، متوقع إيه من أم مستعدة تسيب جوز واحدة من بناتها يموت عشان الثانية جوزها ما يتخانقش معاها؟

- الثاني .. إنكوا عارفين إن هو اللي مش عايز ينقذه وهيسيبه يموت، وساعتها هيبقى عيب قوي تحاول تقنعوني إن ده ممكن يبقى (غوث)، وإلا لو هو شيء عادي إنه يرفض، بتمنعوني أروح أسأله بنفسي ليه؟ إحبسوني واثبتوا لي التهمة عليه أكثر، الاتفاق كده كده بالاحتمال ده هيبقى لاخي، لأنني بصراحة مش مضجعي واتجوز واحد ما بحبوش، وفي الغالب هيضربني ويهدلني، وهو راجل عادي، وأبوه راجل عادي، يعني يبقى فيه حاجة أضحي عشانها طيب، لكن بهدلة من غير سبب كده، ليه؟ بهدلة بهدلة بقى، أتهدل على كيفي أنا، مش على كيفكوا أنتوا

يا غيات المستغيثين أغني

- متفضلوا حابسييني ومانعيني أتجوز (صالح) أو أنقذه؟ طب لحد إمتى؟ لما يموت؟ وده هيلخلكوا تقدرنا تجبروني أتجوز (محمد) مثلاً؟ حتى بعد ما (صالح) يموت؟ لأ طبعا، خسارة! كان ممكن أتجوزه بكيفي لو كنتوا أثبتوا لي إن أبوه غوث الزمن، بإنكوا بس ما تسيبوش (صالح) يموت، لكن إنتوا رافضينه وكارهينه لدرجة إنكوا فعلاً تفضلوا إنه يموت، وأنا ما أتجوزش خالص، عشان مش عايزين قلق ووجع دماغ، على إنكوا تحاولوا حتى تنقذوا حياتاه، حتى لو مش هتجوزه، وحتى لو ده أثبت لي مكانة الشيخ نفسه، وخلاني أوافق أتجوز ابنه عشانها

القاهرة (2015)

- لكن هل عمرك إنت بتفسك، أثبت أو شوفت له بعينك، أي كرامة؟

عدن (2015)

- الثالث .. إن الشيخ (ما يقدرش) يعمل حاجة، مش مش عايز، لأن مفيش عمه أصلاً أو إنها ما بتعملش حاجة، والحكاية كلها ما حصلتش، وساعتها هيبقى غوث الزمان .. كداب!

- إنتي يا بت إنتي بتقولي إيه إنتي إتجننتي!!

قالتها (نجوى) بانفعال في حين هدأت (ميادة) صوتها وهي تقول بلين كأنما تقنعها بالمنطق:

- وليه يا بنتي؟ مش يمكن العمة موجودة فعلاً بس مش معاه؟؟

- صح، ما هو ده الاحتمال الرابع..

نظرتا لها بعيرة وقلق وتوتر وهي تتابع:

- العمة دي كانت عندك الشيخ (آدم)، وبموته المفروض إنها انتقلت لخليفته أو وريته. طب إزاي الشيخ (مصطفى) يبقى وريث علم الشيخ (آدم)، وخليفته في أحقية مشيخة الطريقة كلها، وهو غوث الزمان أصلاً، والعمة دي مش معاه؟!

صمت تام، ووجوه ممتعة.

- الشيخ (آدم) ما ساهالوش ليه لما هو خليفته؟؟ طب هي فين؟ سايبها لمن؟ للي المفروض بقى.. يبقى خليفته الحقيقي مثلاً؟؟

- الظلم ظلمات، يا (دنيا) تؤلم الظالم كما تؤلم المظلوم

(18)

عدن

- هو ده اللي كان عايز يوصل له من البداية..

القاهرة

- إيه؟ أنا؟؟ أنا أعمل حاجة زي كده؟!

عدن

- لأ ولعيا صح قوي، عرف إزاي يزقنا في خانة اليك

القاهرة

- لأ يا (دنيا)، لأ!!

عدن

- طب وبعدين هتعمل إيه؟ هنسلم له العمة والطريقة وكل حاجة كده

عادي؟؟

- لأ وإنت الصادق دا إحنا هنبقى بنسلم له رقبتنا، مش مجرد عمة

ومشيخة طريقة

- ما ده اللي أنا بتكلم فيه يا (عثمان)! ما إنت عارف العمة دي تقدر تعمل إيه..

- تمنحك من الممد ما لا تمنحه لغيرك، وتمنكك مما لا يتمكن منه
سواك..

القاهرة

- مش عايز!

- ليه بس يا (صالح)؟؟

قالتها (دنيا) بحسرة الدنيا كلها ليرد هو قائلًا:

- كده أنا حر! دي حياتي ودي دماغي وأنا حر فيها، مش معقول أبقى
مش قادر ألبسها المنطق بتاع شيخك وطريقته، وأروح حرفيًا ألبسها العمة
بتاعته!!

عدن

أنا عارف كل حاجة يا (مصطفى)

قالها (عثمان) بوجه جامد قليلًا ولهجة غريبة، وهو ينظر في عيني
(مصطفى) بثبات أشعر ذلك الأخير بالقليل من عدم الراحة رغم هدوئه وهو
يقول:

- و(دنيا) ..؟

- مالها (دنيا)؟

تبادلت النظرات الثابتة الغير مريحة بينهما قبل أن يعود (مصطفى)
ليقول:

- عارفة كل حاجة برضه؟ عارفة (صالح) ده يبقى مين وأبوه مين؟

القاهرة

- يا (صالح) والني! ده أنا ما صدقت أقنعهم في البيت ع..

تقطب جبينه قليلًا في شيء من الضيق أو التساؤل وهو يقاطعها قائلًا:

- تقنعهم؟؟

بلوعة ردت:

- أيوه، أنا حاربت! حاربت واهتددت بالحبس عشانك، أنا حتى فهمتهم
إني.. إني..!

لم تستطع إكمال عبارتها لتطرق برأسها هاربة بعينها منه ليستحفا هو
على الإكمال سائلًا:

- إنك إيه..؟؟

- متجوز (محمد)..

صمت كأنما هيطلت على رأسه قنبلة وتحجرت عيناه بشكل غريب،
لتندفع هي بصوت انعكس في كل حرف منه، كل الدموع التي بدأت تتكون في
عينينا المحققتين بها، قائلة:

- أنا .. أنا لا يمكن أعمل كده بجد! لا يمكن!! أنا كنت بقول لهم كده
وخلص والله، في مقابل إن .. إن الشيخ يتقد حياتك..

عدن

- ما أظنش، لأنها مستقلة ومقتنعة فعلاً إنه عنده ورم وبيموت،
وشكله كمان مفهمها إنه هو اللي مش عايز حاجة أصلاً، ورافض الموضوع
كله عشان دي كلها خرافات وخزعبلات، في دي دلوقت اللي بقى لها مدة قاعدة
تتحايل عليه وتقعنه عشان يتكرم ويوافق يشرفنا، وده طبعاً مخليها تصدقه
وتستقتل عشانه أكثر

القاهرة

- مش عايزه ينقذني، مش عايز حد ينقذني، مش عايز حاجة .. مش
عايز حاجة من حد..

ظل يردد عباراته بشرود وعينين غائمتين أفزعناها ليزداد انتعابها أكثر،
وهي تنظر له عاجزة عن قول أو فعل أي شيء، حين أغمض هو عينيه فجأة
بألم وتقطب جبينه بقوة، كأنه تلقى لكمة في وجهه، قبل أن يسند مرفقيه
على طاولة المقهى الصغيرة بينهما، ويسند وجهه بيديه مخفياً إياه بين راحتيه
المفتوحتين، ويرتجف، بطريقة لم تعرف معها، وهي تنظر له بين غيام عينها
الدامعتين، إن كان يبكي أم يتألم أم يتشنج، أم كل ما سبق.

عدن

- بس اللي إنت حكيتة لي عن كلامها بيقول غير كده، بيقول إنها عارفة
وبتلمح كمان، وإنت فاهم..

- فاهم إيه؟؟

القاهرة

- أنا عارفة، عارفة وفاهمة إن اللي قلته صععب قوي، بس إنت كمان
لازم تفهم حاجة مهمة قوي..

كانت قد انتظرت حتى زال الارتجاج عن جسده أو كاد، لتقول عبارتها
تلك بصوت، حاولت نبرة الثبات شق طريقها فيه بين أثر الدموع، وليعتدل
هو ببطء رافعاً عن كفيه وجهه المتسائل بصمت، الخالي من أي أثر لدموع
ولو حتى جافة، ورغم ذلك يتنافس كل من بياض بشرته وعينيه نصف
المغلقتين، في درجة الأحمرار بينهما، فتعود هي لتكمل:

- أنا زي ما وصلت مع أهلي لدرجة إني أحط جوازي من واحد غيرك،
مقابل إنهم ينقذوا حياتك، ممكن كمان أوصل معاك لدرجة إني أحط
حياتي أنا كلها، في مقابل حياتك، بس المرة دي هكون صادقة معاك، مش
بتكلم وخلص زي ما عملت معاهم

- يعني إيه؟؟

- إنت عايز تقول إن (دنيا). عارفة ومتفقة على كل حاجة معاه؟! عايز تقول إن بنتي، بتتأمر مع خطيبها ضدي، وضد الطريقة التي اتربت جواها؟!!

- بنتك هي اللي جابتها لنا ودخلته عقر دار الطريقة دي يا (عثمان)، عارفة بقى وللا مش عارفة

- لا مش عارفة! دي بنتي وأنا عارقها كويس، ما تعملش كده، وإنت كمان عارف، مش هي اللي تعرف تخطط وتدبر كده يا (مصطفى)، إنت عارف كويس مين اللي بيعرف يخطط ويدبر ويتفق

- من شابه أباه فما ظلم

- هو! هو اللي ضاحك على عقلها ولأعياها صح زي ما قلت لك، إنما (دنيا)، (دنيا) غلبانة وعلى نياتها ومالهاش في الكلام ده، هي بس اللي عاملة مستقيمة ومستشهادة في العجب زي بتوع الأفلام، ده إحنا دافنينه سوا

- شكله هيقلبنا إحنا كمان على بعض وللا إيه يا (عثمان)?

- أنا برضو اللي يقبل!؟

- مش وقته الكلام ده وخلينا في المصيبة اللي إحنا فيها

- أنا مش فاهم إنت ليه أصلاً مقتنع إنه ابن (ادم)، وباني كل ده ده

شوية تكينات

- مش ممكن يكون كل ده صدفة

- وفي نفس الوقت مفيش أي دليل حقيقي عليه

- أنا مش هجازف على احتمالات

- وأنا مش عارف ليه عندي إحساس غريب إن كل ده غلط

القاهرة

- إنتي بتقولي إيه؟؟ إنتي كده تبيقي بتصلعي غلط بغلط! بتصلعيه بمصيبة! مش بتصلعيه حتى أصلاً!!

لم تجاوب انفعاله بانفعال مماثل وهي تقول بنفس الثبات:

- غلط؟ ما كل اللي أنا كنت عايشة فيه طول حياتي ومقتنعة جداً إنه الصبح الوحيد في الدنيا أصلاً، طلع غلط .. تفكر هيبقى فيه معنى ثاني عندي للصبح والغلط؟

عدن

- الغلط فعلاً إننا نسيب حاجة للظروف، ونحكم بالأحاسيس ونقول

يمكن

لم يصيب (عثمان) وإن ارتسم في عينيه تأثير ضائق بتعليق (مصطفى) الذي تابع:

- أنا بفكر نكشفه على حقيقته قدام بنتك

- يعني إيه؟

- هو كلامها المنقول من كلامه عن الورم والسرطان اللي في مخه ده إيه؟

مش شوية كلام عشان يوصل للي هو عايزه وخلص؟ حد شاف ورقة ولا تقرير ولا أي إثبات إنه عنده كحة حتى؟؟

وكل سعة يتشجع لها جسده ..

القاهرة

- (دنيا) من فضلك ما تهزريش في حاجة زي كده! إنتي أكيد ما بتتكلميش جد!! أنا عارف إن..

- إنت عارف وأنا حاكية لك تاريخ حياتي كله، حاكية لك إني حاولت أنتحر قبل كده، كذا مرة، بس للأسف عمري ما نجحت ولا مرة، يمكن عشان كان لسه عندي أمل إن حاجة كويسة تحصل في حياتي، اللي لما إنت ظهرت فيها، اتمسكت أنا بيها قوي، ومحاولتش ولا فكرت حتى أموت وأنا معاك، ولا مرة

لم تحسب نفسها يوماً من الملاحظات في هذه الدنيا، بل كثيراً ما شعرت أن حظها قليل جداً، أقل على الأقل من أغلبية أقرانها، لكنها الآن تشعر وأنها فهمت لما كان كل ذلك، لأن الحظ كان مختزناً لها مع (صالح)، معه حصلت على نصيبها الكامل منه، وربما أكثر قليلاً..

بدأت الدموع تنسرب إلى صوتها وعينها رغم محاولاتها في الحفاظ على ثبات وجهها، وقد ارتعش جانب شفتها بشبه ابتسامة، لا تفهم إن كانت تضي بسخرية مريرة أم حنين لذكريات، وهي تتابع:

- كنت فاكرة إن الدنيا صالححتي بيك، ما كنتش فاهمة هي كانت ليه ظالمة معايا قوي كده قبلك، بس بعدك لقيت نفسي أصلاً مش مركزة معاها قوي، ومستعدة أسامحها على ظلمها اللي فات كله من غير ما أسألها حتى

كانت ظالمة ليه، مستعدة أستحمل ظلم زيادة منها كمان .. بس إنت تبقى فيها .. معايا

لم يجب بحرف واحد وهو يتطلع إليها بعينيه الواسعتين التي شعرت هي أنها تود لو تلقي نفسها بين أحضانها وتهاج باكية هيبستريا للأطفال، متشبثة بأهدابه الطويلة، مختفية في كثافتها، رافضة الخروج كي لا يتعد عنها أبداً، رافضة الاعتراف حتى لنفسها أنها قد لا تراهما ثانية .. أبداً. فحتى عندما يطبق جفنيه للمرة الأخيرة، ستكون هي بداخلها كي يطبقها عليها معه. لكنها قاومت رغبة اليكاه الهيبستري تلك بأقصى ما استطاعت، وإن تكسرت حروفها ومخارج ألفاظها بسبب ضغطها الشديد على أعصابها، وهي تعود لتقول:

- لكن دلوقت .. أستحملها ليه؟ هيبقي فاضل فيها إيه .. أو مين، أستحمل عشانه أي حاجة؟ أهلي؟ تفكر أنا ما كنتش حاسة من زمان بحقيقتي وسط عيلتي وعند أبويا وأمي مقارنة ببقية إخواني؟ حتى (هشام) اللي مش طايقينه، بيعاملوه أحسن مني، وبيباخد اللي هو عايزه دايماً في النهاية، رغم إن هم كانوا أغلى حاجة عندي في الدنيا، وفضلوا غالبين علي قوي، رغم كل اللي بيعملوه، كل اللي زاد دلوقت بس إني شفها بعيني، سمعت أومي يودني وهي بتقول لي اترملني قبل ما تخشي دنيا معلش، عشان أختك ماتتخانقش مع جوزها .. فما بقيتش قادرة أكمل، ولا أمثل، ولا أكذب على نفسي أكثر من كده

فضضعت أسنانه وأن قليلاً بصوت خفيض ..

- خلاص فهمها إنك مش مصدقه فعلاً وعابز دليل على كلامه لأنك خايف تكون مراية حها عامية ومش مخلياها تشوف الحقيقية

- ومين قال إن أنا مش مصدقه؟

القاهرة

- ماعادش ينفع أصدق كدهم عليا، ولا كديي على نفسي وأنا معاهم، ما بقاش فيه حقيقية أعيش عشانها يا (صالح)، حتى لو قلنا إن الدنيا أكيد فيها حاجات غير أهلي، والطريقة .. وغيرك .. بس كلها حاجات عبيطة قوي، أصغر وأتفه بكثير من إن الواحد يقدر يتسند عليها هي بس، من غير لا أهل ولا حبيب ولا انتماء، عشان يكمل ولو يوم واحد من حياته، مش بقية حياته كلها

عدن

- نعم؟!

- أنعم الله عليك يا مولانا، مش إنت برضه اللي المفروض ما تغليبش، ولا تحتاج لورقة ولا تقرير، عشان تعرف تقرر إيه هي الحقيقة بالضبط؟

ثبت (مصطفى) عينيه في عيني (عثمان) بعد عبارته في صمت لثوانٍ، قبل أن يقول ببطء وخموت:

- مش قلت لك هيقبلنا على بعض إحنا كمان؟

- أنا بحاول أساعدك وأساعد نفسي، مش بقلب، وقلت لك قبل كده مش أنا اللي بقلب، ولا يرجع في كلامي عشان حسابات أو أسباب شخصية،

- تفنكر بقى هيبقى شكله إيه قدامها، ولا هيبقى إيه إحساسها هي، لما تعرف إنه حرق قلبها عليه وعمل فيها كل ده، وهو كذاب وبيمثل؟

- ده على أساس إنها ممكن تروح تقول له، حتى لو أقتعناها بشكل ما، والتي بس هات لنا ورقة مختومة من اتنين موظفين تثبت إنك عيان وبتموت بجد عشان الشيخ يرضيا ينقذ حياتك؟

القاهرة

- أستحمل أعيش إزاي دلوقت؟ طب أشتكهم لمين؟ ولا أطلب من مين ينقذني منهم وهم أهلي؟؟ (عم الشيخ)؟! اللي كان تاني أهم حاجة عندي بعدهم هو والطريقة، والتي راحت مني هي كمان خلاص لأنني شوفتها على حقيقتها من بره، رغم إنني كنت شايفها قبل كده، زي ما كنت شايفة حقيقة أهلي، بس من جوه، ويكذب على نفسي فيها، زي ما يكذب عليها معاهم

عدن

- وإنت هتغلب تلاقى سبب مقنع لحاجة زي دي يا (عثمان)؟ اخترع لها دكتور شاطر ولا قول لها إن دكتور (أحمد) اللي فيلته لازقة في فيلته، عابز يبص على حالته عشان ممكن يساعده - وهي عابزه دكتور يساعده يموت بعد سنتين بدل سنة ونص؟ ولا عمه تعرف إنها ممكن تشفيه من مرضه تمامًا أصلاً؟

اتسعت عيناه قليلاً كأنه ضائق أو غاضب قبل أن يقول:

عشان كده هعمل اللي في مصالحتك مهما كان، لأنه من مصالحتي أنا كمان،
ومن مصلحة الطريقة، ومصلحة بنتي نفسها

- إنت عايز تقول إيه يا (عثمان)؟

القاهرة

- اللي أنا بقى عايزة أقوله لك .. إن أنا لو مت فعلاً .. فمش بس هيكون
بسبب موتك، وخروجك بيه من دنيتي، لكن هيكون كمان عشان الموت ده
سحب حياتي كلها وراه، وقتل بعده أي سبب تاني في الدنيا دي .. كان ممكن
أعيش عشانه

عدن

- اللي عايز أقوله فعلاً مفيش لازمة من قوالته، ولا ده وقتها، لكن اللي
لازم عمله إني أنهك لحاجة إنت مش واخد بالك منها

القاهرة

- مش فاهم

قالها بيجين مقطب بطريقة تأرجحت بين التساؤل عما تعني، والانزعاج
مما ظن أنه فهم أنها تعنيه، لتقول هي وهي تيكلي:

- كل ده حصل بسببك إنت! حتى لو ما كنتش تقصد .. ما أقدرش
أحملك ذنب إن إنت اللي خليتني أكتشف إن حياتي كلها غلط، لأن ده في حد
ذاته المفروض يعتبر خدمة مش إساءة، ولو ظاهرنا على الأقل، لأنه فعلاً
مخليتي من جوه عايزة أصرخ وأقول لك ما تثبتليش مصيبة وبعدين تموت

وتسيبني عايشة وحدي فيها! لكن من بره مقدرش، لأن أنا بقى من الأساس
اللي عرفتك على المصيبة دي، وحاولت أدخلك فيها، فمش ممكن أبداً يكون
ذنبك إنك بس إثبتت لي أسباب رفضك لشيء، أنا اللي عرضته عليك

عدن

- مش إنت اللي قلت ما نجافش باحتمالات ولا نسيب حاجة للظروف
ونقول يمكن؟ طب إزاي مش واخد بالك من احتمال بديهي ووارد جداً، ولو
حتى بنسبة بسيطة قوي؟

القاهرة

- مش إنت بتعاق الحقوق؟ أنا بقى عايزة حقي! ومن حقي أحملك ذنب
ثقتي وإيماني بكل شيء، اللي آخر قشة فهمم اتحطمت وأنا بحاول أنقذ
حياتك، وإنت رافض بس عشان تثبتت لي إني بحاول في حاجة غلط! ذنب
إنك مش بس عايز تثبتت لي المصيبة وتموت وتسيبني فيها، ده إنت عايز تثبتت
المصيبة دي أصلاً بإنك تسيبني وتموت!!

تضرب رأسه كمطرقة من حديد...

عدن

- إن حتى لو افترضنا إن ده (صالح آدم عبد العلي) بجد، وجاي ياخذ
مشيخة الطريقة فعلاً، فإيه اللي يمنع إن يكون عنده سرطان في المخ برضو؟

وتفتكر هيبقى شكلنا إحنا إيه أو .. شكلك إنت يا مولانا، قدام الكل ساعها .. لما يموت؟

صمت الشيخ للحظات حدج فيها (عثمان) بعد عبارته تلك بنظرة غريبة وقد تقطب جبينه قليلاً وهو يقول:

- إنت مالك زي ما تكون واثق من معلوماتك عنه بزيادة كده ليه يا (عثمان)؟

القاهرة

- كفاية يا (دنيا) ...

عدن

- بزيادة يعني إيه؟؟

- يعني الأول تقول لي مين قال إن أنا مش مصدقه، وبعدين تقول ما يمكن عيان بجد، إنت كأنك عارف ومتأكد إنه عيان

- هتأكد إزاي؟ أنا زي زس!

بتر عبارته وكان الدور عليه تلك المرة كي حدج هو (مصطفى) بنظرة صامته ثابتة لكن متصلبة، وكأنه يمنع عينيه وملامح وجهه من إعطاء تعبير معين، قبل أن يعود ليقول بهدوء:

- لأده قلبنا على بعض بجد بقى..

- إنت اللي بتتكلم بطريقة غريبة كأنك في صفه

- أنا في صف الطريقة، وفي صف اللي في صف الطريقة

- كل حاجة بتقولها بقى كأن لها معنيين يا (عثمان)

- مش هلموك .. لك حق تشك في أقرب الناس لك

قالها وهو يثبت عينيه في عيني (مصطفى) بقوة تلك المرة وكأنه يود الدخول إلى أعماقه، وبإدله هذا الأخير النظرة قبل أن يقول:

-وأنا بس اللي كده؟

سحب نفساً قصيراً كأنه يتهدد قبل أن يقول بنبرة فيها لمحة من الضيق ونفاد الصبر:

- لما تواجهه قدام الناس وهو كذاب، أحسن ما تستخى وبيان صادق ومظلوم

- فإكر إنت بقى لما واجهنا (صديق) بجد والعمه معانا مش معاه؟ فإكر كان هيجصل لنا إيه لولا ستر ربنا؟ تخيل بقى لو أديت العمه دي لأخوه بإيدي، شوف إنت كده يقدر يعمل بها فينا إيه..

سُبْحَانَ رَبِّيَ هَلْ كُنْتُ إِلَّا بَشَرًا

القاهرة

- مش هقدر أشيل ذنبك ولا ذنب أي حد تاني، وأنا على كتابي حمل ذنب واحد بس من زمان قوي، لسه ما كفرتش عنه لحد دلوقت، لكن إنتي .. إنتي بالذات حاجة تانية يا (دنيا) .. إنتي الدنيا

- مش أنا بقول لك الأحسن تواجهه قدام الناس لو هو كداب؟ ما هو
لأن المواجهة دي هي اللي هتثبت كديه قدامهم، ونبقى إحنا اللي زنقناه مش
العكس

- قدام مين؟

- كل الموجودين وأنت بتدي له العمه

- مين اللي قال إن هيبقى فيه حد موجود؟

- مين اللي قال إن مش هيبقى فيه؟

- هو مش هيبقى عايز كده طبعاً

- هو بيقول إنه مش عايز بيحي أصلاً

- إنت عارف إنه كده كده جاي

- بس عامل نفسه رافض، وشايف إن دي خرافة، فمش طبيعي أبداً،
إنه لما يعمل عاصر على نفسه لمونة عشان يوافق، ولا حتى موافق بجد تعلقاً
برغبة وأمل في الحياة مثلاً، يقول بس على شرط، الشيخ يعمل لي الخرافة
وأنا وهو لوحدها، كده هيبقى هو اللي مثير للشك، ومدعاة للتساؤل عن
سبب اشتراطه لحاجة زي دي

- وبيان مظلوم برضه لما (دنيا) تقول إنتوا بتدلوه وتشرطوا عليه ليه
حرام عليكموا

- ومين قال إن إنت هتشرط؟ إنت هتوافق عادي والموضوع هيمشي
طبيعي، لو هو اللي اعترض وطلب حاجة تانية بعينها، يبقى هو اللي غريب
وبيتشرط، مش إنت

- مش هيقدر يعمل أي حاجة

- إزاي؟

القاهرة

- حيي لك بيقوي ساعات، ويخليني صح حتى لو مش على هواك، لكن
بيضعفني ساعات أكثر، ويخليني أنا كلي اللي على هواك

قلبي يُحدِّثني بأنك مُتلفي، روجي فداك عرفت أم لم تعرف

- هو أصلاً عايز إيه من ورا كل ده المفروض؟

- مشيخة الطريقة

- وعشان ياخدها، لازم (بزيحك) عن الطريق طبعاً

قطب (مصطفى) جبينه قليلاً في صمت ضائق أو متساؤل، في حين تابع
(عثمان):

- بس تفكر ممكن يؤديك قدام الناس اللي عايز يبقى شيخهم؟

- مش فاهم

- ولما يروح بالعمه عشان تقعد على راسه ثلاث أيام؟؟

- أنا اللي هقول لك برضه يا (مصطفى)؟ إنت ناسي إنك ممكن تخلها
تعمل في ساعة واحدة اللي بتعمله في ثلاث أيام، لو قرئت عليها الحزب
السيقي؟

هل السر في الرجل، أم العمامة، أم الإثنين معاً؟

فيها أم في الشيخ (آدم)، أم الشيخ (مصطفى)، أم في الثلاثة معاً؟

- ويمكن ما تعملش حاجة خالص حتى لو قعدت عشرة أيام وإننت
عارف

- بالضبط، لأنها عمه الشيخ (آدم)، عشان كده لها وضع خاص وهي
معاه هو بالذات، مختلف خالص عن أي حد ثاني، بس إنت هتبقى عملت
اللي عليك، والحكاية مش سحر فعلاً، ما كل حاجة في إيد ربنا في النهاية
وأحنا بس بناخد بالأسباب

- أدبك قلتها بنفسك، العمه مع الشيخ (آدم)، أبوه، كان لها وضع
خاص

- وهي دي حاجات بتتورث زي الأملاك؟

- طب إفرض جازف قدام أي حد بأي حاجة

- أظنه أذكي من كده

- أنا برضه مش مطمئن، إفرض راوغ مثلاً ولا زنقنا ثاني بأي طريقة، وهو
دائماً اللي سابقتا بكذا خطوة

- ما هو مادام عدوك مرواغ، وسابقتك بكذا خطوة، يبقى مش هينفع
معاه أي مرواغة منك، الحل إنك تمشي عدل قوي، عشان هو اللي يختار..
والباقي سيبه على ستر ربنا

القاهرة

- المرة دي هابقي كأني الاتنين مع بعض، هامشي في السكة اللي إننت
عايزاها عشان أولها على هواك، رغم إن آخرها مش هيبقى عليه، بس أنا
اللي عايز أوصل له لأنه الصح

- وأنا مش عارف ليه عندي إحساس غريب إن كل ده غلط

الليلة الكبيرة

في يوم عادي، وفي قاعة المناسبات الخاصة بمبنى الزوار على مدخل (عدن)، بدت الليلة كمناسبة عادية هي كذلك، كواحدة من ليالي الموالد التي تقام أحياناً في المكان، ولم يكن عدد الحضور قليلاً على الإطلاق، بل أكثر حتى مما أمل فيه الشيخ (مصطفى) و(عثمان). لكن أحداً لم يتكلم عن الأمر بتفاصيل كثيرة، الفكرة العامة تضمنت أنها ليلة ذكر سيقمها الشيخ ويحضرها خطيب ابنة تائبه، وإن تسرب خبر هنا وهناك، عن أمر العمامة. البعض شعر بشيء من الفضول بكل تأكيد، لكن الكثيرين كذلك حضروا فقط إتياعاً لقلوبهم، وحباً للشيخ والحضرة والذكر.

فَيَوْمَئِذٍ لَا يُعَذِّبُ عَذَابُهُ أَحَدًا

حين اقتربت (ضحى)، وهي تسير مع أمها التي تأبطت ذراعها مستندة عليه، من المبنى، كان الوقت ما يزال مبكراً نوعاً، حتى أنه لم تكن هناك سيارات كثيرة في المكان، فقط سيارة الشيخ السوداء الكبيرة في مكانها المعتاد، بجوارها سيارة خالها الفضية الأصغر حجماً، ومعهما أيضاً سيارة شبابية أنيقة أصغر منهما، ذات لون أزرق لامع جريء.

بصمة مميزة يعرفها الجميع بها، وعندما يرونها في أي مكان يهيمون بالدخول إليه، ويعرفون أن الشيخ (مصطفى) بداخله، يعرفون أيضاً أن (ابتسام) قد سبقتهم، كالعادة، إليه..

لكن (ضحى)، رغم فضولها واهتمامها بأمر الليلة، الذي لم تفصح لها (دنيا) عنه بالكثير على غير العادة، إلا أنها وجدت عقلها ينسحب فجأة في اتجاه جانبي غريب، تساءلت عنه قليلاً من قبل حين كان أكثر غموضاً وإبهاماً بطريقة لم تعرف بها عما تتساءل أصلاً بالضبط، لكنها الآن وقد عرفت على الأقل جزءاً منه، تجد نفسها تتساءل عنه ثانية وبقوة، وكأن أعماقها تصرخ به علماً.

- طب وبابا عمل معاها إيه؟؟

لماذا كالعادة؟ لماذا (ابتسام) بالذات هي دائماً السبابة بحضور أي شيء سيظهر فيه عم الشيخ؟

لكن الاحتمالات التي تبنت في رأسها عما يمكن أن يكون السبب في كل هذا، كانت جميعها مخيفة للغاية.

الحسن. جلست (دنيا) بين النساء وعيناها معلقتان بـ (صالح) وسط مجلس الرجال، حيث جلس إلى يسار الشيخ (مصطفى)، الذي جلس أبوها على يمينه. العمامة فوق ساقى الشيخ وقد وضع يده اليمنى عليها وأسبل جفنيه في صمت، و(صالح) قد شبك أصابع كفيه وأطرق برأسه صامتاً هو الآخر، بلا أي تعبير على وجهه على الإطلاق.

يمهل

تزامن إنشاد القصيدة مع تصفيق منغم، مصحوب بكلمة (الله)، قوية كأنما تخرج من الأرواح لا الأفواه، تختلج بها الأصوات فيختلج بها قلبك رغماً عنك وهي تختلط بدقاته، ولا تدري إن كان جسدك يتمايل هكذا بإرادتك، أم يهتز طرباً بالذكر رغماً عنك.

مدة قصيرة مضت والحضرة مستمرة، وحين رأت (دنيا) الشيخ وهو يضع العمامة على رأس (صالح)، وجدت نفسها تزفر بحرارة كأنها تنفَس الصعداء، لكن شعور الأرتياح الذي اعترأها لم يكد يستقر بداخلها، حتى شعرت فجأة بشعور آخر غريب، جعل عينيها تدوران في كل اتجاه حولها، وعقلها يصرخ عليها بشدة أن شيء ما خطأ.

لكنك لا تعرف لما تشعر أن شيء ما خطأ..

313

لو هي عرضت نفسها عليه للزواج لأنها مخطئة اعتقدته في نفس قدر النبي، والعباذ بالله، فهل يكون هو قد وافقها في اعتقادها ذلك، وتزوجها بالفعل؟ ويكون هذا مبرر قربها الشديد الذي لا يصبده، منه؟ لكن أحداً لم يعلن أو يقل شيئاً عن أمر كهذا أبداً. إذن هو زواج في السر؟ وإن كان النبي نفسه حتى قد عدد زوجاته، وكان في مكانة لا تكون لسواه، تجعل النساء يعرضن أنفسهن عليه للزواج، فهل في حياته كلها تزوج من أي امرأة، سراً؟

وهل تجرؤ هي الآن على سؤال حتى نفسها فقط، عما يمكن أن يعنيه بحياد وفي العموم، أي قرب غريب لأي امرأة من رجل، يستطيع بسهولة منعها ومنعه؟ هل تستطيع التفكير في أي تفسير آخر، غير الزواج السري، دون أن تجد نفسها تصطدم باحتمالات، كلها أسوأ منه بكثير؟

والذي سُردت قليلاً بشيء من الحيرة قبل أن تجيب عنه قائلة:

- معرفش

((في مقام البتول طير يغي...وغناء الطيور يشجي الثمالي))

بؤرة اهتمامك الآن هي الحضرة التي بدأت للتو...

بدأت الحضرة برتم خفيف هادئ كالاعتاد، وبإنشاد واحد من أعضاء الطريقة الكبار والقدامى، الشيخ (ناجي) المعروف بنفسه الطويل وصوته

312

لماذا يشعر وكأنه رأى هذا المشهد من قبل؟ لم يره هو بالضبط
بعند أفيره ولكن .. كأنه رأى شبيهاً له في وقت ما سابق من حياته..

واضاءة الغرفة كانت شبيهة جدًا بهذه، وإن لم تكن بهذا الضعف..

لكنها ما تزال لا تعرف أين الخطأ، أو ما هو؟ ماذا يكون؟ شيء غريب
يحدث .. حولها؟ في عينيها أو أذنيها؟ أم عقلها؟؟

إضاءة الغرفة خفت أكثر منذ دخل، كأنها مضاءة بشموع أو شكت على
لفظ آخر لهب لها. كل شيء يبدو غريباً الآن، غريباً عما كان عليه منذ دخل..

كل شيء يبدو غريباً جدًا، كل ما تراه وتسمعه، بل وتشعر به وتفكر
فيه، غريب في مضمونه، وغريب عنها، كأنما تنتابها مشاعر وأفكار، تعلم
جيداً أنها لا تمتلكها، تتذكر أحداثاً عجيبة لم تكن طرفاً فيها، أو تسترجع
ذكريات لا تخصها، بقوة كأنها لا تسترجع أو تتذكر، بل تعيش الحدث ذاته
مرة أخرى، أو كأنه يعاد ثانية في عقلها فيما يشبه الحلم.

والمريدين في الحضرة، كأن هالة من النور أحاطت بهم لتخفي ملامحهم،
وتكسو ملابسهم جميعاً بلون أبيض.

الحضرة غارقة في الأنوار حرفياً، ومضات من الضوء تظهر في المكان،
كأجسام من النور بين المرديدن.

وما بين اللمحات التي تلتقطها وسط تزايد سطوع الضوء الذي كاد
يعميك، تشعر وكأنك لا ترى لهم وجوهاً أصلاً، وترى أجسادهم غريبة وكان
في تكوينها أو نسها خطأ ما..

إذ كانت السيقان أقصر قليلاً، والأذرع أطول بكثير، وجوههم بيضاء
ممسوحة وكأنها بلا ملامح، ويرتدون جميعاً ثياباً بيضاء..

ارتجف جسد (دنيا) وقلها يدق بعنف، واتسعت عيناها وأذنيها
تنصتتان.

هناك أيضاً أصوات ذكر عذبة بشكل غريب، إنشاد بصوت غير آدمي،
لكن كلماته غير واضحة، تدخل الأذن وكأنها فصيح، ما عدا لفظ الجلالة
الذي يتكرر بطريقة تجعل القلب يدق في الصدر بقوة غير ألم، تخرج
جميعاً من أجسام كأنها بؤر من الضوء، تراصت بنسق معين في أنحاء
المكان، لكن المولم حقاً هو أن تعالو التحديق في أجسام النور تلك، التي
تخرج الأصوات منها.

تتعلق عينك فجأة بنقطة تجد نفسك تدقق فيها رغماً عنك..

بسم الله الرحمن الرحيم، كان هناك شيء بالفعل يقف عند النخلة
المائلة..

رجل طويل عريض الكتفين، يرتدي ملابس داكنة، ويسير وحده في
الظلام. دائماً وحده، ودائماً في الظلام. خطواته واسعة ثابتة، وفيها شيء
غريب. وجهه لا يظهر بالكامل أبداً، وكأنه يحمل ظلاله معه أينما سار،
أحياناً في الطرقات كأنه هائم بلا هدف، لا يعرفون من أين يأتي، ولا لأين
يذهب، وأحياناً أخرى قرب المقابر، أو عند المقام، بعضهم رأى عينيه تلمع
من بعيد، وبعض آخر سمع صوت بكاء خفيض يأتي من ناحيته.

((قال لي شيخنا قطب الوقت قولاً لئذ بروض الحسين ترتاح بالآ))

لكن هذا الرجل ليس!..

((فدخلت المقام طوعاً لشيعي وارث المصطفى حقاً لا جدالاً))

هل الصوت يأتي من أسفل المقام نفسه؟ من القبر؟؟

و(عبد الله) يجر نفسه داخلياً بشدة كلما انتابه الخوف، فكيف يخاف
وهو في مقام مولانا؟ بل كيف يخاف من .. مولانا؟!

لكن ما لم تعرفه (دنيا)، هو أنها لم تكن الوحيدة التي شعرت بكل هذا،
لأن الأمر نفسه حدث مع كل الموجودين، من بينهم (عبد الله) الذي يعمل في
محل اليقالة، وزوجته (عائشة)، وابنة عمها (ضحى)، الكل تعلقت عينه
بشخص يجلس بينهم، ووجوههم تمتنع ببعد.

واحد من التاكيرين وسط العصرة، يرتدي سواداً يظهره بشدة وسط
بياضها، كهينة عامة لم تتبين ملامحها بعد..

((لاح لي نجمه فأرق جفني رؤية العين واضحاً لا خيالاً))

يزداد تدقيقك في الرجل فتشعر كأنك تعرفه لكنك نسيتته، كأن اسمه
ينزلق من على طرف لسانك كلما حاولت تذكره..

اتسعت عينا (عبد الله) وجف فمه وهو ينظر، ويتذكر.

الصوت يزداد علواً، والرجل الصامت ثابت في مكانه..

و(عائشة)، و(ضحى) كذلك.

حتى (عثمان)، والشيخ (مصطفى) نفسه.

وَإِذْ يَمْكُرُ بِكَ الَّذِينَ كَفَرُوا لِيُبْنِيَنَّوَك أَوْ يَفْتَلُوَنَّكَ أَوْ يُخْرِجُوَنَّكَ

لكن الأمر كان يختلف معهم، هما الاثنان بالذات.

وحين هبطت عينا (مصطفى) لأسفل عند موطن قدميه، وجد نفسه يرتدي حذاءه، ويتعجب كيف لم يخلعه في الخارج على الباب، ويدنس المقام هكذا..

وتساءل إن كان بصره يخدعه، أم أنه بالفعل يرى شخصاً يقف هناك في سكون كأنه تمثال..

((والزم الباب إن عشقت جمالاً..... واهجر النوم إن أردت وصالاً))

طرق باب المكتب ودخل. اقترب من المكتب الأرابيسك الصغير..

اتسعت عينا (مصطفى) بشدة وقلبه يخفق بطريقة عجيبة، لكنه غير قادر على الحركة لسبب ما، ربما لهول ما يحدث، وربما لو كان قادراً لانتفض من مكانه راضياً، أو حتى التفت إلى (عثمان) ليصرخ فيه قائلاً..

ألم أقل لك؟؟!

وَيَمْكُرُونَ

ارتجفت يده المسكبة بالصينية قليلاً ليصطك كوب الشاي الزجاجي القصير بالطبق الصيني الصغير أسفله وهو يتقدم نحو المكتب ببطء.

((زادني سادتي وقوفي لديكم انكساراً وذلة وانعزالاً))

تنحج ليسلك حلقة باحترام وهو ينحني ليضع الصينية على المكتب قائلاً:

- الشاي يا مولانا

((من له في الرجال شيخ كشيخي منحة الله قد حاز الكمال))

جهنم

إِنَّمَا أَمْرُهُ إِذَا أَرَادَ شَيْئًا أَنْ يَقُولَ لَهُ كُنْ فَيَكُونُ

وإن كانت الحيرة قد تملكت كل الموجودين في البداية، فقد بات واضحًا الآن لمن تكون كل تلك الرؤى، والأفكار، والذكريات، والأحلام.

القديم الأزلي

فجأة نهض الرجل الغريب من موضعه بين المرئيين، وقد تبدى شكله لأول مرة أمام أعينهم النذاهلة، وسيم قسيم، أبيض يرتدي السواد، له عينان واسعتان حادتان، يخرج من بين سواد شعره الناعم، طرفين صغيرين لقرنين مدبيين، بدا وكأن باقهما قد اختفى في كثافته. وبدأ يسير ببطء إلى وسط الحضرة، حيث يجلس الشيخ (مصطفى)، و(عثمان)، و(صالح).

- قصيدك خاصة .. إن أبوه ما ماتش يا (مصطفى)

هنا جف حلق (عثمان).

هنا رفع الشيخ (آدم) عينيه إليه وثبها في عينيه قليلاً وهو يتسم بهدوء..

((نظرة من رضاه تذهب حزني غضبية منه تزيل الجبال))

قبل أن يشير له ببساطة أن يجلس قائلًا:

- إقعد يا (مصطفى)

مَا أَنْتَ بِنَاوِيلٍ مَا لَمْ تَسْتَجَلْ عَلَيْهِ صَبْرًا

واتسعت عيناه بفرع.

عينا الرجل تحدقان فيك من على بعد لكنك تراهما بوضوح غريب كأنه يقف أمامك، وجهه يبدو هادئًا طبيعيًا وهو يسير متقدمًا نحوك ببطء، ليس في عينيه أي تخويف أو تهديد، ورغم ذلك، فهو آخر من ترغب في أن يقترب منك.

يخضع لي جميع من يراني

وكان الرجل نسخة شبه متطابقة، من الشيخ (ادم عبد الحي)، أو بمعنى أصح .. قرينه.

ولا يحمل

ارتفعت يد الشيخ (مصطفى) تقبص على صدره كأنه يتألم، والقرين يقترب.

322

يا صَاحِبِي السَّجْنِ أَرَبَابٌ مُتَّفَرِّقُونَ خَيْرٌ أَمِ اللّهُ الْوَاحِدُ الْقَهَّارُ

جاءته ضربة شرسة مفاجئة في كتفه الأيسر..

شعر فجأة بألم حاد في كتفه الأيسر، من الجهة التي يجلس فيها (صالح)، وكأنما يأتيه منه هو. أراد أن يلتفت إليه فلم يستطع، وإن استطاع بجانب عينه أن يلمح وجهه، الوحيد الذي بدا هادئًا جدًا وسط كل هذا، والذي بدأ كل شيء منذ لامست العمامة رأسه.

فمعد الأولياء لا يتحملة إلا ولي..

ضيق (مصطفى) عينيه لينظر مرة أخرى لنفس الموضوع فلم يجد أحدًا، وتساءل بخوف وحيرة إن كان يتخيل، لكنه انتبه فجأة أن (صالح) لم يعد عند باب المقام لأنه الآن بداخله، يقف قريبًا من المتصورة، عيناه لا ترمشان، ووجهه جامد ملتصق بزجاجها من الخارج، يتطلع إليه في صمت وثبات.

(مصطفى) الذي جلس أمام هيكل المدفن الخشبي على ركبتيه محني الرأس، وقد اختفى رأسه حتى العنق داخل القبر.

وحين وقف القرنين أمامهم، حدق (مصطفى) في عينيه اللتين لا
ترمشان، المشقوقتين بالطول كأعين القطط.

ظلت نظرات الشيخ (آدم) غريبة رغم هدونه وهو يشرب الشاي. سأل
عن الأمانة، فطمأنه عليها. ظلها منه فماطل وأعدًا بحرارة أن يردّها له في
أقرب وقت ممكن. حرارة زائفة طبعًا، يعرف كيف جيدًا كيف يتقن تمثيلها،
لأنه يعرف أنه بالطبع لن يرد شيئًا..

ارتجف جسده كله وتقلصت أعضاؤه حتى شعر بها تكاد تنعقد على
بعضها البعض. والقرنين يفتح فمه ليتكلم فيخرج منه صوت غريب، يشبه
صوت الشيخ (آدم) كثيرًا، لكنه يقع على الأذن كأنه فحيح:

- الأمانة

- عمامة (البدوي) تمنحك من القدرات ما لا يخطر على بالك، أكثر مما
تظن أنها تمنحك الآن، لكنها أمانة، أمانتك أنت..

صوت يأتي من مكان ما، كعويل مكتوم، هل هو من الرجل الذي
اختفت رأسه داخل القبر، أم ذلك المدفون فيه؟

324

- لك أن تفعل بها ما شئت، شرط أن تردها إلي لأحملها عنك مرة أخرى
قبل أن توافقك المنية، وإلا، ستقلب كل ذرة من مدد منحتها لك العمامة إلى
جمرة من لهب تقلب عليها في قبرك إلى يوم الدين

مرور الفكرة في رأسه فحسب جهته يكاد يقفيا على نفسه قرفًا منها..

فجأة يرفع كل من في الحضرة وجوههم نحوك فتشبهق بلا صوت، تشعر
أنك تخفتق، تسمر في مكانك وإنت تنظر لوجوههم المسوحة الخالية من
أي ملامح، بلا أي قدرة على الحركة أو التنفس.

كل المرئيين في حال لا توصف من الصدمة، يد (مصطفى) المرتجفة
ترتفع إلى عنقه وهو يجاهد لسحب أنفاسه، و(صالح) يهض بهدوء ليخلع
العمامة، ويضعها على رأس القرنين.

كان الشيخ (آدم) هادئًا في موته كما كان في حياته، وعلى كل حال، فلم
يكن في المكان سواهم، (مصطفى) و(عثمان)، والشيخ (آدم). (عثمان)
يقف بالباب حارسًا تحسبًا لأي شيء، و(مصطفى) يقدم للشيخ آخر كوب
شاي يشربه في حياته.

و(عثمان) لم يكن أفضل حالًا بكثير.

325

يَا صَاحِبِي السَّجْنِ أَمَا أَحَدُكُمَا قَبَسَقِي رَبِّي خَمْرًا وَأَمَا الْآخَرُ فَيُصْنَبُ فَتَأْكُلُ
الطَّيْرُ مِنْ رَأْسِهِ

لم يقل شيئاً وروحه تخرج من جسده، لم يصرخ أو يطلب نجدة حتى،
فقط خرجت منه شهقات ألم خفيضة وهو يتحسس صدره وكتفه الأيسر،
تبعثها الشهادة التي أسلم الروح فور نطقها، مريحاً رأسه على ظهر كرسيه،
مرخياً يديه على مسنديه، وعيناه مسبلتين بسكينته، تجعل من يراه يحسبه
في غفوة أو سنة قصيرة فحسب.

((من له في الرجال شيخ كشيخيسهمه في العزول ينفذ حالاً))

يجب عليه التصرف بسرعة كي لا يحدث أي خطأ، أن يتظاهر الآن
بالبكاء والولولة كي يخرج إلى (عثمان) منهاراً ويخبر الجميع معاً بجزع أن
مولانا قد أصيب بأزمة قلبية لم تمر في سلام كسابقاتها، الأمر الذي سيكون
صادقاً فيه بالفعل، فقط سيخفي وسط ولولته أنه لم يحاول حتى إسعافه
أو الإتيان بأقراصه العلاجية قبل فوات الأوان، وأنه هو من سبب له تلك
الأزمة بما وضعه في كوب الشاي الذي قدمه له.

- الشيخ (ادم) اتقتل

قَضِي الْأَمْرَ الَّذِي فِيهِ تَسْتَفْتِيَانِ

شحب وجه (عثمان) وهو لا يكاد يصدق أن سحره انقلب عليه، وأن من
أرادهم الليلة شهوداً على (صالح) كي لا يؤذيهما، كانوا شهوداً بالفعل، وإنما
على جريمة ارتكباها هو وصاحبه، منذ ثلاث عشر سنة.

وَيَمَكُرُ اللَّهُ

عرفوا كل شيء .. رأوا كل شيء .. وكل شيء أيضاً ضاع .. محبتهم ..
احترامهم .. العمامة .. الطريقة .. (عدن).

وَأَجِبْتُ بِقَمَرِهِ فَأَصْبَحَ يُقَلِّبُ كَفَّيْهِ عَلَى مَا أَنْفَقَ فِيهَا وَهِيَ خَاوِيَةٌ عَلَى عُرُوشِهَا

ازداد الألم في كتف (مصطفى)، والدموع تسيل من عينيه دون أن
يشعر.

وجد أنه يبكي فعلاً بلا صوت ولا حاجة لأي تمثيل، رأسه يشتعل ناراً
ورؤيته تتكسر بفعل الدموع..

جاهد حرفياً ليتنفس، وعيناه تتسعان.

كان ذلك حين شعر بالضغط على عنقه، كأن أحدهم يخنقه..

أراد أن يصرخ، أن يهرب، أن يهض أو يتحرك أو يتكلم حتى، لكنه عاجز عن كل شيء.

دارت عيناه حوله بذعر يبحث عما يخنقه، فتح قمه ليشهق بلا صوت وهو يرى عشرات العيون الكبيرة جداً، وبشكل غير طبيعي، تحيط به من كل جانب. عيون كل من في الصور وقد بدوا وكأنهم مدوا منها وجوههم فقط ليحيطوا به وقد انضغطت تلك الوجوه عن آخرها حتى انتفضت أعينها وتضخمت بشكل غريب غير آدمي. أما أيادهم، فقد التفت جميعاً فوق بعضها البعض حول عنقه فيما يشبه رباطاً متلاحماً لا يخترق، فكلماً فك زوج من الأيدي، لبق عليه واحد آخر.

أعين مريديه مثبتة عليه بشكل مخيف، وجوههم جميعاً واجمة، وكلهم صامتون..

والألم في كتفه لم يعد يطلق...

وَاللَّهُ خَيْرُ الْمَاكِرِينَ

قـاين

هَذَا فِرَاقُ بَنِي وَبَنِيكَ

- إستی..!!

كذا صرخت (دنيا) وسط ليل (عدن) الصامت الكئيب، الذي لم تشعر أن هواء أثقل من هوائه يدخل رنتها الآن. ربما كانت صادقة فعلاً حين أخبرت (صالح) أنه لن يبقى لديها ما تعيش لأجله من بعده، وربما كانت تعرف أنها ستجد وقتاً كافياً جداً فيما بعد، كي تمزق خديها لطمأ على كل ما اكتشفته وفهمته منذ قليل، ولذلك ربما أرادت أن تفهم أكثر، أو أن تضع القطعة الأخيرة من اللغز في مكانها، ربما لذلك أيضاً كانت الوحيدة التي لاحظت اختفاء المفاتيح وسط كل شيء، لتفزع من مكانها وتخرج من القاعة والمبنى كله، فتراه يسير مبتعداً وحده، وبياضه يظهره بشدة، كأنه يضيئ وسط سواد الليل، كأنه ملاك أو شبح.

هي تذكر اللون الأبيض، لم يكن منبعثاً من وجهه فقط، بل كانت هناك هالة بياض مشوش في مكان ما..

توقف عند سماعه لندائهم مولياً ظهره لها، على بعد خطوات منها، رغبت في الركض نحوه والتشبث به كي لا يرحل، وفي نفس الوقت ثبت شيء ما قدمها بالأرض كأنه يمنعها، كأنه رهبة أو خوف، أو شيء آخر لا تعرفه،

لكنه أكبر منها بكثير. نزلت الدموع من عينها حارة حارقة، ولكن على وجه متصلب جامد تمامًا، كأنها لا تشعر حتى بدموعها تلك.

- إنت مين؟!

قالتها بصوت مرتجف أجش، فدار بجسده نحوها، ونظر في عينيها..

تجرات فجأة واختصرت جل ما يجول بقلبي وعقابي في كلمة واحدة قلتها

له:

- لَأَقْتُلَنَّكَ

رأيته يوقف حركته دون أن يستدير ليواجهني. وحين نطق أخيرًا وأجاب:

- إِنَّمَا يَتَّقِبُنُ اللَّهُ مِنَ الْمُتَّقِينَ

وجدت نفسي أركض نحوه كالبرق، أرفع ذلك الحجر الكبير.. وأهوي به على رأسه.

لَيْنَ يَسْطَطَ إِلَيْكَ يَدَكَ لِتَقْتُلَنِي مَا أَنَا بِبَاسِطٍ يَدَيَّ إِلَيْكَ لِأَقْتُلَنَّكَ إِنِّي أَخَافُ اللَّهَ رَبَّ الْعَالَمِينَ

ربما لو أنه قاتلني.. قاومني!

إِنِّي أُرِيدُ أَنْ تَبُوءَ بِإِغْيَابِي وَإِثْمِكَ فَتَكُونَ مِنْ أَصْحَابِ النَّارِ وَذَلِكَ جَزَاءُ الظَّالِمِينَ

وجاءت سكرة الموت أخيرًا ليسكن صدره، ولأستفيق أنا، وأستوعب ما حدث.

فَطَوَّعَتْ لَهُ نَفْسَهُ قَتْلَ أَخِيهِ فَكَتَلَهُ فَأَصْبَحَ مِنَ الْخَاسِرِينَ

- نسمي الأمانة بالسوء غلبتني مرة زمان..

لا تقتل نفس ظلمًا إلا كان على ابن آدم الأول كفل من دمها لأنه كان أول من سن القتل.

ما زال عقابي مستمرًا.

- مال رجلك يا (صالح)؟

الشمس ما تزال على وجهي تحرقني، وساتي المعلقة إلى فضدي تؤلمني بشدة..

- طلب وهي الشمس تعمل فيك كل ده؟

وقد ذكر مجاهد: أن (قابيل) عوجل بالعقوبة يوم قتل أخاه، فعلقت ساقه إلى فخذه، وجعل وجهه إلى الشمس كيضما دارت، تنكيلاً به وتعجيباً لذنبه، وبغية، وحسده لأخيه لأبويه.

- أهلي كلهم ماتوا من زمان

لم يتغير المشهد عما كان منذ وقت طويل مضى. كذا فكر وهو يدخل المغارة، لا يبدد ظلامها إلا قليل من أشعة الشمس الغاربة، ولا يكسر سكوتها إلا صوت تقطر المياه الرتيب، مر على الجدران بيديه متذكراً، فشعر أنها تتذكره كذلك، وأن تحسسه لها يوماً أكثر مما يؤلمه. أثار الدماء ما تزال عليها وعلى كل شيء حوله، وكل ما حوله بدا له وكأنه يصرخ متألماً غاضباً في صمت.

في الليالي المقمرة حين يتبدى الطريق وبعض تضاريس الجبل، تظهر المغارة كأنها كوة يشع منها نور شديد الإبهار، كأنما تضيئها ألف شمعة. ظن من ظن أن الأمر من فعل الجان، أو له علاقة بهم..

(... مغارة تعرف بمغارة الدم، لأن فوقها في الجبل دم هابيل قتيل أخيه قابيل ابني آدم، صلى الله عليه وسلم، يتصل من نحو نصف الجبل إلى المغارة، وقد أبقى الله منه في الجبال آثاراً حمراً في الحجارة ..) - ابن جبير الأندلسي.

ولم يعرفوا أنه منذ صعوده للمغارة ذلك اليوم، وهو يأتيها كل يوم، كي يناجي الله، حتى اتخذها محرماً.

مضى نحو الماء المتقطر من السقف كعين تبكي، اغتسل من مانها البارد العذب فشعر أن له طعم الدموع في جوفه. أنهى اغتساله ثم هبط بهدوء على ركبتيه على الأرض، ورفع يديه يناجي الله.

هل اختار (الخضر) لمحاربه موضعاً يستجاب فيه الدعاء، أم أن الدعاء صار مستجاباً في الموضع الذي اختاره محرماً؟

(وأما مغارة الدم التي في أعلى الجبل فتشمل على مكان لطيف شريف، عليه الهيبة والوقار، والدعاء عنده مستجاب ..) - ابن طولون

منذ ذلك اليوم وهو لا يقطع عادته، يحضر كل يوم قبيل غروب الشمس فلا يقادر إلا مع شروق أول شعاع لها، لا يأخذ معه زاد ولا ماء، ولا

صدر للكاتبة

- أكلك منين (مجموعة قصصية) 2009
- صوت من القبر (مجموعة قصصية) 2010

حتى مشعلًا أو شمعة أو أي مصدر للضوء، لتتساءل أنت عمن يضيء المكان
له كل ليلة. لا يريد من الدنيا شيئًا سوى أن يغفر الله ذنبه قبل أن يقبض
روحه. ومهما أغدقت عليه الدنيا وأعطته من نعيمها علمًا وجاهًا، فلن
يكون فيها سوى عبدٍ صالح، ونسائها.

- أنا عبد الحي الذي لا يموت، الصالح الأخضر، قابيل بن آدم عليه
السلام

ذَلِكَ تَأْوِيلُ مَا لَمْ تَسْطِعْ عَلَيْهِ صَبْرًا

رَأَيْتُ مَوْضِعِي بِجَهَنَّمَ

حكى من حكى عن رجلٍ يرتدي ملابس داكنة، يسير وحده في الظلام، خطواته ثابتة، وجهه لا يظهر بالكامل، كأنه يحمل ظلاله معه أينما سار، لا يعرفون من أين يأتي ولا لأين يذهب، أحياناً تراه قرب المقابر، أو عند المقام، يقول البعض أن عينيه تلمع من بعيد، ويدعي آخرون سماعهم لصوت بكاءٍ يأتي من ناحيته

